

花草粹編印本極稀金韻仙孝廉繩武假瞿穎山臧本
以聚珍版刷百部贈余一帙未幾韻仙化去余書亦叔
中化去亂既定竟韻仙印本竟不可得今秋得張月霄
藏明刊本追憶前塵漫書卷端
許花詞草幾生修韻仙有許花仙館詞死後書無活字畱十載尋
求遇真面西風忍覩海棠秋海棠秋韻仙居也
光緒丙子秋八月青門詞隱丁采生

花草粹編叙

夫填詞者古樂府流也自昔選
次者衆矣唐則有花間集宋則
草堂詩餘詩盛於唐而寡於晚
葉至夫詞補獨妙絕無倫然此
之草堂盛行而花間不顯故知

宣情易感含思難諧者矣余自
牽拙多眚嘗欲銓稔二集以備
一代典章顧以紀緝天中因循
有未果者嗣以飄泊東南納交
素友淮陰吳生承恩姑蘓吳生
岫皆耽樂執文藏書甚富余每

得之假閱輒隨筆位序之久之
遂成六卷移疾歸未游息竹素
綜綴正業之餘因復益以諸人
之本集各家之選本記錄之所
附載翰墨之所遺留上溯開天
下訖宋末曲調不載於舊刻者

元詞間亦與焉其義例以世次
為后先以短長為小大為卷一
十有二計詞彙千二百八十餘
首麗則兼收不無有乖於大雅
文房取玩畧闕前輩之典刑邑
侯太初謂天中百卷未便刻成

此帙無多宜先付梓余重違其
意漢獵剪耘殆逾二紀敝帚亦
不忍遂棄者所愧顧曲遠謝於
周郎酸鹹或爽於眾口貽之詞
垣庶期寄於取村云是刻也繇
花間草堂而起故以花草命編

告

萬曆癸未冬日之吉

花草粹編叙

常見古之執一執效一術者其初始之人殫其聰明
智慮而執術所就精美莫踰遂稱作者之聖次有相
觀起者亦殫其聰明智慮淫巧變態日新日盛若鬼
工神手不可摹擬于是稱述者之明而其道大行于
世及久而傳習者衆則人徂于恒所見聞若以為易
辨了不復顛顛措意率以爛惡相尚而其法侵衰又
久則法遂蔑不可追矣此不獨為藝術者有然而至
為文為字為詞賦為詩與曲靡不爾爾茲豈非風會
之流而忘于復古者之一大概耶蓋自詩變而為詩

餘又曰雅調又曰填詞又變而為金元之北曲矣當其初變詞也彼唐末宋初諸公竭其聰明智巧抵于精美所謂曹劉降格為之未必能勝者亦誠然矣北曲起而詩餘漸不逮前其在于今則益泯泯也蓋士大夫既不素嫻絃索又不概諳腔譜謾焉隨人后而造次塗抹淺易生硬讀之不可解筆之冗于簡冊不知迴視古法猶有毫末存焉否也無怪乎其詞湮而書之存者稀也朗陵陳晦伯博雅操詞好古興嘆乃取平生搜羅合于花間草堂二集為十二卷曰花草粹編使夫好古之士得其書而學焉則庶乎窺昔人

補鈔評花仙館校本

之相域拾遺佚于千百而為雅道之一助也萬曆丁亥三月廿一日順陽李裳撰

樂府指迷

沈義父伯時

余自幼好吟詩壬寅秋始識靜翁於澤濱癸卯識夢
窓暇日相與倡酌率多填詞因講論作詞之法然後
知詞之作難於詩蓋音律欲其協不協則成長短之
詩下字欲其雅不雅則近乎纏令之體用字不可太
露露則直突而無深長之味發意不可太高高則狂
怪而失柔婉之意思此則知所以為難子姪輩往往
求其法於余姑以得之所聳條列下方觀於此則思
過半矣

補鈔評花仙館校本

凡作詞當以清真為主蓋清真最為知音且無一點市井氣下字運意皆有法度往往自唐宋諸賢詩句中來而不用經史中生硬字面此所以為冠絕也學者看詞當以周詞集解為冠

康伯可柳耆卿音律甚協句法亦多有好處然未免有鄙俗語

姜白石清勁知音亦未免有生硬處

夢窓深得清真之妙其失在用事下語太晦處人不可曉

施梅川音律有源流故其聲無舛誤讀唐詩多故語

雅澹間有些俗氣蓋亦漸染教坊之習故也亦有起句不緊切處

孫花翁有好詞亦善運意但雅正中忽有一兩句市井句可惜

大抵起句便見所詠之意不可汎入閑事方入主意詠物尤不可汎

過處多是自叙若才高者方能發起別意然不可太野走了元意

結句須要放開合有餘不盡之意以景結情最好如清真之斷腸院落一簾風絮又掩重閨徧城鐘鼓之

類是也或以情結尾亦好往往輕而露如清真之天
便教人霎時厮見何妨又云夢魂凝想死侶之類便
無意思亦是詞家病却不可學也

如詠物須時時提調覺不分曉須用一兩件事印證
方可如清真詠梨花水龍吟第三第四句須用樊川
靈閣事又深閉門及一枝帶雨事覺後段太寬又用
玉容事方表得梨花若全篇只說花之白則是凡白
花皆可用如何見得是梨花

要求字面當看溫飛卿李長吉李商隱及唐人諸家
詩句中字面好而不俗探摛用之如花間集小

依字下落者于居金
武評花仙館校本補
居金本探作探

詞亦多好句

鍊句下語最是緊要如說桃不可直說破桃須用紅
雨劉郎等字如詠柳不可直說破柳須用章臺灞岸
等事又用事如曰銀鈎空滿便是書字了不必便說
書字玉筋雙垂便是淚了不必更說淚如綠雲繚繞
隱然髻髮困便湘竹分明是簟正不必分曉如教初
學小兒說破這是甚物事方見妙處往往淺學俗流
多不曉此妙用指為不分曉乃欲直拔說破却是賺
人與要曲矣如說情不可太露

遇兩句可作對便須對短句須剪裁齊整遇長句須

居金本便作更

居金本技作技



放婉曲不可生硬
押韻不必盡有出處但不可杜撰若只用出處押韻
却恐窒塞

腔律豈必人人皆能按簫填譜但看句中用去聲字
最為緊要然後更將古知音人曲一腔三兩隻參訂
如都用去聲亦必用去聲其次如平聲却用得入聲
字替上聲字最不可用去聲字替不可以上去入盡
道是側聲使用得更湏調停參訂用之古曲亦有拗
者蓋被句法中字面所拘牽今歌者亦以為礙如尾
犯之用金玉珠玕傳金字當用去聲字如絳園春之

居金本該作疑

居金本去聲字下無之類
二字

用遊人月下歸來遊人合用去聲字之類是也

前輩好詞甚多往往不協律腔所以無人唱如秦樓
楚館所歌之詞多是教坊樂工及鬪井做賺人所作
只緣音律不差故多唱之求其下語用字全不可讀
甚至詠月却說雨詠春却說涼如花心動一詞人目
之為一年景又一詞之中顛倒重複如曲遊春云賒
薄難藏淚過云哭得渾無氣力結又云滿袖啼紅如
此甚多乃大病也

居金本賒作賒

作詞與詩不同縱是用花卉之類亦湏畧用情意或
要入閨房之意然多流淫艷之語當自斟酌如只直

詠花卉而不著些艷語又不似詞家體例所以為難
又有直為情賦曲者尤宜宛轉回互可也如恁字恁
字柰字這字你字之類雖是詞家語亦不可多用亦
宜斟酌不得已而用之

腔子多有句上合用虛字如嗟字柰字况字更字又
字料字想字正字甚字用之不妨如一詞中兩三次
用之便不好謂之空頭字不若徑用一靜字頂上道
下來句法又健然不可多用

近時詞人多不詳看古曲下句命意處但隨俗念過
便了如柳詞木蘭花云拆桐花爛熳此正是第一句

不用空頭字在上故用拆字言開了桐花爛熳也有
人不曉此意乃云此花名為拆桐於詞中云開到拆
桐花開了又拆此何意也

近世作詞者不曉音律乃故為豪放不羈之語遂借
東坡稼軒諸賢自諉諸賢之詞固豪放矣不放處未
嘗不叶律也如東坡之哨遍揚花水龍吟稼軒之摸
魚兒之類則知諸賢非不能也

壽曲最難作切宜戒壽酒壽香老人星千春百歲之
類須打破舊曲規模只形容當人事業才能隱然有
祝頌之意方好

詞中用事使人姓名須委曲得不用出最好清真詞多要雨人名對使亦不可學他如宴清都云庾信愁多江淹恨極西平樂云東陵晦迹彭澤歸來大酺云蘭成憔悴衛玠清羸過秦樓云才減江淹情傷荀倩之類是也

古曲譜多有異同至一腔有兩三字多少者或句法長短不等者蓋被教師改換亦有嘌唱一家多添了字吾輩只當以古雅為主如有嘌唱之腔不必作且必以清真及諸家目前好腔為先可也

詞中多有句中韻人多不曉不惟讀之可聽而歌時最要叶韻應拍不可以為閒字而不押如木蘭花云傾城盡尋勝去城字是韻又如滿庭芳過處年年如社燕年字是韻不可不察也其他皆可類曉又如西江月起頭押平聲韻第二第四就平聲切去押側聲韻如平聲押東字側聲須押童字凍字韻方可有人隨意押入他韻尤可笑

詞腔謂之均均即韻也

作大詞先須立間架將事與意分定了第一要起得好中間只鋪叙過處要清新最緊是末句須是有一好出場方妙作小詞只要些新意不可太高遠却易

得古人句同亦要鍊句

初賦詞且先將熟腔易唱者填了却逐一點勘替去
生硬及平側不順之字久久自熟便覺拗者少全在
推敲吟嚼之功也

詠物詞最忌說出題字如清真梨花及柳何曾說出
一箇梨柳字梅川不免犯此戒如月上海棠詠月出
兩箇月字便覺淺露他如周草窗諸人多有此病宜
戒之

樂府指迷終

花草粹編一卷目錄

小令

蒼梧謠 三

醉公子

明月斜

南歌子 五

北却月

晴偏好

十愛詞

漁父 八

十六字令

一片子

南歌子 二

荷葉盃 七

三臺令 一名翠華引 二

摘得新 二 雙燕兒 三

春曉曲 一名西樓 二 搗練子 即桂殿

夢江南 一名望江南 四 謝秋娘 四

開中好 三

望夫歌 即羅噴 曲六

醉粧詞

甘露歌 三

開元樂 四

雙燕兒 三

搗練子 即桂殿

國家圖書館 NATIONAL CENTRAL LIBRARY, TAIWAN, R.O.C

採蓮子

章臺柳

楊柳枝 三十

添聲楊柳枝 三
竹枝 二

八拍蠻 二

小秦王

字字雙

南鄉子 六

甘州曲

塞上秋 三

喜春來

江南春

法駕導引 三

九張機 二

憶王孫

一名憶君王怨王孫
豆葉黃獨脚令十三孫

蕃女怨 二

後庭花破子

如夢令 一名宴桃源
記憶仙姿二十

梧葉兒

調笑 一名轉應詞
三臺令七

遐方怨 二

訴衷情 四

西溪子 三

甘州子 三

天仙子 七

風流子 三

歸國謠 三

江城子 四

定西蕃 四

望江怨

思帝鄉 三

長相思 二十

誤桃源

河滿子 三

風光好 二

相見歡 上西樓
憶真妃

秋夜月烏夜啼
西樓子十一

望梅花 二

醉太平

四字令

調笑 二十

搗練子 二

薄命女 長命
女二

楊柳枝 四

感恩多 二

醉公子 四

生查子 三十

太平時 賀聖朝
影四

蝴蝶兒

昭君怨 洛妃
怨十

拋毬樂 莫思
歸七

點絳脣 五十

醉花間 二

玉蝴蝶 二

女冠子 八

上行杯 二

國家圖書館, NATIONAL CENTRAL LIBRARY, TAIWAN, R.O.C.

CENTRAL

中央圖書館

花草粹編一卷目錄終

國家圖書館, NATIONAL CENTRAL LIBRARY, TAIWAN, R.O.C



花草粹編一卷目錄終

花草粹編卷之一

小令

蒼梧謠

錢劉恭父

歸十萬人家兒樣啼公歸去何日是來時

又

歸獵獵薰風颭繡旗攔教住重舉送行盃

又

歸數得宣麻拜相時秋前後公袞更萊衣

花草粹編

卷一

一

朗陵外方陳耀文晦伯甫篋

張安國 孝祥

國家圖書館 NATIONAL CENTRAL LIBRARY, TAIWAN, R.O.C.

十六字令

窓月

眼月影穿窓白玉錢無人弄移過枕函邊

周晴川王晨餘天錦機

閑中好

鄭夢復符

閑中好盡日松為侶此趣人不知輕風度僧扉

二

段成式

閑中好塵務不索心坐對前窓木看移三面陰

三

張善繼布復

閑中好出磬度鐘遲卷上論題聲畫中僧姓支

居金本鐘作聲

居金本前作當

醉公子

樂府詩集無名氏

昨日春園飲今朝倒接羅誰人扶上馬不省下樓時

一片子

無名氏

柳色青山映梨花雪鳥藏綠窓桃李下閑坐歎春芳

望夫歌即羅貢曲

劉採春雲溪友議

不喜秦淮水生憎江上船載兒夫壻去經歲又經年

二

借問東園柳枯來得幾年自無枝葉分莫怨太陽偏

三

莫作商人婦金釵當卜錢朝朝江口望錯認幾人船

那年離別日只道往桐廬桐廬人不見今得廣州書

四

昨日勝今日今年老去年黃河清有日白髮黑無緣

五

昨夜北風寒牽船浦裏安潮來打纜斷搖櫓始知難

六

明月斜景德寺僧房

呂洞賓詩話

明月斜秋風冷今夜故人來不來教人立盡梧桐影

南歌子

裴識雲溪友議

不是厨中串爭灸裏心井邊銀釧落展轉恨還深

單字下落知字居金本補

二

不信長相憶擡頭問取天風吹荷葉動無夜不搖蓮

三

蠶蠟為紅燭情知不自由細絲斜結網爭柰眼相鈎

醉粧詞

蜀王衍

者邊走那邊走只是尋花柳那邊走者邊走莫厭金

杯酒

北夢瑣言云蜀後主裹小巾其尖如錐宮妓多

南歌子

温廷筠

鬢墮低梳髻連娟細掃眉終日兩相思為君憔悴盡

百花時

花草碎編 卷一

國家圖書館, NATIONAL CENTRAL LIBRARY, TAIWAN, R.O.C.

居金本時作盼

轉眄如波眼娉婷似柳腰花裏暗相招憶君腸欲斷
恨春宵

三

居金本依作休

懶拂鴛鴦枕依縫翡翠裙羅帳罷鑪燠近來心更切
為思君

張泌

柳色遮樓暗桐花落砌香畫堂開處遠風涼高捲水
精簾額襯斜陽

二

岸柳拖煙綠庭花照日紅數聲蜀魄入簾櫳驚斷碧
窓殘夢盡屏空

荷葉盃

溫飛卿 庭筠

鏡水夜來秋月如雪採蓮時小娘紅粉對寒浪惆悵
正思惟

二

楚女欲歸南浦朝雨濕愁紅小船搖漾入花裏波起
隔西風

顧曼



春盡小庭花落寂寞凭檻斂雙眉忍教成病憶佳期
知摩知知摩知

二

記得那時相見膽顫鬢亂四肢柔泥人無語不擡頭
羞摩羞羞摩羞

三

夜久歌聲怨咽殘月菊冷露微微看看濕透綉金衣
歸摩歸歸摩歸

四

金帛香濃鴛被枕膩小髻簇花鈿腰如細柳臉如蓮

憐摩憐憐摩憐

五

一去又乖期信春盡滿院長莓苔手拈裙帶獨徘徊
來摩來來摩來

甘露歌 古祝英臺

集句

王介甫 安石

折得一枝香在手人間應未有疑是經春雪未消今
日是何朝

二

盡日含毫難比興都無色可並萬里晴天何處來真

是屑瓊瑰

三

天寒日暮山谷裏的礫愁城水地上漸多枝上稀唯
有故人知

北印月

妙香洞微志

勸君酒莫辭花落拋舊枝只有北印山下月清光到
死也相隨鄭維超遇田參軍贈妓曰妙香數年告別

三臺令一名翠華引

王建

池北池南草綠殿前殿後花紅天子千秋萬歲未央

明月清風

二

魚藻池邊射鴨芙蓉苑裏看花日色赭黃相似不着
紅鸞扇遮

開元樂

沈存中侯鯖錄

鵝鵲樓頭日暖蓬萊殿裏花香草綠烟迷步輦天高
日近龍床

二

按舞驪山影裡回鸞渭水光中玉笛一天明月翠華
滿陌東風

居金本舞作龍

居金本黃作祀

花草碎編

卷一

六

樓上正臨宮外人間不見仙家寒食輕烟薄霧滿城
明月梨花

四

殿後春旗簇伏樓前御隊穿花一片紅雲鬧處外人
遙認官家

括元豐中為翰林學士
有詞四首裕陵賞愛之

晴偏好

李霜涯

平湖千頃生芳草芙蓉不照紅顛倒東坡道波光潏
艷晴偏好

西湖雖有山泉而大旱未嘗
茂草生焉祈雨無應李作此
運者廉捕之不得

摘得新

皇甫松

酌一危須教玉笛吹錦筵紅蠟燭莫來遲繁紅一夜
經風雨是空枝

二

摘得新枝枝葉葉春管絃兼美酒最關人平生那得
幾十度展香茵

雙鴈兒

楊无咎

窮陰急景暗推遷減綠鬢換朱顏利名牽役幾時閒
又還驚一歲圓

勸君今夕不須眠且滿滿泛觥船大家沈醉對芳筵
願新年勝舊年

二

休驚明日歲華新且喜得又逢春北堂歌舞奉慈親
願遐齡等大椿

三

我愛沂陽好民淳訟自稀誰言珥筆混萊夷行見離

離秋草鞠園扉

齊乘云齊州俗有登萊沂密臘後插筆之語
金末子聃知沂州民淳訟簡故作此詞云
補鈔評花仙館校本

鄭子聃

春晚曲

西樓落月鷄聲急夜浸疎香浙澁玉人酒渴嚼春冰

朱希真

曉色入簾橫寶瑟

西樓月 即春晚曲

張仲宗

瑤軒倚檻春風度柳垂煙花帶露半閑鴛被怯餘寒
燕子時來窺繡戶

搗練子

聞砧

李後主

深院靜小庭空斷續寒砧斷續風無奈夜長人不寐
數聲和月到簾櫳

蘭 曉曲

居金本夜浸疎香浙澁
作依約疎桐浙澁

CENTRAL

圖書

NATIONAL CENTRAL LIBRARY, TAIWAN, R.O.C.

春恨
雲鬢亂晚粧殘帶恨眉兒遠岫攢斜托香腮春筍懶
為誰和淚倚欄杆

秦少游

居全本銀作紅

耿耿淚雙雙皎月清風冷透窓人去秋來宮漏永
夜深無語對銀缸

桂殿秋

向伯恭

居全本連作蓮

秋色裡月明中紅旌翠節下蓮宮蟠桃已結瑤池露
桂子初開玉殿風

漁父

張志和

居全本蠅作鯪

西塞山前白鷺飛桃花流水鱖魚肥青箬笠綠蓑衣
斜風細雨不須歸

二

釣臺漁父褐為裘兩兩三三舴艋舟能縱櫂慣乘流
長江白浪不曾憂

三

雪溪灣裏釣漁翁舴艋為家西復東江上雪浦邊風
笑着荷衣不歎窮

四

松江蟹合主人歡菰飯蓴羹亦共食楓葉落荻花乾

居全本浪作簷

醉宿漁舟不覺寒

五

青草湖中月正圓
巴陵漁父權歌連釣車子
搖頭船

樂在風波不用僊

居金本擬作概

新唐書云志和字子同始名龜齡十六擢明經肅
宗特見賞重因賜名後坐事貶南浦尉不復仕居
江湖自稱烟波釣徒著玄真子亦以自號每垂釣
不設餌志不在魚也嘗撰漁歌憲宗圖真求其歌
不能
致
西吳記云湖州磁湖鎮道士磯即張志和所謂西
塞山前也志和與陸鴻漸
徐士衡李成矩共唱和
二十首逸相唱和
李德裕玄真子漁歌頌不能致余世與
宗皇帝寫真訪求玄真子漁歌頌不能致余世與

玄真子有舊早聞其名又感明主賞異愛才見思
如此每夢想遺跡今乃獲之如遇良實於乎漁父
賢而名隱鷓夷智而功高未若玄真隱而名彰顯
而無事其嚴光之比與處二子之間誠有裕矣

張松齡

居金本風波作人間

樂在風波釣是閒
草堂松桂已堪攀
太湖水洞庭山
狂風浪起且須還

居金本逸作起

李珣

避世垂綸不記年
官高爭得似君閑
傾白酒對青山
笑指柴門帶月還

居金本帶作封

和凝

白芷汀寒立鷺鷥
蘋風輕剪浪花時
烟幕幕日遲遲

香引芙蓉惹釣絲

又

李後主 金索

題供奉衛賢春江釣叟圖 二首

閨苑有情千里雪
桃李無言一隊春
一壺酒一竿身
快活如儂有幾人

二

一棹春風一葉舟
一綸繭縷一輕鈎
花滿渚酒滿甌
萬頃波中得自由 見五代畫品補遺

高宗 唐溪

水涵微雨湛虛明
小笠輕蓑未要晴
明鑑裡縠紋生

白鷺飛來空外聲

管仲姬 道并

人生貴極是王侯
浮利浮名不自由
爭得似一扁舟
弄月吟風歸去休

夢江南 即望江南一名憶江南
南夢遊仙謝秋娘

白樂天 居易

江南好風景
舊曾諳
日出江花紅勝火
春來江水綠如藍
能不憶江南

劉禹錫

春去也多謝洛城人
弱柳從風疑舉袂
叢蘭裛露似霑巾
獨笑亦含嚬

梳洗罷獨倚望江樓過盡千帆皆不是斜暉脉脉水悠悠腸斷白蘋洲

溫飛卿 唐詩

千萬恨恨極在天涯山月不知心裏事水風空落眼前花搖曳碧雲斜

採蓮子

皇甫松

菡萏香連十頃陂舉小姑貪戲採蓮遲少年晚來弄水船頭濕舉更脫紅裙裹鴨兒少年

二

船動湖光灩灩秋舉貪看年少信船流少年無端隔水拋蓮子舉遙被人知半日羞少年

章臺柳寄柳氏

韓翃

章臺柳章臺柳往日依依今在否縱使長條似舊垂亦應攀折他人手

荅韓負外

柳氏 唐詩

楊柳枝芳菲節可恨年年贈離別一葉隨風忽報秋縱使君來豈堪折

楊柳枝

白居易

一樹春風萬萬枝嫩於金色軟於絲永豐西角荒園

裏盡日無人屬阿誰

唐無名氏

萬里長江一帶開岸邊楊柳幾千栽錦帆未落西風起惆悵龍舟去不迴

崔道融

霧撼煙搓一索春年年長似染來新應須喚作風流線繫得東西南北人

顧雲續本
事詩

灞岸晴來送別頻相偎相倚不勝春自家飛絮猶無定爭把長條絆得人

錦池江上柳垂橋風引蟬聲送寂寥不必如絲千萬縷只禁離恨兩三條

李涉鑿戒
錄

三條陌上拂金羈萬里橋邊映酒旗此日令人腸欲斷不堪將入笛中吹

滕邁

温廷筠

宜春苑外最長條閑裏春風伴舞腰正是玉人腸絕處一渠春水赤欄橋

二

居金本牆東作東牆

南內牆東御路傍
須知春色柳絲黃
杏花未肯無情
思何事行人最斷腸

三

館娃宮外鄴城西
遠映征帆近拂堤
繫得玉孫歸意
切不同芳草綠萋萋

牛嶠

解凍風來末上青
解垂羅袖拜卿卿
無端裏娜臨官
路舞送行人過一生

二

吳王宮裏色偏深
一簇纖條萬縷金
不憤錢塘蘇小

居金本憤作分

小引即松下結同心

三

裏翠籠烟拂暖波
舞裙新染麴塵羅
章華臺畔隋堤
上傍得春風爾許多

歐陽炯

軟碧搖煙似送人
映花時把翠蛾嚙
青青自是風流
主慢颺金絲待洛神

添聲楊柳枝

裴識

思量大是惡因緣
只得相看不得憐
願作琵琶槽那
畔美人長抱在胸前

NATIONAL CENTRAL LIBRARY, TAIWAN, R.O.

温岐 庭筠

一尺深紅蒙麴塵舊物天生如此新合歡桃核終堪恨裏許元來別有人

又

井底點燈深燭伊共郎長行莫圖碁玲瓏骰子安紅豆入骨相思知不知

竹枝

孫光憲

亂繩千結絆人深女兒越羅萬丈表長尋女兒楊柳在身垂竹枝意緒藕花落盡見蓮心女兒

張妙淨

居金本結作尺

憶把明珠買妾時妾起梳頭郎畫眉郎今何處妾獨在怕見花間蝴蝶飛張字惠遠曹妙清字比玉俱曉音律與楊廉夫為文字友

八拍蠻

閻選

愁鎖黛眉烟易慘淚飄紅臉粉難勻憔悴不知緣底事遇人推道不宜春

二

雲鎖嫩黃煙柳細風吹紅蒂雪梅殘光影不勝閨閣恨行行坐坐黛眉攢

小秦王

蘇東坡

濟南春好雪初晴行到龍山馬足輕使君莫忘雲溪

女時作陽關腸斷聲

若溪漁隱云唐初歌詞多是五言或七言詩初無長短句自中葉至五代漸變成長短句及宋朝則盡為此体今所存者止瑞鷓鴣小秦王二闕是七言八句詩并七言絕句詩而已瑞鷓鴣尤依字易歌若小秦王必須雜以虛聲乃可歌耳

字字雙

唐王麗真女

床頭錦衾斑復斑
架上朱衣殷復殷
空庭明月閒復閒
夜長路遠山復山

南鄉子

歐陽炯

嫩草如煙石榴花發海南天
日暮江亭春影綠
鴛鴦浴水遠山長
看不足

二

洞口誰家木蘭船
繫木蘭花紅袖女郎相引去
遊南浦
笑倚春風相對語

三

二八花鈿曾前如雪臉
如蓮耳墜金環穿瑟瑟霞衣
窄笑倚江頭招遠客

李詢

煙漠漠雨淒淒
岸花零落鷓鴣啼
遠客扁舟臨野渡
思鄉處潮退水平春色暮

二

居全本信作判

傾綠蟻泛紅螺閑邀女伴簇笙歌避暑信船輕浪裏
閑遊戲夾岸荔枝紅蘸水

三

雲帶雨浪迎風釣翁迴棹碧灣中春酒香熟鱸魚美
誰同醉纜却扁舟蓬底睡

甘州曲

蜀王衍老學叢談

畫羅裙能結束稱腰身柳眉桃臉不勝春薄媚足精
神可惜許淪落在風塵

塞上秋

老學叢談

瘦藤老樹昏鴉遠山流水人家西風瘦馬斜陽下斷

居全本無老學叢談四字

腸人去西風古道天涯

二

平沙細草班班曲溪流水潺潺塞上清秋早寒一聲
新鴈黃雲紅葉青山

三

西風塞上胡笳月明馬上琵琶那底昭君恨多李陵
臺下淡烟衰草黃沙

喜春來

除夜玉
山舟中

張伯雨

雨

江梅的的依茅舍石瀨濺濺漱玉沙瓦甌蓬底送年
華問暮鴉何處阿戎家

居全本班班作班班

江南春

寇萊公溫公詩話

波渺渺柳依依孤村芳草遠斜日杏花飛江南春盡
離腸斷蘋滿汀洲人未歸

法駕道引玉壺清話作望江南

陳去非與義

朝元路朝元路同駕玉華君千乘載花紅一色人間
遙指是祥雲回望海光新

二

東風起東風起海上百花搖十八風鬟雲半動飛花
和雨著輕綃歸路碧迢迢

三

簾漠漠簾漠漠天澹一簾秋自洗玉舟斟白醴月華
微映是空舟歌罷海西流

居全本兩簾字均作煙醴作酒

六么令

呂洞賓巖

東與西眼與眉偃月爐中運坎離靈砂且上飛最幽
微是天機你休癡你不知

九張機

樂府雅詞無名氏

醉留客者樂府之舊曲九張機者才士之新調憑
憂玉之清歌寫擲梭之春怨章章寄意向向言情
恭對華筵敢陳口號

一擲梭心一縷絲連連織就九張機從來巧思知多

少苦恨風流夕不歸

一張機擲梭光景去如飛
蘭房夜永愁無寐
嘔嘔軋軋織成春恨
留着待郎歸

兩張機月明人靜漏聲稀
千絲萬縷相縈繫
織成一
段迴紋錦字
將去寄呈伊

三張機中心有朶
耍花兒嬌紅嫩綠
春明媚君須早
折一枝濃艷
莫待過芳菲

四張機鴛鴦織就欲雙飛
可憐未老頭先白
春波碧草
曉寒深處相對浴紅衣

五張機芳心密與巧心期
合歡樹上連理枝
雙頭花

下兩同心處一對化生兒

六張機彫花鋪錦半離披
蘭房別有留春計
爐添小

篆日長一線相對繡工遲

七張機春蚕吐盡一生絲
莫教容易裁羅綺
無端剪破仙
鷲彩鳳分作兩般衣

八張機纖纖玉手住無時
蜀江濯盡春波媚
香遺囊麝花房
繡被歸去意遲遲

九張機一心長在百花枝
百花共作紅堆被
却將春色藏頭裏
面不怕睡多時

輕絲象牀玉手出新奇
千花萬草光凝碧
裁縫衣著

春天歌舞飛蝶語黃鸝

春衣素絲染就已堪悲塵昏汗汗無顏色應同秋扇
從茲永弃無復奉君時

歌聲飛落盡梁塵舞罷香風卷繡茵更欲縷陳機上
恨尊前恐有斷腸人斂袂而歸相將好去

居全本無斂袂二句

又

無名氏

一張機採桑陌上試春衣風晴日煖慵無力桃花枝
上啼鶯言語不肯放人歸
兩張機行人立馬意遲遲深心未忍輕分付回頭一
笑花間歸去只恐被花知

居全本花作人

三張機吳蚕已老燕雛飛東風宴罷長洲苑輕綃催
趁館娃宮女要換舞時衣

四張機呶啞聲裏暗顰眉回梭織朶垂蓮子盤花易
縮愁心難整脉脉亂如絲

五張機橫紋織就沈郎詩中心一句無人會不言愁
恨不言憔悴只恁寄相思

六張機行行都是耍花兒花間更有雙蝴蝶停梭一
餉閑窓影裏獨自看多時

七張機鴛鴦織就又遲疑只恐被人輕裁剪分飛兩
處一場離恨何計再相隨

居全本恨作悵

八張機回紋知是阿誰詩織成一片淒涼意行行讀
遍耿耿無語不忍更尋思

九張機雙花雙葉又雙枝薄情自古多離別從頭到
底將心縈繫穿過一條絲

憶王孫

一名怨王孫 憶君王

謝克家

依依宮柳拂宮牆樓殿無人春晝長燕子歸來依舊

忙憶君王月破黃昏人斷腸

避戎夜話云淵聖幸虜營不返謝元及作此詞鼠
璞云語意悲涼讀之使人墮淚真愛君憂國之語

春

李重元

萋萋芳草憶王孫柳外高楼空斷魂杜宇聲聲不忍

聞欲黃昏雨打梨花深閉門

夏

風蒲獵獵小池塘過雨荷花滿院香沉李浮瓜冰雪

涼竹方牀針線慵拈午夢長

秋

颼颼風冷荻花秋明月斜侵獨倚樓十二珠簾不上

鉤黯凝眸一點漁燈古渡頭

冬

同雲風掃雪初晴天外孤鴻三兩聲獨擁寒衾不忍

聽月籠明窗外梅花瘦影橫

晚妝新試碧衫涼，金鴨猶殘昨夜香。
柳陰風來月滿廊，一雙雙人對鴛鴦浴小塘。

呂聖求 渭老

二

林花着雨褪胭脂，葉底雙桃結子遲。
對鏡憑郎畧皺眉，笑微微燕子羞人心，嬾歸。

豆葉黃 欄干萬里心

張宗瑞 軒

小樓柳色未春深，湘月牽情入苦吟。
翠袖風前冷不禁，怕登臨幾曲欄干萬里心。

二

清明小院杏花開，半啓朱扉燕子來。
曉起梳頭對玉臺，照香腮羞覩鷓鴣瘦影回。
集作畫娥眉

陳子高 克

粉牆丹柱柳絲中，簾箔輕明花影重。
午醉醒來一面風，綠蔥蔥幾顆櫻桃葉底紅。

莫少虛

春風樓上柳腰肢，初試花前金縷衣。
娟娟娉娉不自持，曉粧遲畫得娥眉勝舊時。

程正伯 頌

蕭蕭梅雨斷人行，門掩殘春綠陰生。
翠被寒燈枕自

橫夢初驚窗外啼鶻催五更

姚令威 寬

麴麴楊柳綠初低澹澹梨花開未齊樓上情人聽馬嘶憶郎歸細雨春風濕酒旗

蕃女怨

温飛卿 庭筠

萬枝香雪開已遍細雨雙燕鈿蟬箏金雀扇畫梁相見鴈門消息不歸來又飛迴

二

磧南沙上驚鴈起飛雪千里玉連環金鏃箭年年征戰畫樓離恨錦屏空杏花紅

後庭花破子

玉樹後庭前瑤草粧鏡邊去年花不老今年月又圓莫教偏和花和月大家長少年

如夢令

一名宴桃源一名憶仙姿東坡改為如夢令

古今詞話

曾宴桃源仙洞一曲清歌舞鳳長記欲別時和淚出門相送如夢如夢殘月落花煙重

仙鑑太白作

後唐莊宗脩內苑掘得斷碑中有三十二字莊宗使樂工入律歌之名曰古記又使翰林作數篇

馮延巳

塵拂玉臺鸞鏡鳳髻不堪重整綃帳泣流蘇愁掩玉屏人靜多病多病自是行雲無定

門外迢迢行路誰送郎邊尺素巷陌雨餘風當面濕
花飛去無緒無緒閑處偷垂玉筍

周美成 邦彥

朱希真 敦儒

一夜新秋風雨客恨客愁無數我是卧雲人悔到紅
塵深處難住難住拂袖青山歸去

謝無逸 逸

花落鶯啼春暮陌上綠楊飛絮金鴨晚香寒人在洞
房深處無語無語葉上數聲疎雨

二

門外落花流水日暖杜鵑聲碎蕃馬小屏風一枕畫
堂春睡如醉如醉正是困人天氣

秦少游 觀

居全本稿作此

門外鴉啼楊柳春色着人如酒睡起熨沉香玉腕不
勝金斗消瘦消瘦還是褪花時候

二

居全本沉沈作月明

遙夜沉沉如水風緊驛亭深閉夢破鼠窺燈霜送曉
寒侵被無寐無寐門外馬嘶人起

三

幽夢忽忽破後妝粉亂痕露袖遙想酒醒來無奈玉

銷花瘦回首回首遶岸夕陽踈柳

四

樓外殘陽紅滿春入柳條將半桃李不禁風回首落
英無限腸斷腸斷人共楚天俱遠

五

池上春歸何處滿目落花飛絮孤館悄無人夢斷月
堤歸路無緒無緒簾外五更風雨

向豐之 編

誰伴明窓獨坐我和影兒兩箇燈盡欲眠時影也把
人拋躲無那無那好個恹恹的我

居金本恹恹情

簾外新來雙燕朱閣瓊樓穿遍香徑得泥歸飛感池
塘波面誰見誰見春晚昭陽宮殿

二

牆外轆轤金井驚夢夢初省深院閉斜陽燕入陰
陰簾影人靜人靜花落鳥啼飛定

三

門在垂楊陰裏樓枕曲江春水一陣牡丹風香壓滿
園花氣沉醉沉醉不記綠窓先睡

不見

沈會宗

居金本恹恹情

日過重簾未捲，裊裊欲殘香線。午醉恰醒來，柳外一聲鶯轉。不見不見，門掩落花深院。

二

迴首蕪城舊苑，還是綠深紅淺。春意已無多，斜日滿簾飛燕。不見不見，花上雨來風轉。

曹元寵

組

門外綠陰千頃，兩兩黃鸝相應。睡起不勝情，行到碧梧金井。人靜人靜，風動一枝花影。

朱雍

池上數枝開遍，臨水幽香清淺。樓上欲黃昏，吹徹一

聲晴管。零亂零亂，衣上殘英都滿。

黃魯直

庚

鶯嘴啄花紅溜，燕尾點波綠皺。指冷玉笙寒，吹徹小梅春透。依舊依舊，人與綠楊俱瘦。

李易安

宋

常記溪亭日暮，沉醉不知歸路。興盡晚回舟，誤入芙蓉深處。爭渡爭渡，驚起一灘鷗鷺。

二

昨夜雨疎風驟，濃睡不消殘酒。試問卷簾人，却道海棠依舊。知否知否，應是綠肥紅瘦。

美奴陸敦禮侍兒

日暮馬嘶人去船逐清波東注後夜最高樓還肯思量人否無緒無緒生怕黃昏踈雨若溪

席上紅白桃花

嚴蕊幼芳天台營妓

道是梨花不是道是杏花不是白白與紅紅別是東風情味曾記曾記人在武陵微醉

宮詞

孫夫人道綸

翠擘紅蕉影亂月上朱欄一半風自碧空來吹落歌珠一串不見不見人被綉簾遮斷

宴桃源

周少隱紫芝

簾幙踈踈風透庭下月寒花瘦寬盡沈郎衣方寸不禁僂僂難受難受燈暗月斜時候

憶仙姿

賀方回詞

蓮葉初生南浦兩岸綠楊飛絮向晚鯉魚風斷送綵帆何處凝佇凝佇樓外一江煙雨

宴桃源

陳去非無義

落日霞綃一縷素月稜稜微吐何處夜歸人嘔噦幾聲柔櫓歸去歸去家在煙波深處

晁次膺端禮

又是青春將暮望極桃溪歸路洞戶悄無人空鎖一

庭紅雨凝佇凝佇人面不知何處

書趙伯充家小姬領巾

黃魯直

居全本外作飯飯作飯
銷作消

天氣把人僂僂落落絮遊絲時候茶飴可曾炊一本云
去歲迷
時花柳恰恰如今鏡中贏得銷瘦生受生受更被養
娘催綉

梧葉兒 贈龜溪醫隱
唐茂之

張天雨

移家去市隱間出事頗相閑劉商觀碁罷韓康賣藥
還點檢綠雲鬟數不盡龜溪好山

宮中調笑 一名轉應詞
一名三臺令

王建

羅袖羅袖暗舞春風依舊遙看歌舞玉樓好日新粧

坐愁愁坐愁坐一世虛生虛過

二

蝴蝶蝴蝶飛上金花枝葉君前對舞春風百葉桃花
樹紅紅樹紅樹燕語鶯啼日暮

三

居全本病作並

團扇團扇美人病來遮面玉顏憔悴三年誰復商量
管弦管弦管弦管春草昭陽路斷

轉應詞

戴叔倫

邊草邊草邊草盡來兵老山南山北雪晴千里萬里
月明明月明月胡茄一聲愁絕

居全本胡茄作畫前

花
草
年
年
編

共



三臺令

馮延巳

春色春色依舊青門紫陌日斜柳暗花嫣醉卧春色
少年少年少年少行樂直須及早

二

明月明月照得離人愁絕更深影入空床不道幃屏
夜長長夜長夜夢到庭花陰下

三

南浦南浦翠鬟離人何處當時携手高樓依舊樓前
水流流水流水中有傷心雙淚

遐方怨

溫飛卿

良助

憑繡檻解羅幃未得君書斷腸瀟湘春鴈飛不知征
馬幾時歸海棠花謝也雨霏霏

二

花半折雨初晴未捲珠簾夢殘惆悵聞曉鶯宿粧眉
淺粉山橫約鬟鵲鏡裏繡羅輕

訴衷情

溫廷筠

鶯語花舞春晝午雨霏微金帶枕宮錦鳳凰帷柳弱
燕交飛依依遼陽音信稀夢中歸

韋莊

燭燼香殘簾未捲夢初驚花欲謝深夜月朧明何處

按歌聲輕輕舞衣塵暗生負春情

顧曼

香滅薰垂春漏永整鴛衾羅帶重雙鳳縷黃金窗外
月光臨沉沉斷腸無處尋負春心

二

永夜拋人何處去絕來音香閣掩眉斂月將沉爭忍
不相尋怨孤衾換我心為你心始知相憶深

西溪子

牛嶠

捍撥雙盤金鳳蟬鬢玉釵搖動畫堂前人不語絃解
語彈到昭君怨處翠蛾愁不擡頭

毛文錫

昨日西溪遊賞芳樹奇花千樣瑣春光金罇滿聽絃
管嬌妓舞袖香暖不覺到斜暉馬馱歸

李詢

金縷翠鈿浮動粧罷小窓圓夢日高時春已老人來
到滿地落花慵掃無語倚屏風泣殘紅

甘州子

顧曼

一爐龍麝錦帷傍屏掩映燭熒煌禁樓刁斗喜初長
羅薦繡鴛鴦山枕上私語口脂香

二

每逢清夜與良晨多悵望足傷神雲迷水隔意中人
寂寞繡羅裯山枕上幾點淚痕新

三

曾如劉阮訪仙蹤深洞客此時逢綺筵散後繡衾同
欸曲見韶容山枕上常是怯晨鐘

居全本當作當

天仙子

皇甫松

晴野鷺鷥飛一隻水蒸花發秋江碧劉郎此日別天
仙登綺席淚珠滴十二晚峯高歷歷

韋莊

悵望前回夢裡期看花不語苦尋思露桃宮裏小腰

肢眉眼細鬢雲垂唯有多情宋玉知

二

深夜歸來長酩酊扶入流蘇猶未醒醺醺酒氣麝蘭
和驚睡覺笑呵呵長道人生能幾何

三

蟾彩霜華夜不分天外鴻聲枕上聞繡衾香冷嬾重
薰人寂寂葉紛紛睡依前夢見君

四

夢覺雲屏依舊空杜鵑聲咽隔簾櫳玉郎薄幸去無
蹤一日日恨重重淚界蓮腮兩線紅

居全本當作連

柳色披衫金縷鳳纖手輕拈紅豆美翠蛾雙臉正含
情桃花洞瑤臺夢一片春愁誰與共

和凝

二

洞口春紅飛蔌蔌仙子含愁眉黛綠阮郎何事不歸
來懶燒金慵篆玉流水桃花空斷續

思佳客令

趙介菴

齊瑞

天似水秋到芙蓉如亂綺芙蓉意與黃花倚歷歷黃
花矜酒美清露香山間有箇閑人喜

風流子

孫光憲

居金本映作約

樓倚長衢欲暮瞥見神仙伴侶微傅粉攏梳頭隱映
畫簾開處無語無緒慢曳羅裙歸去

三

金絡玉銜嘶馬繫向綠楊陰下朱戶掩繡簾垂曲院
水流花謝歡罷歸也猶在九衢深夜

歸國謠

馮延巳

何處笛深夜夢回情脉脉竹風簷雨寒窓隔 離人
幾歲無消息今頭白不眠特地重相憶

二

春艷艷江上晚山三四點柳絲如剪花如染 香閨

居金本山作萃

毛氏作編

竹

寂寞門半掩愁眉斂
淚珠滴破胭脂臉

三

寒水碧水上何人吹玉笛
扁舟遠送瀟湘客
蘆花千里霜月白傷行色
來朝便是關山隔

江城子

常莊

思重嬌多情易傷
漏更長解鴛鴦朱唇未動先覺口
脂香緩揭繡衾抽皓腕
移鳳枕枕潘郎

二

髻鬟狼籍黛眉長
出蘭房別檀郎角聲嗚咽星斗漸
微茫露冷月殘人未起
留不住淚千行

唐金太狼作恨

牛矯

鷓鴣飛起郡城東
碧江空半灘風越王宮殿蘋葉藕
花中簾卷水樓漁浪起
千片雪雨濛濛

二

極浦煙消水鳥飛
離筵分首時送金卮渡口揚花狂
雪任風吹日暮空江波浪急
芳草岸雨如絲

張泌

碧欄干外小中庭
雨初晴曉鶯聲飛絮落花時節近
清明睡起卷簾無一事
勻面了沒心情

二

浣花池上見卿卿
臉波秋水明黛眉
輕綠雲高綰金簇
小蜻蜓好是問他
來得磨和笑道莫
多情

四時樂

春

李公麟

桃李花開春雨晴
聲聲布穀迎村鳴
家家場頭酹酒觥
為告庄主東作興
黃犢先破東南村

夏

火雲蔽日當空浮
田頭耨草汗欲流
綠竹人寂鳥聲休
暫來歇午乘清幽
山妻送餉扇遮頭

秋

黃雲萬里秋有成
村村酒熟家家迎
封羊賽社人未醒
醉後鼓腹歌昇平
欣然同樂倉滿盈

冬

寒風十月雪欲飛
居人木榻添紙幃
地爐活火酒頻煨
瓦杯不設羊羔肥
醉來曲肱歌聲微

公麟字伯時元祐間登第為泗州錄事參軍好古博雅工草書圖畫元祐中歸老泉石作龍眠山莊

定西蕃

温庭筠

漢使昔年離別攀
弱柳折寒梅上高
臺千里玉關春雪
鴈來人不來羌笛
一聲愁絕月徘徊

二

細雨曉鶯春晚人似玉柳如眉正相思
羅幕翠簾初捲鏡中花一枝腸斷塞門消息
鴈來稀

牛嶠

紫塞月明千里金甲冷戍樓寒夢長安
鄉思望中天濶漏殘星亦殘畫角數聲
嗚咽雪漫漫

毛熙震

蒼翠濃陰滿院鶯對語蝶交發戲薔薇
斜日倚欄風好餘香出繡衣未得玉郎
消息幾時歸

牛嶠

東風急惜別花時手頻執羅幃愁獨
八馬嘶殘雨春補鈔評花仙館校本

望江怨

蕪濕倚門立寄語薄情郎粉香和淚泣

思帝鄉

溫飛卿

花花滿枝紅似霞羅袖畫簾腸斷卓香車
回面共人間語戰篋金鳳斜唯有阮郎春
盡不歸家

孫光憲

如何遣情情更多永日水晶簾下斂羞蛾
六幅羅裙牽地微行曳碧波看盡滿池
踈雨打團荷

莫打鴨

宣城守呂士龍欲杖營妓并麗華呂
眷一客娼并短肥梅聖俞作此解之

莫打鴨打鴨驚鴛鴦鴛鴦新自南洲落
不比孤洲老禿鶴禿鶴尚有獨飛去何
况鴛鴦羽翼長侯鯖錄

唐金本宰作序

唐金本洲老作老洲

長相思

白樂天

居易

深畫眉淺畫眉
蟬鬢鬢雲滿衣
陽臺行雨迴
巫山高巫山低
暮雨瀟瀟郎不歸
空房獨守時

二

汴水流泗水流
流到瓜州古渡頭
吳山點點愁
悠悠恨悠悠
恨到歸時方始休
月明人倚樓

李後主

南唐李煜

一重山兩重山
山遠天高烟水寒
相思楓葉丹
菊

二

花開菊花殘
塞鴈高飛人未還
一簾風月間

馮延巳

雲一緺玉一梭
澹澹衫兒薄薄羅
輕顰雙黛螺
秋風多雨相和
簾外芭蕉三兩窠
夜長人柰何

林和靖

通

紅滿枝綠滿枝
宿雨厭厭睡起遲
閒庭花影移
憶歸期數歸期
夢見雖多相見稀
相逢知幾時

歐陽永叔

脩

吳山青越山青
兩岸青山相送迎
誰知離別情
君淚盈妾淚盈
羅帶同心結未成
江頭潮已平

蘋滿溪柳遶堤
相送行人溪水西
回時隴月低
煙

霏霏風淒淒重倚朱門聽馬嘶寒鷗相對飛一作張子野

黃叔暘并

天悠悠水悠悠月印金樞曉未收笛聲人倚樓
蘆花秋蓼花秋催得吳霜點鬢稠香箋莫寄愁

山驛

万俟雅言

短長亭古今情樓外涼蟾一暈生雨餘秋更清
暮雲平暮山橫幾葉秋聲和鴈聲行人不要聽

遊西湖

康伯可與之

南高峯北高峯一片湖光烟靄中春來愁殺儂
郎意濃妾意濃油壁車輕郎馬驄相逢九里松

居金本君月作月君吹作思

要相忘不相忘玉樹郎君月艷娘幾回欲斷腸
欲下床却上床上得床來思舊鄉北風吹夢長

呂居仁本中

李知幾石

花飛飛絮飛飛三月江南烟雨時樓臺春樹迷
雙鶯兒雙燕兒橋北橋南相對啼行人猶未歸

寄遠

劉後村克莊

朝有時暮有時潮水猶知日兩迴人生長別離
來有時去有時燕子猶知社後歸君行無定期

程正伯瑗

對重陽感重陽身在西風天一方年年人斷腸景
淒涼客淒涼縱有黃花祇異鄉晚雲連夢長

頤堂 五灼

來匆匆去匆匆短夢無憑春又空難隨即馬蹤山
重重水重重飛絮流雲西復東音書何處通

王之道

吳江風吳江楓索索秋聲飛亂紅晚來歸意濃 淮
山西淮山東明月今宵何處同相尋魂夢中

二

風淒淒雨霏霏風雨夜寒人別離夢迴還自疑 蛩

聲悲漏聲遲一點青燈明更微照人雙淚垂

雨

萬俟雅言

一聲聲一更更窓外芭蕉窓裏燈此時無限情 夢
難成恨難平不道愁人不喜聽空階滴到明

天機餘錦 無名

清夜長泛玉觴照座江梅花正芳風傳細細香 園
艷粧留醉鄉一曲清歌聲遠梁樽前人斷腸

又

煙淒淒草淒淒野火原頭燒斷碑不知名姓誰 印
累累塚纍纍千萬人中幾箇歸榮華朝露稀

勸一盃復一盃短插相隨死便埋英雄安在哉
眉
不開懷不開幸有江邊舊釣臺拂衣歸去來

春晚

黃叔暘昇

惜春歸愛春歸脫了羅衣着苧衣綠陰黃鳥啼
酒
醒時夢醒時清簟踈簾一局碁丁東風馬兒

又

花滿枝柳滿枝眼底春光似舊時燕歸人未歸
淚
沾衣酒沾衣煩惱長多歡事稀此情風月知

又

面蒼然鬢皤然滿腹詩書不直錢官閑常晝眠
銘
燕山賦甘泉自古功名屬少年知心惟杜鵑

賈似道遭貶

去年秋今年秋湖上人家樂復憂西湖依舊流
吳
循州賈循州十五年間一轉頭人生放下休
吳履齋
賈

雪消春初

吳叔姬夷堅
支志

煙霏霏雨霏霏雪白梅花枝上堆春從何處回
醉
眼開睡眠開踈影橫斜安在哉從教塞管催

夢桃源

明道雜志無名氏

砥柱勒銘賦本贊禹功勳試官親處分贊唐文
秀

才冥上子裏銜駕幸并汾恰似鄭州去出曹門

堯禹錫學士厚德老儒而性涉迂嘗言一生讀書但得佳賦題數箇每遇差考試輒用之亦幾盡嘗試監生試題砥柱勒銘賦此銘今具在乃唐太宗銘禹功而堯公誤記為太宗自銘其功宋漢中第一其賦悉是太宗自銘韓玉女時為御史因章劾之有無名子作此嘲之冥子裏俗謂昏也

河滿子

毛文錫

紅粉樓前月照碧紗窗外鶯啼夢斷遼陽音信那堪獨守空閨恨對百花時節王孫綠草萋萋

和凝

寫得魚牋無限其如花鎖春輝目斷巫山雲雨空教殘夢依依却愛薰香小鴨羨他長在屏幃

孫光憲

冠劍不隨君去江河還共思深歌袖半遮眉黛慘淚珠旋滴衣襟惆悵雲愁雨怨斷魂何處相尋

風光好

陶秀實

好姻緣惡姻緣祇得郵亭一夜眠別神仙琵琶撥盡相思調知音少待得鶯膠續斷絃是何年

天機餘錦

柳陰陰水沉沉風約雙鳧立不禁碧波心孤村橋斷人迷路舟橫渡旋買村醪淺斟更微吟

相見歡

一名上西樓秋夜月憶真妃烏夜啼

薛昭蘊

居金本六半閣至別神
仙止別作會



居金本阮作忘

羅襦繡袂香紅畫堂中細草平沙蕃馬小屏風
羅幕凭粧閣思無窮暮雨輕烟魂斷隔簾櫳

孟昶 古今南唐詞話

無言獨上西樓月如鈎寂寞梧桐深院鎖清秋
不斷理還亂是離愁別有一般滋味在心頭

李後主 鳥夜啼

林花謝了春紅太匆匆無柰朝來寒雨晚來風
脂淚相留醉幾時重自是人生長恨水長東

馮延巳

曉窓夢到昭華何瓊家欹枕殘粧一朶卧枝花
情

居金本何作阿

極處却無語玉釵斜翠閣銀屏回首已天涯

朱希真 敦儒

東風吹盡江梅橘花開舊日吳王宮殿長青苔
古事英雄淚老相催常恨夕陽西下晚潮回

二

瀧州幾番清秋許多愁嘆我貼閑白了少年頭
人間事如何是去來休自是不歸歸去有誰留

鳥夜啼

天機餘錦 無名氏

都無一點殘紅夜來風底事東君歸去太匆匆
花醉梨花淚總成空斷送一年春在綠陰中

又

詞話

一彎月掛危樓似藏鈎醉裏不知黃葉報新秋
征鴻斷歸雲亂遠峯愁愁見綠楊凝恨在江頭

陸放翁游

江樓綠暗紅稀燕交飛忽到當年行處恨依依
灑清淚嘆人事與心違滿酌玉壺花露送春歸

康仲伯

憶真妃

忽忽一望閨河聽離歌艇子急催雙槳下清波
淋浪醉闌干淚柰情何明日畫橋西畔暮雲多

蔡仲道仲

西樓子

樓前流水悠悠駐行舟滿目寒雲衰草使人愁
多少恨多少淚謾遲留何似驀然拚捨去來休

和凝

望梅花

春草全無消息臘雪猶餘蹤跡越嶺寒枝香自折
冷艷奇芳堪惜何事壽陽無處覓吹入誰家橫笛

孫光憲二調
異

數枝開與短牆平見雪萼紅跗相映引起誰人邊塞
情 簾外欲三更吹斷離愁月正明空聽隔江聲

醉太平

贈妓

劉龍洲過

居金本并作圻

花堂辭編

卷一

九

情高意真眉長鬢青小樓明月調箏寫春風數聲
思君憶君魂牽夢縈翠銷香暖雲屏更那堪酒醒

四字令

張叔夏

鶯吟翠屏簾吹絮雲東風也怕花嗔帶飛花趁春
隣娃笑迎嬉遊趁晴明朝何處相尋那人家柳陰

調笑集句

宣和中九重無事
傳出

蓋聞行樂須及良辰鍾情正在吾輩飛觴舉白目
斷巫山之暮雲綴玉聯珠韻勝池塘之春草集古
人之妙句助今日之清歡
珠流璧合暗連文月入千江體不分此曲只應天

上有歌聲豈合世間聞

巫山

千里楚江水明月樓高愁歎倚井梧宮殿生秋意望
斷巫山十二雪肌花貌參差是朱閣五雲仙子

桃源

相誤桃源路萬里蒼蒼煙水暮留君不住君須去秋
月春風閑度桃花零亂如紅雨人面不知何處

洛浦

非霧花無語還似朝雲何處去凌波不過橫塘路燕
燕鶯鶯飛舞風吹仙袂飄飄舉擬倩遊絲惹住

唐金本胡作吳

明妃

相憶無消息目斷遙天雲自白寒山一帶傷心碧風
土蕭疎胡國長安不見浮雲隔縱使君來爭得

班女

來見蓋宮殿記得隨班迎鳳輦餘花落盡蒼苔院斜
掩金鋪一扇千金買笑無方便和淚盈盈嬌眼

錦瑟

無處難輕訴錦瑟華年誰與度黃昏更下瀟瀟雨况
是青春將暮花雖無語鶯能語來道曾逢郎否

琵琶

衫濕情何極上下花間聲轉急滿船明月蘆花白秋
水長天一色芳年未老時難得目斷遠空凝碧

放隊

玉爐夜起沉香煙喚起佳人舞繡筵去似朝雲無處
覓遊童陌上拾花鈿

西子

目前調笑

晁無咎

晁補之

腸斷越江岸越女江頭紗自浣天然玉貌鈿紅淺自
弄芙蓉日晚紫駟嘶去猶回眄笑入荷花不見

回紋

寸結肝腸切織錦機遍音韻咽玉琴塵暗薰爐歇望

唐金本通作偏

盡床前秋月刀裁錦斷詩可減恨似連環難絕

羅敷

鄭彥能

僅

歸去携籠女南陌柔柔三月暮使君春思如飛絮五
馬徘徊頻駐蚕飢日晚空留顧笑指秦樓歸去

武陵

煙暖武陵晚洞裏春長花爛熳紅英滿地溪流淺漸
聽雲中鷄犬劉郎迷路香風遠悞到蓬萊仙館

蘇小

蘇小最嬌妙幾度花間曾調笑雲情雨態知多少悔
恨相逢又早劉郎襟韻正年少風月今宵偏好

蘇蘇

聲切恨難說千里潮平春浪濶梅風不解相思結忍
送落花飛雪多才一去芳音絕更對珠簾新月

張好好

李漢老

部

相望楚江上縈水繚雲凝妙唱龍沙醉眼看花浪正
要風將月傍雲車瑤佩成惆悵衰柳自須相向

太真

黃山谷

庭堅

無語恨如許方士歸時腸斷處梨花一枝春帶雨半
鈿分釵親付天長地久相思苦渺渺鯨波無路

王昭君

秦少游

觀

回顧漢宮路捍撥檀槽鵲對舞玉容寂寞花無主顧
影偷彈玉筋未央宮殿知何處目斷征鴻南去

樂昌公主

輦路江楓古樓上吹簫人在否菱花半壁香塵汚往
日繁華何處舊歡新愛誰為主啼笑兩難分付

崔徽

翡翠好容止誰使庸奴輕點綴裴郎一見心如醉笑
裏偷傳深意羅衣深夜與門吏暗結城西幽會

無雙

相慕無雙女當日尚書先曾許王郎明俊神仙侶腸

斷別離情苦數年睽恨今復遇笑指襄江歸去

灼灼

腸斷繡簾捲妾願身為梁上燕朝朝暮暮長相見莫
遣思遷情變紅綃粉淚知何限萬古空傳遺怨

耿耿

戀戀樓中燕燕子樓空春日晚將君一去音容遠空
鎖樓中深怨春風重到人不見十二闌干倚遍

崔鶯鶯

春夢神仙洞冉冉拂墻花樹動西廂待月知誰共更
覺玉人情重紅娘深夜行雲送困彈釵橫金鳳

採蓮

柳岸水清淺笑折荷花呼女伴盈盈日照新妝面水
調空傳出怨扁舟日暮笑聲遠對此令人腸斷

煙中怨

春戀西湖岸湖面樓臺侵雲漢阿溪本是飛瓊伴風
月朱扉斜掩謝郎巧思詩裁剪能動芳懷幽怨

離魂記

心素與誰語始信別離情最苦蘭舟欲解春江暮精
爽隨君歸去異時携手重來處夢覺春風庭戶

清友梅

曾端伯

清友群芳右萬縞紛披茲獨秀天寒月薄黃昏後縞
袂亭亭招手故山千樹連雲岫借問如今安否

淨友蓮

淨友如裝就折得清香來滿手一溪湛湛無塵垢白
羽輕搖晴晝遠公保社今何有悵望東林搔首

玉友酒

玉友平生舊相與忘形偏耐久醉鄉徑到無何有莫
問區區升斗人生一笑難開口為報速宜相就

破子

花好被花惱庭下嫣然如巧笑曾教健步移根到各

是一般奇妙賞心樂事知多少亂插繁華晴昊
酒美直無比小甕新醅浮玉蟻空傳烏氏并程氏不
數雲安麴米十花更互來相對常伴先生沉醉

搗練子

黃魯直

居全本有兩微字不分上下闕

梅凋粉柳搖金池塘波暖動遊鱗扇和風初晝永
微雨後斂輕塵除非重見那人人再叙厚約深盟

天機無名氏

林下路水邊亭涼吹水面散餘醒小藤床隨意橫暗
暗記得舊時經翠荷關雨做秋聲恁時節不怕聽

薄命女一名長命女

和凝

天欲曉宮漏穿花聲繚繞窓裏星光少冷霞寒侵帳
額殘月光沉樹杪夢斷錦帷空悄悄強起愁眉小

馮延巳

春日宴綠酒一杯歌一遍再拜陳三願一願郎君千
歲二願妾身長健三願如同梁上燕歲歲長相見

楊柳枝

牛嶠

膩粉瓊粧透碧紗雪休誇金鳳搔頭墜鬢斜髮交加
倚着雲屏新睡覺思夢笑紅腮隱出枕函花有此

此

顧曼

秋夜香閨思寂察漏迢迢鴛幃羅幌麝煙銷燭光搖
正憶玉郎遊蕩去無尋處更聞簾外雨蕭蕭滴芭蕉

雅詞

蕤蕤花飛一雨殘乍衣單屏風數幅畫江山水雲閑
別易會難無計那淚潛潛夕陽樓上凭闌干望長安

秋景

趙君峯

浙浙西風生暮寒繡衣單碧梧葉落藕香殘恨前歡
月鏤虛櫺烟逗竹夢千山玉簫清夜憶孤鶯悄長

閑

感恩多

牛嶠

自從南浦別愁見丁香結近來情轉深憶鴛衾幾
度將書托煙鴈淚盈襟淚盈襟禮月求天願君知我心

二

兩條紅粉淚多少香閨意強攀桃李枝斂愁眉陌
上鶯啼蝶舞柳花飛柳花飛願得郎心意家還早歸

醉公子

顧曼

漠漠秋雲澹紅藕香侵檻枕倚小山屏金鋪向晚扃

年
睡起橫波慢獨望情何限哀柳數聲蟬魂銷侶去

二

難
岸柳垂金線雨晴鶯百轉家住綠楊邊往來多少年
馬嘶芳草遠高樓簾半捲斂袖翠蛾攢相逢爾許

尹鴉

新
暮煙籠蘚砌戟門猶未閉盡日醉尋春歸來月滿身
離鞍偎繡袂墜巾花亂綴何處惱佳人擅痕衣上

唐人

時
門外獨兒吠知是蕭郎至剗襪下香階寃家今夜醉
扶得入羅幃不肯脫羅衣醉則從他醉還勝獨睡

韓渥

侍女動粧奩故故驚人睡那知本未眠背面偷垂淚
懶卸鳳頭釵羞入鴛鴦被時復見殘燈和烟墜金穗

牛希濟

春山烟欲收天澹星稀少殘月臉邊明別淚臨清曉
語多情更深回首猶重道記得綠羅裙處處憐芳草

魏承班

煙雨晚晴天零落花無語難話此時心梁燕雙來去
琴韻對薰風有限和情撫腸斷斷絃頻淚滴黃金
縷

二

寂寞畫堂空深夜垂羅幕燈暗錦屏歌月冷珠簾箔
愁恨夢難成何處貪歡樂看看又春來還是長蕭
索

歐陽永叔

去年元夜時花市燈如畫月在柳梢頭人約黃昏後

居全本滿作滴

今年元夜時月與燈依舊不見去年人淚滿春衫
袖

箏

張子野先一作歐陽修

含愁整翠鈿得意頻相顧鴈柱十三弦一一春鶯語
嬌雲容易飛夢斷知何處深院鎖黃昏陣陣芭蕉

雨

朱敦儒

居全本未敦儒作宋
媛朱叔真

年年玉鏡臺梅蕊宮粧困今歲未還家怕見江南信
歡從別後踈淚向愁中盡遙想楚雲深人遠天涯

近

趙德莊 秀端

新月曲如眉未有團圓意紅豈不堪看滿眼相思淚
終日擘挑穰人在心兒裏兩朵隔牆花早晚成連
理

向伯恭詞 子

春心如杜鵑日夜思歸切啼盡一川花愁落千山月
遙恰白玉人翠被前香歇可慣獨眠寒減動豐肌
雪

二

春山和恨長秋水無言度脉脉復盈盈幾點梨花雨

唐金本欄作欄

處

深深一段愁寂寂無行路推去又還來沒箇遮欄

劈橙為軟金詞

金章宗 見歸潛志

風流紫府郎飲痛烏紗岸柔軟九回腸冷怯玻璃盃
纖纖白玉葱分被黃金彈借取洞庭春飛上桃花
面

摺疊扇

朱新仲 者舊續聞

宮紗蜂趁梅寶扇寫開翅數摺聚清風一捻生秋意
搖搖雲母輕裊裊瓊枝細莫解玉連環怕作飛花
墜

晏叔原

幾道

金鞍美少年去躍青驄馬牽繫玉樓人翠被春寒夜
消息未歸來寒食梨花謝無處說相思背面秋千
下

二

輕輕製舞衣小小裁歌扇三月柳濃時又向津亭見
垂淚送行人濕破紅粧面玉指袖中彈一曲清商
怨

三

紅塵陌上遊碧柳堤邊住才趁彩雲來又逐飛花去

處

深深美酒家曲曲幽香路風月有情時總是相逢

四

官身幾日閑世事何時足君貌不長紅我髮無重綠
榴花滿箴香金縷多情曲且盡眼中歡莫嘆時光
促

陸務觀

游

梁空燕委巢院靜鳩催雨香潤上朝衣客少閑談塵
鬢邊千縷絲不是吳蚕吐孤夢泛瀟湘月落聞柔

艣

上元戲陳敬叟

劉潛夫 元莊

繁華奪霽華，戲鼓催明發。風物昔時同，况味中年別。
淺畫鏡中眉，深拜樓西月。人散市聲收，漸入愁時節。

王觀

閑山魂夢長，塞鴈音書少。兩鬢可憐青，一夜相思老。
歸傍碧紗窓，說與人人道。真箇別離難，不似相逢好。

朱雍

簾櫳月上時，寂寞東風裏。又是立黃昏，梅影臨牕綺。

玉梅清夜寒，夢斷還無寐。曉角一聲殘，吹徹人千里。

呂本中

殘春霧雨餘，小院黃昏後。說道覓新詞，把酒來相就。
醑釀插髻雲，歲歲長如舊。不是作詞遲，却怕添伊瘦。

二

雙雙小鳳斜，淡淡鴉兒穩。一曲渭城歌，柳色饒春恨。
離腸洗別愁，酒盡愁難盡。寶瑟鴈縱橫，誰寄天涯信。

人分南浦春酒把陽關蓋衣帶自無情頓為離人緩
愁隨苦海深恨逐前峯遠更聽斷腸猿一似聞絃
鴈

程垓

長記別郎時月淡梅花影梅影又橫窗不見江南信
無心換夕香有分憐朝鏡不怕瘦稜稜只怕梅開
盡

呂渭老

攤錢臨小牕撲蝶斜穿徑醉戲晚風前吹亂連枝影
補鈔評花仙館校本

鏡
別來秋夜長夢到金屏近腸斷一聲鷄殘月懸朝

朱淑真

寒食未多時幾日東風惡無緒倦尋芳閒却秋千索
瘦減翠裙交病怯羅衣薄不忍捲簾看寂寞梨花
落

孫光憲

寂寞掩朱門正是天將暮暗澹小庭中滴滴梧桐雨
繡工夫牽心緒配盡鴛鴦綉待得沒人時偎倚論

私語

寄郇公章得象陳情名藥

陳亞青箱雜記

朝廷數擢賢旋占凌霄路自是鬱陶人險難無夷處
也知沒藥療孤寒食藥何相誤大幅紙連粘甘草
歸田賦

閨情

相思意已深白紙書難足字字苦參商故要檀郎讀
分明記得約當歸遠至櫻桃熟何事菊花時猶未
回鄉曲

毛澤民詩

春晚出山城落日行江岸人不共潮來香亦隨風散

亂
花謝小粧殘鶯困清歌斷行雨夢魂消飛絮心情

閨情

無名氏

閑倚曲屏風試寫相思字不道極多情却是渾無思
笑近短牆陰拋箇青梅子苔上印鈎彎邂逅難忘
此

別怨

姚寬

苦
郎如陌上塵妾似堤邊絮一別兩悠揚踪跡無尋處
粉面妬青春泪眼零紅雨過了別離時還解相思

CENTRAL

國家圖書館 NATIONAL CENTRAL LIBRARY, TAIWAN, R.O.C.

閨思

向伯恭子諲

相思懶下床春夢迷蝴蝶入柳又穿花去去輕如葉
絕 可堪岐路長不道閉山隔無賴是黃鸝喚起空愁

閨情

前人

娟娟月入眉整整雲歸髮鏡裏弄妝遲簾外風移影
斜窺秋水長軟語春鶯近無計奈情何只有相思

分

王千秋審齋

鶯聲恰恰嬌草色纖纖嫩詩鬢已驚霜鏡葉慵拈杏

信

因何積恨山着底攻愁陣春事到荼蘼還是無音

周少隱紫芝
詞竹坡

春寒入翠帷月淡雲來去院落半晴天風撼梨花樹
人醉掩金鋪閑倚秋千柱滿眼是相思無說相思
處

二

青絲結曉鬟臨鏡心情嬾知為曉愁濃畫得雙蛾淺
柳困玉樓空花落紅窓暖相對語春愁只有春閨

燕

三

新歡君未成往事無人記行雨共行雲如夢還如醉
相見又難言欲住渾無計眉翠莫頻低我已無多
淚

四

金鞍欲別時芳草溪邊渡不忍上西樓怕看來時路
簾幙卷東風燕子雙雙語薄倖不歸來冷落春情

緒

太平時一名賀聖朝影

賀方回詞

秋盡江南葉未彫晚雲高青山隱隱水迢迢接亭臯

宵

二十四橋明月夜弭蘭橈玉人何處教吹簫可憐

陸放翁游

竹裏房櫺一逕深靜悄悄亂紅飛盡綠成陰有鳴禽
臨罷蘭亭無一事自脩琴銅爐裊裊海南沉洗塵
襟

賀聖朝影

歐陽永叔脩

白雪梨花紅粉桃露華高垂楊慢舞綠絲條草如袍
風過小池輕浪起似江臯千金莫惜買香醪且陶

陶

冬

雪滿長安酒價高度寒宵身輕不要鷓鴣袍醉紅嬌
花月暗成離別恨夢無膠起來春信惹梅梢又魂
消

蝴蝶兒

張泌

蝴蝶兒晚春時阿嬌初着淡黃衣倚窓學畫伊還
似花間見雙雙對對飛無端和淚拭胭脂惹教雙翅
垂

昭君怨一名洛妃怨

東坡蘇軾

誰作桓伊三弄驚破綠窓曉夢新月與愁烟滿江天

流
欲去又還不去明日落花飛絮飛絮送行舟水東

萬俟雅言

春到南樓雪盡驚動燈期花信小雨一番寒倚闌干
莫把闌干倚一望幾重煙水何處是京華暮雲
遮

月夜賞荷花

張功甫鉉

月在虛空中住人向芰荷中去花氣雜風涼滿船香
雲被歌聲搖動酒被詩情撥送醉裏卧花心擁紅
衾

居金本千作長

國家圖書館, NATIONAL CENTRAL LIBRARY, TAIWAN

梅花

鄭中卿域

道是花來春未道是雪來香異水外一枝斜野人家
冷淡竹籬茅舍富貴玉堂瓊樹兩地不同栽一般
開

侯彥周真
詞淵窟

晴日烘香花睡花艷浮杯人醉揚柳綠絲風水溶溶
留戀芳叢深處懶上錦鞵歸去待得牡丹開更同
來

雪

金主亮

昨日樵村漁浦今日瓊川銀渚山色捲簾看老峯巒

錦帳美人貪睡不覺天花剪水驚問是楊花是蘆

花夷堅支志云建康歸正官王和尚
濟南人能詠完顏亮小詞云

悼

朱希真敦儒

隴月黃昏亭榭池上秋千初架燕子說春寒杏花殘
淚斷愁腸難斷往事揔成幽怨幽怨幾時休淚還
流

王從叔

門外春風幾度馬上行人何處休更卷朱簾草連天
立盡海棠花月飛到荼蘼香雪莫恨夢難成夢無

憑

居全本此作此戲作虧

劉潛夫 元莊

曾看洛陽舊譜只許姚黃獨步若此廣陵花太戲他
舊日王侯園圃今日荆榛狐兔君莫說中州怕花
愁

洛妃怨

朱希真 藏歌

拾翠當年延佇解珮感君誠素微步過南崗獻明璫
襟上淚難再會惆悵出蘭心事心事永難忘寄君

五

拋毬樂

馮延巳

酒罷歌餘興未闌小橋清水共盤桓波搖梅蘂傷心

白風入羅衣貼體寒且莫思歸去須盡笙歌此夕歡

二

逐勝歸來雨未晴樓前風重草烟輕谷鸚語軟花邊
過水調聲長醉裡聽教舉金觥勸誰是當筵最有情

三

梅落新春入後庭眼前風物可無情曲池波晚水還
合芳草迎船綠未成且上高樓望相共凭欄看月生

四

霜積秋山萬樹紅倚巖樓上掛朱櫳白雲天遠重重
恨黃草烟深浙浙風髣髴梁州曲吹在誰家玉笛中

居全本此作此戲作虧

五

盡日登高興未殘
紅樓人散獨盤桓
一鈎冷霧懸珠箔
滿面西風凭玉欄
歸去須沉醉
小院新池月乍寒

六

坐對高樓千萬山
鴈飛秋色滿欄干
燒殘紅燭暮雲合
飄盡碧梧金井寒
咫尺人千里
猶憶笙歌昨夜歡

莫思歸

即拋毬樂

失名

花滿名園酒滿觴
且開笑口對穠芳
秋千風暖寫釵禔
綺陌春深翠袖香
莫惜黃金貴
日日須教貰酒嘗

點絳脣

寇平仲準

居金本曉作曉

水陌輕寒社公雨
足東風慢定巢新燕
濕雨穿花轉象尺
薰爐拂曉停針線
愁蛾淺飛紅零亂
側卧珠簾捲

點絳脣

趙元鎮識

惜別傷離此生此念
無重數故人何處還
送春歸去美酒一杯
誰解歌金縷
無情緒淡煙疎雨
花落空庭暮

庭暮

點絳脣

馮延巳

蔭綠圍紅夢瓊家在
桃源住畫橋當路
臨水開朱戶柳
逕春深行到
閑情處顰不語
意憑風絮吹向郎

邊去

韓魏公詩

病起恹恹對堂階
花樹添憔悴
亂紅飄砌
滴盡真珠淚
惆悵前春誰相向
花前醉愁無際
武陵凝睇人
遠波空翠

春草

林和靜通

金谷年年亂生春色
誰為主
餘花落處
滿地和烟雨
又是離歌一闋
長亭暮
王孫去
萋萋無數
南北東西路

遺妓

寇寺丞

春睡騰騰覺來
鴛被堆香暖
起來慵懶
觸目情何限
深院日斜
人靜
花陰轉
柔腸斷
凭高不見
芳草連天遠

晏同叔殊

露下風高
井梧宮簾生
秋意
畫堂筵啓
一曲呈珠綴
天外行雲欲去
凝香袂
爐烟起
斷腸聲裏
斂盡雙娥翠

晏叔原幾道

花信來時恨無人似
花依舊
又成春瘦
折斷門前柳
天與多情不與長
相守
分飛後
泪痕和酒
占了雙

羅袖

二

明月征鞭又將南陌垂楊折自憐輕別拚得音書絕
杏子枝邊倚遍欄干月依前缺去年時節舊事無人說

王元之詞

雨恨雲愁江南依舊稱佳麗水村漁市一縷孤煙細
天際孤鴻遙認行如綴平生事此時凝睇誰會憑
欄意

周美成詞

臺上披襟快風一瞬收殘雨柳絲輕舉蛛網粘飛絮
極目平蕪應是春歸處愁凝竚楚歌聲苦村落黃昏鼓

二

征騎初停酒行莫放離歌舉柳汀蓮浦香盡江南路
苦恨斜陽冉冉催人去空回顧淡煙橫素不見揚鞭處

三

孤館迢迢暮天草露霑衣潤夜來秋近月暈通風信
今日原頭黃葉飛成陣知人悶故來相趁共結臨

岐恨

寄楚雲妓

遼鶴西歸故人多少傷心事短書不寄魚浪空千里
憑仗桃根說與相思意愁何際舊時衣袂猶有東
風淚

夷堅支志云美成在姑蘇與營妓岳楚雲相戀後
從京師過吳則岳已從人久矣因飲於太守蔡繼
子高坐上見其妹因作此詞
寄之楚雲讀之感泣者累日

王和甫安禮倦游雜錄

秋氣微涼夢迴明月穿簾幕井梧蕭索正遶南枝鵲
寶瑟塵生金鴈空零落情無託鬢雲慵掠不似君

恩薄

葉少蘊夢得

高柳蕭蕭睡餘色覺西風勁小窓人靜浙瀝生秋聽
底事多情欲與流年競殘雲暝墜中慵整獨立芝
蘭徑

蘇養直屏

水勒輕颺綠痕初漲回塘水柳洲煙際白鷺翹沙嘴
筠笠青簑未減貂蟬貴雲濤裏醉眠蓬底不屬人
間世

李蕭遠祁

居全本色作已

國家圖書館; NATIONAL CENTRAL LIBRARY, TAIWAN, R.O.C.

樓下清歌水流歌斷春風暮
雲烟樹依約江南路
碧水黃沙夢到尋梅處
花無數問花無語明月隨
人去

陳子高克

曲陌春風誰家姊妹同
牆看映花烘暖嬌入茸茸眼
細馬輕衫倚醉偷回面
垂楊轉墜鞭却扇白地肝
腸斷

曹元寵組

踈柳殘蟬助人離思
斜陽外淡烟踈靄節物隨愁改
水已無情風更無情
照蘭舟解水流風快回首人

何在

二

密炬高烧寶刀時剪金花
碎照人歡醉也照人無睡
待得灰心陪盡千行淚
籠紗裏夜涼如水猶喜長
成對

三

一片南雲定知來做巫山
雨歌聲絕度只向風中住
惱亂襄王無限牽情處
長天暮又還飛去目斷陽
臺路

四

沉醉歸來洞房燈火閑相照夜寒猶峭信意和衣倒
春夢雖多好夢常常少紗窓曉鳳幃人悄花外空
啼鳥

五

雲透斜陽半樓紅影明窓戶暮山無數歸鴈愁邊去
十里平蕪花遠重重樹空凝佇故人何處可惜春
將暮

東坡 蘇軾

獨倚胡床庾公樓外峰千朵與誰同坐明月清風我
別乘一來有唱終須和還知麼自從添箇風月平

居金本胡作巨

分破

天台

秦少游 觀

醉漾輕舟信流直到花深處塵綠相誤無計花間住
煙水茫茫回首斜陽暮山無數亂紅如雨不記來
時路

朱李清照

蹴罷秋千起來慵整纖纖手露濃花瘦薄汗輕衣透
見客入來襪剗金釵溜和羞走倚門回首却把青
梅嗅

賀方回 詞

紅杏飄香柳含煙翠拖金縷水邊朱戶門掩黃昏雨
燭影搖紅一枕傷春緒歸不去鳳樓何處芳草迷
歸路

何籀

春雨濛濛淡烟深鎖垂楊院暖風輕扇落盡桃花片
薄倖不來前事思量遍無由見淚痕如線界破殘
粧面

二

鴛踏花翻亂紅堆徑無人掃杜鵑來了梅子枝頭小
撥盡琵琶總是相思調知音少暗傷懷抱門掩春

山老

汪藻

高柳蟬嘶採菱歌斷秋風起晚雲如髻湖上山橫翠
簾捲西樓雨過涼生袂天如水画樓十二有箇人
同倚

託意

汪彥章 玉照新志

永夜厭厭畫簾低月山銜斗起來搔首梅影橫窓瘦
好箇霜天閑却傳盃手君知否曉鴉啼後歸夢濃
如酒

能改齋漫錄云彥章在翰苑屢致言者作此詞或
問曰歸夢濃如酒何以在曉鴉啼後公曰無柰這

一隊
生何

黄山谷 庭堅

羅帶雙垂妙香長恁携纖手半粒紅豆各自相思瘦
聞道伊家終日眉兒皺不能勾淚珠輕溜衰損揉
藍袖

趙元鎮 鼎

香冷金猊夢回鴛帳餘寒嫩更無人問一枕江南恨
消瘦休文頓覺春衫褪清明近杏花吹盡薄暮寒
成陣

王民瞻 庭珪

花外紅樓當時青鬢顏如玉淡烟殘燭醉入花間宿
白髮相逢猶唱當時曲當時曲斷絃難續且盡杯
中綠

梅

朱新仲 者舊
續聞

流水泠泠斷橋斜路橫枝亞雪花飛下全勝江南畫
白壁青錢欲買春無價歸來也風吹平野一點香
隨馬

呂聖求 渭老

俊眼犀心尊前如有乘鸞便過愁傳怨只許燈光見
見了重休河漢明遮斷深深院亂風飄散揉了雙

羅燕

桃花落盡

周少隱紫芝竹坡詞

燕子風高小桃枝上花無數亂溪深處滿地飛紅雨
喚得春來又送春歸去渾無緒劉郎前度空記來
時路

朱希真敦儒

春雨春風問誰染就江南草燕嬌鶯巧只是叅軍老
今古紅塵愁了人多少樽前好緩歌低笑醉向花
間倒

孫尚之

煙洗風梳司花先放江梅吐竹村沙路脉脉搖寒雨
醉魄吟魂無着清香處愁如縷繫春不住又折冰
枝去

詠梅月

陳同父亮

一夜相思水邊清淺橫枝瘦小窓如畫情共香俱透
清入夢魂千里人長久君知否雨霽雲憇格調還
依舊

送韓濟之歸襄陽

王初察安中荇隱

峴首亭空勸君休墮羊碑淚宦游如寄且伴仙翁醉
說與鮫人莫解江臯佩將歸思暈紅紫翠袖織迴

文字

釣臺

方有開 有開

七里灘邊江光漠漠山如戟
漁舟一葉徑入寒煙碧
笑我塵勞羞對雙臺石
身如織年年行役魚鳥渾
相識

秋社 豐城南禪寺壁間詞

燕子依依曉來總為誰歸去
澹雲生處已覺賓鴻度
淺笑深頰便面機中素
乘鴈女瑣窓瓊宇會有明
年暑

登樓

願堂詞 王灼

休惜餘春試來把酒留春住
問春無語簾捲西山雨
一掬愁心強欲登高賦
山無數烟波無數不放春
歸去

晚春

元遺山 元問

醉裏春歸綠窓猶唱留春住
問春何處花落鶯無語
渺渺吟懷漠漠煙中樹
西樓暮一簾疎雨夢裡尋
春去

朱雍

輕艷盈盈相逢曾向寒溪路
惜飄零處無計禁春雨
素影參差人在瓊城步
危欄暮年光催度特地香

風住

梅

應次遽深雪

居金本煙作詞

雪意嬌春臘前粧點春風面粉痕冰片一笑重煙見
倚竹偎松誰道羅浮遠寒更轉楚騷為伴韻逸香
篝煖

記夢

蕭允之名儒詩餘

花徑相逢眼期心諾情如昨怕人疑着伴弄秋千索
知有而今何似當初莫愁難托雨鈴風鐸夢斷燈
花落

南浦月

張輯

居金本煙作詞

來剪尊絲江頭一陣鳴蓑雨孤蓬歸路吹得蘋風暮
短髮蕭蕭笑與沙鷗語休歸去玉龍嘶處邀月過
南浦

魏夫人

波上清風畫舫明月人歸後漸消殘酒獨自凭欄久
聚散匆匆此恨年年有重回首淡烟疎柳隱隱蕪
城漏

冬

朱淑真

風勁雲濃暮寒無柰侵羅幙鬢髮斜掠呵手梅粧薄
少飲清歡銀燭花頻落添蕭索春工已覺點破梅

花夢

閨思

李易安 清照

寂寞深閨柔腸一寸愁千縷惜春春去幾點催花雨
倚遍闌干祇是無情緒人何處連天衰草望斷歸
來路

池上有懷

舒氏 王齊叟妻

獨自臨流悶來強把闌干凭舊愁新恨耗却年時興
鷺散魚潛烟歛風初定波心靜照人如鏡少箇年
時影

夷堅志云王齊叟字彥齡元祐樞密彥霖弟也
任俠有聲善為詞曲妻舒氏亦工篇翰而婦翁出

武列事之案不謹翁不能堪取女歸竟至離絕女
在父家一日行池上懷其夫作此詞

醉花間

毛文錫

深相憶莫相憶相憶情難極銀漢是紅牆一帶遙相
隔金盤珠露滴兩岸榆花白風搖玉珮清今夕為
何夕

二

休相問怕相問相問還添恨春水滿塘生鷓鴣還相
起昨夜雨霏霏臨明寒一陣偏憶戍樓人久絕邊
庭信

玉蝴蝶

温廷筠

秋風淒切傷離行客未歸時塞外草先衰江南鴈到
遲芙蓉凋嫩臉楊柳墮新眉搖落使人悲斷腸誰
得知

孫光憲

春欲盡景仍長滿園花正黃粉翅兩悠揚翩翩過短
墻鮮飈煖牽遊伴飛去立殘芳無語對蕭娘舞衫
沉麝香

女冠子

溫廷筠

含嬌含笑宿翠殘紅窈窕鬢如蟬寒玉替秋水輕紗
捲碧煙雪冑鸞鏡裏琪封鳳樓前寄語青娥伴早

求仙

韋莊

四月十七正是去年今日別君時忍淚佯低面含羞
半斂眉不知魂已斷空有夢相隨除却天邊月沒
人知

二

昨夜夜半枕上分明夢見語多時依舊桃花面頰低
柳葉眉半羞還半喜欲去又依依覺來知是夢不
勝悲

牛嶠

雙飛霞舞春晝後園鶯語卷羅幃錦字書封了銀河
鴈過遲 鴛鴦排寶帳豈尅繡連枝不語勻珠淚落
花時

張泌

露花煙草寂寞五雲三島正春深貌減潛銷玉香殘
尚惹襟 竹踈虛檻靜松密醮壇陰何事劉郎去信
沉沉

鹿虔扈

鳳樓琪封惆悵劉郎一去正春深洞裏愁空結人間
信莫尋 竹踈齋殿迥松密醮壇陰倚雲低首望可

知心

毛熙震

脩蛾慢臉不語檀心一點小山粧蟬鬢低含綠羅衣
澹拂黃 悶來深院裏閑步落花傍纖手輕輕整玉
爐香

李詢

春山夜靜愁聞洞天踈磬玉堂虛細霧垂珠珮輕烟
曳翠裾 對花情脉脉望月步徐徐劉阮今何處絕
來書

上行杯

韋莊

芳草灞陵春岸柳煙深滿樓絃管一曲離聲腸寸斷
今日送君千萬紅鏤玉盤金鏤盞須勸珍重意莫
辭滿

二

白馬玉鞭金轡少年郎離別容易迢遞去程千萬里
惆悵異鄉雲水滿酌一盃勸和淚須愧珍重意莫
辭醉

花草粹編卷之一終

國家圖書館, NATIONAL CENTRAL LIBRARY, TAIPEI, R.O.C.

鶴自鳴 分蓋館駐篁簾齊眉相對眼

茶瓶兒悼亡

李元膺

去年相逢深院宇海棠下曾歌金縷歌罷花如雨翠
羅衫上點點紅無數 今歲重尋攜手處空物是人
非春暮回首青門路亂紅飛絮相逐東風去

芳草渡

馮延巳

梧桐落蓼花秋烟初冷雨纔收蕭條風物正堪愁人
去後多少恨在心頭 燕鴻遠卷笛悠渺渺澄波一
片山如黛月如鈎笙歌散魂夢斷倚高樓

補鈔評花仙館校本

張先

雙門曉鎖響朱扉千騎擁萬人隨風烏弄影畫船移
歌時淚和別怨作秋悲 寒潮小渡淮遲吳越路漸
天涯宋玉臺上為相思江雲下日西盡雁南飛

二

主人宴客玉樓西風飄忽雪雰霏唐昌花蕊漸平枝
浮光裏寒聲聚隊禽棲 驚曉日喜春遲野橋時伴
梅飛山明日遠霽雲披溪上月堂下水并春輝



國家圖書館, NATIONAL CENTRAL LIBRARY, TAIWAN, R.O.C.

補鈔評花仙館校本

評花仙館校本

花草粹編二卷目錄

小令

中興樂

落梅風

春光好

紗窓恨 二

贊浦子

小桃紅

縷縷金 二備

霜天曉角 五

酒泉子 七十

醉垂鞭 二

愁倚欄 四

戀情深 二

傷春怨

歸國遙 四

楊花落

閔河令 二

沙塞子 二

雪花飛

浣溪沙 一百

清商怨 四

平湖樂 四

三字令 二

喜長新

卜算子 七十

國家圖書館 NATIONAL CENTRAL LIBRARY, TAIWAN, R.O.C.

後庭花 三
玉樹後庭花 二
巫山一段雲 八
減字木蘭花 五
採桑子 一
奴兒令 四
醜 十

花草粹編二卷目錄終

花草粹編卷之二

小令

中興樂

豈惹花繁烟艷深
丁香軟結同心翠
鬟女相與共淘金
紅蕉葉裏猩猩語
鴛鴦浦鏡中鳶舞
絲雨隔荔枝陰

毛文錫

朗陵外方陳耀文晦伯甫篋

牛希濟

池塘暖碧浸晴暉
濛濛柳絮輕飛紅
藥凋來醉夢還稀
春雲空有鴈歸珠
簾垂東風寂寞恨
郎拋擲淚

温羅衣

酒泉子

温飛卿 庭筠

羅帶惹香猶繫別時紅豆淚痕新
金縷舊斷離腸
一雙嬌燕語雕梁還是去年時節
綠陰濃芳草歇柳
花狂

常莊

月落星沉樓上美人春睡綠雲傾
金枕膩畫屏深
子規啼破相思夢曙色東方纔動
柳煙輕花露重思
難任

顧曼

楊柳舞風輕惹春煙殘雨杏花愁
鶯正語畫樓東
錦屏寂寞思無窮還是不知消息
鏡塵生珠淚滴損
儀容

馮延巳

楚女不歸樓枕小河春水月孤明
風又起杏花稀
玉釵斜插髻雲垂裙上縷金雙鳳
一行書千里夢鴈
南飛

温廷筠

花映柳條閑向綠萍池上凭欄干
窺細浪雨瀟瀟
近來音信兩踈索洞房空寂寞掩
銀屏垂翠箔度春

居全本楚女不歸係
温庭筠作髻雲垂作
雲髮重

宵

顧曼

羅帶縷金蘭麝煙凝魂斷畫屏歌雲鬢亂恨難任
幾迴垂淚滴鴛衾薄情何處去月臨窓花滿樹信沉

馮延巳

庭下花飛月照粧樓春事晚珠簾風蘭燭燼怨空閨
迢迢何處寄相思玉筋零零腸斷屏幃深更漏永
夢魂迷

二

芳草長川柳映危橋橋下路歸鴻飛行人去碧山邊
風微烟淡雨蕭然隔岸馬嘶何處九迴腸雙臉淚
夕陽天

三

春色融融飛燕乍來鶯未語小桃寒垂柳晚玉樓空
天長烟遠恨重重消息燕鴻歸去枕前燈窓外月
閉朱籠

四

深院空幃廊下風簾驚宿燕香印灰蘭燭地覺來時
月明人自擣寒衣剛愛無端惆悵堦前行闌畔立

欲鷄啼

顧曼

黛薄紅深約掠綠鬟雲膩小鴛鴦金翡翠稱人心
錦鱗無處傳幽意海燕蘭堂春又去隔年書千點淚
恨難任

李詢

秋月婵娟皎潔碧紗窗外照花穿竹冷沉沉印池心
凝露滴砌蛩吟驚覺謝娘殘夢夜深斜傍枕前來
影徘徊

張泌

春雨打窓驚夢覺來天氣曉畫堂深紅焰小背蘭缸
酒香噴鼻懶開缸惆悵更無人共醉舊巢中新燕
子語雙雙

李詢

雨漬花零紅散香凋池兩岸別情遙春歌斷掩銀屏
孤帆早晚離三楚閑理鈿箏愁幾許曲中情絃上
語不堪聽

顧曼

黛怨紅羞掩映畫堂春欲暮殘花微雨隔青樓思悠
悠芳菲時節看將度寂寞無人還歎語画羅濡香

粉污不勝愁

毛文錫

綠樹春深燕語鶯啼聲斷續蕙風飄蕩入芳叢惹殘
紅 柳絲無力裊煙空金盞不辭須滿酌海棠花下
思朦朧醉香風

晏同叔

春色初來遍折紅芳千萬樹流鶯粉蝶闌翻飛戀香
枝 勸君莫惜綾金衣把酒看花須強飲明朝後日
漸離披惜芳時

沙塞子

朱希真

敦儒

萬里漂零南越山引淚酒催愁不見鳳樓龍闕又經
秋 九日江亭閑望蠻樹瘴煙浮腸斷紅蕉花晚水
西流

二前調太悲
再作

蠻逕尋春春早千點雪已飛梅席地插花傳酒日西
催 莫作楚囚相泣傾銀漢洗瑤池還盡人間桃李
拂衣歸

落梅風

張先

宮烟如水濕芳晨梅似雪相親數枝春惹香塵 壽
陽嬌面偏憐惜粧成一面花新鏡中重把玉纖勻酒

初醺

醉垂鞭錢塘送祖擇之

張子野

酒面艷金魚吳娃唱吳潮上玉殿白麻書待君歸後
除勾留風月好平湖曉翠峯孤此景出閨無西州
空画图

居全本晚作晚

二

雙蝶繡羅裙東池宴初相見朱粉不深勻開花淡淡
春細看諸處好人人道柳腰身昨日亂山昏來時
衣上雲

雪花飛

黃魯直庚堅

攜手青雲路穩天聲迤邐傳呼袍笏恩章乍賜春滿
皇都何處難忘酒瓊花照玉壺歸嫋絲梢競醉雪
舞郊衢

春光好碧鷄漫志云近世或易名愁倚欄

和凝

紗窓煖畫屏間顰雲鬟睡起四肢無力半春間玉
指剪裁羅勝金盤點綴酥山窺宋深心無限事小眉
彎

居全本輯作揮

二

蘋葉軟杏花明畫船輕雙浴鴛鴦出綠汀棹歌聲
春水無風無浪春天半雨半晴紅粉相隨南浦晚幾

含情

曾純甫觀

心下事不思量自難忘花底夢迴春漠漠恨偏長
閑日多少韶光雕闌靜芳草池塘風急落紅留不住
又斜陽

愁倚欄

失名

冰肌玉骨精神不風塵昨夜窓前都折盡忽疑君
清淚拂拂沾巾誰相念折贈芳春羗管休吹別塞曲
有人聽

三榮道上

程正伯跋

山無數雨蕭蕭路迢迢不似芙蓉城下去柳如腰
夢隨春絮飄飄知他在第幾朱橋說與杜鵑休喚起
怕魂銷

二

春猶淺柳初芽杏初花楊柳杏花交影處有人家
玉窓明暖烘霞小屏上水遠山斜昨夜酒多春睡重
莫驚他

倚闌令

蒲江

惜春心步花陰怕春深風颺游絲吹落絮滿園林
日長簾幙沉沉朱闌畔斜艸瓊簪笑折梨花閑照水

貼眉心

浣溪沙

張曙

枕障薰爐隔綉幃二年終日兩相思好風明月始應知
天上人間何處去舊歡新夢覺來時黃昏微雨
畫簾垂

北夢瑣言云張禕侍郎喪愛妾悼念不已其猶子曙作此詞禕見之痛曰必阿仄所作

韓偓 香奩集

攏鬢新收玉步搖背燈初解繡裙腰枕寒衾煖異香
焦 深院不關春寂寂落花和雨夜迢迢恨情殘醉
却無寥

二

宿醉離愁慢髻鬟六銖衣薄惹輕寒慵紅悶翠掩青
鵲 羅襪况兼金齒雪肌仍是玉琅玕骨香腰細
更沉檀

韋莊

夜夜相思更漏殘傷心明月凭欄干想君思我錦衾
寒 咫尺畫堂深似海憶來唯把舊書看幾時携手
入長安

張泌

馬上凝情憶舊遊照花淹竹小溪流鈿箏羅幕玉搔

頭 早是出門長帶月，
可堪分袂又經秋。
晚風斜日，不勝愁。

二

獨立寒階望月華，
露濃香泛小庭花。
繡屏愁背一燈斜。
雲雨自從分散後，
人間無路到仙家。
但憑鳧夢訪天涯。

歐陽炯

天碧羅衣拂地垂，
美人初着更相宜。
宛風如舞透香肌。
獨坐含嚔吹鳳竹，
園中緩步折花枝。
有情無力，
泥人時。

二

相見休言有淚珠，
酒闌重得叙歡娛。
鳳屏鴛枕宿金鋪。
蘭麝細香聞喘息，
綺羅纖縷見肌膚。
此時還恨薄情無。

顧曼

紅藕香寒翠渚平，
月籠虛閣夜蛩清。
塞鴻驚夢兩牽情。
寶帳玉爐殘麝冷，
羅衣金縷暗塵生。
小窓孤燭淚縱橫。

二

惆悵經年別謝娘，
月窓花院好風光。
此時相望最情

傷 青鳥不來傳錦字 瑤姬何處瑣蘭房 忍教魂夢
兩茫茫

三

庭菊飄黃玉露濃 冷莎隈砌隱鳴蛩 何期良夜得相
逢 背帳風搖紅燭滴 惹香暖夢繡衾重 覺來枕上
怯晨鍾

四

鴈響遙天玉漏清 小紗窗外月隴明 翠幃金鴨炷香
平 何處不歸音信斷 良宵空使夢魂驚 簟涼枕冷
不勝情

五

露白蟾明又到秋 佳期幽會兩悠悠 夢牽情役幾時
休 記得泥人微歛黛 無言斜倚小書樓 暗思前事
不勝愁

孫光憲

攬鏡無言淚欲流 凝情半日懶梳頭 一庭踈雨濕春
愁 楊柳祇知傷怨別 杏花應信損嬌羞 淚沾魂斷
軫離憂

二

蘭沐初休曲檻前 暖風遲日洗頭天 濕雲新歛未梳

居金本漏作露無柱
字空一格夢魂作魂

蟬 翠袂半將遮粉臆寶釵長欲墜香肩此時模樣
不禁憐

三

輕打銀箏墜燕泥斷絲高眉盡樓西花冠閑上午墻
啼 粉箏半開新竹逗紅苞盡落舊桃蹊不堪終日
閉深閨

閻選

寂寞流蘇冷繡茵倚屏山枕惹香塵小庭花露泣濃
春 劉阮信非仙洞客嫦娥終是月中人此生無路
訪東鄰

毛熙震

花榭香紅煙景迷滿庭芳草綠萋萋金鋪閑掩繡簾
低 紫燕一雙嬌語碎翠屏十二晚峯齊夢魂銷散
醉空閨

薛昭蘊

握手河橋柳似金蜂鬚輕惹百花心蕙風蘭思寄清
琴 意滿便同春水滿情深還似酒盃深楚煙湘月
兩沉沉

二

傾國傾城恨有餘幾多紅淚泣姑蘇倚風凝睇雪肌

補遺 卷二
膚 吳主山河空落日越王宮殿半平蕪藕花菱蔓
滿重湖

李珣

訪舊傷離欲斷魂無因重見玉樓人六街微雨鏤香
塵 早為不逢巫峽夜那堪虛度錦江春遇花傾酒
莫辭頻

二

紅藕花香到檻頻可堪閑憶似花人舊歡如夢絕音
塵 翠疊畫屏山隱隱冷鋪紋簟水泚泚斷魂何處
一蟬新

南唐李主

紅日已高三丈透金鑪次第添香獸紅錦地衣隨步
皺 佳人舞點金釵溜酒惡時拈花蓋嗅別殿遙聞
蕭鼓奏

馮延巳

轉燭飄蓬一夢歸欲尋陳迹悵人非天教心願與身
違 待月池臺空遊水蔭花樓閣謾斜暉登臨不惜
更沾衣

春恨

李景璣

風壓輕雲貼水飛乍晴池館燕爭泥沈郎多病不勝

衣沙上未聞鴻鴈信竹間時有鷓鴣啼此情惟有
落花知

晏同叔

閨苑瑤臺風露秋整鬟凝思捧觥籌欲歸臨別強遲
留月好謾成孤枕夢酒闌空得兩眉愁此時情緒
悔風流

二

青杏園林黃酒香佳人初着薄羅裳柳絲無力燕飛
忙乍雨乍晴花自落閑愁閑悶日偏長為誰消瘦
減容光

三

一曲新詞酒一盃去年天氣舊亭臺夕陽西下幾時
迴無可柰何花落去似曾相識燕歸來小園香徑
獨徘徊

四

一向年光有限身等閑離別易銷魂酒筵歌席莫辭
頻滿目山河空念遠落花風雨更傷春不如憐取
眼前人

晏叔原

幾道

綠柳藏烏靜掩閑鴨爐香細鎖窓閑那回分袂月初

殘 惜別謾成良夜醉解愁時有翠牋還欲尋雙葉
寄情難

二

午醉西橋夕未醒
雨花淒斷不堪聽
歸時應減鬢邊青
衣化客塵今古道
柳含春意短長亭
鳳樓爭見路傍情

歐陽永叔

脩

堤上遊人逐畫船
拍堤春水四垂天
綠楊樓外出鞦韆
白髮戴花君莫笑
六么催拍盞頻傳
人生何處似樽前

二

湖上朱橋響畫輪
溶溶春水浸春雲
碧瑠璃滑淨無塵
當路遊絲繫醉客
隔花啼鳥喚行人
日斜歸去柰何春

三

葉底青青杏子垂
枝頭薄薄柳綿飛
日高深院晚鶯啼
堪恨風流成薄倖
斷無消息道歸期
托腮無語翠眉低

四

十載相逢酒一卮
故人纔見便開眉
老來遊舊更同

誰 浮世歌歡真易失
宦途離合信難期
樽前莫惜 醉如泥

樓上燈深欲閉門
夢雲散處不留痕
幾年芳草憶王孫
白日闌干依舊綠
試將前事倚黃昏
記曾來處 易銷魂

集句

王介甫

百畝庭中半是苔
門前古道水滄迴
愛閑能有幾人來
小院回廊人寂寂
山桃野杏兩三栽
為誰零落 為誰開

蘇子瞻

玉腕冰寒滴露華
粉融香雪透輕紗
晚來粧面勝荷花
鬢禪欲迎眉際月
酒紅初上臉邊霞
一場春夢 日西斜

橘

菊暗荷枯一夜霜
輕苞綠葉占林光
竹籬茅舍出青黃
香露噴人驚半破
清泉流齒怯初嘗
吳姬三百 手猶香

方響

花滿銀塘水漫流
犀槌玉板奏涼州
順風環珮過秦

樓 遠漢碧雲輕漠漠今宵人在鵲橋頭一聲敲徹
絳河秋

秦少遊

漠漠輕寒上小樓曉陰無賴似窮秋澹烟流水畫屏
幽 自在飛花輕似夢無邊絲雨細如愁寶簾閑挂
小銀鈎

二

香靨凝羞一笑開柳腰如醉暖相挨日長春困下樓
臺 照水有情聊整鬢倚闌無緒更兜鞋眼邊牽恨
懶歸來

三

脚上鞋兒四寸羅唇邊朱麝一櫻多見人無語但回
波 料得有心憐宋玉只應無柰楚襄何今生有分
共伊麼

四

錦帳重重卷暮霞屏風曲曲闔紅牙恨人何事苦離
家 枕上夢魂飛不去覺來紅日又西斜滿庭芳草
襯殘花

黃魯直

庭堅

飛鵲臺前暈翠蛾千金新買帶青螺最難如意為情

多 幾處波痕留醉袖一春愁思近橫波遠山低盡
不成歌

張子野

樓倚春江百尺高煙中還未見歸橈幾時期信似江
潮 花片片飛風弄蝶柳陰陰下水平橋日長才過
又今宵

二

輕屣來時不破塵石槽花映石槽裙有情應解憶青
春 夜短更難留遠夢日高何許學行雲樹深鶯過
靜無人

謝無逸

樓閣簾垂乳燕飛圓荷細細點清漪薰風破夢晚涼
時 玉軫琴邊蘭思遠霜紈扇裏翠眉低揉藍衫子
鬧蜂兒

周美成

日射欹紅蠟帶香風乾微汗粉襟涼碧紗對掩簾紋
光 自剪柳枝明畫閣戲拋蓮葯種橫塘長亭無事
好思量

二

翠葆參差竹徑成新荷跳雨淚珠傾曲欄斜轉小池

亭 風約簾衣歸燕急水搖扇影戲魚驚柳稍殘日
弄微晴

三

薄薄紗厨望似空
簾紋如水浸芙蓉
起來嬌眼未惺惚
強整羅衣擡皓腕
更將紈扇掩酥脣
羞郎何事面微紅

四

寶扇輕圓淺畫
繒象床平穩
細穿藤飛蠅
不到避壺水
翠枕面涼頻憶
睡玉簫手汗錯
成聲日長無力
要人凭

五

雨過殘紅濕未飛
珠簾一帶透斜暉
遊蜂釀蜜竊香歸
金屋無人風竹亂
夜篝盡日水沉微
一春須有憶人時

六

樓上晴天碧
四垂樓前芳草接
天涯勸君莫上最高
梯
新笋已成堂下竹
落花都入燕巢泥
忍聽林表杜鵑啼

春景

水漲魚天拍柳橋
雲鳩拖雨過江皋
一番春信入東

郊 開碾鳳團消短夢靜看燕子疊新巢又移日影
上花稍

石孝友

宿醉離愁慢髻鬟韓偓綠殘紅豆憶前懽原叔錦江春水

寄書難原叔紅袖時籠金鴨煖游少小樓吹徹玉笙寒

李鞋環為誰和淚倚闌干行中

王晉卿送行

趙德麟今時

風急花飛晝掩門一簷殘雨滴黃昏便無離限也銷

冤翠被任薰終不暖玉盃慵舉幾番溫箇般情事

與誰論

劉平叔出家妓八人絕藝脚絕 琴絕 歌絕 舞絕

穩小弓鞋三寸羅歌唇清韻一櫻多燈前秀艷恁橫

波指下鳴泉清香渺掌中回旋小婆婆明朝歸路

索情何

三

一朵夢雲驚曉鴉數枝春雨帶梨花坐來殘月冷窓

紗釵鳳謾曾留得半枕山猶是枕時斜對花今日

奈天涯

四

槐柳春餘綠漲天酒旗高插夕陽邊誰家牆裏笑鞦韆

韁 往事不堪樓上看
新愁多向曲中傳
此情銷得是何年

五

水滿池塘花滿枝
亂香深裏語黃鸝
東風輕軟弄簾幃
日正長時春夢短
燕交飛處柳煙低
玉牕紅子鬪茶時

六

少日懷山老住山
一官休務得身閑
幾年食息白雲間
似我樂來真是少
見人忙處不相關
養真高靜出塵寰

秋水斜陽遠漾金
平山隱隱隔橫林
幾

砧 記得西樓凝醉眼
昔年風物似如今
只無人與共登臨

二

煙柳春梢蘸暈黃
井欄風綽小桃香
覺時簾幕又斜陽
望處定無千里眼
斷來能有幾回腸
少年禁取恁淒涼

三

鸚鵡無言理翠衿
杏花零落畫陰陰
畫橋流水半篙

韃 往事不堪樓上看
新愁多向曲中傳
此情銷得是何年

五

水滿池塘花滿枝
亂香深裏語黃鸝
東風輕軟弄簾幃
日正長時春夢短
燕交飛處柳煙低
玉牕紅子闌茶時

六

少日懷山老住山
一官休務得身閑
幾年食息白雲間
似我樂來真是少
見人忙處不相關
養真高靜出塵寰

賀方回 詩

秋水斜陽遠漾金
平山隱隱隔橫林
幾家村落幾聲砧
記得西樓凝醉眼
昔年風物似如今
只無人與共登臨

二

煙柳春梢蘸暈黃
井欄風綽小桃香
覺時簾幕又斜陽
望處定無千里眼
斷來能有幾回腸
少年禁取恁淒涼

三

鸚鵡無言理翠衿
杏花零落畫陰陰
畫橋流水半篙

深 芳徑與誰期
闌草繡床終日罷
拈針小箋香管
寫春心

四
鼓動城頭啼曉鷓
過雲時送雨些些
嫩涼如水逗窓
紗 弄影西廂侵戶
月分香東畔拂墻
花此時相望
抵天涯

五
雲母窓前歇繡針
低鬟凝思坐調琴
玉纖纖按十三
金 歸卧文園猶帶
酒柳花飛度畫堂
陰只憑雙燕
話春心

六
蓮燭啼痕怨漏長
吟蛩隨月到回廊
一屏煙景畫蒲
湘 連夜斷無行
雨夢隔年猶有
着人香此情須信
是難忘

七
閑把琵琶舊譜尋
四絃聲怨却沉吟
燕飛人靜畫堂
深 歌枕有時成
雨夢隔簾無處說
春心一從燈夜
到如今

八
宮錦袍薰水麝香
越紗裙染鬱金黃
薄羅依約見明

粧 繡陌不逢携手伴綠窓誰是畫眉郎春風十里
斷人腸

九

居金本歌作配

兩點春山一寸波當筵嬌甚不成歌動人情態可須
歌 金井露寒風下葉盡樓雲斷月侵河耿耿此夜
柰愁何

十

樓角初銷一縷霞澹黃楊柳帶栖鴉玉人和月摘梅
花 笑撚粉香歸洞戶更垂羅幙護窓紗東風寒似
夜來些

和葆光春晚飲會

舒信道

金縷歌殘紅燭稀梁州舞罷小鬟垂酒醒還是獨歸
時 畫棟日高來語燕綺窓風暖度游絲幾多綠葉
上青枝

重陽前一日登極目亭

葉少蘊

小雨初迴昨夜涼繞籬新菊已催黃碧空無際卷蒼
茫 千里斷鴻供遠目十年芳草掛愁腸緩歌聊與
送瑤觴

書虞元翁畫

蘇養直

水榭風微玉枕涼牙床角簟藕花香野塘煙雨罩鴛鴦

居金本迴作過

鷺 紅蓼渡頭青嶂遠綠蘋波上白鷗雙淋浪淡墨
水雲鄉

呂居仁 本中

居全不攔作闌

暖日溫風破淺寒短青無數簇幽攔三年春在病中
看 中酒心情渾似夢採花時候不曾聞幾年芳信
隔秦關

歲除集二老句

向伯恭 子謹

爆竹聲中一歲除東風送暖入屠蘇荆瞳瞳曉色上
林廬 老去怕看新曆日退歸擬學舊桃符東坡青春
不染白髭鬚

朱希真 敦儒

白玉攔干白玉人倚花吹葉忍黃昏蕭郎一去又經
春 眉淡翠峯愁易聚臉殘紅雨淚難勻纖腰減半
綠羅裙

二

雨溫清明香火殘碧溪橋外燕泥寒日長獨自倚闌
干 脫箨脩篁初散綠褪花新杏未成酸江南春好
與誰看

三

才子佳人相見難舞收歌罷又更闌密將春恨繫幽

歡 結子同心香佩帶怕兒雙字玉連環酒醒燈暗
忍重看

泛舟

毛澤民

銀字笙簫小小童梁州吹過柳橋風阿誰勸我玉盃
空 小醉徑須眠錦瑟夜歸不用簇紗籠畫船簾捲
月明中

趙元鎮

艷艷春嬌入眼波勸人金盞緩聲歌不禁粉淚搵香
羅 暮雲朝雨相見少落花流水別離多寸腸爭奈
此情何

陳克子高

晝盡溪頭春水生銅官山外夕陽明暖風無力小舟
橫 萬事悠悠生處熟三杯兀兀醉時醒杏花楊柳
更多情

短燭熒熒照碧窓重重簾幙護梨霜幽歡不怕夜偏
長 羅襪細釵紅粉醉曲屏深慢綠橙香征鴻雖遠
斷人腸

三

牕紙幽幽不肯明寒更忍作斷腸聲背人殘燭却多

情 合下心期唯有夢如今竟夢也無憑幾行閑淚
莫縱橫

趙子發 君舉

踈蔭搖搖趁岸移驚鷗點點過帆飛舡分水打嫩沙
回 斷夢不知人去處卷簾還有燕來時日斜風緊
轉灣西

曹元寵 組

柳絮池臺淡淡風碧波花嶼小橋通雲連麗宇倚晴
空 芳草綠楊人去住短牆出徑燕西東攀條弄蕊
得從容

吳大年 德

白玉樓中白雪歌更將白紵襯春羅軟紅香裏最久
麼 桃葉桃根隨處有江南江北見來多風前月底
索愁何

二

璧月光中玉漏清小梅踈影水邊明似梅人醉月西
傾 梅欲黃時朝暮雨月重圓處短長亭舊愁新恨
若為情

趙德莊 彥端

花下憑肩月下迎避人私語臉霞生畫堂紅燭意盈

唐金本漏作露



盈 病酒一春愁與睡倚闌終日雨還晴強移心緒
作清明

餘干傳舍

吳儆

畫楯朱欄繞碧山平湖倚徙水雲寬人家楊柳帶江
灣 目力已隨飛鳥盡機心還逐白鷗閑蕭蕭微雨
晚來寒

上巳

軟翠冠兒簇海棠研羅衫子繡丁香閒來水上踏青
陽 風暖有人能作伴日長無事可思量水流花落
任匆忙

張安國 考祥

已是人間不繫舟此心元是不驚鷗卧看駭浪與天
浮 對月只應頻舉酒臨風何必更搔頭暝煙多處
是神州

二

冉冉幽香解鈿囊蘭橈煙雨暗春江十分清瘦為蕭
郎 遙憶牙墻收楚纜應將玉筍點吳粧有人縈斷
九回腸

坐中十八客

同是瀛洲丹府仙只今聊結社中蓮胡茄按拍酒如

川喚起封姨清晚景更將荔子寫新圖從今三夜
看嬋娟

相山詞

一種秋風兩處涼雨聲初歇漏聲長池塘零落藕花
香歸夢等閑歸燕去斷腸分付斷雲行畫屏今夜
更思量

陸放翁

居金本嫩作楸

嫩向沙頭醉玉瓶喚君同賞小窓明夕陽吹角最閑
情忙日苦多閑日少新愁常續舊愁生客中無伴
怕君行

漁父

徐師川

西塞山前白鷺飛桃花流水鰕魚肥一波纔動萬波
隨黃帽豈如青蒻笠羊裘何似綠蓑衣斜風細雨
不須歸

二

新婦磯邊秋月明女兒蒲口晚潮平沙頭鷺宿戲魚
驚青蒻笠前明此事綠蓑衣底慶平生斜風細雨
小舟輕

張志和漁父詞云西塞山前白鷺飛桃花流水鰕
魚肥青蒻笠綠蓑衣斜風細雨不須歸顧况漁父
詞云新婦磯邊月明兒浦口潮平沙頭鷺宿魚
驚東坡云元真語極清麗恨其曲度不傳加教語

居全本每作

論人婦水跋無愁者且處帆以
故因磯色云限女乃云綠微浣
作坡便替魯事兒取惜蓑挑溪
此谷入却直綠浦張乎衣花沙
詞互女玉此蓑口碩散斜流歌
二有兒肌詞衣眼二花風水之
閱異浦花清底波詞與細鰕云
云同此貌新秋合挑雨魚西
之漁真婉時驚為花不肥塞山
父得麗休斜錯溪重歸此一白
無漁問其風認沙疊山身鷺飛
乃父最得雨沉鈎婦磯邊有擊筇
太家最得意轉船頭頭筇筇使稱
瀾風也然處以山東筇筇使稱
浪也然處以山東筇筇使稱
乎然處以山東筇筇使稱
東終以山東筇筇使稱
湖出山東筇筇使稱
老新光坡前黛

朱雍

殘日憑欄目斷霞寒林人靜每歸鴉小梅春早壓群
花一檻風聲清玉管數枝月影到窓紗隔簾時度
暗香些

春情

劉致君

仲尹

繡館人人倦踏青粉垣深處簸錢聲賣花門外綠陰
輕 簾幙風柔飛燕燕池塘花煖語鶯鶯有誰知道
一春情

蔡州爪陂鋪壁間詞

能改齋謾錄

居全本無能改齋謾錄五字又無一字

剪碎香羅裛淚痕鷓鴣聲斷不堪聞馬嘶人去近黃
昏 整整斜斜楊柳陌踈踈密密杏花村一番風月
更消魂

武進廳壁

楊彥齡 筆錄

倦客東歸得自由西風江上泛扁舟夜寒霜月素光

龍章亭扁

卷二

CENTRAL

圖書

香

閣

NATIONAL CENTRAL LIBRARY, TAIWAN

流 想得故人千里外
醉吟應上謝家樓
不多天氣
近中秋

二

北固江頭浪拍空
歸帆一夜趁秋風
月明初上荻花叢
漸入三吳烟景好
此身將過浙江東
夢魂先在鑑湖中

別恨

鄭中卿

酒薄愁濃醉不成
夜深歌枕數殘更
嫩寒時節過燒燈
已自孤鶯羞對鏡
未能雙鳳怕聞笙
莫教吹作別離聲

延安李氏

無力薔薇帶雨低
多情蝴蝶趁花飛
流水飄香乳燕啼
南浦魂消春不管
東陽衣減鏡先知
小樓今夜月依依

李易安

清照

小院閑窓春色深
重簾未捲影沉沉
倚樓無語理瑤琴
遠岫出山催薄暮
細風吹雨弄輕陰
梨花欲謝恐難禁

二

淡蕩春光寒食天
玉鑪沉水梟殘烟
夢迴山枕隱花

細 海鷺未來人 鬪草江梅已過 柳生綿黃昏 踈雨
濕秋千

閨情

髻子傷春慵更梳 晚風庭院落梅初 淡雲來往月踈
踈 玉鴨薰爐閑瑞腦 朱櫻斗帳掩流蘓 遺犀還解
辟寒無

朱淑真

露井天桃吐絳英 春衣初試薄羅輕 風和煙煖燕巢
成 滿院深簾閑不捲 曲房朱戶悶長扁 惱人光景
又清明

春怨

卸下金釵一樣嬌 背燈初解綉裙腰 衾寒枕冷夜香
消 深院不聞春寂寂 落花和雨夜迢迢 恨情和夢
更無聊

慕容崑卿妻

滿目江山憶舊遊 汀花汀草弄春柔 長亭艤住木蘭
舟 好夢易隨流水去 芳心猶逐曉雲愁 行人莫上

望京樓

竹坡詩話云頃年平江府雍熙寺每深夜月明有
婦人歌小詞於廊廡間者之不見客有聞而錄
之者姑蘇士子慕容崑卿見而驚曰君何從得此
詞客語之故崑卿悲歎久之曰此余亡妻之詞無

知者明日視之乃
其妻旅觀所在

珍娘鬼也

溪霧溪煙溪景新溶溶春水淨無塵
碧琉璃底浸春雲
風颺游絲垂蝶翅
雨飄飛絮濕鶯唇
桃花片片送殘春

紗窓恨

毛文錫

雙雙蝶翅塗鈿粉
啣花心綺窓繡戶飛來穩
畫堂陰二三月愛隨飄絮伴
落花來拂衣襟更剪輕羅片
傳黃金

二

新春燕子還來至
一雙飛壘巢泥濕
時時墜澆人衣
後園裏看百花發
香風拂繡戶
金扉月照紗窓恨
依依

戀情深

毛文錫

滴滴銅壺寒漏咽
醉紅樓月宴餘香
殿會駕衾蕩春心
真珠簾下曉光侵
鸞語隔瓊林
寶帳欲開慵起
戀情深

宮詞

玉殿春濃花爛熳
簇神仙伴羅裙
翠地綉黃金奏清音
酒闌歌罷兩沉沉
一笑動君心
永願作鴛鴦伴

戀情深

清商怨

晏叔原 幾道

庭花香信尚淺最玉樓先暖夢覺春衾江南依舊遠
田紋錦字暗剪謾寄與也應歸晚要問相思天涯
猶自短

周美成 邦彥

枝頭風勢漸小看暮鴉飛了又是黃昏閉門收返照
江南人去路緲信未通愁已先到怕見孤燈霜寒
催睡早

歐陽永叔 倫

閑河愁思望處滿漸素秋向晚鴈過南雲行人回淚
眼雙鵞衾裊悔展夜又永枕孤人遠夢未成歸梅
花聞塞管

江海詩心逐南雲去身隨北雁來陸機思親賦指
南雲以寄欽陸雲九愁眷南雲以興悲

沈文伯 會天餘錦機

城上鴉啼斗轉漸漸玉壺冰滿月淡寒梅清香來小
院誰遣鴈牋寫怨翻錦字疊疊和愁卷夢破胡笳
江南烟樹遠

贊浦子

毛文錫

錦帳添香睡金爐換夕薰懶結芙蓉帶慵拖翡翠裙

正是挑天柳媚那堪暮雨朝雲宋玉高唐意裁瓊
欲贈君

傷春怨

荆公能改
漫錄石

雨打江南樹一夜花開無數綠葉漸成陰下有遊人
歸路與君相逢處不道春將暮把酒祝東風且莫
匆匆去

平湖樂

綠荷相背倚西風涼露煙霏重翠蓋銀瓶醉時捧使
君公徑須傾倒玻璃瓮青山城郭暮雲樓閣高下
一重重

二

安仁雙鬢已驚秋更甚眉頭皺一笑相逢且開口玉
為舟新詞淡似鵝黃酒醉歸扶路竹西歌吹人道
似揚州

三

採菱人語隔秋煙波靜如橫練入手風光莫流轉共
留連畫船一笑春風面江上信美終非吾土問何
日是歸年

四

秋風湖上水增波木底雲陰過憔悴湘纍莫輕和且

高歌 凌波幽夢誰驚破佳人望斷碧雲暮合道別
後意如何

小桃紅

張小山可久

一汀煙柳索春饒添得楊花鬧
盼殺歸舟木蘭棹水迢迢
畫樓明月空相照今番瘦了多情
知道寬褪翠裙腰

歸國遙

溫飛卿庭筠

雙臉小鳳戰金鈿
艷舞衣無力風斂藕絲秋色染
錦帳繡幃斜掩露珠清曉
簞粉心黃藥花靨黛眉
山兩點

韋莊

春欲暮滿地落花紅帶雨惆悵玉籠鸚鵡單棲無伴
侶南望去程何許問花花不語早晚得同歸去恨
無雙翠羽

二

金翡翠為我南飛傳我意
畫橋邊春水幾年花下
醉別後只知相愧淚珠難遠寄
羅幕繡幃鴛鴦被舊
歡如夢裏

馮延巳花間作溫

雕香玉翠鳳寶釵垂景
靸鈿筐交勝金粟越羅香火

綠 畫堂照簾殘燭夢餘更漏促謝娘無限心曲曉
屏山斷續

三字令

歐陽炯

春欲暮日遲遲牡丹時羅幌卷翠簾垂兩心知人
不在燕空歸負佳期香燼落枕函歌月分明花澹薄
惹相思

向伯恭 十註

春盡日雨餘時紅蕖綠漪漪花滿地水平池烟光
裡雲衫上畫船移 文鴛並白鷗飛歌韻響酒行遲
將我意入新詩春欲去留且住莫教歸

居金本初作詞

縷縷金

清湖三塔記

幾回見你簾兒下佯不採把人斜抹問着他揷地推
聾啞到學三郎改話不也不和我巧時休和我巧時
都不怕

二

這幾日言語夾袂只推道娘的揹把常言道官不容
針又何况私同車馬不也不和我巧時休和我巧時
都不怕 備題

居金本初作詞

揚花落

夢中

李邦直 塵史

揚花落燕子橫穿高閣長恨春醪如水薄閒愁無處着

花車 薛編

卷六

七

去年今日玉陵舍鼓角秋風千歲遼東回首人間
萬事空

喜長新

王勝之 益柔

秋雲朔吹晚徘徊雪照樓臺宴召郇枝相如獨逞雄
才 明燭薰爐香暖深勸金盃庭前粉艷有寒梅昨
夜一枝開

霜天曉角

張安國 孝祥

柳絲無力冉冉縈秋碧繫我船兒不住楚江上晚風
急 棹歌休怨抑有人離恨極說與歸期不遠剛不
信淚偷滴

曉風搖幕歌枕聞殘角霜月可窓寒影金猊冷翠衾
薄 舊恨無處着新愁還又作夜夜單于聲裏燈花
共淚珠落

張材甫 掄

劉改之 過

霜天曉角夢回滋味惡酒醒不禁寒力紗窓外日華
薄 擁衾思舊約無情風透幙惟有梅花相伴不成
是也吹落

劉圻父

橫陰漠漠似覺羅衣薄正是海棠時候紗窓外東風

惡 惜春春寂寞尋花花冷落不會這些情味元不
是念離索

月當窓

張宗瑞

看朱成碧曾醉梅花側相遇匆匆相別又爭似不相
識 南北千里隔幾時重見得最苦子規啼處一片
月當窓白

閔河令

清遠軒
遠望

趙介之

亭臯霜落飛葉滿聽西風斷鴈閑凭危闌斜陽紅欲
斂 行人歸期太晚誤髣髴征帆幾點水遠連天愁
雲遮望眼

已亥宜春舟中

江頭伊軋動柔櫓漸楚天欲暮浩蕩輕鷗波間自容
與 岸蓼汀蘋無緒更滿目蕭疎紅樹此意何窮憑
誰圖画取

卜筮子

春恨

秦處度

春透水波明寒峭花枝瘦極目煙中百尺樓人在樓
中否 四和裊金鳧雙陸思纖手擬倩東風浣此情
情更濃如酒

陳瑩中

身如一葉舟萬事潮頭起水長船高一任伊來往共
濤裏 潮落又潮生今古長如此後夜開樽獨酌時
月滿人千里

二

夢裏不知眠覺後眠何在試問眠身與夢身那箇能
祇對 醉後有人醒醒了無人醉要識三千與大千
不在微塵外

裕陵時人

感破眉峯碧纖手還重執鎮日相看未足時忍便使
鴛鴦隻 薄暮投村驛風雨愁通夕窗外芭蕉窸窣裏

居全本無便字分字
佳作高

人分葉上心頭滴

玉照新志裕陵親書其後云
此書甚佳不知何人作奏來

孤鴻

蘇子瞻賦

缺月掛疎桐漏斷人初靜時見幽人獨往來縹緲孤
鴻影 驚起却回頭有恨無人省揀盡寒枝不肯棲

楓落吴江冷

著舊續聞云趙右史云余頃於鄭公實處見東坡
親蹟書卜算子斷句云寂寞沙汀冷刊本作楓落
吴江冷詞意
全不相屬也

皎如晦 杭州僧

有意送春歸無計留春住畢竟年年用着來何似休
歸去 目斷楚天遙不見春歸路風急桃花也似愁

居全本似作以



點點飛紅雨

毛棊

見也如何暮別也如何遽別也難時見也難後會難
憑據去也如何去住也如何住住也應難去也難
此際難分付

石孝友集
金谷遺音

送鮑浩然游浙東

王逐客

能改齋
漫錄

水是眼波橫山是眉峯聚欲問行人去那邊
眉眼盈盈處才始送春歸又送君歸去若到
江南赶上春千萬和春住

張子野

先

夢短寒夜長坐待清霜曉臨鏡無人為整粧
但自學孤鷺照樓臺紅樹杪風月依前好
江水東流郎在西問尺素何由到

杜叔元

安世

尊前一曲歌歌裏千重意才欲歌時淚已流
恨應更多如淚試問緣何事不語痴如醉我亦情多不忍
聞怕和我添憔悴

程正伯

孩

獸自上層樓樓外青山遠望到斜陽欲盡時
不見西飛鴈獸自下層樓樓下蛩聲怨待到
黃昏月上時

依舊柔腸斷

呂聖求 渭老

一日抵三秋半月如千歲自夏經秋到雪飛一向都
無計 續續說相思不盡無窮意若寫幽懷一段愁
應用天為紙

徐師川 術

天生百種愁掛在斜陽樹綠葉陰陰自得春草滿鶯
啼處 不見凌波步空想如黃語門外重重疊疊山
遮不斷愁來路

舒信道 宣

池臺小雨乾門巷香輪少誰把青錢襯落紅滿地無
人掃 何時鬪草歸幾度尋花了留得佳人蓮步痕
宮樣鞋兒小

黃山谷 庭堅

要見不得見要近不得近試問得君多少憐管不解
多於恨 禁止不得淚忍管不得悶天上人間有底
愁向箇裡都諳盡

劉潛夫 克莊

盡是手成持合得天饒借風雨於花有甚讎作意相
陵藉 做煖逼教開做冷催教謝不負明年看花人

只負栽花者

二

片片蝶衣輕點點猩紅小人道東君不惜花百種千般巧朝見樹頭繁暮見枝頭少人道東君果惜花雨打風吹了

李敦詩

南北利名人常恨家居少每到春時聽子規無不傷懷抱好去向長安細與公卿道待得功成名遂時不如歸來早

康仲伯

曾約再來時花暗春風樹今日人來花未開春未知人處坐客有疎狂綵筆題新語渾為玉人顏玉山忘了陽關路

二

煙髻縮層巔雲葉生寒樹斜日行人窈窕村愁陣縱橫處細細寫寫牋寄相思語會倩春風展柳眉回馬章臺路

蒲江

續續露蛩鳴索索風梧語瘦骨從來不柰秋一夜秋如許簾冷捲風漪髻滑拋雲縷展轉無人共此情

畫角吹殘雨

慈谿文亭館古詞

潮生浦口雲潮落沙頭樹潮本無心落又生人自來
還去今古短長亭送往迎來處老盡東西南北人
亭下潮如故

清湖三塔記

幽花帶露紅濕柳拖烟翠花柳分春各自芳惟有人
憔悴寄與手中書問肯歸來未正是東風斜峭寒
如何獨自教人睡

寄歌者李蓮

呂聖求

清光

渡口看潮生水滿蘆葦浦長記扁舟載月明深入紅
蕖去荷盡覆平地忘了歸來路誰信南樓百尺高
不見如蓮步

陳無已

梅花苑
師道

搖風影似凝帶雪香如抱開盡南枝到北枝不道春
將老飄飄姑射仙誰識冰肌好會有青綾夢覺人
可愛池塘草

二

綉幕罩梅花莫放清香透鑑裏朱顏歲歲移只道花
依舊把酒問梅花知我離情否若使梅花知我時

料得花須瘦

三

雪閣嶺頭雲竹冷溪邊樹還似蕭湘縹緲人玉骨籠
香霧月下幽香度夢裏香魂駐回首南枝酒半醺
寂寞無尋處

春晚

高觀

觀國

屈指數春來彈指驚春去簷外蛛絲網落花也要留
春住幾日喜春晴幾夜愁春雨十二雕窓六曲屏
題遍傷春句

三月三十日壽母

范靖江

壽親
養老

滿二望三時春景方明媚人見蟠桃結子來王母初
筵啓無數桂林山不盡離江水揔入今朝祝壽杯
永保千千歲

趙可

中州樂
府

明月在青天借問今時幾但見宵從海上來不覺雲
間墜流水古今人共看皆如此唯願當歌對酒時
長照金尊裏

缺月挂疎桐

擬東坡作

趙秉文

上

烏鵲不多驚貼貼風枝靜珠貝橫空冷不收半濕秋
河影缺月墮幽窓推枕驚深省落葉蕭蕭聽雨聲

簾外霜華冷

唐金木道作過

西湖遺舊

福建士子

月在小樓西鷄唱霜天曉淚眼相看話別時把定纖
纖手伊道不忘人伊却都忘了我若無情似你時
瞞不得橋頭柳古杭雜記

贈樂婉杭妓

施酒監古今詞話

唐金木道作史

相逢情便深恨不相逢早識盡千千萬萬人終不似
伊家好別你登長道轉更添煩惱柳外朱樓獨倚
攔滿目園芳草

答施

樂婉

相思似海深舊事如天遠淚滴千千萬萬行更使人
愁腸斷要見無因見了拚終難拚若是前生未有
緣待重結來生願

美奴陸藻侍兒

送我出東門乍別長安道兩岸垂楊鎖暮煙正是秋
光老一曲古陽關莫惜金尊倒君向瀟湘我向秦
魚鴈何時到若溪漁隱

梅

朱淑真

竹裏一枝梅映帶林逾靜雨後清奇畫不成淺水橫
斜影吹徹小單子心事重思省拂拂風前度暗香

月色侵花冷

嚴幼芳

不是愛風塵似被前緣誤
花開花落自有時總賴東
君主去也終須去住也
如何住若得山花插滿頭
莫問奴歸處

後庭花

毛熙震

花間集

鶯啼燕語芳菲節
瑞庭花發昔時惟
宴歌聲揭管絃
清越自從陵谷
追遊歇盡梁塵
蹀傷心一片如珪
月閑鎖宮闕

二

越羅小袖新香薄
籠金釧倚闌無語
搖輕扇半遮
勻面春殘日暖
鶯嬌嬾滿庭
花片爭不教人
長相見畫堂深院

孫光憲

石城依舊空江國
故宮春色七尺青
絲芳草綠絕世
難得玉英凋落
盡更何人識
野棠如織只是
教人添怨憶
悵望無極

玉樹後庭花

上元

張子野

先

華燈火樹紅相闌
往來如畫河橋水
白天晴訝別生
星斗落梅穠
李還依舊寶釵
沾酒曉蟾殘
漏心情

恨雕鞍歸後

二

寶牀香重春眠覺
鮑窓難曉新聲麗
色千人歌後庭清妙
青驄一騎來飛鳥
靚粧難好至今落日寒蟾
照臺城秋草

巫山一段雲

毛文錫

雨霽巫山上雲輕映碧天
遠風吹散又相連
十二晚峯前
暗濕啼猿樹高籠
過客船朝朝暮暮楚江邊
幾度降神仙

李珣

后金本停作亭

有客經巫峽停橈向水湄
楚王曾此夢瑤姬
一夢杳無期
塵暗珠簾卷香銷翠幄垂
西風回首不勝悲
暮雨洒空祠

二

古廟依青嶂行宮枕碧流水
聲山色鎖粧樓往事思悠悠
雲雨朝還暮煙花春復秋
啼猿何必近孤舟
行客自多愁

花菴詞客云唐詞多緣題所賦臨江仙則言仙事
女冠子則述道情河瀆神則詠祠廟大槩不失本
題之意尔後漸變失題遠矣如此

淨壇峯

巫山十峯

趙孟頫

疊嶂千重碧長江一帶清瑤壇霞冷月隴明歌枕若
為情雲過船窓曉星移宿霧晴古今離恨撥難平
惆悵峽猿聲

登龍峯

片月生危岫殘霞拂翠桐登龍峯下楚王宮千古感
遺蹤柳色眉邊綠花明臉上紅欲尋靈跡阻江風離
思杳無窮

松鶴峯

松鶴堆嵐靄陽臺枕水湄風清月冷好花時惆悵阻
佳期別夢遊蝴蝶離歌怨竹枝悠悠往事不勝悲春

恨入雙眉

上昇峯

雲裏高唐觀江邊楚客舟上昇峯月照妝樓離思兩
悠悠雨雲千里阻長江一帶秋歌聲頻唱引離愁光
景恨如流

朝雲峯

絕頂朝雲散寒江暮雨頻楚王宮殿已成塵過客轉
傷神月是巫娥伴花為宋玉隣一聽歌調一含嘔哀
怨竹枝春

集仙峯

原全本自本篇至柳
三變第三首皆分上
下閱

雨過蘋汀遠雲深水國遙渡頭齊舉木蘭橈纖細楚
宮腰映水勻紅臉偎花整翠翹行人倚棹正無聊一
望一魂銷

望霞峯

碧水鴛鴦浴平沙荳蔻紅望霞峯翠一重重帆卸落
花風澹薄雲籠月霏微雨灑蓬孤舟晚泊浪聲中無
處問音容

棲鳳峯

芍藥虛投贈丁香漫結愁鳳棲鴛去兩悠悠新恨怯
逢秋山色驚心碧江聲入夢流何時弦管簇歸舟蘭

棹泊沙頭

翠屏峯

碧水澄青黛危峯聳翠屏竹枝歌怨月三更別是斷
腸聲煙外黃牛峽雲邊白帝城扁舟清夜泊蘋汀倚
棹不勝情

聚鶴峯

鶴信三山遠羅帶片水深高唐春夢杳難尋惆悵至
如今十二峯前月三千里外心紅牋錦字信沉沉腸
斷舊香衾

望泉峯

曉色飄紅豆平沙枕碧流泉聲雲影弄新秋觸處是
離愁臉淚橫波淡眉攢片月收佳人嫵笑準難休半
整玉搔頭

起雲峯

裊娜江邊柳飄飄嶺上雲卸帆迴棹楚江濱歸信夜
來聞欲拂珊瑚枕先熏翡翠裙江頭含笑去迎君鸞
鳳畫成群

柳三變

六六真游洞三三物外天九斑麟搥破非煙何處接
雲軒昨夜麻姑陪宴又話蓬萊清淺幾日山脚弄雲

濤髻髻見金鰲

二

閨苑年華永嬉遊別是情人間三度見河清一番碧
桃成金母忍將輕摘留宴鰲峯真客紅瓏閑卧吠斜
陽方朔敢偷嘗

三

蕭氏賢夫婦茅家好弟兄羽輪馳駕赴層城高會盡
仙卿一曲雲謠為壽倒盡金壺碧酒醺酣爭撼白榆
花踏碎九光霞

減字木蘭花

歐陽永叔

留春不住燕老鶯慵無覓處說似殘春一老應無却
少人 風和月好辦得黃金須買笑愛惜芳時莫待
無花空折枝

二

傷懷離抱天若有情天亦老此意如何細似輕絲渺
似波 扁舟岸側楓葉荻花秋索索細想前歡須着
人間比夢間

三

歌檀歛袂繚繞雕梁塵暗起柔潤清圓百琲明珠一
綫穿 櫻唇玉齒天上仙音心下事留住行雲滿坐

居金本蕊作指心作天

迷魂酒半醺

四

去年殘臘曾折梅花相對插人面而今空有花開無
處尋 天天不遠把酒拈花時發願願得和伊偎雪
眠香似舊時

晏叔原

幾道

長亭晚送都似綠窓前日夢小字還家恰應紅燈昨
夜花 良時易過半鏡流年春欲破往事難忘一枕
高樓到夕陽

二

留春不住恰似年光無味處滿眼飛英彈指東風太
淺情 箏絃未穩學得新聲難破恨轉枕花前且伴
香紅一夜眠

三

長楊輦路綠滿當年携手處試逐春風重到宮花花
樹中 芳菲逸遍今日不如前日健酒罷淒涼新恨
猶添舊恨長

恨別

柳耆卿 永

花心柳眼郎似游絲常惹絆慵困誰憐繡線金針不
喜穿 深房密讌爭向好天多聚散綠瑣窓前幾日

春愁廢管絃

春情

王安國

畫橋流水雨濕落紅飛不起月破黃昏蘆裏餘香馬
上聞 徘徊不語今夜夢魂何處去不似垂楊猶解
飛花入洞房

潤州席上

蘇子瞻 賦

鄭莊好客容我尊前時墮幘落筆風生籍籍聲名滿
帝京 高山白早瑩骨冰肌那解老從此南徐良夜
清風月滿湖

唐金本生作聲

東臯雜錄云林希子中知潤州東坡自錢塘赴召
有官妓鄭容高瑩求脫籍東坡為此詞書牒林判

居金本落春作蕩香
婉作婉

云鄭容落籍高堂從良蓋取句端八字云若溪魚
隱曰聚蘭集載此詞東坡贈潤守許仲涂

東坡錄侯鯖

春庭月午搖落春醪光欲舞步轉回廊半落梅花婉
婉香 輕風薄霧都是少年行樂處不似秋光只與
離人照斷腸

元祐七年正月東坡在汝陰州堂前梅花大開王
夫人曰春月色勝如秋月色秋月令人懷春
月色令人和悅何如召趙麟華來飲此花下先
生大喜曰吾不知子能詩耶此真詩家語耳遂相
召與飲用是語作此詞

登巫山縣樓

黃山谷 庭堅

襄王夢裏草綠煙深何處是宋玉臺頭暮雨朝雲幾

許愁 飛花漫漫不管羈人腸欲斷春水茫茫要渡
南陵更斷腸

二

終宵忘寐好事如何猶尚未子細沉吟珠泪盈盈濕
袖襟 與君別也願在郎心莫暫捨記取盟言聞早
回程却再圓

秦少游

天涯舊恨獨自淒涼人不問欲見回腸斷盡金爐小
篆香 黛蛾長斂任是東風吹不轉困倚危樓過盡
飛鴻字字愁

張文潛

箇人風味只有梅花些子似每到開時滿眼清愁只
自知霞裾仙佩姑射神人風露態蜂蝶休忙不與
春風一點香

減蘭十梅并序

梅苑 黃大興

居金本潛作漸

竊以花雖多品梅最先春始因暖律之潛催正值
冰澌之初泮前村雪裏已見一枝山上驛邊亂飄
千片寄江南之春信與隴上之故人玉臉娉婷如
壽陽之傅粉冰肌瑩徹逞姑射之仙姿不同桃李
之繁枝自有雪霜之素質香欺青女冷柰霜娥月

居金本垣城一曰作但
慈好景難標

淺溪明動詩人之清興日斜烟暝感行客之幽懷
偏宜淺葢輕枝最好暗香踈影况是非常之標格
別有一種之風情姮娥好星難擠那更綵雲易散
憑欄賞處已遍南枝兼北枝秉燭看時休問今日
與昨日且輟龍吟之三弄更停畫角之數聲庾嶺
將軍久思止渴傅岩元老專待和羹豈如凡卉之
嬌春長賴化工而結實又况風姿雨質曉色暮雲
日邊月下之妖嬈雪裏霜中之艷冶初開微綻欲
落驚飛取次芬芳無非竒絕錦囊佳句但能髣髴
芳姿皓齒清歌未盡形容雅態追惜花之餘恨舒

居金本治作治

樂事之餘情試綴蕪詞編成短闋曲盡一時之景
聊資四座之歡女伴近前鼓子祇候

總題

居金本時作明

梅萼香嫩雪裏開時春粉潤雨益風枝暗與黃昏取
次宜日邊月下休問初開蕪欲謝却最嬌妖不似
群花春正嬌

風

東風吹暖輕動枝頭嬌艷顫成片驚飛不是城南畫
角吹香英飄處定向壽陽樓閣出莫損柔柯今日
清香遠更多

雨

蕭蕭細雨雨歇芳菲猶淡竚密洒輕籠濕遍柔枝香
更濃瓊腮微膩疑是凝酥初點綴冷艷相宜不似
梨花帶雨時

雪

六花飛素飄入枝頭無覓處密綴輕堆只似香苞次
第開攔邊欲墜姑射山頭人半醉墻外低垂窺送
佳人粉再吹

月

寒蟾初滿正是枝頭開爛熳素質籠明多少風姿無

限情 暗香疎影冰射蕭蕭山驛靜淺盞輕枝酒醒
更闌夢斷時

日

騰騰初照半拆瓊苞還似笑莫近柔條只恐凝酥暖
欲消 三竿已上點綴胭脂紅蕩漾剛道宜寒不似
前村雪裏看

晚

急催銀漏漸漸紗窓明欲透點檢花枝曉笛吹時幾
片飛 淡烟初破鬢鬢夜來飛幾朵淺粉餘香晨起
佳人帶曉粧

晚

天寒欲暮別有一般姿媚處半載斜陽寶鑑微開試
晚粧 淡烟輕處漸近黃昏香暗度休怕春寒秉燭
重來子細看

早

陽和初布入萼春紅才半露暖律潛催與占百花頭
上開 香英微吐折贈一枝人已去楊柳貪眠不道
春風已暗傳

殘

香苞漸少滿地殘英寒不掃傳語東君分付南枝桃

李春 東風吹暖南北枝頭開爛熳一任飄吹已占
東風第一枝

陳瑩中

大江北去未到滄溟終不住淮水東流日夜朝宗亦
未休 香爐煙裊濃淡卷舒終不老寸碧千鍾人醉
華胥月色中

贈碁妓宋瑤

謝幼槃

風篁度曲倦倚雲屏初睡足清簟疎簾香鴨香消懶
更添 纖纖露玉風電縱橫飛鈿局顰歛雙娥凝佇
無言密意多

賀方回

冷香浮動望處欲生蝴蝶夢曉日曛隴愁見凝酥煖
漸融 鼓催歌送芳酒一尊誰與共寂寞墻東門掩
黃昏滿院風

用舊韻戲吳奉議

舒信道

眉山歛額往事追思空手拍鴈字頻飛生怕人來說
着伊 閑拋繡履愁殢香衾渾不起莫似揚州只作
尋常薄倖休

錦帶

碎紅如繡搖曳東風吹綵綬擬倩柔條約住佳人細

柳腰 蜀江春淥爭似枝頭能結束纖手攀時欲綰
同心寄與誰

晁無咎小姬娉娉舞梁州

陳無已

漫錄

娉娉裊裊芳藥稍頭紅玉小舞袖遲遲心到郎邊客
已知 當筵舉酒勸我尊前松栢壽莫休休白髮
簪花我自羞

聽琵琶

朱希真

敦謨

劉郎已老不管桃花依舊笑要聽琵琶重院啼鶯覓
謝家 曲終人醉多似潯陽江上淚萬里東風故園
山河照落紅

居金木人下無醉多二字
圖作圖

二

慵歌怕酒今日春衫驚著瘦雙燕蘆櫂金鴨香沉客
淚中 琵琶重聽誰信人間多少恨落日東風吹得
桃花滿院紅

李公麟山陰圖

米芾

志雅堂
雜抄

山陰道士鶴目龜趺多秀氣後領將軍蕭散精神一
片雲 東山太傅落落龍驤兼虎步潦倒支公窮骨
零丁小道風

趙德莊

齊端

綠陰紅雨暗淡衣裳花下舞花月佳時舞破東風第

幾枝一盃相屬從施樽前三四燭酒盡花闌京路
風流子細看

盧炳

傳消寄息咫尺還如千里隔欲見無由惹起新愁與
舊愁情懷如醉欹枕連宵終不寐無奈相思此恨
憑誰說與伊

政和癸巳

向子諲

幾年不見蝴蝶枕中竟夢遠一日相逢鸚鵡盃深笑
壓濃歡心未已流水落花愁又起離恨如何細雨
斜風晚更多

願堂詞

上物

飛霞半縷收盡一天風和雨可惜黃昏殘角疎鐘要
斷魂雙魚傳信只道橫塘消息近心事悠悠同向
春風各自愁

康伯可

興之

揚花飄盡雲壓綠陰鴉乍定簾幕開垂弄語千般燕
子飛小樓深靜睡起殘粧猶未整夢不成歸青淚
滴班金縷衣

吳大年

億

薔薇葉暗滿架濃陰風不亂午酒才醒歷歷黃鸝枕

上聽 此情難遣不比紅蕉心易展要識離愁只似
楊花不自由

張安國 孝祥

愛而不見立馬章臺空便面想像娉婷只恐丹青畫
不成 詩人老去恰要鶯鶯相伴住試與平章歲晚
教人枉斷腸

李端叔 之儀

亂魂無據黯黯只尋來處路燈盡花殘不覺長更又
向闌 幾回枕上那件不曾留夢想變盡星星一滴
秋霖是一莖

二

春融酒困一寸橫波千里恨着處芳菲蝶與鶯情醉
自迷 歌雲妥翠冷落金屏山十二低抱琵琶月向
黃昏日又斜

雅詞 曾旼

誰知瑩徹惟有碧天雲外月一見風流洗盡胸中萬
斛愁 賸燒密炬只恐夜深花睡去想得橫陳全是
巫山一段雲

呂居仁 本中

去年今夜同醉月明花樹下此夜江邊月暗長堤柳

居全本無作船

暗舫 故人何處帶我離愁江外去來歲花前又似今年憶去年

魏夫人

西樓明月掩映梨花千樹雪樓上人歸愁聽孤城一鴈飛 玉人何處又見江南春色暮芳信難尋去後桃花流水深

二

落花飛絮杳天涯人甚處欲寄相思春盡衡陽鴈漸稀 離腸淚眼腸斷淚痕流不斷明月西樓一曲欄干一倍愁

李易安

清照

賣花擔上買得一枝春欲放淚染輕勻猶帶彤霞曉露痕 怕即猜道奴面不如花面好雲鬢斜簪徒要教郎比並看

雄州驛

李令女

朝雲橫度輓輓車聲如水去白草黃沙月照孤村三兩家 天天去也萬結愁腸無晝夜漸近燕山回首鄉閨歸路難

居全本闕作闕仍作乃

梅堯詩話云靖康間金人犯闕陽武蔣令與祖死之其女為賊虜去題字於雄州驛中叙其本末仍作此詞蔣令浙西人其女方笄美顏色能詩詞鄉人皆能道之此湯巖起詩海遺珠所載

乾章序高

卷二

五

春

朱淑真

獨行獨坐獨唱獨酌還獨卧
佇立傷神無柰春寒著
摸人此情難見淚洗殘粧
無一半愁病相仍剔盡
孤燈夢不成

李秀蘭

自從君去曉夜縈牽腸
斷處綠逼香堦過夏經秋
鴈又來想伊那里應也
情懷愁不止綉綉書沉
直至如今沒信音

蘇小小

別離情緒萬里関山如底
數遣妾傷悲未必郎家知

不知自從君去數盡殘冬
春又暮音信全乖等到
花開不見來

洪惠英
夷聖
支志

梅花似雪剛被雪來相挫折
雪裏梅花無限精神總
屬他梅花無語只有東風
來作主傳語東君且與
梅花作主人

洪邁守會稽惠英於席間歌其自製述
懷小曲梅者自喻雪指無頓惡少也

馬裕齋
光祖

多情多愛還了平生花柳債
好箇檀郎室女為妻也
不妨傑才高作聊贈青蚨
三百索燭影搖紅記取

媒人是馬公

三朝野史云馬光祖尹京日有士踰牆偷入室女
事覺到官光祖出踰牆接處子詩面試士人秉筆
云花柳平生債越流一段愁開墻乘興下處子有
心接謝砌應潛越韓香許暗偷有情還愛終無語
強嬌羞不負秦接約安知漢獄因玉顏麗
如此何用讀書求光祖判此詞云

夷堅支志四丙

家門布差養得一枚依樣畫百事無能只去籬邊纏
倒藤 幾回水上軋捺不翻真箇強無處容他只好
炎天照作巴

宗室公衛居秀州性易善與人款曲但天資滑
稽遇可啓顏一笑衝口輒發見之者無不敬畏因
寡髮俗目之為趙葫蘆好事者
作此詞詠之蓋以謔受報也

居全本今作煩煩作翠

採桑子

一名羅敷令
醜如兒令

和凝

蟪謁領上訶梨子繡帶雙垂椒戶閑時竟學擗蒲賭
荔枝 叢頭鞋子紅編細裙窄金絲無事嘖眉春思
翻教阿母疑

秋怨

李後主

輓轡金井梧桐晚幾樹驚秋晝雨新愁百尺蝦鬚上
玉鈎 瓊牕春斷雙娥皺回首邊頭欲寄鱗遊九曲
寒波不沂流

春思

前人

亭前春逐紅英盡舞態徘徊細雨霏微不放雙眉時

花尊醉舞

暫開綠窓冷靜芳音斷香印成灰可頼情懷欲睡
蒙朧入夢來

馮延巳

小庭雨過春將盡片片花飛獨折殘枝無語凭闌祇
自知玉堂香暖珠簾捲雙燕來歸君約佳期肯信
韶華得幾時

二

馬嘶人語春風岸芳草絲絲楊柳橋邊落日高樓酒
旆懸舊愁新恨知多少目斷遙天獨立花前更聽
笙歌滿畫船

三

西風半夜簾櫳冷遠夢初歸夢過金扉花謝窓前夜
合枝昭陽殿裡新翻曲未有人知偷取笙吹驚覺
寒蛩到曉啼

四

酒闌睡覺天香暖綉戶慵開香印成灰獨背寒屏理
舊眉朦朧却向燈前卧窓月徘徊曉夢初回一夜
東風綻早梅

五

小堂深靜無人到滿院春風惆悵墻東一樹櫻桃帶

雨紅 愁心似醉兼如病欲語還慵日暮踈鐘雙燕
歸樓畫閣中

六

畫堂燈暖簾櫳卷禁漏丁丁雨罷寒生一夜西窓夢
不成 玉娥重起添香印回倚孤屏不語含情水調
何人吹笛聲

七

笙歌放散人歸去獨宿江樓月上雲收一半珠簾掛
玉鈎 起來檢點經遊地處處新愁憑仗東流將取
離心過橘州

八

昭陽計得神仙侶獨自承恩水殿燈昏羅幙輕寒夜
正春 如今別館添蕭索滿面啼痕舊約猶存忍把
金環別與人

九

微風簾幙清明近花落春殘樽酒留歡添盡羅衣怯
夜寒 愁顏恰似燒殘燭珠淚闌干也欲高拚爭柰
相逢情萬般

十

畫堂昨夜愁無睡風雨淒淒林鵲爭棲落盡燈花鷄

未啼年光往事如流水休說情迷玉筋雙垂祇是
金籠鸚鵡知

十一

寒蟬欲報三秋候寂靜幽居葉落開階月透簾櫳遠
夢回昭陽舊恨依前在休說當時玉笛絲吹滿袖
猩猩血又垂

十二

洞房深夜笙歌散散簾幙重重斜月朦朧雨過殘花落
地紅昔年無限傷心事依舊東風獨倚梧桐閑想
閑思到曉鐘

十三

花前失却遊春侶極目尋芳滿眼悲涼縱有笙歌亦
斷腸林間戲蝶簾間燕各自雙雙忍更思量綠樹
青苔半夕陽

晏同叔

殊

陽和二月芳菲遍暖景溶溶戲蝶遊蜂深入千花粉
豔中何人解繫天邊日占取春風免使繁紅一片
西飛一片東

二

時光只解催人老不信多情長恨離亭淚滴春衫酒

易醒 梧桐昨夜西風急
淡月朧明好夢頻驚何處
高樓鴈一聲

三

花中獨占春風早
長愛江梅秀艷清
枉芳意先愁調
角催 尋香已落閑人後
此恨難裁更曉
須來却恐
初開勝未開

小山詞

真意

蘆鞭墜遍楊花陌
晚見珍珍疑是朝雲來
作高唐夢
裡人 應憐醉落樓中帽
長帶歌塵試拂香茵留解
金鞭睡過春

二

征人去日殷勤囑
莫負心期寒鴈來時
第一傳書慰
別離 輕絲織就機中素
淚墨題詩欲寄相思日日
高樓看鴈飛

三

花時惱得瓊枝瘦
半被殘香睡損梅粧
紅淚今春第
一行 風流笑伴相逢處
白馬遊韉共折垂楊手
撚芳條說夜長

四

秋來更覺銷魂苦
小字還稀坐想行思
怎得相看似

舊時南樓把手憑肩處風月應知別後除非夢裡
時時得見伊

五

居金本痕作涼

誰將一點淒涼意送入低眉畫箔閑垂多是今宵獨
睡遲夜痕記盡窓間月曾誤心期準擬相思還想
窓間記月時

六

前歡幾處笙歌地長負登臨月幌風襟猶憶西樓着
意深鶯花見盡當時事應笑如今一寸愁心日日
寒蟬夜夜砧

七

日高庭院楊花轉閑淡春風鶯語惺惚似笑金屏昨
夜空嬌慵未洗勻粧手閑印斜紅新恨重重都與
年時舊意同

歐陽永叔

倚

輕舟短棹西湖好綠水逶迤芳草長堤隱隱笙歌處
處隨無風水面琉璃滑不覺舩移微動漣漪驚起
沙禽掠岸飛

張子野

先

雲水薄薄天同色竟日清輝風影輕飛花發瑤林春

未知 剡溪不辨沙頭路
湖水平堤姑射人
歸記得 歌聲與舞時

周美成 邦彥

肌膚綽約真仙子
來伴水霜洗盡鉛黃
素面初無一點粧
尋花不用持銀燭
暗裏聞香零落池塘
分付餘妍與壽陽

黃山谷 庭堅

櫻桃着子如紅豆
不管春歸聞道開時
蜂惹香鬢蝶惹衣
樓臺燈火明珠翠酒
戀歌迷醉玉東西
少箇人人煖被携

秦少游 觀

夜來酒醒清無夢
愁倚闌干露滴輕寒
兩行芙蓉淚不乾
佳人別後音塵悄
銷瘦難拚明月無端
已過江樓十二間

舒信道 賈

一池秋水踈星動
寒影橫斜滿坐風
花紅燭紛紛透絳紗
江湖散誕扁舟裏
到處如家且盡流霞
莫管年來兩鬢華

呂居仁 本中

恨君不似江樓月
南北東西只有相隨無

別離 恨君却似江樓月暫滿還虧暫滿還虧待得
團團是幾時

二

亂紅天綠風吹盡小市疎樓細雨輕鷗總向離人恨
裏收 年年春好年年病妾自西游水自東流不似
殘花一樣愁

謝無逸

楚山削玉雲中碧影落沙汀秋水澄凝一抹江天鴈
字橫 金錢滿地西風急紅蓼煙輕蘆外砧聲驚起
青樓夢不成

朱希真

扁舟去作江南客旅鴈孤雲萬里烟塵回首中原淚
滿巾 碧山相映汀洲冷楓葉蘆根日落波平愁損
辭鄉去國人

夏意

康伯可

晚來一霎風兼雨洗盡炎光理罷笙簧却對菱花淡
淡粧 絳綃縷薄冰肌瑩雪膩酥香笑語檀香今夜
紗厨枕簟涼

雪景

前人

馮夷剪破澄溪練飛下同雲著地無痕柳絮梅花處

處春 山陰此夜明如晝月滿前村莫掩溪門恐有
扁舟乘興人花庵詞客云順庵作此詞

清明

曾純甫記

清明池館晴還雨綠漲溶溶花裏遊蜂宿粉棲香錦
繡中 玉簫聲斷人何處依舊春風萬點愁紅亂逐
烟波流向東

向伯恭子諤

人如濯濯春楊柳徹骨風流脫體溫柔牽繫多情儘
未休 最憐恰恰新眠起雲雨初收斜倚瓊樓兩點
眉心一樣愁

萬里朝天

花蓋夫人費氏

初離蜀道心將碎離恨綿綿春日如年馬上時時聞
杜鵑 三千宮女皆花貌妾最嬋娟此去朝天只恐
君王寵愛偏

胡夫人

與君別後愁無限永遠團圓間阻多方水遠山遙寸
斷腸 終朝等候郎音耗捱過春光烟水茫茫梅子
青青又待黃

芭蕉添字

李易安清照

窓前誰種芭蕉樹陰滿中庭陰滿中庭葉葉心心舒

卷有餘情 傷心枕上三更雨
點滴霖靈點滴霖靈
愁損北人不慣起來聽

集句

朱秋娘女郎

居金本李作秀

王孫去後無芳草

朱淑

綠遍香階

李季

塵滿粧臺

吳淑

姬粉面羞搽淚滿腮

玉王

教我甚情懷

李易

去時梅

盡全然少

竇夫

等到花開

蘇小

花已成梅

陶

梅子青

青又帶黃

胡夫

兀自未歸來

王嬌

花草粹編卷之二終

花草粹編三卷目錄

小令

菩薩蠻

一名重疊歌一百四十七

伊川令

訴衷情

三十一

思越人

杏園芳

柳含煙

散餘霞

繡帶子

謁金門

一名出塞詞話作空相憶張宗瑞名垂楊碧早

好女兒

憶悶令

天門謠

清平樂

十二時

憶少 琴調相思引

望仙門

海棠花

占春芳

江亭怨

一落索

一名玉連環洛陽春十四



NATIONAL CENTRAL LIBRARY, TAIWAN, R.O.C.

花草粹編三卷目錄終

花草粹編卷之三

國家圖書館, NATIONAL CENTRAL LIBRARY, TAIWAN, R.O.C.

朗陵外方陳耀文晦伯甫纂

小令

菩薩蠻

一名重疊金
一名子夜歌

李太白

平林漠漠烟如織
寒山一帶傷心碧
暝色入高楼
有人樓上愁
玉梯空佇立
宿鳥歸飛急
何處是歸程
長亭更短亭

湘山野錄云此詞不知何人寫在州滄水驛接復不知何人撰魏道輔見而愛之從至長沙

得古風集於曾子宣內

翰家乃知李白所撰初女蠻國入貢其國人危髻金

冠陽雜編云大謂之菩薩蠻當時倡優遂製菩薩

花草粹編

卷三

一

唐金本同作响

變曲文士亦往往聲其詞。按自玄宗末以至大中初相去殆幾百年始有此調其在太白同時如王杜後此如元白諸家俱未有此詞且會氏亦止云古風豈後之詞家以其字句之同而遂名之耶

唐人贊筆

牡丹含露真珠顆美人折向庭前過含笑問檀郎花

強妾貌強 檀郎故相惱須道花枝好一向發嬌嗔

碎接花打人宣宗時有婦人斷夫兩足者上戲語宰相曰無乃碎接花打人蓋時有此詞云

温廷筠

小山重疊金明滅鬢雲欲度香顛雪懶起畫蛾眉弄

粧梳洗遲 照花前後鏡花面交相映新帖繡羅襦

雙雙金鸂鶒

二

翠翹金縷雙鸂鶒水紋細起春池碧池上海棠梨雨

晴紅滿枝 繡衫遮笑靨煙草粘飛蝶青瑣對芳菲

玉關音信稀

三

玉樓明月長相憶柳絲裊娜春無力門外草萋萋送

君聞馬嘶 畫羅金翡翠香燭銷成淚花落子規啼

綠窓殘夢迷

四

鳳皇相對盤金縷牡丹一夜經微雨明鏡照新粧鬢

輕雙臉長 畫樓相望久 欄外垂絲柳 音信不歸來
社前雙燕迴

五

牡丹花謝鶯聲歇 綠楊滿院中庭月 相憶夢難成 背
窓燈半明 翠鈿金壓臉 寂寞香閨掩 人遠淚闌干
燕飛春又殘

六

南園滿地堆輕絮 愁聞一霎清明雨 雨後却斜陽 杏
花零落香 無言白睡臉 枕上屏山掩 時節欲黃昏
無慘獨倚門

七

水精簾裏玻梨枕 暖香惹夢鴛鴦錦 江上柳如煙 鴈
飛殘月天 藕絲秋色淺 人勝參差剪 雙鬢隔香紅
玉釵頭上風

八

藥黃無限當山額 宿粧隱笑紗窓隔 相見牡丹時 暫
來還別離 翠釵金作股 釵上蝶雙舞 心事竟誰知
月明花滿枝

九

杏花含露團香雪 綠楊陌上多離別 燈在月朧明 覺

來聞曉鶯 玉鈎褰翠幕粧淺舊眉薄春夢正閑情
鏡中蟬鬢輕

十

滿宮明月梨花白故人萬里閑山隔金鴈一雙飛淚
痕沾繡衣 小園芳草綠家住越溪曲楊柳色依依
燕歸君不歸

十一

寶函鈿雀金鷄鵠沉香闌上吳山碧楊柳又如絲驛
橋春雨時 畫樓音信斷芳草江南岸鴈鏡與花枝
此情誰得知

十二

夜來皓月絕當午重簾悄悄無人語深處麝煙長卧
時留薄粧 當年還自惜往事那堪憶花露月明殘
錦衾知曉寒

十三

竹風輕動庭除冷珠簾月上玲瓏影山枕隱穠粧綠
檀金鳳皇 兩蛾愁黛淺故國吳宮遠春恨正關情
畫樓殘點聲

北夢瑣言云宣宗愛唱菩薩蠻詞令狐相國假溫
飛卿新撰密進之戒以勿泄而遽言於人由是疎之

華州登齊雲樓

唐昭宗

空林遠憶舊宮闈，只見雙飛燕。流水一條流千
山與萬丘。遠煙籠碧樹，陌上行人去，何處有英雄。
迎懷歸故宮。

二

飄飄且在三章下，秋風往往堪。雲灑腸斷，憶仙宮，朦
朧煙霧中。思遠時時睡不語，長如醉，早晚是歸期。
善亨知不知。

中朝故事云：乾寧三年，李茂貞犯關，帝次華州，韓
建迎歸，郡中李勣等不樂，每登城，西齋雲樓遠望，
明年秋，制此詞云。

韋莊

紅樓別夜堪惆悵，香燈半捲流蘇帳。殘月出門時，美
人和淚辭。琵琶金翠羽，絃上黃鶯語。勸我早歸家，
綠窓人似花。

二

人人盡說江南好，遊人只合江南老。春水碧於天，畫
船聽雨眠。鑪邊人似月，皓腕凝雙雪。未老莫還鄉，
還鄉須斷腸。

三

勸君今夜須沉醉，樽前莫話明朝事。珍重主人心，酒
深情亦深。須愁春漏短，莫訴金盃滿。遇酒且呵呵，

人生能幾何

四

洛陽城裏春光好
洛陽才子他鄉老
柳暗魏王堤
此時心轉迷
桃花春水綠
水上鴛鴦浴
凝恨對殘暉
憶君君不知

牛嶠

舞裙香暖金泥鳳
畫梁語燕驚殘夢
門外柳花飛
玉郎猶未歸
愁白紅粉淚
眉剪春山翠
何處是遼陽
錦屏春晝長

二

玉釵風動春幡急
交枝紅杏籠煙泣
樓上望卿卿
寒新雨晴
熏爐蒙翠被
繡帳鴛鴦睡
何處最相知
羨他初畫眉

三

畫屏重疊巫陽翠
楚神尚有行雲意
朝暮幾般心
向他情謾深
風流今古隔
虛作瞿塘客
山月照山花
夢迴燈影斜

四

風簾燕舞鶯啼柳
粧臺約鬢低
纖手釵重髻
盤珊一枝紅牡丹
門前行樂客
白馬嘶春色
故故墜金鞭

迴頭應眼穿

五

綠雲鬢上飛金雀愁眉斂翠春煙薄香閣掩芙蓉畫
屏山幾重 窓寒天欲曙猶結同心苣啼粉污羅衣
問卽何日歸

六

玉樓冰簟鴛鴦錦粉融香汗流山枕簾外轆轤聲斂
眉含笑驚 柳陰煙漠漠低鬢蟬釵落須作一生拚
盡君今日歡

和凝

唐金木澹作波意作若

越梅半拆輕寒裏冰清澹薄籠藍水暖覺杏梢紅遊
絲狂惹風 閑堦莎徑碧遠夢猶堪惜離恨又迎春
相思難重陳

孫光憲

月華如水籠香砌金鑲碎撼門初閉寒影墮高簷鈎
垂一面簾 碧煙輕裏裏紅顛燈花笑卽此是高唐
掩屏秋夢長

二

花冠頻鼓墻頭翼東方澹白連窓色門外早鶯聲背
樓殘月明 薄寒籠醉態依舊鉛華在握手送人歸

花草碎編

卷三

六

半拖金縷衣

三

小庭花落無人掃
踈香滿地東風老
春晚信沉沉
天涯何處尋
曉堂屏六扇
眉共湘山遠
爭柰別離心
近來尤不禁

木綿花映叢祠小
越禽聲裡春光曉
銅鼓與蠻歌
南人祈賽多
客帆風正急
茜袖偎檣立
極浦幾回頭
煙波無限愁

魏承班

羅裾薄薄秋波染
眉間畫時山
兩點相見綺筵時
深情暗共知
翠翹雲鬢動
斂態彈金鳳
宴罷入蘭房
邀人解珮璫

二

羅衣穩約金泥畫
玳筵一曲當秋夜
聲顫覩人嬌
雲鬟裏翠翹
酒醺紅玉軟
眉翠秋山遠
繡幌麝煙沉
誰人知兩心

尹鶚

隴雲暗合秋天白
俯窻獨坐窺煙陌
樓際角重吹黃昏
方醉歸
荒唐難共語
明日還應去
上馬出門時

金鞭莫與伊

毛熙震

梨花滿院飄香雪，高樓夜靜風箏咽。斜月照簾帷，憶君和夢稀。小窗燈影背，燕語驚愁態。屏掩斷香飛，行雲山外歸。

唐金本飛作逸

二

繡簾高軸臨塘看，雨翻荷芰真珠散。殘暑晚初涼，輕風渡水香。無憀悲往事，爭那牽情思。光影暗相催，等閑秋又來。

唐金本飛作逸

三

天含殘碧融春色，五陵薄倖無消息。盡日掩朱門，離愁暗斷魂。鶯啼芳樹暖，燕拂迴塘滿。寂寞對屏山，相思醉夢間。

李珣

迴塘風起波紋細，刺桐花裏門斜閉。殘日照平蕪，雙飛鷓鴣。征帆何處客，相見還相隔。不語欲魂銷，望中烟水遙。

二

等閑將度三春景，簾垂碧砌參差影。曲檻日初斜，杜鵑啼落花。恨君容易處，又話瀟湘去。凝思倚屏山。

唐金本飛作逸

卷三

淚流紅臉斑

三

隔簾微雨雙飛燕
砌花零落紅深淺
捻得寶箏調心
隨征棹遙
楚天雲外路
動便經年去
香斷畫屏深
舊歡何處尋

與周后妹后

李後主 南唐書

花明月暗飛輕霧
今朝好向郎邊去
剗南唐書襪步
香階手提金縷鞋
畫堂南畔見
一向偎人顫
奴為
去來難教君恣意憐

二

蓬萊院閉天台女
畫堂畫寢無人語
拋枕翠雲光
綉衣聞異香
潛來珠鎖動
驚覺銀屏夢
慢臉笑盈盈
相看無限情

三

銅簧韻脆鏘寒竹
新聲慢奏移纖玉
眼色暗相鉤
秋波橫欲流
雨雲深繡戶
未便諧衷素
宴罷又成空
魂迷春夢中

馮延巳

金波遠逐行雲去
踈星時作銀河渡
花影卧秋千
更長人不眠
玉箏彈未徹
鳳髻黃釵脫
憶夢翠蛾低

微風吹繡衣

二

畫堂昨夜西風過，繡簾時拂朱門鎖。驚夢不成雲雙
蛾，枕上顰。金爐烟裊裊，燭暗紗窗曉。殘日尚彎環，
玉筍和淚彈。

三

梅花吹入誰家笛，行雲半夜疑空碧。欹枕不成眠，閑
山人未還。聲隨幽怨絕，空斷澄霜月。月影下重簷，
輕風花滿簾。

四

回廊遠砌生秋草，夢魂千里青門道。鸚鵡怨長更，碧
籠金鎖橫。羅幃中夜起，霜月清如水。玉露不成圓，
寶箏悲斷絃。

五

嬌鬟堆枕釵橫鳳，溶溶春水楊花夢。紅燭淚闌干，翠
屏烟浪寒。錦壺催畫箭，玉珮天涯遠。和淚試嚴粧，
落梅飛夜霜。

六

西風嫋嫋凌歌扇，秋期正與行雲遠。花葉脫霜紅，流
螢殘月中。蘭閨人在否，千里重樓暮。翠被已銷香，

夢隨寒漏長

七

沉沉朱戶橫金鎖
紗窗月影隨花過
燭淚欲闌干
落梅生晚寒
寶釵橫翠鳳
千里香屏夢
雲雨已荒涼
江南春草長

歌鬟並鬢搖雙漿
採蓮晚出清江上
顧影約流萍
楚歌嬌未成
相逢顰翠黛
笑把珠璫解
家住柳陰中
畫橋東復東

盧絳

玉京人去秋蕭索
畫簷鵲起梧桐落
歌枕悄無言
月

芭蕉生暮寒

一作獨自倚闌

南唐書云盧絳病且死夜夢白衣婦人歌此詞
勸酒歌教閱因謂絳曰子之疾食蕉即愈如言果
差迨數夕又夢前婦人曰妾乃玉真也他日富貴
相見於固子坡後入金陵累官柱國唐亡歸宋以
龔慎儀事坐誅臨刑有白衣婦人同斬妾貌宛如
所夢問其受刑之地即固子坡也婦人姓耿名玉
真其夫死與前婦之子固子坡也婦人同斬妾貌宛
通當極法與絳同斬馬

晏同叔

高梧葉下秋光晚
瓊叢化出黃金盞
還似去年時
傍欄三四枝
人情須耐久
花面長依舊
莫學蜜蜂兒

等閑悠颺飛

晏叔原

來時楊柳東橋路曲中暗有相期處
明月好因緣欲圓還未圓
却尋芳草去畫扇遮微雨
飛絮莫無情
閑花應笑人

二

鶯啼似作留春語
花飛聞學回風舞
紅日又平西
畫簾遮燕泥
煙光還自老
綠鏡人空好
香在去年衣
魚牋音信稀

三

嬌香淡染胭脂雪
愁春細畫鸞
彎月花月鏡邊明
淺粧勻未成
佳期應有在
試倚秋千待
滿地落英紅
萬條楊柳風

四

哀箏一弄湘江曲
聲聲寫盡湘波綠
纖指十三絃
細將幽恨傳
當筵秋水慢
玉柱斜飛鴈
彈到斷腸時
春山眉黛低

五

江南未雪梅花白
憶梅人是江南客
猶記舊相逢
淡烟微月中
玉容長有信
一笑歸來近
懷遠上樓時

晚雲和鴈低

六

相逢欲話相思苦
淺情肯信相思否
還恐謾相思
淺情人不知
憶曾携手處
月滿窓前路
長到月來時
不眠猶待伊

集句

王荆公
揮塵錄

海棠亂發皆臨水
君知此處花何似
涼月白紛紛
香風隔岸聞
轉枝黃鳥近
隔岸聲相應
隨意坐莓苔
飄零酒一盃

新築草堂集句

荆公
山谷集

居全本稍作柳

數間茅屋閑臨水
輕衫短帽垂楊裏
花是去年紅
吹開一夜風
本集作今日是何
棹梢新月偃
午醉醒來
晚何物最閑情
黃鸝三兩聲

送妓往杭蘇州迎新守

東坡

玉童西迓浮丘伯
洞天冷落秋蕭瑟
不用許飛瓊
瑤臺空月明
清香凝夜燕
借與常郎看
莫便過姑蘇
扁舟下五湖

代諸妓送陳述古

前人

娟娟缺月西南落
相思撥斷琵琶索
枕淚夢魂中
覺來眉暈重
華堂堆燭淚
長笛吹新水
醉客各西東

應思陳孟公

張子野

憶郎還上層樓曲樓前芳草年年綠綠似去時袍回
頭風袖飄 卽袍應已舊顏色非長久惜恐鑑中春
不如花草新

二

香輶不至春蟾午令人轉更猜飛語翠幙動風亭時
疑響屨聲 花香聞水榭幾誤飄夜麝不忍下朱扉
遠廊重待伊

三

佳人學得平陽曲纖纖玉筍橫孤竹一弄入雲聲海
門江月清 髻搖金鈿落惜恐櫻唇薄聽罷已依依
莫吹楊柳枝

四

聞人話著宣鄉字嗔情恨意還相喜何況草長時酒
前頻見伊 嬌香堆寶帳月到梨花上心事兩人知
掩燈羅幔垂

五 七夕

半星織女年年別分明不及人間物匹鳥少孤飛斷
沙猶並栖 洗車昏雨過缺月雲中墮斜漢曉依依

居金本竹作行

居金本情作精

居金本昏作新

暗蛩還促機

梅雪

周美成

銀河宛轉三千曲
浴鳧飛鷺澄波綠
何處是歸舟
夕陽江上樓
天憎梅浪發
故下封枝雪
深院捲簾看
應憐江上寒

効荆公作

黃魯直

半烟半雨溪橋畔
漁翁醉著無人喚
踈懶意何長
春風花草香
江山如有待
此意陶潛解
問我去何之
君行到自知

二

輕風裊斷沉煙炷
霏微盡日寒塘雨
殘綉沒心情
鳥啼花外聲
離愁難自制
年少乖盟誓
寂寞掩朱門
羅衣空淚痕

秦少游

蛩聲泣露驚秋枕
羅幃淚濕鴛鴦錦
獨卧玉肌涼
殘更與恨長
陰風翻翠幔
雨澀燈光暗
畢竟不成眠
鴉啼金井寒

李元膺

綵旗盡在清明後
花前姊妹爭携手
先緊繡羅裙
輕衫束領巾
頓繩金釧響
漸出花梢上
笑裏問高低

盤雲釋玉螭

賀方回

子規啼夢羅牕曉開奩拂鏡嚴粧早粉碧盡丁香背
垂裙帶長 鈎筆尋舊曲愁結眉心綠猶恨夜來時
酒狂歸太遲

二

章臺遊冶金龜婿歸來猶帶醺醺醉花漏怯春宵雲
屏無限嬌 絳紗燈影背玉枕釵聲碎不待宿醒銷
馬嘶催早朝

舒信道

三年江上風吹淚天桃艷杏無春意今日欲開眉那
堪更別離 莫折長亭柳折盡愁依舊只有醉如狂
人生空斷腸

二

畫船槌鼓催君去高樓把酒留君住去住若為情西
江潮欲平 江潮容易得只是人南北今日此樽空
知君何日同

二

杜鵑啼破南江月香風撲面吹紅雪賦就縷金牋黃
昏醉上船 年華雙短鬢事往情何盡明日各天涯

危草亭扁

卷三

二

來春空好花

四次劉郎中
賞花韻

朱簾乍捲層煙起露華深淺初疑洗困倚玉欄風綺
羅知幾重向人如有意不醉何時醉便得一枝紅
猶勝兩鬢空

五送奉北知
縣秦奉議

一田別後一田老別離易得相逢少莫問故園花長
安君是家短亭秋日晚草色隨人遠欲醉又還醒
江樓暮角聲

六

小亭露壓風枝動鵲爐火冷金瓶凍悄悄對西窓瘦
知羅帶長欲眠思滯酒坐聽寒更久無柰是青燈
開花故故明

居金木爐作烟

七

流年又見風沙送鈞天迴首清都夢塞鴈幾時歸鏡
中雙鬢非綠袍同冷暖誰道交情短愁斛若為量
還隨一線長

八

江梅未放枝頭結江樓已見山頭雪待得此花開知
君來未來風帆雙畫鷁小雨隨行色空得鬱金裙

居金木雪作碧

酒痕和淚痕

長安懷古

康伯可 與之

秦時宮殿咸陽裏千門萬戶連雲起復道亘西東不
禁三月風 漢唐乘王氣萬歲千秋計畢竟是荒丘
荆榛滿地愁

金陵懷古

前人

龍蟠虎踞金陵郡古來六代豪華盛縹鳳不來遊臺
空江自流 下臨全楚地包舉中原勢可惜草連天
晴郊狐兔眠

趙德麟 全時

輕鷗欲下春塘浴雙雙飛破春煙綠兩岸野薔薇翠
籠薰繡衣 凭船閣弄水中有相思意憶得去年時
水邊初別離

荷花

陳去非 與義

南軒面對芙蓉浦宜風宜月還宜雨紅少綠多時簾
前光景奇 繩床烏木几盡日繁香裏睡起一篇新
與花為主人

自宜興還西岡作

蘇養直 序

園林寂寂春歸去濛濛柳下飛香絮野水接雲橫綠
煙啼曉鶯 江南鵜鴂夢山色朝來重小艇小灣頭

蘋花蘋葉洲

春愁

姚令威寬

斜陽山下明金碧，畫樓返照融春色。睡起揭簾旌，玉人蟬鬢輕。無言空佇立，花落東風急。燕子引愁來，眉心那得開。

別恨

前人

夢中不記江南路，玉釵翠鬢驚春去。午醉晚來醒，暝煙花上輕。紅綃空浥淚，錦字憑誰寄。衫薄煖香銷，相思雲水遙。

呂居仁本中

客愁不到西池路，殘春又逐花飛去。今日傍池行，新荷昨夜生。故人千慮繞，不道書來少。去住隔關河，長亭風雨多。

曾公衮年

山光冷侵清溪底，溪光直到柴門裏。卧對白蘋洲，歌眠數釣舟。溪山無限好，恨不相逢早。老病獨醒多，如此良夜何。

謝無逸道

暄風遲日春光鬧，蒲桃水碧搖輕棹。兩岸草煙低，青山啼子規。歸來愁未寢，黛淺眉痕沁。花影轉廊腰。

紅添酒面潮

二

縠紋波面浮鷓鴣
蒲芽聳出參差碧
滿院落梅香
柳梢初弄黃
衣輕紅袖皺
香困花枝瘦
睡起玉釵橫
隔簾聞曉鶯

沈會宗

相逢無處無樽酒
樽前未必皆朋舊
酒到任教傾
莫思今夜醒
明朝相別後
江上空回首
欲去不勝情
為君歌數聲

陳子高

柳條窈窕開庭院
錦波繡浪春風轉
紅日上闌干
晚來花更寒
綠檀金隱起
翠被香煙裏
幽恨有誰知
空梁落燕泥

二

池塘淡淡浮鷓鴣
杏花吹盡垂楊碧
天氣度清明
小園新雨晴
綠窓描繡罷
笑語醺醺下
圍坐賭青梅
困從雙臉來

三

綠陰寂寂櫻桃下
盆池劣照薔薇架
簾影假山前
映堦紅葉翻
芭蕉籠碧砌
獨子中庭睡
香徑沒人來

拂墻花又開

唐金本道作遊

李似之 彌道

江城烽火連三月不堪對酒江亭別休作斷腸聲老
來無淚傾 風高帆影疾目送舟痕碧錦字幾時來
薰風無鴈回

李元卓

一枝絳蠟香梅軟宜春小勝玲瓏剪拂曉上瑤釵春
從鬢底來 菱花頻自照粉面驚春早淡拂曉山眉
為誰今日宜

趙文鼎 善江

楚宮楊柳依依碧遙山翠隱橫波溢絕艷照濃春春
光欲醉人 纖纖芳草嫩微步輕羅襯花戴滿頭歸
遊蜂花上飛

二

玉闥芳草粘天碧春風萬里思行客驕馬向風嘶道
歸猶未歸 南雲新有燕望眼愁邊斷膏沐為誰容
日高花影重

訪江東外家

程正伯 城

畫橋拍拍春江綠行人正在春江曲花潤接平川有
人花底眠 東風原自好只怕催花老安得萬垂楊

花草科編 卷三
係交春日長

二

羅衫乍試寒猶怯
妬花風雨連三月
燈冷閉門時有
愁誰得知
此情真箇苦
只為當時語
莫道絮沾泥
絮飛魂亦飛

洪叔與

斷虹遠飲橫江水
萬山紫翠斜陽裏
繫馬短亭西
丹楓明酒旗
浮生長客路
事逐孤鴻去
又是月黃昏
寒燈人閉門

歸思

王通叟

單于吹落山頭月
漫漫江上沙如雪
誰唱縷金衣
水寒舫舫稀
蘆花楓葉浦
憶抱琵琶語
身未發長沙
夢魂先到家

詠目

謝絳

娟娟侵鬢粧痕淺
雙眸相媚嚬如剪
一瞬百般宜
無
論笑與啼
酒闌思翠被
特故曹騰地
生怕促歸輪
微波先注人

晁次膺

午陰未轉青窓暖
無風著地楊花滿
睡起日猶長
捲
簾紅杏香
春心無處定
又作花時病
芳草伴離愁

綿綿早晚休

嚴次山

征鴻點破空雲碧丹霞染出新秋色
返照落平洲半江紅錦流
風清漁笛晚寸寸愁腸斷
寄語笛休橫只消三兩聲

別意

孫巨源

樓頭尚有三通鼓何須抵死催人去
上馬苦匆匆琵琶曲未終
回頭凝望處那更廉纖雨
謾道玉為堂

玉堂今夜長

玉林云孫公於元豐間為翰林院宣召者至其家則出數十輩來尤數會一日鎖院

居金本原作廉

居金本原作院華作日

蹤跡得之於李氏時李新納妾能琵琶公飲不肯去而迫於宣命入院幾二鼓矣遂草三制罷復作此長短句以記別恨遲明遣以示李南游紀聞云李邦直在坐頗以卒章非佳語巨源是夕得疾於玉堂後亦同卒

集句

趙德莊

青春背我堂堂去
桃花亂落如紅雨
是妾斷腸時芳
心空自持
相思君助取脉脉如牛女
天遠暮江遲
君心歸不歸

落梅

孫濟師

一聲羌笛吹嗚咽
玉溪半夜梅翻雪
江月正茫茫斷
橋流水香
含章春欲暮
落日千山雨
一點着枝酸

危章

卷三

三

吳姬先齒寒

秋閨

金風軟軟驚黃葉高樓影轉銀蟾匝
夢斷繡簾垂月明烏鵲飛
新愁知幾許欲似絲千縷
鴈已不堪聞砧聲何處村

冬景

重疊金

黃叔暘

早

銀幡綵勝參差剪東風吹上釵頭燕
一笑繞花身小桃先報春
新春今日是明日新年至
擘繭莫探官人間行路難

蒲江詞

虞祖早

翠樓十二闌干曲雨痕新染蒲桃綠
時節又黃昏東風深閉門
玉簫吹未徹窓影梅花月無語
只低眉閑拈雙荔枝

七夕

陳后山

師道

行雲過盡星河爛爐煙未斷蛛絲滿
想得兩眉顰停針憶遠人
河橋知有路不解留郎住
天上隔年期人間長別離

二

曉來誤入桃源洞恰見佳人春睡重
玉腕枕香腮荷花藕上開
一扇俄驚起歛黛凝秋水
笑倩整金衣

問郎來幾時

陳達叟

舉頭忽見衡陽鴈，千聲萬字情何限。耐薄情夫一行書也無。泣歸香閣恨，和淚掩紅粉。待鴈却回時，也無書寄伊。

離思

無名氏

有情潮落西陵浦，無情人向西陵去。去也不教知，怕人留戀伊。憶了千千萬，恨了千千萬。畢竟憶時多，恨時無奈何。

佳人

黃師憲

眉尖早識愁滋味，嬌羞未解論心事。試問憶人不無言，只點頭。嗔人歸不早，故把金杯惱。醉看舞時腰，還如舊日嬌。

張孝祥

東風約畧吹羅幕，一簾細雨春陰薄。試把杏花看，濕紅嬌暮寒。佳人雙玉枕，烘醉鴛鴦錦。折得最繁枝，暖香生翠幘。

二

恰則春來春又去，憑誰說與春教住。與問坐中人，幾回迎送春。明年春更好，只怕人先老。春去有來時。

花尊辭局

卷三

七

願春長見伊

杜壽域 安世

遊絲欲墮還重上春殘日永人相望花共燕爭飛青
梅細雨枝離愁終未解忘了依前在擬待不尋思
剛纔夢見伊

二

錦機織了相思字天涯路遠無由寄寒鴈只啣蘆何
曾解寄書緘封和血淚目斷西江水擬欲託雙魚
問君情有無

程正伯 瑛

殘寒帶暝和煙下輕陰挾雨隨風洒翠幙護重簾篆
香銷半奩平生風雨夜怕近芭蕉下今夕定愁多
瀟瀟聲柰何

怨別

劉叔擬 歲

吹簫人去行雲杳香篝翠被都閑了疊損縷金衣是
他渾不知冷烟寒食夜淡月梨花下猶自軟心腸
為他燒夜香

又

東風去了秦樓畔一川烟草無人管芳樹雨初晴黃
鸝三四聲海棠花已謝春事無多也只有牡丹時

光緒

卷三

卷五

知它歸不歸

送游季仙歸東陽

趙蕃

鷄聲茅店炊殘月板橋人跡霜如雪此是古人詩身
經老忘之君行當此境令我昏成醒乘月犯霜來
詩真誤爾哉

春思

高賓王

春風吹綠湖邊草春光依舊湖邊道玉勒錦障泥少
年遊冶時煙明花似綉且醉旗亭酒斜日照花西
歸鴉花外啼

蘇堤芙蓉

前人

紅雲半壓秋波急艷粧泣露嬌啼色佳夢入仙城風
流石曼卿宮袍呼醉醒休捲西風景明月粉香殘
六橋煙水寒

題梅扇

周忘機

梅花韻似人人面為伊寫在春風扇人面似花妍花
應不解言在手微風動勾引相思夢莫用插酴醾
酴醾羞見伊

盧炳

石榴裙束纖腰裊金蓮穩襯弓靴小嬌駸羞見人傘
低遮半身恩情如紙薄方信當初錯邂逅苦匆匆

居金本批作註



還疑是夢中

二

而今怕聽相思曲多情感損眉峯綠惜別上扁舟望
窮江際樓 蠻牋封了發為憶人如雪離恨寫教看
休令盟約寒

張子野

五雲深處蓬山杳寒輕霧重銀蟾小枕上挹餘香春
風歸路長 鴈來書不到人靜重門悄一陣落花風
雲山千萬重

二

青梅又是花時節粉牆閑把青梅折玉鞦偶逢君春
情如亂雲 藕絲牽不斷誰信朱顏換莫厭十分斟
酒深情更深

秋思

葉夢得

平波不盡蕪葭遠清霜半落沙痕淺煙樹晚微茫孤
鴻下夕陽 梅花消息近試向南枝問記得水邊春
江南別後人

立秋

玉林

黃昇

西風半夜驚羅扇蛩聲入夢傳幽怨碧藕試初涼露
痕啼粉香 清水凝葦竹不許隻鴛鴦宿又是五更鍾

居金本開把作又是

國家圖書館 NATIONAL CENTRAL LIBRARY, TAIWAN, R.O.C.

啼鴉金井桐

過吳江

張表臣

珊瑚鉤

垂虹亭下扁舟住，松江煙雨長橋暮。白紵聽吳歌，佳人淚臉波。勸傾金鑿落，莫作思家惡。綠鴨與鱸魚，如何可寄書。

石孝友

酒濃花艷秋波滑，舞餘腰素花枝活。相見又還休，不禁歸去愁。醉衾成獨擁，月冷知霜重。早是夢難成，梅花腸斷聲。

陸務觀

江天淡碧雲如掃，蘋花零落蓴絲老。細細晚波平，月從波面生。漁家真箇好，悔不歸來早。經歲洛陽城，鬢絲添幾莖。

仲春

碧澗

利金

玉闌干外重簾晚，流雲欲度長天遠。花草不知名，春來各自生。綠鞍遊冶客，何處垂陽陌。不信不歸來，海棠花又開。

魏夫人

溪山掩映斜陽裏，樓臺影動鴛鴦起。隔岸兩三家，出牆紅杏花。綠楊堤下路，早晚溪邊去。三見柳綿飛。

離人猶未歸

二

東風已綠瀛洲草
畫樓簾捲清霜曉
清絕比湖梅花
開未滿枝
長天音信斷
又見南歸鴈
何處是離愁
長安明月樓

居全本花開一句作未
開香滿枝樓作樓

梅

孫夫人

闌干六曲天圍碧
松風亭下梅梢白
臘盡見春回
寒花驚又開
曲瓊閣不捲
沈燎孤星轉
凝佇小徘徊
雲間征鴈來

李易安 清照

風柔日薄春猶早
夾衫乍着心情好
睡起覺微寒
梅花鬢上殘
故鄉何處是
忘了除非醉
沉水卧時燒
香消酒未消

二

歸鴻聲斷殘雲碧
背窓雪落爐烟直
燭底鳳釵明
釵頭人勝輕
角聲催曉漏
曙色回牛斗
春意看花難
西風留舊寒

梅

朱淑真

濕雲不渡溪橋冷
嫩寒初透東風景
橋下水聲長
一枝和雪香
人怜花似舊
花不知人瘦
獨自倚闌干

夜深花正寒

秋

秋聲乍起梧桐落蛩吟唧唧添蕭索歌枕背燈眠月
和殘夢圓 起來鈎翠箔何處寒砧作獨倚小闌干
逼人風露寒

三

山亭水榭秋方半鳳幃寂寞無人伴愁悶一番新雙
蛾只暗顰 起來臨綉戶時有踈螢渡多謝月相憐
今宵不忍圓

與張世英

蕭淑蘭

無情水滿西興渡多情人往西興去西興去路遙教
奴覓夢勞 今將心內苦聯作相思句君若見情詞
同諧連理枝

淑蘭又與世英詞云君心情遠迷蓬島妾心命薄
連芳草芳草正萋萋君心知不知妾身輕似葉君
意堅如鐵妾意為君多君心弃妾何

書江西造口壁

辛幼安

素淡

鬱孤臺下清江水中間多少行人淚西北望長安可
憐無數山 青山遮不住畢竟東流去江晚正愁余

山深聞鷓鴣

鶴林玉露云南渡初虜人追隆祐太后御舟至造
口不及而還鷓鴣之句謂恢復之事行不得也

梅扶叔茂

絲絲楊柳鶯聲近
晚風吹過秋千影
寒色一簾輕燈
殘夢不成
耳邊消息在
笑指花稍待
又是不歸來
滿庭花自開

諷詞

昔年曾伴花前醉
今年空洒花前淚
花有再榮時
人無重見期
故人情義重
不忍營新寵
日月有盈虧
妾心無改移

古今詞話云蜀中有一寡婦姿色絕美父母於其年少欲議再嫁歸家有一喜宴伶唱此詞婦聞之泣涕於神前欲割一耳以明志其母遂不以其節

唐金本絕作艷痛字下有吳字

子夜歌

李後主 南唐

人生愁恨何能免
銷魂獨我情何限
故國夢重歸
覺來雙淚垂
高樓誰與上
長記秋晴望
往事已成空
還如一夢中

又一闕云尋春須是陽春早看花莫待花枝老惜後不全

劉無言 煮

雪窓寒聽孤燈滅
滅燈孤聽寒窓雪
殘漏惜衾閑
閑衾惜漏殘
說時常恨別
別恨常時說
還不柰宵寒
寒宵柰不還

王文甫

獸噴香綉飛長晝
晝長飛綉香噴獸
迎日喜葵傾傾



葵喜日迎 捲簾雙舞燕燕舞雙簾捲清簟枕釵橫
橫釵枕簟清

伊川令 寄外

花仲胤妻

居金本分上下閣在秋光
過却日

西風昨夜穿簾幙閨院添消索最是梧桐零落迤邐
秋光過却人情音信難託教奴獨自守空房淚珠與
燈花共落

居金本起作殿科作科

仲胤為相州錄事久而歸其妻寄此詞胤拆覽
之伊字作尹字遂作行香子寄回云頃首起情人
即日恭惟問好音接得綵箋詞一首堪驚題起詞
名恨轉生展轉意多情寄與音書不志誠不寫伊
川題尹字無心料想伊家不要人妻復答云奴啓
情人勿見罪開將小書作尹字情人不解其中意
共伊間別幾多時身邊少箇人兒倚
亂見之大笑稱賞時人咸榮之

訴衷情

晏殊

青梅煮酒鬪時新天氣欲殘春東城南陌花下逢着
意中人 回綉袂展香茵叙情親此情拚作千尺游
絲惹住朝雲

二

芙蓉金菊聞馨香天氣欲重陽遠村秋色如畫紅樹
間踈黃 流水淡碧天長路茫茫憑高目斷鴻鴈來
時無限思量

三

數枝金菊對芙蓉落葉意重重不知多少幽怨和露

花仲胤妻

卷三

三

泣西風 人散後 月明中 夜寒濃 謝娘愁 卧潘令 閑
眠心事無窮

四

露蓮雙臉遠 山眉偏與淡 粧宜小庭 簾幕春晚 閑共
柳絲垂 人別後 月圓時 信遲遲 心心念念 說盡無
憑 只是相思

晏叔原 數道

小梅風韻最妖嬈 開處雪初消 南枝欲附春信 長恨
隴人遙 閑記憶 舊江臯 路迢迢 暗香浮動 踈影橫
斜 幾處溪橋

二

長因蕙草記羅裙 綠腰沉水薰 闌干曲處 人靜曾共
倚黃昏 風有韻 月無痕 暗銷魂 擬將幽恨 試寫殘
花 寄與朝雲

眉意

歐陽永叔 脩

清晨簾幕卷輕霜 呵手試梅粧 都緣自有離恨 故畫
作遠山長 思往事 惜流芳 恨難忘 未歌先歛 欲笑
還顰 最斷人腸 山谷作珠 簾綉幕

周美成 邦彥

堤前亭午未融霜 風緊鴈無行 重尋舊日岐路 茸帽

北遊裝期信杳別離長遠情傷風翻酒慢寒凝茶
煙又是何鄉

日暮

柳耆卿

永

一聲画角日西曛催促掩朱門不堪更倚危欄腸斷
已銷魂年漸晚鴈空頻問無因思心欲碎愁淚難
收又是黃昏

唐子西

庚

平生不會斂眉頭諸事等閑休元來却到愁情湏着
與他愁殘照外大江流去悠悠風悲蘭麝烟淡滄
浪何處歸舟

春情

僧仲殊

揮

楚江南岸小青樓樓前人艤舟別來後庭花晚花上
夢悠悠山不斷水空流謾凝眸建康宮殿燕子來
時多少閑愁

二建
康

鍾山影裏看樓臺江烟晚翠開六朝舊時明月清夜
滿秦淮寂寞處兩潮迴黯愁懷汀花雨細水樹風
閑又是秋來

三寶月
山作

清波門外擁輕衣楊花相送飛西湖又還春晚水樹

亂鶯啼 閉院宇小簾幃晚初歸鐘聲已過篆香才
點月到門時

四 春 詞

長橋春水拍堤沙 踈雨帶殘霞 幾聲脆管何處橋下
有人家 宮樹綠晚烟斜 噪閑鴉 山光無盡水風長
在滿面楊花

五 寒 食

湧金門外小瀛洲 寒食更風流 紅船滿湖歌吹花外
有高楼 晴日煖淡烟浮 恣嬉遊 三千粉黛十二闌
干一片雲頭 仲殊詞佳者甚多而小令為最訴哀情
一調又其最也 高處不減唐人風致

宮怨

謝希深 絳

銀缸夜永影長孤 香草續殘爐 倚屏脉脉無語粉淚
不成珠 雙槩枕百嬌 壺憶當初 君恩莫似秋葉無
情欲向人踈

雅詞 夫名

碧天明月晃金波 清淺帶銀河 深深院宇人靜獨自
問姮娥 圓夜少缺時多事 因何 嫦娥莫是也有別
離一似人麼

沈會宗

深深院宇小池塘 一徑碧桐長 青春又歸何處新笋

唐金本忘作播

綠成行 多少事惱人腸懶思量香消一炷睡起霎
時日過東窓

山谷

唐金本無供字

旋揎玉指着紅靴宛宛聞鸞訛天然自有殊態供愁
黛不須多 分遠岫壓橫波妙難過自歌枕處獨倚
欄時不柰顰何

曾純甫 記

半鈎珠箔小揚州春色在重樓曾醉玳筵歌舞楚夢
苦難留 情脉脉恨悠悠幾時休大都人世會少離
多總是閑愁

二

閑窓靜院漏聲長金鴨冷殘香幾翻夢回枕上飛絮
恨悠揚 身在此意伊行睠思量不言不語幾許閑
情月上回廊

送春

萬俟雅言

一鞭清曉喜還家宿醉困流霞夜來小雨新霽雙燕
舞風斜 山不盡水無涯望中賒送春滋味念遠情
懷分付楊花

章貢別懷

嚴次山 仁

一聲水調解蘭舟人間無此愁無情江水東流去與

我淚爭流 人已遠更回頭苦凝眸
斷魂何處梅花岸
岸曲小小紅樓

夜景

天機餘錦

燒殘絳紗淚成痕
衙鼓報黃昏
碧雲又阻歸信
廊上月侵門
愁夜永
拂香裊待誰溫
夢蘭憔悴擲果
淒涼兩地消魂

康伯可與之

阿房廢址漢荒丘
狐兔又群遊
豪華盡成春夢
留下古今愁
君莫上古原頭
淚難收
夕陽西下塞
鴈南飛渭水東流

枕畔聞殘梅噴香

李易安

夜來沉醉卸粧遲
梅蕊插殘枝
酒醒薰破春睡
夢斷不成歸
人情悄悄月依依
翠簾垂更按殘
蕊再撚餘香更得些時

毛文錫

桃花流水漾縱橫
春晝彩霞明
劉郎去阮郎行
惆悵恨難平
愁坐對雲屏
羨歸程
何時攜手洞邊迎
訴衷情

二

鴛鴦交頸繡衣輕
碧沼藕花馨
隈藻荇映蘭汀
和雨

浴浮萍 思婦對心驚想邊庭何時解珮掩雲屏訴
衷情

唐金本莊作班意詳處

魏承班

高歌宴罷月初盈詩情引恨情煙露冷水流輕思想
夢難成 羅帳裏香平恨頻生思君無計睡還醒隔
層城

二

春深花簇小樓臺風飄錦繡開新睡覺步香堦山枕
印紅腮 鬢亂墜金釵語檀偎臨行執手重重囑幾
千迴

唐金本莊作班

三

銀漢雲晴玉漏長 蛩聲悄畫堂筠簟冷碧窓涼紅蠟
淚飄香 皓月瀉寒光割人腸那堪獨自步池塘對
鴛鴦

四

金風輕透碧窓紗銀缸焰影斜歌枕卧恨何賒山掩
小屏霞 雲雨別吳娃想容華夢成幾度遠天涯到
君家

五

春情滿眼臉紅銷嬌妬索人饒星靨小玉璫搖幾共

花車屏高

卷三

五

醉春朝 別後憶纖腰 夢魂勞如今 風葉又蕭蕭 恨
迢迢

好事近

宋子京

睡起玉屏風吹去 亂紅猶落 天氣驟生輕暖 襯沉香
帷箔 珠簾約住海棠風 愁拖兩眉角 昨夜一庭明
月冷 秋千紅索

鄭毅夫

把酒對江梅花小 未禁風力 何計不教零落 為青春
留得 故人莫問在天涯 尊前苦相憶 好把素香收
取寄江南消息

催妝

王昂

喜氣擁門闌 光動綺羅香 陌行到紫薇花下 悟身非
凡客 不須脂粉浣 天真嫌怕太紅白 留取黛眉淺
處 畫章臺春色

陶朱新錄云探花王昂榜
下擇婿時作催妝詞云

呂渭老

長記十年前彼此 玉顏雲髮 尊酒幾番相對 樂春秋
花月 而今各自困飄零 憔悴幾年別說着大家煩
惱且大家休說

趙善扛

風動一川花 搖漾影迷紅 碧人立杏花陰下 泛光風

囊囊 瓊枝碧月互相輝
春容泣將夕羅蓋暗承花
霧漬鮫綃香溼

舟行

嚴仁

曉色未分明敲動月邊鼙
鼓卯酒一盃徑醉又別君
南浦 春江如席照晴空
大舶夾雙檣腸斷斜陽渡
口正落紅如雨

秋飲

吳文英

雁外雨絲絲將恨和愁都織
玉骨西風添瘦減尊前
歌力 袖香曾枕醉紅顛
依約唾痕碧花下凌波入
夢引春雛雙鷗

補鈔評花仙館校本

夕景

廖世英 世英

落日水鎔金天淡暮烟凝
碧樓上誰家紅袖靠闌干
無力 鴛鴦相對浴紅衣
短棹弄長笛驚起一雙飛
去聽波聲拍拍

趙德麟 今時

急雨漲谿渾小樹帶山秋色
輕棹暮天歸路裊芙蓉
煙白 酒醒香冷夢回時
蟲聲正淒絕只覺小窓風
月與昨宵都別

秦少游 觀

山路雨添花花動一山春色
行到小溪深處有黃鸝

千百飛雲當面化龍蛇
天矯掛空碧醉卧古藤陰
下杳不知南北

蔣子雲

葉暗乳鷓啼風定老紅猶落
蝴蝶不隨春去入薰風
池閣休歌金縷勸金卮
酒病煞如昨簾捲日長人
靜任楊花飄泊

程正伯

別夢記春前春盡苦無歸日
想見鵲聲庭院誤幾回
消息萬重離恨萬重山
無處說思憶只有路傍雙
堠也隨人孤隻

二

烟盡成樓空又是一簾佳月
何事山城畱滯負好花
時節燒燈剪綵沒心情
應有翠蛾說欲借好風吹
恨柰亂雲愁疊

蔡君謨

瑞雪滿京都宮殿盡成銀闕
常對素光遙望是江梅
時節如今江上見寒梅
幽香自清絕重看落英殘
艷想飄零如雪

送春

蔡行之

幼學

日日惜春殘春去更無明日
擬把醉同春住又醒來

岑寂 明年不怕不逢春
嬌春怕無力待向燈前休
睡與留連今夕

壽夫

吳氏翰

唐金本黃作聚

臘近漸知春已有早梅堪折
况是誕辰佳宴擁笙簧
羅列 玉盃休惜十分斟
金爐更頻爇連理願同千
歲看蟠桃重結

李易安

清照

唐金本紅作紅

風定落花深簾外擁紅堆雪
長記海棠開後正是傷
春時節 酒闌歌罷玉樽空
青紅暗明滅
寃夢不堪
出怨更一聲啼鴂

魏夫人

雨後曉寒輕花外早鶯啼
歇愁聽隔溪殘漏正一聲
淒咽 不堪西望去程賒
離腸萬回結不似海棠陰
下按涼州時節

鄭意娘

往事與誰論無語暗彈青血
何處最堪腸斷是黃昏
時節 倚樓凝望又徘徊
誰解此情切何計可同歸
鴈趨江南春色

思越人

馮延巳

酒醒情懷惡金縷褪玉肌
如削寒食過却海棠零落

卜倚遍闌干煙淡薄翠幙蘆櫂盡閣春睡着覺來
失秋千期約

杏園芳

尹鶚

嚴粧嫩臉花明教人見了關情含羞舉步越羅輕稱
娉婷 終朝咫尺窺香閣迢迢似隔層城何時休遣
夢相縈入雲屏

柳含煙

毛文錫

隋堤柳汴河春夾岸綠陰千里龍舟鳳舸木蘭香錦
帆張 因夢江南春景好一路流蘇羽葆笙歌未盡
起橫流鎖春愁

二

河橋柳占芳春映水含煙拂路幾迴攀折贈行人暗
傷神 樂府吹為橫笛曲能使離腸斷續不如移植
在金門近天恩

三

章臺柳近垂旒低拂往來冠蓋朧朧春色滿皇州瑞
煙浮 直與路邊江畔別免被離人攀折最憐京兆
畫蛾眉葉纖時

散餘霞

毛澤民

墻頭花口寒猶噤放綉簾晝靜簾外時有蜂兒趁楊

花未定 闌干又還獨凭念翠低眉暈春夢枉惱人
腸更厭厭酒病

繡帶子 梅

黃山谷 庭堅

小院一枝梅衝破曉寒開晚到芳園遊戲滿袖帶香
回 玉酒覆銀盃盡醉去猶帶重來東鄰何事驚吹
怨笛雪片成堆

客路見梅

曾純甫 觀

瀟灑隴頭人取次一枝新還是東風來也猶作未歸
人 微月淡煙林漫佇立惆悵黃昏暮寒香細踈英
幾點怎柰銷魂

謁金門

一名出塞詞話作空相
憶張宗瑞名垂揚碧

常莊

空相憶無計得傳消息天上嫦娥人不識寄書何處
覓 新睡覺來無力不忍把伊書跡滿院落花春寂
寂斷腸芳草碧

古今詞話云常莊以才名寓蜀王建割據遂羈留
之莊有寵人資質艷麗兼善詞翰建聞之託以教
內人為詞強莊去莊追念悒悒作小重山及此
詞情意悽怨人相傳播盛行於時姬後傳聞之遂
不食而卒

二

春漏促金燼暗挑殘燭一夜簾前風撼竹夢魂相斷
續 有箇嬌饒如玉夜夜繡屏孤宿閑抱琵琶尋舊

曲遠山眉黛綠

薛昭蘊

春滿院疊損羅衣金線睡覺水精簾未捲
簷前雙語燕斜掩金鋪一扇滿地落花
千片早是相思腸欲斷忍交頻夢見

唐金本交作教

牛希濟

秋已暮重疊關山岐路嘶馬搖鞭何處去
曉禽霜滿樹夢斷禁城鐘鼓淚滴枕檀
無數一點凝紅和薄霧翠蛾愁不語

唐金本搖作送

孫光憲

留不得留得也應無益白紵春衫如雪色
揚州初去日輕別離甘拋擲江上滿帆
風疾却羨彩鴛三十六孤鸞還一隻

馮延巳

風乍起吹皺一池春水閒引鴛鴦芳徑
裏手接紅杏藥鬪鴨闌干獨倚碧玉搔
頭斜墜終日望君君不至舉頭聞鵲喜

南唐書云元宗樂府詞云小樓吹徹玉笙寒延巳
有風乍起吹皺一池春水之句皆為警策元宗嘗
戲延巳曰吹皺一池春水干卿何事延巳
曰未若陛下小樓吹徹玉笙寒元宗悅

二

NATIONAL CENTRAL LIBRARY, TAIWAN, R.O.C.

楊柳陌寶馬嘶空無迹新着荷衣人未識年年江海
客 夢覺巫山春色醉眼飛花狼籍起舞不辭無氣
力愛君吹玉笛又一闕云學着荷衣還可喜
少都來有幾自古閑愁無際

晏同叔

秋露墜滴盡楚蘭紅淚往事舊歡何限意思量如夢
寐 人貌老於前歲風月宛然無異座有嘉賓尊有
桂莫辭終夕醉

荆公能改齊漫錄

春又老南陌酒香梅小徧地落花渾不掃夢回情意
悄 紅牋寄與煩惱細寫相思多少醉後幾行書字

小淚痕都搵了

賀方回天作叔原

溪水急無數落花漂出燕子分泥蜂釀蜜遲遲豔風
日 須信芳菲隨失况復佳期難必擬把此情書萬
一愁多翻閣筆

秦處度港

春恨

鴛鴦浦春漲一江花雨隔岸數聲初過櫓晚風生碧
樹 舟子相呼相語載取暮愁歸去寒食江村芳草
路愁來無着處

吳門王平子

書一紙小研吳牋香細讀到別來心下事感殘眉上
翠怕落傍人眼底握向抹胸兒裏針線不忺收拾
起和衣和悶睡俞文豹吹劍錄

趙德莊 方瑞

休相憶明夜遠如今日樓外綠煙封幕幕花飛如許
急柳岸晚來船集波底斜陽紅濕送盡去雲成獨
立酒醒愁又入

著舊續聞去紅濕二字蓋用李後主細雨
濕流光與花間集一簾疎雨濕春愁之濕

二

春已半繡綠新紅如換燕子還來簾幕畔閑愁天不

居全本曲作花

管翠被曲屏香滿花葉彩牋人遠鵲喜蛛絲都未
判連環空約腕

陳子高 元

花滿院飛去飛來雙燕紅雨入簾寒不卷曉屏山六
扇翠袖玉笛悽斷脉脉兩蛾愁淺消息不知郎近
遠一春長夢見著舊續聞云花間集和凝詞云拂
水雙飛來去燕曲檻小屏山六扇

二

春漏促誰見兩人心曲卷畫屏風銀燭燭淚珠紅
軟懊惱歡娛不足只許夢中相逐今夜月明何處
宿畫橋春水渌

居全本作綠

花畫屏風

卷三

四

三

愁脉脉目断江南江北煙樹重重芳信隔小樓山幾尺
細草孤雲斜日一向弄晴天色簾外落花飛不
得東風無氣力

張宗瑞

春寂寂綠暗溪南溪北溪水沉沉天一色鳥飛春樹
黑腸斷小樓吹笛醉裏看朱成碧愁滿眼前遮不
得可憐雙鬢白

張宗瑞

花半濕睡起一窓晴色千里江南空咫尺醉中歸夢

居全本許作此

直前度蘭舟送客雙鯉沉沉消息樓外垂楊如許
碧問春來幾日自名垂楊碧

初春

前人

花事淺方費工夫勻染墻角紅梅開未遍小桃纔數
點人生暮寒庭院閑續茶經香傳酒思如水詩思
懶雨聲簾不捲

程觀過

江上路依約數家煙樹一枕歸心村店暮更亂山深
處夢過江南芳草渡曉色又催人去愁似游絲千
萬縷倩東風約住

居全本生作此

史愚就日錄

深院宇寂寂不禁風雨苔逕流錢青莫數銀泥蝸篆
古滿院多應無主却被癡兒拈取穿向柳絲喧笑
語買將春色去

蒲江

唐金本玉作錄

風不定移去移來簾影一雨林塘新綠淨杏梁歸燕
並翠袖玉屏金鏡日薄綺疏人靜心事一春凝酒
病鳥啼花滿徑

韓無咎元吉

唐金本玉作錄

春尚淺誰把玉英裁剪儘道梅梢開未遍卷簾花滿

院樓上酒融歌暖樓下水平烟遠卻似湧金門外
見絮飛波影亂

惜別

盧祖臯

蘭棹舉相趁落紅飛去一隙輕簾凝睇處柳絲牽不
住昨日翠蛾金縷今夜碧波烟渚好夢無頻窻又
雨天涯知幾許

春思

間院宇獨自行來行去花片無聲簾外雨峭寒生碧
樹做弄清明時序料理春醒情緒憶得歸時停棹
處畫橋看落絮

風又雨斷送殘春歸去人面桃花在何處綠陰空滿
路立馬垂楊官渡一寸柔腸萬縷回首碧雲迷洞
府杜鵑啼日暮

石孝友

康與之

春又晚風勁落紅如剪睡起繡牀飛絮滿日長門半
掩不管離腸欲斷聽盡梁間雙燕試上小樓還不
見樓前芳草遠

蒲江

寒半退斜掩小屏金翠柳眼纔醒桃欲醉日高簾影

補鈔評花仙館校本

碎暗解鴛鴦羅帶獨立晚風誰會心事悠悠人好
在畫橋流水外

趙文鼎 善社

新雨霽開遍滿園桃李波煖池塘風細細一雙花鴨
戲喚起春融睡美扶醉宿粧慵理移步避人花影
裏綉裙低窣地

周紫芝

春雨細開盡一番桃李柳暗曲闌花滿地日高人睡
起綠浸小池春水沙暖鴛鴦雙戲薄倖更無書一
紙畫樓愁獨倚

春晚

吳子和

風乍扇簾外落紅千片飛盡落花春不管闌忙鶯與
燕 往事上心撩亂睡起日高猶倦料得伊家情眷
眷近來長夢見

諸公要予出郊

程正伯

春漠漠何處養花張幕佩冷香殘天一角忍看羅袖
薄 兩兩鴛鴦難學六六錦鱗空托趁有餘芳須細
酌東風情性惡

二

春夜雨催潤柳塘花塢小院深沉門幾許畫簾香一

縷 獨立晚庭凝佇細把花枝閑數燕子不來天欲
暮說愁無處訴

盧炳

春寂寂節物又催寒食樓上捲簾雙燕入斷魂愁似
織 門外雨餘風急滿地落英紅濕好夢驚回無處
覓天涯芳草碧

春晚

洪叔璜

詞空同

風共雨催盡亂紅飛絮百計留春春不住杜鵑聲更
苦 細柳關河狹路幾被娟娟相誤空憶墜鞭遺扇
處碧窓眉語度

陳汝羲

西風竹風入翠煙
轟轟紅小欄杆知幾曲
聲聲敲碧玉
窓下鳳臺銀燭斷
夢已驚難續
曾伴去年庭下
菊夜闌聽雨宿

懷故居

蘇養直

序

何處所門外冷雲堆
浦竹裏江梅寒未吐
茅屋踈踈雨
誰遣愁來如許
小立野塘官渡手
種凌霄今在
否柳浪迷煙渚

李好義

花遇雨又是一番紅
素燕子歸來衝綉幕
舊巢無覓

處誰在玉樓歌舞誰在玉闌
辛苦若使胡塵吹得
去東風侯萬戶

春恨

詩餘

常莊
花間無

春雨足染就一溪新綠
柳外飛來雙屬玉
弄晴相對浴
樓外翠簾高軸倚
遍欄干幾曲
雲淡水平煙樹
簇寸心千里目

曾舜卿

按

山街日淚洒西風
獨立一葉扁舟
流水急轉頭無處
覓去則而今已去
憶則如何不憶
明日到家應記
得寄書回鴈翼

居全本而作如

居全本無詩餘數字

國家圖書館 NATIONAL CENTRAL LIBRARY, TAIWAN, R.O.C.

深院寂一點青燈銜壁空說銷愁須酒力病多禁未
得遙望西樓咫尺爭信今宵思憶伴我枕前雙淚
濕梧桐秋雨滴

天機餘錦

名

山無數遮斷故人何處見說闌舟獨繫住溪邊紅葉
樹憶着前時歡遇惹起今番愁緒怎得西風吹淚
去陽臺為暮雨

出塞

李知幾

石

花樹樹吹碎胭脂紅雨將謂郎來推綉戶暖風搖竹

塢睡起闌干凝佇漠漠紅樓飛絮刻踏襪兒垂手
處隔溪鶯對語

春半

朱淑真

春已半觸目此情無限十二闌干閒倚遍愁來天不
管好是風和日暖輸與鶯鶯燕燕滿院落花簾不
捲斷腸芳草遠

趙介之

師伏

風雨急紅紫又還狼藉嫩綠團枝苔徑濕簾開雙燕
入院靜晝閑人寂一縷水沉煙直心事有誰能會
得堦前芳草碧

好女兒

山谷

粉淚一行行啼破曉來粧懶繫酥胸羅帶羞見綉鴛
鴛擬待不思量怎柰何目下恹惶假饒來後教人
見了却去何妨

憶悶令

晏叔原

取次臨鵲勻畫淺酒醒遲來晚多情愛惹閑愁長黛
眉低斂月底相逢見有深深良願願期信似月如花
湏更交長遠

天門謠

賀方回

牛渚天門險限南北七雄豪占清霧斂與閑人登覽

待月上潮平波灩灩塞管輕吹新阿濫風滿櫂歷
歷數西州更點

清平樂

溫廷筠

上陽春晚宮女愁蛾淺新歲清平思同輦爭柰長安
路遠鳳帳鴛被徒燠寂寞花鎖千門竟把黃金買
賦為妾將上明君

二

洛陽愁絕楊柳花飄雪終日行人恣攀折橋下水流
嗚咽上馬爭勸離觴南浦鶯聲斷腸愁殺平原年
少迴首揮淚千行

春愁南陌故國音書隔
細雨霏霏梨花白燕拂畫簾
金額 盡日相望王孫塵滿衣上淚痕誰向橋邊吹
笛駐馬西望銷魂

常莊

二

野花芳草寂寞閑山道
柳吐金絲鶯語早惆悵香閨
暗老 羅帶悔結同心獨凭朱欄思深夢覺半床斜
月小窓風觸鳴琴

三

何處遊女蜀國多雲雨
雲解有情花解語宰地綉羅

金縷 粧成不整金鈿含羞待月鞦韆住在綠槐陰
裏門臨春水橋邊

四

鶯啼殘月綉閣香燈滅
門外馬嘶郎欲別正是落花
時節 粧成不畫蛾眉含愁獨倚金扉去路香塵莫
掃掃即即去歸遲

孫光憲

愁腸欲斷正是青春半連理分枝
鴛失伴又是一場離散
掩鏡無語眉低思隨芳草
萋萋憑仗東風吹
夢與即終日東西

居金本即作時

二
等閑無語春恨如何去終是踈狂留不住花暗柳濃
何處 盡日目斷魂飛晚窓斜界殘暉長恨朱門薄
暮綉鞍驄馬空歸

毛熙震

春光欲暮寂寞閑庭戶粉蝶雙雙穿檻舞簾卷晚天
踈雨 含愁獨倚閨幃玉鑪煙斷香微正是銷魂時
節東風滿樹花飛

李後主

內唐
李煜

別來春半觸目愁腸斷砌下落梅如雪亂拂了一身

還滿 鴈來音信無憑路遙歸夢難成離恨恰如春
草更行更遠還生

陽春集

馮延巳

深冬寒月庭戶凝霜雪風鴈過時魂斷絕塞管數聲
嗚咽 披衣獨立披香流蘇亂結愁腸往事總堪惆
悵前歡休更思量

二

雨晴烟晚綠水新池滿雙燕飛來垂柳院小閣畫簾
高捲 黃昏獨倚朱欄西南新月眉彎砌下落花風
起羅衣特地春寒

三
西園春早夾逕抽新草
冰散漪瀾生碧沼
寒在梅花先老
與君同飲金盃
飲餘相取徘徊
次第小桃將發
軒車莫厭頻來

晏同叔

珠

西風細細葉葉梧桐墜
綠酒初嘗人易醉
一枕小窗濃睡
紫薇朱槿花殘
斜陽却照欄干
雙燕欲歸時節
銀屏昨夜微寒

晏同叔

春花秋草只是催人老
總把千山眉黛掃
未抵別愁

多少勸君綠酒金杯
莫嫌絲管聲催
免走烏飛不住
住人生幾度三臺

二

春來秋去往事知何處
燕子歸飛蘭泣露
光景千番不住
酒闌人散
忡忡閑階獨倚
梧桐記得去年今日
依前黃葉西風

三

紅牋小字說盡平生
意鴻鴈在雲魚在水
惆悵此情難寄
斜陽獨倚西樓
遙山恰對簾鉤
人面不知何處
綠波依舊東流

居金本清作枕

晋人不任醉解蘭舟去一棹碧濤春水路過盡曉鶯
啼處 渡頭楊柳青青枝葉離情此後錦書休
寄畫樓雲雨無憑

二

千花百草送得春歸了拾藥人稀紅漸少葉底杏青
梅小 小瓊閑抱琵琶雪香微透輕紗正好一枝嬌
艷當筵獨占韶華

三

紅英落盡未有相逢信可恨流年凋綠鬢睡得春醒

居金本細作細

欲醒 細箏曾醉西樓朱絃玉指梁州曲罷翠簾高
捲幾回新月如鉤

四

波紋碧皺曲水清明後折得疎梅香滿袖暗喜春紅
依舊 歸來紫陌東頭金釵換酒銷愁柳影深深細
路花銷小小層樓

五

么絃寫意密絃聲碎書得鳳牋無限事猶恨春心
難寄 卧聽疎雨梧桐雨餘淡月朦朧一夜夢魂何
處那回楊葉樓中

小山詞 晏幾

暫來還去輕似風頭絮縱得相逢留不住何況相逢
無處 去時約畧黃昏月華却到朱門別後幾番明
月素娥應是銷魂

七

雙紋彩袖笑捧金船酒嬌妙如花輕似柳勸客千春
長壽 艷歌更倚踈絃有情酒醉尊前恰是可憐時
候玉嬌今夜初圓

八

蓮開欲遍一夜秋聲轉殘綠斷紅香片片長是西風

堪怨 莫愁家住溪邊採蓮心事年年誰管水流花
謝月明昨夜蘭舫

九

沉思暗記幾許無憑事菊靨開殘酒少味閑却畫欄
風意 夢雲歸處難尋微涼暗入香襟猶恨那回庭
院依前月淡燈深

十

鶯來燕去宋玉墻東路草草幽歡能幾度便有繫人
心處 碧天秋月無端別來長照闌山一點厭厭誰
會依前凭暖闌干

心期休問只有尊前分勾引行人添別恨因是語低
香近 勸人滿酌金鍾清歌唱徹還重莫道後期無
定夢魂猶有相逢

歐陽永叔

小庭春老碧砌紅萱草長憶小欄閑共遠携手綠叢
含笑 別來音信全乖舊期前事堪猜門掩日斜人
靜落花愁點青苔

王介甫 安石 詩竹坡

留春不住費盡鶯兒語滿地殘紅宮錦污昨夜南園

居金本園作巖

風雨 小憐初上琵琶晚來思繞天涯不肯畫堂朱
戶東風自在揚花

柳耆卿 永

陰晴未定薄日烘雲影金鞍何處尋芳徑綠楊依舊
南陌靜 厭厭幾許春情可憐老去難成看取鑷殘
雙鬢不隨芳草重生

李閣使席

張子野 先

清歌逐酒醉臉鮮霞透櫻小杏青寒食後衣換縷金
輕繡 画堂新月朱扉嚴城夜鼓歸遲細看玉人粧
面春工不在花枝

屏山斜展帳卷紅綃半泥淺曲池飛海燕風度楊花
滿院 雲愁雨恨空深覺來一枕春陰隴上梅花落
盡江南消息沉沉

木犀

劉原甫 賦

小山叢桂最有留人意拂葉攀花無限思雨濕濃香
滿砌 別來過了秋光翠簾昨夜新霜多少月宮閑
地姮娥與借微芳

陳去非 與義

黃衫相倚翠葆層層底八月江南風日美美影山腰

居全本注作任

水尾 楚人未識孤妍離騷遺恨千年無往菴中新
事一枝喚起幽禪

蘇養直 序

斷崖流水香度青林底元配騷人蘭與芷不數春風
桃李 淮南叢桂小山詩翁合得躋攀身到十洲三
島心遊萬壑千巖

木犀

向伯恭 子澄

吳頭楚尾踏破芒鞋底萬壑千巖秋色裏不柰惱人
風味 如今老我薌林世間百不關心獨喜愛香韓
壽能來同醉花陰

居全本節作鄉

國家圖書館 NATIONAL CENTRAL LIBRARY, TAIWAN, R.O.C.

朱希真 歌僑

人間花少菊小芙蓉老冷淡仙人偏得道買定西風
一笑前身元是江梅黃姑點破冰肌只有暗香猶
在飢叅清似南枝

韓叔夏 瑛

秋光如水釀作鵝黃蟻散入千巖佳樹裏惟許脩門
人醉 輕鈿重上風鬟不禁月冷霜寒步障深沉歸
去依然愁滿江山

居全不障作帳

去依然愁滿江山

夷堅一支志云原甫作木犀詞其後陳蘇等五人亦
續成一閨王晦叔并紀于碧鷄漫志且云同一花
一曲賦者六人必有第其高
下者予以為皆佳句云

閨情

李漢老 邴

露花烟柳春思濃如酒幾陣狂風新雨後滿地落紅
鋪綉 風流何處踈狂厭厭恨結柔腸又是危闌獨
倚一川煙草斜楊

漁父

連可久 又道

陣鴻驚起一網沉江渚落葉亂風和細雨撥棹不如
歸去 蘆花輕泛微瀾蓬窓獨自清閑一覺遊仙好
夢任它竹冷松寒

趙園避暑

劉叔安 鎮

柳陰庭院簾約風前燕着雨荷花紅半斂消得盈盈

綠扇 竹光野色生寒玉
織雪藕水盤長記酒醒人
靜暗香吹月闌干

宮怨

黃叔暘

珠簾寂寂愁背銀缸泣
記得少年初選入三十六宮
第一 當時掌上承恩而
今冷落長門又是羊車過
也月明花落黃昏

擬太白應制

王通叟

宜春小苑處處花開滿
學得紅粧紅要淺催上金車
要看 君王曲宴瑤池小
舟掠水如飛奪得錦標歸
去匆匆不惜羅衣

應制

王仲甫

王觀

黃金殿裏燭影雙龍戲
勸得官家真箇醉進酒猶呼
萬歲 錦茵舞徹涼州君
恩與整搔頭一夜御前宣
呼六宮多少人愁

者舊續聞云仲甫字明之號自號為逐客為翰林
權直內宿有宮娥新得幸仲甫應制賦此詞翌旦
宣仁太后聞之語宰臣曰豈有館閣
儒臣應制作狎詞耶既而彈章罷去

賀方回

小桃初謝雙燕還來也
記得年時寒食下紫陌青門
游冶 楚城滿目春華可堪遊
子思家唯有夜來歸
夢不知身在天涯

趙德麟 全時

春風依舊着意隋堤柳
搓得鵝兒黃欲就天氣清明時候
去年紫陌青門今宵雨魄雲魂
斷送一生憔悴能消幾箇黃昏
復齋漫錄云劉弁備明既喪愛妾而不能忘作此詞

王履道 安中

花時微雨未減春分数
占取簾疎花密處把酒聽歌金縷
斜風輕度濃香開情正與春長
向晚紅燈入座嘗新青杏催觴

黃山谷 庭堅

春歸何處寂寞無行路
若有人知春去處喚取歸來

同住 春無蹤跡誰知除非問取黃鸝
百轉無人能解因風吹過薔薇

晁次膺 劉巨濟

深沉院宇枕簟清無暑
睡起花陰初轉午一霎飛雲過雨
雨餘隱隱殘雷夕陽却照庭槐
莫把珠簾垂下妨他雙燕歸來

呂居仁 本中

故人何處同在江南路
百種舊愁分不去枉被落花留住
舊愁百種誰知除非是見伊時
最是一春多病等閑過了餘釀

桃根桃葉一樹芳相接春到江南三二月迷損東家
蝴蝶殷勤踏取春陽風前花正低昂與我同心梳
子報君百結丁香

趙德莊

周少隱

青春欲暮柳下將飛絮月到堦前梅子樹啼得杜鵑
飛去人歸不掩朱門一成過了黃昏只有瑣窓紅
蠟照人獨自消魂

謝無逸

晚風殘角月裏梅花落宿酒醒時滋味惡翠被輕寒

漠漠 夢回一點相思遠山暗感愁眉不覺肌膚瘦
玉但知帶減腰圍

妓訴狀立廳下

毛茛

醉紅宿翠髻鞦烏雲墜管是夜來不得睡那更今朝
早起 春風滿搦腰肢堦前小立多時恰恨一番春
雨想應濕透鞋兒

朱希真

敦儒

亂紅深翠樓閣春風外蝴蝶成團飛照水睡鴨無人
驚起 身閑更覺身輕酒壺歌扇隨行芳草綠楊堤
畔一聲初聽啼鶯

二

相留不住又趁東風去樓外夕陽芳草路今夜短亭
何處杏花斜壓欄干朱簾不捲春寒惆悵黃昏前
後離愁酒病厭厭

三

多寒易雨春事都相誤愁過黃昏無着處寶篆燒殘
香縷低鬟暗摘明璫羅巾浥損殘粧簷外幾聲風
玉丁東敲斷人腸

朱雍

雪開瑤徑素蓋迎春影樓上玉聲三弄定無柰幽香

翻陣凌晨不事鈿華化工却付春花流水殘陽江
上清隨月色低斜

蒲江

鏡屏開曉寒入宮羅峭脉脉不知春又老簾外舞紅
多少舊時駐馬香階如今細雨蒼苔殘夢不堪重
理一雙蝴蝶飛來

程正伯

綠深紅少柳外橫橋小雙燕不知幽夢好驚起碧窓
春曉起來夢覺多時玉臺金鏡慵移多少春愁未
說却來閑數花枝

東風歸早已綠瀛洲草紫殿紅樓春正好楊柳半和
烟裊 玉輿遍遶花行初聳百轉新鶯歷歷因風傳
去千門萬戶春聲

二

墜紅飄絮收拾春歸去長恨春歸無覓處心事欲誰
分付 盧家小苑回塘子飛多少鴛鴦縱使東牆隔
斷莫愁應念王昌

別意

劉潛夫 克莊

休彈別鶴淚與絃俱落歡事中年如水薄懷抱那堪

作惡 昨宵月露高樓今朝烟雨孤舟除是無身方
了有身長有閑愁

趙叔午 汝迂

初鶯細雨楊柳低愁縷烟浦花嬌如夢裏猶記倚樓
別語 小屏依舊圍香恨拋薄醉殘粧判却寸心雙
淚為他花月淒涼

李周隱 葉老

綠窓初曉枕上聞啼鳥不恨王孫歸不早只恨天涯
芳草 錦書紅淚千行一春無限思量折得垂楊寄
與絲絲都是愁腸

括李白詩

林正大

若耶溪女笑隔荷花語日照新粧明楚楚香袖風颯
輕舉誰家白面遊郎兩三遙映垂楊醉踏落花歸
去躡躡空斷柔腸

楊師純

小庭深院睡起花陰轉往事舊歡離思遠柳絮隨風
難管等閑屈指當時闌干幾曲誰知為問春風桃
李而今子滿芳枝

劉行簡 一止

相望吳楚遠信無憑據欲倩春風吹淚去化作愁雲

恨雨春應已到三吳楚江日夜東徂惟有沂流魚
上不知尺素來無

雅詞 失名

畫堂晨起來報雪花墜高捲簾櫳看佳瑞皓色遠迷
庭砌盛氣光引爐煙素草寒生玉佩應是天仙狂
醉亂把白雲揉碎

雪

孫夫人

悠悠颺颺做盡輕模樣半夜蕭蕭窓外響多在梅邊
竹上朱樓向曉簾開六花片片飛來無柰薰爐烟
霧騰騰扶上金釵

年年雪裏常插梅花醉
按盡梅花無好意
贏得滿衣清淚
今年海角天涯
蕭蕭兩鬢生華
看取晚來風勢
故應難看梅花

春暮

朱淑真

風光緊急三月俄三十
擬欲留連計無及
綠野烟愁露泣
憑誰寄與春宵
城頭畫鼓輕敲
綵繡臨歧囑付
來年早到梅梢

夏日游湖

前人

惱煙撩露留我須臾
住携手藕花湖上路
一霎黃梅

細雨 嬌癡不怕人猜
和衣倒在人懷
最是分携時候
歸來懶傍粧臺

李太白

禁闌秋夜月探金窓
鑄玉帳鴛鴦噴蘭麝
時落銀燈香燧
女伴莫話孤眠
六宮羅綺三千
一笑皆生百媚
宸游教在誰邊

呂鵬過雲集載李詞四首按松白雜錄白進清平調詞三章勝說以為清平樂曲此豈鵬孱入者耶

十二時

即憶少年

謝勉仲

池塘綠遍王孫芳草
依依斜日游絲捲
晴晝繫東風無力
蝶趁幽香蜂釀蜜
秋千外卧紅堆碧
心情費

消遣史梨花寒食

別歷下

晁無咎 補之

無窮官柳無情画舸無限行客南山尚相送只高城
人隔 卷盡園林溪紺碧萸重來盡成陳迹劉郎鬢
如此况桃花顏色

曹元寵 組

年時酒伴年時去處年時春色清明又近也却天涯
為客 念過眼光陰難再得想前歡盡成陳迹登臨
恨無語把闌干暗拍

梅苑 失名

踈踈整整斜斜淡淡盈盈脉脉徒憐暗香句笑梨花
顏色 羈馬蕭蕭行又急空回首冰寒沙白天涯倦
牢落忽一聲羌笛

朱希真 敦儒

連雲衰草連天晚照連山紅葉西風正搖落更前溪
嗚咽 燕去鴻歸音信絕問黃花又共誰折征人最
愁處送寒衣時節

萬俟雅言

隴雲溶洩隴山峻秀隴泉嗚咽行人暫駐馬已不勝
愁絕 隴首凝眸天四濶更一聲塞鴈淒切征書待

寄遠有知心明月

琴調相思引

一名玉交枝

趙德莊

芳瑞

拂拂輕陰雨翹塵小庭深幕墮嬌雲好花無幾猶是
洛陽春 燕語似知懷舊主水生只解送行人可堪
詩墨和淚漬羅巾

二

曾躡姑蘇城上臺好山知有幾人來幾回徙倚月裡

暮雲來 閑倚和風千步柳倦臨殘雪一枝梅煖香

高燭翻動道人灰

蒲江

陸續鳴鳩呼曉晴霏微殘霧濕春城未成梅雨先做
麥寒輕 長日惜惜花又落短屏曲曲酒初醒小舟
無緒閑帶牡丹行

同楊子高擬舟葉家庄

前人

夾岸垂楊步帳深露橋橫截影沉沉數家籬落一餉
晚涼侵 閑倚短篙停夜月靜看雙翅落棲禽久無
羈思前事忽驚心

梅苑

又名

膽樣瓶兒幾點春剪來猶帶水雲痕且移孤令相伴
最深樽 每為惜花無曉夜教人甚處不銷魂為君

惆悵何獸是黃昏

定風波令

周少隱

梅粉梢頭雨未乾
淡烟疎日帶春寒
暝鴉啼處人在
小樓邊
芳草只隨春恨長
寒鴻空傍碧雲還
斷霞銷盡
新月又嬋娟

望仙門

晏同叔

玉池波浪碧如鱗
露蓮新清歌一曲
翠眉嚙舞華茵
滿酌蘭英酒
須知獻壽千春
太平無事荷君恩
荷君恩齊唱望仙門

二

紫微枝上露華濃
起秋風管絃聲細
出簾櫳象筵中
仙酒斟雲液
山歌轉遶梁虹
此時佳會慶相逢
相逢歡醉且從容

玉壺清漏起微涼
好秋光金盃重疊滿
瓊漿會仙鄉
新曲調絲管
新聲更颭霓裳
博山爐煖泛濃香
泛濃香為壽百千長

海棠花

春景

馬莊父

柳腰暗怯花風弱
紅映秋千院落
歸逐燕兒飛斜
撼真珠箔
滿林翠葉胭脂萼
不忍頻頻覩
着護取一

居全本噸作擊

居全本噸作擊



庭春莫禪花間鵲

占春芳

東坡春者紀聞

紅杏了天挑盡獨自占春芳
不比人間蘭麝自然透骨生香
對酒莫相忘似佳人兼合明光
只憂長笛吹花落除是寧王

居全本改作催

江亭怨

冷齋夜話鬼詞

簾捲曲闌獨倚山展暮天無際
淚眼不曾晴家在吳頭楚尾
數點雪花亂委撲漉沙鷗
驚起詩句欲成時沒入蒼煙叢裏

冷齋夜話云黃魯直登荊州亭柱間有此詞夜夢女子云有感而作驚悟曰此必吳城小龍女也

一落索

一名玉連環陳后山集作洛陽春

張子野先

來時露浥衣香潤絲絛垂鬢卷
簾還喜月相親把酒與花相近
西去陽關休問未歌先恨
玉峯山下水長流流水盡情無盡

周美成邦彥

眉共春山爭秀可憐長皺
莫將清淚濕花枝恐花也
如人瘦清潤玉簫閑久
知音稀有欲知日日倚欄
愁但問取亭前柳

二

杜宇思歸聲苦和春催去
倚欄一霎酒旗風任撲面

此首在卷中

卷中

卷中

桃花雨 目斷隴雲江樹難逢尺素落霞隱隱日平
西料想是分携處

秦少游

楊花終日空飛舞柰久長難駐海潮雖是暫時來却
有箇堪憑處 紫府碧雲為路好相將歸去肯如薄
倖五更風不解與花為主

山谷

誰道秋來烟景素柱遊人不顧一番時態一番新到
得意皆歡慕 紫萸黃菊繁華處對風庭月露愁來
即便去尋芳更作甚悲秋賦

居金本柱作任

朱秋娘

人空老 可惜春光閱了陰多晴少江南江北水連
雲問何處尋芳草

二

慣被好花畱住蝶飛鶯語少年場上醉鄉中容易放
春歸去 今日江南春暮朱顏何處莫將愁緒比飛
花花有數愁無數

玉連環

管鑑

江上青山無數綠陰深處夕陽猶在繫扁舟為佳景

本詞中落數字居
金本補

花尊屏編 卷三

六十一

桃花雨 目斷隴雲江樹難逢尺素落霞隱隱日平
西料想是分携處

秦少游

楊花終日空飛舞柰久長難駐海潮雖是暫時來却
有箇堪憑處 紫府碧雲為路好相將歸去肯如薄
倖五更風不解與花為主

山谷

誰道秋來烟景素柱遊人不顧一番時態一番新到
得意皆歡慕 紫萸黃菊繁華處對風庭月露愁來
即便去尋芳更作甚悲秋賦

居金本柱作任

朱秋娘

一夜雨聲速曉青燈相照舊時情緒此時心花不見
人空老 可惜春光閑了陰多晴少江南江北水連
雲問何處尋芳草

居金本建作連

二

慣被好花畱住蝶飛鶯語少年場上醉鄉中容易放
春歸去 今日江南春暮朱顏何處莫將愁緒比飛
花花有數愁無數

玉連環

管鑑

江上青山無數綠陰深處夕陽猶在繫扁舟為佳景

本為中落數字居
金本補

留人住 已辦一簑歸去 江南烟雨有情鷗鷺莫驚
飛便相約長為侶

陸放翁

滿路遊絲飛絮韶光將暮此時誰與說新愁有百轉
流鶯語 俯仰人間今古神仙何處花前須判醉扶
歸酒不到劉伶墓

陳鳳儀

成都妙

蜀江春色濃如霧擁雙旌歸去海棠也似別君難一
點點啼紅雨 此去馬蹄何處沙堤新路禁林賜宴
賞花時還記得西樓否

送王伯紹帥慶陽

王履道

安中

塞柳未傳春信霜花侵鬢送君西去指秦關看日近
長安近 王帳同時英俊合離無定路逢新鴈北飛
來寄一字燕山問

程正伯

門外煙寒楊柳正減歡踈酒春陰早是做人愁更何
況花飛後 莫倚東風消瘦有醪釀入手儘偎香玉
醉何妨任花落愁依舊

辛幼安

素疾

羞見鑑鵝孤却倩人梳掠一春長是為花愁甚夜夜

東風惡 行遠翠簾珠箔錦牋誰託玉觴淚滿却停
觴怕酒似郎情薄

春懷

嚴次山

清曉鶯啼紅樹又一雙飛去日高花氣撲人來獨自
價傷春無緒 別後暗覺金縷倩誰傳語一春不忍
上高樓為怕見分携處

唐金本覺作覽

花草粹編卷之三終

國家圖書館, NATIONAL CENTRAL LIBRARY, TAIWAN, R.O.C.

花草粹編四卷目錄

小令

憶秦娥

一名秦樓月雙
荷葉二十

喜遷鶯

一名鶴冲天
春光好十二

攤破浣溪沙

山花子
十二

相思令

早梅芳近

望仙樓

甘泉子

人月圓

清衫
濕四

錦堂春

海棠春

二

謫仙怨

鏡中人

高梅溪令

更漏子

三十
六

阮郎歸

醉桃源
碧桃春

聖無憂

燕歸來

畫堂春

洞天春

武陵春

雙鷓鴣



NATIONAL CENTRAL LIBRARY, TAIWAN, R.O.C.

茅山逢故人 雙頭蓮 秋蕊香 五

燭影搖紅 二 眼兒媚 秋波媚小 朝中措 照江梅 十一

慶春時 二 伊州三臺 烏夜啼 十二

桃源憶故人 虞美人 十一 城頭月 二

柳梢青 二十 胡搗練 三 鹽角兒

撼庭秋 賀聖朝 四 喜團圓 三

洛陽春 極相思 三 憶漢月

醉鄉春 河瀆神 三 花前飲

品令 惜春郎 越江吟

相思引 早春怨 歸去來 二

孤館深沉 雙韻子 鳳孤飛

應天長 五 惜春令 沙塞子 二

月中行 月宮春 醉花間 二

桂華明 四和香 轉調賀聖朝

醉高歌 荷葉盃 二 慶金枝

鳳來朝 二 西江月 三十 燕歸梁 三

上行杯 惜分飛 四 惜雙雙

清平調 二 太常引 六 太清引 二

四犯令 漁歌子 四 偷聲木蘭花 二

怨三三 捉拍醜奴兒 滴滴金 三

國家圖書館, NATIONAL CENTRAL LIBRARY, TAIWAN, R.O.C.

CENTRAL

圖書

香

花草粹編四卷目錄終

花草粹編卷之四

NATIONAL CENTRAL LIBRARY, TAIWAN, R.O.C.

朗陵外方陳耀文晦伯甫墓

小令

憶秦娥

一名秦樓月
一名雙荷葉

李太白

簫聲咽秦娥夢斷秦樓月秦樓月年年柳色灞陵傷
別樂遊原上清秋節咸陽古道音塵絕音塵絕西
風殘照漢家陵闕

佳人

周美成

香馥馥樽前有個人如玉人如玉翠翹金鳳內家粧
束嬌羞愛把眉兒蹙逢人只唱相思曲相思曲一

聲聲是怨紅愁綠

二

雙溪月清光偏照雙荷葉雙荷葉紅心未偶綠衣偷
結背風迎雨淚珠滑輕舟短棹先秋折先秋折煙
鬟未上玉杯微缺

陳去非

與義

魚龍舞湘君欲下瀟湘浦瀟湘浦興亡離合亂波平
楚獨無樽酒酌端午移舟來聽明山雨明山雨白
頭孤客洞庭懷古

程正伯

按

青門深海棠開盡春陰陰春陰陰萬重雲水一寸歸
心玉樓深鎖烟消沉知他何日同登臨同登臨待
收紅淚細說如今

二

愁無語黃花庭院黃梅雨黃梅雨新愁一寸舊愁千
縷杜鵑叫斷空山苦相思欲寄人何許人何許一
重雲斷一重山阻

春思

康伯可

與之

春寂寞長安古道東風惡東風惡胭脂滿地杏花零
落臂銷不柰黃金燭天寒尚怯春衫薄春衫薄不

禁搵淚為君彈却

房舜卿

與君別相思一夜梅花發
梅花發淒涼南浦斷橋斜
月盈盈微步凌波襪
東風笑倚天涯濶
天涯濶一聲羌管暮雲愁絕

曾純甫

西風節碧雲捲盡秋宵月
秋宵月閨河千里照人離
別樽前俱是天涯客
那堪三載遙相憶
遙相憶年光依舊漸成華髮

邯鄲道望叢臺有感

前人

風蕭瑟邯鄲古道傷行客
傷行客繁華一瞬不堪思
憶叢臺舞歌無消息
金樽玉管空塵跡
空塵跡連天草樹暮雲凝碧

范至能

湘江碧故人同作湘中客
湘中客東風空鴈杏花寒
食温温月到藍橋側
醒心絃裏春無極
春無極明朝殘夢馬嘶南陌

向伯恭

子諤

芳菲歇故園目斷傷心切
傷心切無邊烟水無窮山
色可惜更近軋龍節
眼中淚盡空啼血
空啼血子

規聲外曉風殘月

二

蟲聲切柔腸欲斷傷離別傷離別幾行清淚界殘紅
頰 玉階白露侵羅襪下簾却望玲瓏月玲瓏月寒
光零亂照人愁絕

周紫芝

東風歇香塵滿院花如雪花如雪看看又是黃昏時
節 無言獨自添香鴨相思情絮無人說無人說照
人只有西樓斜月

暮雲碧佳人不見愁如織愁如織兩行征鴈數聲羗
笛 錦書難寄西飛翼無言只是空相憶空相憶紗
窓人夢夢雙入隻

嬌滴滴雙眉斂破春山色春山色爲君含笑爲君愁
感 多情別後無消息此時更有誰知得誰知得夜
深無寐度江橫笛

臨高閣亂山平野烟光薄烟光薄棲鴉歸後暮天吹
角 斷香殘酒襟懷惡西風吹趁梧桐落梧桐落又

還愁也又還寂寞

別情

萬俟雅言

千里草萋萋盡處遙山小遙山小行人遠似此山多
少天若有情天亦老此情說便說不了說不了一
聲喚起又驚春曉

碧雲深

張輯

風淒淒井欄絡繹驚秋啼驚秋啼涼侵好夢月正樓
西卷簾望月知心誰閨河空隔長相思長相思碧
雲暮合有美人兮

賀方回

詞

曉矇矇前溪百鳥啼匆匆啼匆匆凌波人去拜月樓
空舊年今日東門東鮮粧輝映桃花紅桃花紅吹
開吹落一任東風

懷人

朱雍

風蕭蕭驛亭春信期春潮期春潮黃昏浮動誰在江
皋碧雲冉冉橫溪橋瓊車未至餘香飄餘香飄一
簾疎影月在花梢

蓬萊閣

秦樓

宋人

齊乘

烟漠漠水天搖蕩蓬萊閣蓬萊閣朱甍碧瓦半浸寥
廓三山謾有長生藥茫茫雲海風濤惡風濤惡仙

屋金本無漫字空一格
藥作藥

槎不見暮沙潮落

詩餘

秋寂寂碧紗牕外人橫笛人橫笛天津橋上舊曾聽
得宮粧玉指無人識龍吟水底聲初息聲初息月
明江上數峯凝碧

詩餘

雲垂幕陰風慘淡天花落天花落千林瓊玖滿空鸞
鶴征車渺渺穿華薄路迢迢倍增離索增離索楚
溪山水碧湘樓閣

秋宵

黃叔暘昇

心如結西風老盡黃花節黃花節塞鴻聲斷冷烟淒
月漢朝陵廟唐宮闕興衰萬變從誰說從誰說千
年青史幾人華髮

初春

楊萬里

新春早春前十日春歸了春歸了落梅如雪野桃紅
小老夫不管春催老只圖爛醉花前倒花前倒兒
扶歸去醒來窓曉

閨情

孫夫人鄭文妻

花深深一鈎羅襪行花陰行花陰閑將柳帶試結同
心耳邊消息空沉沉畫眉樓上愁登臨愁登臨海

崇開後望到如今

正月六日夜月

朱淑真

彎彎曲新年新月鈎寒玉鈎寒玉鳳鞋兒小翠眉兒
感 鬧蛾雪柳添妝束燭籠火樹爭馳逐爭馳逐元
宵三五不如初六

更漏子

溫廷筠

柳絲長春雨細花外漏聲迢遞驚塞鴈起城烏畫屏
金鷓鴣 香霧薄透簾幕惆悵謝家池閣紅燭背綉
簾垂夢長君不知

二

星斗稀鐘鼓歇簾外曉鶯殘月蘭露重柳風斜滿庭
堆落花 虛閣上倚欄望還似去年惆悵春欲暮思
無窮舊歡如夢中

三

金雀釵紅粉面花裏暫時相見知我意感君憐此情
須問天 香作穗蠟成淚還似兩人心意山枕膩錦
衾寒覺來更漏殘

四

相見稀相憶久眉淺澹煙如柳垂翠幕結同心待郎
燠綉衾 城上月白如雪蟬鬢美人愁絕宮樹暗鵲

橋橫玉籤初報明

五

背江樓臨海月城上角聲嗚咽堤柳動島煙昏兩行
征鴈分京口路歸帆渡正是芳菲欲度銀燭盡玉
繩低一聲村落鷄

六

玉鑪煙紅蠟淚偏對畫堂秋思眉翠薄鬢雲殘夜長
衾枕寒梧桐樹三更雨不道離情正苦一葉葉一
聲聲空堦滴到明

韋莊

鐘鼓寒樓閣暝月照古桐今井深院閉小庭空落花
香露紅煙柳重春霧薄燈背水窻高閣閑倚戶暗
沾衣待郎郎不歸

牛嶠

星漸稀漏頻轉何處輪臺聲怨香閣掩杏花紅月明
楊柳風挑錦字記情事唯願兩心相似收淚語背
燈眠玉釵橫枕邊

二

春夜闌更漏促金燼暗挑殘燭驚夢斷錦屏深兩鄉
明月心 閨草碧望歸客還是不知消息辜負我悔

憐君告天天不聞

三

南浦情紅粉淚爭柰兩人深意低翠黛卷征衣馬嘶
霜葉飛 招手別寸腸結還是去年時節書託鴈夢
歸家覺來江月斜

毛文錫

春夜闌春恨切花外子規啼月人不見夢難憑紅紗
一點燈 偏怨別是芳節庭下丁香千結宵霧散曉
霞輝梁間雙燕飛

顧瓊

舊歡娛新悵望擁鼻含嚔樓上濃柳翠晚霞微江鷗
接翼飛 簾半捲屏斜掩遠岫參差迷眼歌滿耳酒
盈樽前非不要論

孫光憲

聽寒更聞遠鴈半夜蕭娘深院扁綉戶下珠簾滿庭
噴玉蟾 人語靜香閨冷紅幕半垂清影雲雨態蕙
蘭心此情江海深

二

今夜期來日別相對祇堪愁絕恨粉面撚搖簪無言
淚滿襟 銀箭落霜華薄墻外曉雞啣喔聽付囑惡

情悰斷腸西復東

毛熙震

秋色清河影澹深
戶燭寒光暗綃幌
碧錦衾紅博山
香炷融 更漏咽
蛩鳴切滿院霜華
如雪新月上薄
雲收映簾懸玉鈎

二

煙月寒秋夜靜
漏轉金壺初永
羅幕下繡屏空
燈花結碎紅
人悄悄愁無了
思夢不成難曉
長憶得與
卽期竊香私語時

前調

金剪刀青絲髮香墨
蠻牋親札和粉淚
一時封此情
千萬重 蓬垂鬢
塵青鏡已分
今生薄命將遠恨
上高樓寒江天外流

二

秋水平黃葉晚落日
渡頭雲散擗朱箔
掛金鈎暮潮
人倚樓 歡娛地
思前事歌罷不勝
沉醉消息遠夢
魂狂酒醒空斷腸

三

風帶寒秋正好
蘭蕙無端先老
雲杳杳樹依依
離人殊未歸
舉羅幕凭朱閣
不獨堪悲
搖落月東出
鴈

毛熙震

卷四

一

南飛誰家夜擣衣

歐集亦有

四

鴈孤飛人獨坐看却一秋空過
瑤草短菊花殘蕭條漸向寒
簾幙裡青苔地誰信閑愁如醉星移後月
圓時風搖夜合枝

五

夜初長人近別夢斷一窓殘月
鸚鵡睡蟪蛄鳴西風寒未成
紅蠟燭伴碁局床上畫屏山
綠褰綉幌倚瑤琴前歡淚滿襟

晏同叔

珠

舜華濃山翠淺一寸秋波如剪
紅日永綺筵開暗隨仙馭來
過雲聲回雪袖占斷曉鶯春
柳總送目又顰眉此情誰得知

二

雪藏梅烟着柳依約上春時候
初送鴈欲聞鶯綠池波浪生
探花開留客醉憶得去年情
味金盞酒玉爐香任他紅日長

小山詞

晏幾道

檻花稀池草遍冷落吹笙庭院
人去日燕西飛燕歸人未歸
數書期尋夢意彈指一年春事
新悵望舊

悲涼不堪紅日長

二

柳絲長桃葉小深院斷無人到紅日淡綠烟晴流鶯
三兩聲雪香濃檀暈少枕上卧枝花好春思重曉
粧遲尋思殘夢時

三

露華高風信遠宿醉盡簾低卷梳洗倦冶遊慵綠窓
春睡濃絲條輕金縷重昨日小橋相送芳草恨落
花愁去年同倚樓

四

柳間眠花裏醉不惜綉裙鋪地釵燕重鬢蟬輕一雙
梅子青粉牋書羅袖淚還有可憐新意遮悶綠掩
羞紅晚來團扇風

張子野先

杜陵春秦樹晚傷別更堪臨遠南去信欲憑誰歸鴻
多北歸小桃枝紅蓓發今夜昔時風月休苦意說
相思少情人不知

杜壽域安世

臉如花花不笑雙臉勝花能笑肌似玉玉非溫肌溫
勝玉溫既相逢情不重何似當初休共情既重却

分飛爭如不見伊

向子諲

鵲橋邊牛渚上翠節紅旌相向承玉露挹金風年年
歲歲同懶飛梭停弄杼遙想彩雲深處人咫尺事
閑山無聊獨倚欄

二雪中韓叔
夏席上

小窓前踈影下寫鏡弄粧初罷梅似雪雪如人都無
一點塵暮江寒人響絕更着朦朧微月山似玉玉
如君相看一笑溫

三題趙伯山清白軒
時王豐父同賦

竹孤青梅皨白更着使君清絕梅似竹竹如君須知
德有隣月同高風同調月底風前一笑翻碎影度
浮香與人風味長

蒲江

蓼花蘩桐葉下寂寂夢回涼夜城角斷砌蛩悲月高
風起時衣上淚誰堪寄一寸妾心千里人北去鴈
南征滿庭秋草生

天機夫石

解語花斷腸草語盡風流煩惱歡會少別離多此情
無柰何帳前燈窓間月記得那時節綉被剩畫屏

時字下落情
字居金本補

空如今在夢中

梅苑

絳紗籠金葉蓋向戲燈花猶在冰未結小瑠璃墮梅
香滿枝雪無香花有意不是江南新寄霜月淨碧
天寒玉樓人倚闌

寄季玉妹

延安夫人

小闌干深院宇依舊當時別處朱戶鎖玉樓空一簾
霜日紅美珠江何處是望斷碧雲無際凝淚眼出
重城隔溪羌笛聲

喜遷鶯

常莊

人洶洶鼓鼙蓼蓼襟袖五更風大羅天上月朦朧騎馬
上虛空香滿衣雲滿路鸞鳳遶身飛舞霓旌絳節
一羣羣引見玉華君

二

街鼓動禁城開天上探人迴鳳銜金榜出雲來平地
一聲雷鶯已遷龍已化一夜滿城車馬家家樓上
簇神仙爭看鶴冲天

薛昭蘊

金門曉玉京春駿馬驟輕塵樺煙深處白衫新認得
化龍身九陌喧千戶啓滿袖桂香風細杏園歡宴

曲江濱自此占芳辰

二

清明節雨晴天得意正當年馬驕泥軟錦連軋香袖
半籠鞭 花色融人竟賞盡是綉鞍朱鞅日斜無計
更留連歸路草和煙

毛文錫

芳春景暖晴煙喬木見鶯遷傳枝隈葉語閑閑飛過
綺叢間 錦翼鮮金毳軟百轉千嬌相喚碧紗窓曉
怕聞聲驚破鴛鴦暖

李後主

南唐李煜

曉月墜宿雲微無語枕憑歌夢回芳草思依依天遠
鴈聲稀 啼鶯散餘花亂寂寞畫堂深院片紅休掃
儘從伊留待舞人歸

馮延巳

本和凝作

曉月墜宿雲披銀燭錦屏帷建章鍾動玉繩低宮漏
出花遲 春態淺來雙燕紅日初長一線嚴粧欲罷
轉黃鸝飛上萬年枝

見南唐書

二

宿鶯啼鄉夢斷春樹曉朦朧殘燈和燼閉朱櫺人語
隔屏風 香已寒燈已絕忽憶去年離別石城花雨

倚江樓波上木蘭舟

鶴冲天

夏英公青箱雜記

霞散綺月沉鈎簾捲未央樓夜深河漢接天流宮殿
鎖新秋 瑤階曙金莖露鳳髓香和雲霧三千珠翠
擁宸遊水殿按梁州

歐陽永叔

梅謝粉柳拖金香滿舊園林養花天氣半晴陰花好
却愁深 花無數愁無數花好却愁春去戴花持酒
祝東風千萬莫匆匆

花不盡柳無窮應與我情同舵舩一棹百分空何處
不相逢 朱絃悄知音少天若有情應老勸君看取
利名場今古夢茫茫

春光好即喜遷鶯

馮延巳

露濛濛風淅淅楊柳帶疎烟飄飄輕絮滿南園墻下
草芊絳 燕初飛鶯已老拂面春風長好相逢携酒
且高歌人生得幾何

阮郎歸一名醉桃源碧桃春

李後主

東風吹水日銜山春來長是閑落花狼籍酒闌珊笙
歌醉夢間 珮聲悄晚粧殘憑誰整翠鬟留連光景

惜朱顏黃昏獨倚闌

後有隸書東宮書府印

南園春半踏青時風和聞馬嘶青梅如豆柳如眉日
長蝴蝶飛花露重草烟低人家簾幙垂秋千慵困
解羅衣畫梁雙燕歸

二

角聲吹斷隴梅枝孤窓月影低塞鴻無限欲驚飛城
烏休夜啼尋斷夢掩香闥行人去路迷門前楊柳
綠陰齊何時聞馬嘶

歐陽永叔

雪霜林際見依稀清香已暗期前村已遍倚南枝群
花猶未知情似舊賞休遲看看墮上吹便從今日
賞芳菲韶華取次歸

晏叔原

來時紅日弄窓紗春紅入睡霞去時庭樹欲棲鷓香
屏掩月斜收翠羽整粧華青驪信又差玉笙猶戀
碧桃花今宵未憶家

二

舊香殘粉似當初人情恨不如一春猶有數行書秋
來書更踈衾鳳冷枕鴛孤愁腸待酒舒夢魂縱有

也成虛那堪和夢無

司馬光青箱雜記

漁舟容易入深山
仙家日日閒
綺窓紗幌映朱顏
相逢醉夢間
松露冷
海霞殷
匆匆整棹還
落花寂寂
水潺潺
重尋此路難

張子野九

卷全本日作句

仙郎何日是來期
無心雲勝伊
行雲猶解傍山飛
郎行去不歸
強自畫
又芳菲
春深輕薄衣
桃花無語
伴相思
陰陰月上時

二

落花浮水樹臨池
年前心眼期
見來無事去
還思而今
花又飛
淺螺黛
淡胭脂
閑粧取次
宜隔簾風雨
閉門時
此情江月知

東坡

綠槐高柳咽新蟬
薰風初入絃
碧紗窓下水沉煙
棋聲驚晝眠
踈雨過
小荷翻
榴花開欲燃
玉盆纖手
弄清泉
瓊珠碎却圓

古今詞話云觀者數服其八句狀八景音律一同殊不散亂人爭寶之刻之琬琰掛于堂室間也

茶

黃山谷虎堅

歌停檀板舞停鶯
高陽飲興闌
獸煙噴盡玉壺乾
香

室間下落共賞
二字居余本補

分小鳳團 雲浪淺露珠圓捧甌春筍寒絳紗籠下
躍金鞍歸時人倚闌

詩餘舊本以前詞話東坡狀八景入此下諸刻因之誤

效福唐獨木橋体作茶詞 前人

烹茶留客駐雕鞍有人愁遠山別即容易見即難月
斜窓外山 歸去後憶前懽畫屏金博山一盃春露
莫留殘與即扶玉山

三

退紅衫子亂蜂兒衣寬只為伊為伊去得忒多時教
人直是疑 長睡晚理粧遲愁多懶畫眉夜來笑得
有歸期燈花則甚知

秦少游 觀

碧天如水月如眉城頭銀漏遲綠波風動畫船移嬌
羞初見時 銀燭暗翠簾垂芳心兩自知楚臺魂斷
曉雲飛幽歡難再期

二

褪花新綠漸團枝撲人風絮飛秋千未拆水平堤落
紅成地衣 遊蝶困乳鶯啼怨春春怎知日長早被
酒禁持那堪更別離

三

宮腰裊裊翠鬟鬆夜堂深處逢無端銀燭殞秋風靈

居金本恨作恨

犀得暗通 更有恨恨無窮星河沉曉空隴頭流水
各西東佳期如夢中

四

居金本恨作人

瀟湘門外水平鋪月寒征棹孤紅妝飲罷少踟躕有
人偷向隅 揮玉筋洒真珠梨花春雨餘傍人盡道
斷腸初那堪腸也無

五

湘天風雨破寒初深沉庭院虛麗譙吹罷小單于迢
迢清夜徂 鄉夢斷旅魂孤崢嶸歲又除衡陽猶有
鴈傳書柳陽和鴈無

周美成

居金本初作福

冬衣初染遠山青雙絲雲鴈綾夜寒袖濕欲成冰都
緣珠淚零 情黯黯悶騰騰身如秋後蠅若教隨馬
逐郎行不辭多少程

二

居金本香作春

菖蒲葉老水平沙臨流蘇小家畫闌曲徑宛秋蛇金
英垂露華 燒蜜炬引蓮娃酒香蒸臉霞再來重約
日西斜倚門聽暮鴉

蘇養直

西園風暝落花時綠陰鶯亂啼倚欄無語惜芳菲絮

飛蝴蝶飛 綠底事減腰圍遣愁愁着眉波連春渚
暮天垂燕歸人未歸

乙郊潘陽道中作

向伯恭 子誼

江南江北雪漫漫遙思易水寒同雲深處是三閩斷
腸山又山 天可老海能翻消除此恨難頻聞遣使
問平安幾時鑿輅還

趙子發 君舉

馬蹄踏月響空山梅生煙壑寒水妃去後淚痕乾天
風吹珮蘭 紉香久怕花殘與君聊據鞍一枝欲寄
北人看如今行路難

曹元寵 組

簷頭風佩響丁東簾疎燭影紅鞦韆人散月溶溶棲
臺花氣中 春酒醒夜寒濃綉衾誰與同只愁夢短
不相逢覺來羅帳空

蔣元龍 子雲

山池芳草綠初勻柳寒眉尚顰東風吹雨細於塵一
庭花臉皺 鷺共蝶怨還嗔眼前無好春這般天氣殺
愁人人愁旋旋新

西湖摘楊梅作

周紫芝

西湖山下水潺潺滿山風雨寒枝頭紅日曉爛斑越

梅催曉丹 連翠葉擁金盤玉池生乳泉此生三度
試甘酸欲歸歸尚難

蘆川詞 張元幹

長楊風軟弄腰肢日長蝴蝶飛雨餘新綠細通池玉
鈎懸妓衣 鴻鴈遠子規啼此情誰得知一尊聊與
故人持醉來悲別離

劉叔安 鎮

寒陰漠漠夜來霜階庭楓葉黃歸鴉數點帶斜陽誰
家砧杵忙 燈弄幌月侵廊薰籠添寶香小屏低枕
怯更長和雲入醉鄉

居全本有作月

德壽宮看花凭欄有燕掠水應曾覲

柳陰庭院占風光呢喃春晝長碧波新漲小池塘雙
雙蹴水忙 萍散漫絮飄揚輕盈躡態狂爲憐流水
落花香嚼將歸畫梁

史邦卿 遠祖

龍香吹袖白藤鞭帽簷衝柳烟一春幾度畫橋邊東
風聽莞絃 花活計酒因緣從人嘲少年直須吟就
綠楊篇灣頭寄小憐

月下感事

舊時明月舊時身舊時梅萼新舊時月底似梅人梅

春人不春 香入夢粉成塵情多多斷魂芙蓉孔雀
夜溫溫愁痕即淚痕

陳康伯

閑來溪上有雲飛溪光接翠微江南三月落花時春
波去櫂遲 尋竹路破林扉蒼臺舊釣磯欲歸回首
未成歸黃塵滿素衣

春閨

詩餘

春風吹雨送殘枝落花無可飛小池寒綠欲生漪雨
晴還日西 簾半捲燕雙歸諱愁無柰眉翻身整頓
着殘棋沉吟應劫遲

徐淵子 似道

茶寮山上一頭陀新來學者麼蝻蚱螻蟬與烏螺知
他放幾多 有一物似蜂窩姓牙名老婆雖然無柰
得它何如何放得它

徐淵子舍人好以詩文諧謔丁少詹與妻有違言
乃弃家居茶寮山茹素誦經日買海物放生久而
不歸妻患之祈徐譬解徐許諾出門見賣老婆牙
買一巨筐餉丁且作此詞丁見詞大笑而歸

天機 又名

帝城西下望西山城屈歲又殘萬家風雪一家寒青
燈語夜闌 人鮓甕鬼門關無窮人往還求官莫要
近長安長安行路難

風中柳絮水中萍聚散兩無情斜陽路上短長亭今
朝第幾程何限事可憐生能消幾度春別時言語
總傷心何曾一字真

王從叔

春景

嚴次山

拍堤春水蘸垂楊水流花片香
弄花噴柳小鴛鴦一雙隨一雙
蘆半捲露新粧春衫是柳黃
倚欄看處背斜陽風流暗斷腸

黃叔暘

粉香吹暖透單衣金泥雙鳳飛
閑來花下立多時春

風酒醒遲桃葉曲柳枝詞芳
心空自知湘臯月冷佩聲微
鴈歸人不歸

碧桃春

丁持正

幾年辛苦搗元霜一朝瓊粉香
雲英縹渺曳仙裳相將騎鳳凰
鈞帝樂酌天漿千年顏色芳
從茲歸去白雲鄉碧桃春畫長

白玉蟾

淡煙凝翠鎖寒蕪斜陽掛碧梧
沙頭三兩鴈相呼瀟瀟風捲蘆
何處笛一聲孤岸邊人釣魚
快航一夜泊桐廬問人沽酒無

魏夫人

夕陽樓外落花飛
晴空碧四垂
去帆回首已天涯
孤烟捲翠微
樓上客鬢成絲
歸期未有期
斷魂不忍下危梯
桐陰月影移

攤破浣溪沙

毛文錫

春水輕波浸綠苔
枇杷洲上紫檀開
晴日眠沙鷓鴣穩
暖相隈
羅襪生塵游女過
有人逢着弄珠迴
蘭麝飄香初解珮
忘歸來

山花子

和凝

鶯錦蟬殼馥麝臍
輕裾花草曉煙迷
鷓鴣顫金紅掌

墜翠雲低
星靨笑隈霞臉畔
麝金開
檐襯銀泥春思半
和芳草嫩綠萋萋

二

銀字笙寒調正
長水紋簾冷
畫屏涼
玉腕重金托臂
澹梳粧
幾度試香纖
手暖一迴嘗酒絳脣光
伴弄紅絲蠅拂子打檀郎

顧璣

紅藕香寒翠渚平
月籠虛閣夜蛩清
天際橫枕上夢
兩牽情
寶帳玉爐殘
麝冷羅衣金縷暗
塵生小窓深
孤燭背淚縱橫

居金本擬作保

重字下落關
字居金本補

橫字下落
字居金本補
生字下亦落
一字居金本
空一格

湖上秋深藕葉黃清霜銷瘦損垂楊洲紫嫩沙斜照
暖睡鴛鴦紅粉蓮娃何處在西風不爲管餘香今
夜月明聞水調斷人腸

賀方回

簡傳嵒叟

辛幼安

葉疾

摠把平生入醉鄉大都三萬六千場今古悠悠多少
事莫思量微有夢寒春雨好更無尋處野花香年
去年來還又笑燕飛忙

梅苑

夫名

雪態冰姿好侶伊料應嘗笑水僊遲驛使初傳芳信

早賞佳期暗想花神多巧妙粘酥綴玉壓纖枝粉
面臨鴈宜月殿整粧時

彈箏

賀方回

鑄

錦鞦朱絃瑟瑟徽玉纖新擬鳳雙飛縹緲燭煙花暮
暗就更衣約畧整環釵影動遲回顧步珮聲微宛
是春風蝴蝶舞帶香歸

湯詞

周紫芝

門下青駝月下嘶映堦籠燭畫簾垂一曲陽關聲欲
盡不多時鳳餅未殘雲脚乳水沉催注玉花甕忍
看捧甌春筍露翠鬟垂

劉金壇

標致清高不染塵
星冠雲鬢紫霞裙
門掩斜陽無一事
撫瑤琴
鶴觀幽花偏惹恨
竹窓閑月最銷魂
此際得教還俗去
謝天尊

李易安 清照

揉破黃金萬點輕
剪成碧玉葉層層
風度精神如彥輔
大鮮明
梅藥重重何俗甚
丁香千結苦麤生
熏透愁人千里夢
却無情

二

病起蕭蕭兩鬢華
卧看殘月上窓紗
豆蔻連梢剪熟

水莫分茶 枕上詩書閑處好
門前風景雨來佳
終日向人多蘊藉
木犀花

聖無憂

歐陽永叔 脩

世路風波險
十年一別須臾
人生聚散長如此
相見且歡娛
好酒能消光景
春風不染髭鬚
為公一醉花前倒紅袖
莫來扶

相思令

晏同叔 殊

昨日探春消息
湖上綠波平
無奈繞堤芳草
還向舊痕生
有酒且醉瑤觥
更何妨檀板新聲
誰教楊柳千絲就中牽繫人情

唐金本相思令
作相思兒令

唐金本相思令

國家圖書館 NATIONAL CENTRAL LIBRARY, TAIWAN, R.O.C.

早梅芳近

李德載來

深院靜小欄傍標致不尋常儘他桃李占風光誰敢
闖新粧玉堂中梁苑裏休把雪來輕比莫吹長笛
巧催殘音取月中看

二

殘臘裏早梅芳春信報新陽曉來枝上抱寒光輕點
壽陽粧雪難欺霜莫妬別是一般風措望林人意
正妖嬈漸看長新條

燕歸來

晏叔原幾道

蓮葉雨蓼花風秋恨幾枝紅遠烟收盡水溶溶飛鴈

碧雲中 衷腸事魚牋字情緒年年相似凭高雙袖
晚寒濃人在月橋東

望仙樓

晏叔原

小春花信日邊來未上江梅先折今歲東君消息還
自南枝得素衣染盡天香玉酒添成國色一自故
溪疎隔腸斷長相憶

甘草子

早春
宴客

寇萊公

湘山
野錄

春早柳絲無力低拂青門道暖日籠啼鳥初折桃花
小 遙望碧天淨如掃曳一縷輕寒縹渺堪惜流年
謝芳草任玉壺傾倒

秋深

柳耆卿

秋暮亂洒衰荷顆顆真珠雨雨過月華生冷徹鴛鴦
浦池上凭欄愁無侶奈此箇單棲情緒却傍金籠
共鸚鵡念粉郎言語

二

唐金本棧作按

秋盡葉剪紅綃砌菊遺金粉鴈字一行來還有邊庭
信飄散露華清風緊動翠幙曉寒猶嫩中酒殘牋
慵整頓聚兩眉離恨

楊無咎

秋暮永夜西樓冷月明窓戶夢破櫓聲中憶在松江

路歌枕試尋曾遊處記歷歷風光堪數誰與浮家
五湖去儘醉眠秋雨

晝堂春

春怨

秦少游

山谷集有

東風吹柳日初長雨餘芳草斜陽杏花零落燕泥香
睡損紅粧寶篆煙消鴛鳳畫屏雲鎖瀟湘暮寒微
透薄羅裳無限思量

春怨

徐師川

少游集有

落紅鋪徑水平池弄晴小雨霏霏杏花憔悴杜鵑啼
無奈春歸柳外畫樓獨上凭欄手撚花枝放花無
語對斜暉此恨誰知

空籠簾影隔垂楊
夢回芳草池塘
杏花枝上蝶雙雙
春晝初長
強理雲鬟
臨照暗彈粉淚
沾裳自憐容
艷惜流光無限思量

趙元鎮

鼎

石次仲

孝友

寒蛩切切響空帷
斷腸風葉霜枝
鳳樓何處鴈書遲
空數歸期
漸覺沈腰春瘦
却成宋玉秋悲
又還辜負菊花時
沒箇人知

春思

鄭中鄉

域

東風吹雨破花慳
客毡曉夢生寒
有人斜倚小屏山

感損眉彎
合是一釵雙燕
却成兩鏡孤鴛
暮雲脩竹淚
番殘翠袖凝斑

蒲江

玉屏回夢月平欄
元來香冷衣單
柳風特地更將寒
吹上眉端
雲羽未回
征鴈鏡花空舞
雙鴛去年芳徑
又攔斑門掩春閑

願堂詞

王灼

軟風和雨暗樓臺
餘寒巧作愁媒
半春懷抱向誰開
忍淚千回
斷夢已隨烟篆
醉魂空殢瓊盃
小窓瞥見一枝梅
疑悞君來

謝懋

西風庭院雨垂垂
黃花秋閨遲已涼
天氣未寒時才
褪單衣 睡起枕痕猶在
鬢鬆釵壓雲低
玉奩重拂
淡臙脂情入雙眉

人月圓中秋

趙元鎮嚴

連環寶瑟深深願
結盡一生愁
人間天上佳期勝賞
今夜中秋 雅歌妍態常娥見
了應羨風流芳樽美酒
年年歲歲月滿高樓

王晉卿訛

小桃枝上春來早
初試薄羅衣
年年此夜華燈競處

人月圓時 禁街簫鼓寒輕
夜永纖手同携
夜闌人

靜千門笑語聲在簾幃能改齊謾錄

席間遇流落婦人宋宗室子

吳彥高嚴歸潛志

南朝千古傷心事
猶唱後庭花
舊時王謝堂前燕子
飛向誰家 偶然相見一作恍然一夢
仙肌勝雪雲鬢堆鴉

江州司馬青衫淚濕
同是天涯

中州樂府云彦高北遷後為故宮人賦此時宇文叔通亦賦念奴嬌先成而頗近鄙俚及見彥高此作茫然自失是後人有求作樂府者叔通即批云吳即近以樂府名天下可往求之

元遺山好問

玄都觀裏桃千樹
花落水空流
憑君莫問清涇濁渭

去馬來牛 謝公扶病羊曇揮涕一醉都休古今幾
度生存華屋零落山丘

劉因

茫茫大塊洪爐裏何物不寒灰古今多少荒烟廢壘
老樹遺臺 太行如礪黃河如帶等是塵埃不須更
嘆花謝花開春去春來

居全本花謝花
開作花開花落

洞天春

歐陽永叔

倚

鶯啼綠樹聲早檻外殘紅未掃露點珍珠遍芳草正
簾幃清曉 秋千宅院悄悄又是清明過了燕蝶輕
狂柳絲撩亂春心多少

居全本情作情

海棠春

春晚

秦少游

觀

流鶯窗外啼聲巧睡未足把人驚覺翠被曉寒輕寶
篆沉烟裊 宿醒未解宮娥報道別院笙歌宴早試
問海棠花昨夜開多少

居全本曉作曉

史達祖

梅溪
詞

似紅如白含芳意錦宮外烟輕雨細燕子不知愁驚
墮黃昏淚 燭花偏在紅簾底想人怕春寒正睡夢
着玉環嬌又被東風醉

謫仙怨

劉長卿

青瑣
高議

晴川落日初低惆悵孤舟解携鳥去平蕪遠近人隨

流水東西 白雲千里萬里明月前溪後溪獨恨長
江謫去江潭春草萋萋

竇弘餘

胡塵犯闕衝關金輅提携玉顏雲南此時消散君王
何日歸還 傷心朝恨暮恨回首千山萬山獨望天
邊初月娥眉猶自弯弯

劉斧

晴山礙日橫天綠疊君王馬前鸞輅西巡蜀國龍顏
東望秦川 曲江翫斷芳草妃子愁凝暮烟長笛此
時吹罷何言獨為婵娟

武陵春

晏叔原

綠蕙紅蘭芳信歇金釵正風流應為詩人多怨秋花
意與銷愁 梁王苑路香英密長記舊嬉遊曾看飛
瓊戴滿頭浮動舞梁州

二

九日黃花如有意依舊滿珍叢誰似龍山秋興濃吹
帽落西風 年年歲歲登高節歡事旋成空幾處佳
人此會同今在淚痕中

三

烟柳長堤知幾曲一曲一魂銷秋水無情天共遙愁

送木蘭梳 薰香綉被心情懶期信轉迢迢記得來
時倚畫橋紅淚滿鮫綃

惜別

謝勉仲懋

門掩東風人去後愁損燕鶯心一朶梅花沒有春粉
黛不吹勻 我亦青樓成倦客風月強追尋莫把思
情做弄成容易學行雲

信豐揖翠閣

趙介之帥

乍雨籠晴雲不定芳草綠纖柔燕語鶯啼小院幽春
色二分休 試凭危闌凝遠目山與水光浮袞袞閑
愁逐水流流不盡許多愁

走去走來三百里五日以為期六日歸時已是疑應
是望歸時 鞭箇馬兒歸去也心急馬行遲不免相
煩喜鵲兒先報那人知

石次仲考友

魏夫人

小院無人簾半捲獨自倚欄時寬盡春來金縷衣
憔悴有誰知 玉人近日書來少應是怨來遲夢裏長
安早晚歸味泪立斜暉

李易安清照

風住塵香花已盡日落倦梳頭物是人非事事休欲

唐金本咏作來

NATIONAL CENTRAL LIBRARY, TAIWAN

語淚先流 聞說雙谿春尚好也擬泛輕舟只恐雙谿舴舺舟載不動許多愁

岐陽郵亭

趙秋官妻

人道有情還有夢無夢豈無情夜夜思量直到明有夢怎教成 昨夜偶然來夢裡鄰笛又還驚笛韻悽悽不忍聽總是斷腸聲一作連倩女寄陳彥臣

萬侯雅言

燕子飛來花在否微雨退掩重門正滿院梨花雪照人獨自箇怯黃昏 輕風淡月揔消魂羅衣暗惹啼痕謾覩着秋千腰褪裙可照是不宜春

鏡中人

古今詞話

柳煙濃梅雨潤芳草綿綿離恨花塢風來幾陣羅袖沾春粉 獨上小樓迷遠近不見浣溪人信何處笛聲飄隱隱吹斷相思引

高溪梅令

李端叔

好花不與殢香人浪鞦韆只恐春風歸去綠成陰玉鈿何處尋 木蘭雙槳夢中雲小橫陳謾向孤山山下覓盈盈翠禽啼一春

雙鷓鴣

朱希真

拂破秋江煙碧一對雙飛鷓鴣應是遠來無力稍下

唐余本岐陽郵亭
第一首作李清
照第二首無起
秋官妻教子

唐余本恐作恐
小作水

相俚沙磧 小艇誰吹橫笛驚起不知消息悔不當
時描得如今何處尋覓

茅山逢故人 句曲道中送友

張伯雨

山下寒林平楚山外雲帆煙渚不飲如何吾生如夢
鬢毛如許 能消幾度相逢遮莫而今歸去壯士黃
金昔人黃鶴美人黃土

雙頭蓮 信豐雙蓮

趙介之 師依

太平和氣兆嘉祥草木揔成雙紅苞翠蓋出橫塘兩
兩鬪芬芳 榦搖碧玉並青房仙髻擁新粧連枝不
解引鸞凰留取映鴛鴦

秋藥香

晏同叔 殊

梅藥雪殘香瘦羅幙輕寒微透多情只似春楊柳占
斷可憐時候 蕭娘勸我盃中酒翻紅袖金烏玉兔
長飛走爭得朱顏依舊

二

向曉雪花呈瑞飛徧玉城瑤砌何人剪碎天邊桂散
作瑤田瓊藥 蕭娘斂盡雙娥翠迴香袂今朝有酒
今朝醉遮莫更長無睡

晏叔原 幾道

池苑清陰欲就還傍送春時候眼中人去歡難偶誰

共一盃芳酒 朱欄碧砌背如舊記携手有情不管
別離久情在相逢終有

二

歌徹郎君秋草別恨遠山眉小無情莫把多情惱第
一歸來須早 紅塵自古長安道故人少相思不比
相逢好此別朱顏應老

周美成 邦彥

乳鴨池塘水暖風緊柳花迎面午粧粉指印窓眼曲
裏長眉翠淺 聞知社日停針線探新燕寶釵落枕
春夢遠簾影參差滿院

燭影搖紅

賀方回 鑄

波影翻簾淚痕凝燭青山館離魂十里念佳期襟佩
如相款 惆悵更長夢短但衾枕餘芳賸暖半窓斜
月照人腸斷啼鳥不管

毛澤民 湯

髮綠飄蕭漫郎已是青雲晚古槐陰外小闌干不負
看山眼 此意悠悠無限有雲山知人醉嬾他年尋
我水邊月底一簑烟短

眼兒媚 一名秋波媚蒲江作小闌干

左與言 玉照新志

樓上黃昏杏花寒斜月小闌干一雙燕子兩行歸鴈

畫角聲殘 綺窓人在東風裏無語對春閑也應似
舊盈盈秋水淡淡春山與張

王元澤

楊柳絲絲弄金柔煙雨織成愁海棠未雨梨花先雪
一半春休 而今往事難重省歸夢遶秦樓相思只
在丁香枝上豆蔻梢頭

賀方回

蕭蕭江上荻花秋做弄許多愁半竿落日兩行新鴈
一葉扁舟 惜分長怕君先去直待醉時休今朝眼
底明朝心上後日眉頭

北地

宋徽宗

南燼
紀聞

玉京曾憶舊繁華萬里帝王家瓊樓玉殿朝喧絃管
暮列笙琶 花城人去今蕭索春夢繞胡沙家山何
處忍聽羌管吹徹梅花

曾純甫

韻

離觴重勸淚相看寂寞上征鞍臨行欲話風流心事
萬緒千端 春光漫漫人千里歸夢遶長安不堪向
晚孤城吹角回首關山

侯彥周

宴

花信風高雨又收風雨互遲留無端燕子怯寒歸晚

閑損簾鈎 彈棋打馬心都懶
攬掇上春愁 推書就枕
鳧烟淡淡 蝶夢悠悠

許道真州中

濁醪蕩得玉為漿 風韻帶橙香
持盃笑道鵝黃似酒 酒似鵝黃
世緣老矣 不思量 沉醉又何妨
臨風對月 山歌野調 儘我踈狂

尹梅津翰

裊裊垂楊蘸清漪 明綠染青絲
市橋繫馬旗亭沽酒 無限相思
雲梳雨洗 風前舞一好 百般宜
不知為甚 落花時節 都是顰眉

石孝友 次仲

愁雲淡淡 雨瀟瀟 暮暮復朝朝
別來應是眉峯翠減 腕玉香銷
小軒獨坐 相思處 情緒好 無聊
一叢萱草 幾竿脩竹 數葉芭蕉

蒲江

玉鈎清曉上 簾衣香霧濕
春枝餘寒逗 雨羅裙無賴 重煖金猊
柳邊誰寄 東風纜 流水只年時
無人為說 天涯歸思 梁燕空飛

史達祖

兒家七十二 鴛鴦珠珮鎖
瑤箱期花等月 秦臺吹玉

才華未老
老
賈袖傳香 十年白玉堂前見直是剪柔腸將愁去
也不成今世終誤玉昌

宋退翁

霏霏踈影轉征鴻人語暗香中小橋斜渡西亭深院
水月濛朧 人間不是藏春處玉笛曉霜空江南樹
樹黃垂密雨綠漲薰風

古今詞話

慘雲愁霧罩江天呵手捲簾看濛茸柳絮萬千蝴蝶
飛過危欄 後庭一樹瑤華綴零亂暗香殘今番桂
影也應寒重不放新弯

萍鄉道中

范至能 成大

酣酣日脚紫烟浮妍暖破輕裘困人天色醉人花氣
午夢扶頭 春慵却似春塘水一片縠紋愁溶溶曳
曳東風無力欲皺還休

題蘇小樓翰

卓田 字稼軒
三山人

丈夫隻手把吳鉤能斷萬人頭因何鐵石打肝鑿膽
剗為花柔 君看項籍并劉季一怒世人愁只因撞
着虞姬戚氏豪氣都休 山房
隨筆

魯舜卿 按

芙蓉帳冷翠衾單魂夢幾曾閑怎禁未許茫茫烟水

唐金本殘作忘

疊疊雲山 去時頻把歸期約 遠不過春殘而今已
是荷花開了猶倚欄干

春情

馮偉壽 父子

唐金本懶作辨

自嘆雙黛聽啼鴉 簾外翠煙斜 社前風雨已歸燕子
未入人家 鞋兒試着無人看 莫是忒寬些 想它樓
上悶拈簫管 憔悴鶯花

天機餘錦

憶從溪上得相逢 樽酒兩心同 梅絨香雪竹搖寒月
柳探春風 而今總是消魂處 冷落半床空 夢迷狂
蝶喜占乾鵲 愁望飛鴻

天機餘錦

平生幾度怨長亭 不似這番深 霜收水瘦風流帆飽
怎忍輕分 欄干倚遍慵歸去 獨自箇黃昏 荷橫釵
股 柳垂裙帶 總是銷魂

陳詵

鬢邊一點似飛鴉 休把翠鈿遮 二年三載千捫百就
今日天涯 楊花又逐東風去 隨分入人家 要不思
量 除非酒醒 休照菱花

山房隨筆云 湘人陳詵 登第授岳陽教官 與妓江
山 狎時孟之 經守岳 聞其故 一日公燕江 柳不侍
呼至杖之 文其眉 鬢間 以陳詵 二字仍 柳行會 詵
詵悔 鑿其所 有以贈 且以此 詞餞 別柳將 行會 詵



居全本填作
呼作呵說作說
謂作誇

故人陸雲西以荆湖制司幹官檄至岳陳先出迎以情告陸陸即取空名制幹北墳陳姓名檄入制
謾既而孟迎入即開宴陸曰聞籍中有江柳者善
謳誰是也孟即吐詞陸嗟賞示孟且請之孟求解
陸問其事柳出銑詞陸嗟賞示孟且請之孟求解
于陸并召銑同宴明日刻薦銑且除柳名以昇之

漫興

薩天錫

去年人在鳳凰池銀燭夜彈絲沉火香銷梨雲夢暖
深院綉簾垂今年冷落江南夜心事有誰知楊柳
風柔海棠月淡獨自倚闌時

春情

朱淑真

遲遲風日弄輕柔花徑暗香流清明過了不堪回首
雲鎖朱樓午窓睡起鶯聲巧何處喚春愁綠楊影

居全本風作春

裏海棠亭畔紅杏梢頭

朝中措

即照江梅

歐陽永叔

平山欄檻倚晴空山色有無中手種堂前楊柳別來
幾度春風文章太守揮毫萬字一飲千鍾行樂直
須年少樽前看取衰翁

古今詞話妓獻壽時相太守改作
宰相直須作不須衰翁作仙翁

李蕭遠

郎官湖上探春迴初見照江梅過盡竹溪流水無人
知道花開佳人何處江南夢遠殊未歸來喚取小
叢教看隔江煙雨樓臺

居全本叢作叢

居全本無相字

CENTRAL

圖書

ROO

杜安世
養花天氣近清明
絲雨釀寒輕
滿眼春工如綉
消磨不盡離情
行行又宿小桃
舊塢芳草郵亭
喚起兩眉新恨
綠楊深處啼鶯

周紫芝

雨餘庭院冷蕭蕭
簷幕度微颺
鳥語喚回殘夢
春寒勒住花梢
無柰睡起新愁
黯黯歸路迢迢
又是夕陽時候
一爐沉水烟消

二

黃昏樓閣亂棲鴉
天末淡微霞
風裡一池楊柳
月邊

滿樹梨花 陽臺路遠魚沉
尺素人在天涯
想得小窓遙夜
哀絃撥斷琵琶

曾純甫

西湖南北舊游空
誰料一罇同回首
四年間事渾如
飛絮濛濛
林花謝了
明年春到依舊
芳容惟有朱顏
綠髮暗隨流水常東

五月菊

朱新仲

耆舊
續聞

玉臺金盞對炎光
全似去年香
有意莊嚴端午
不應忘却重陽
菖蒲九節金英
滿把同泛瑤觴
舊日東籬陶令
北窓正卧羲皇

居金本同作酒

花尊年編

卷四

四

亂山疊疊水冷冷南北短長亭客路如天杳杳歸時
能地窻窻春光荏苒花期冷落酒伴飄零鬢影黃
邊半白燒痕黑處重青

石次仲金谷遺音

居全本點滴作滴入

秋夜蓮壺宮漏長點點滴愁腸睡起羞寬羅帶傷心
懶理嚴粧報鵲無憑斷鴻難倩人遠瀟湘日日危
攔倚遍幾迴錯認歸航

陸務觀游

怕歌愁舞嬾逢迎粧晚託春醒總是向人深處當時

枉道無情 閉心近日啼紅密訴剪綠深盟杏館花
陰恨淺畫堂銀燭嫌明

二
夔夔儼鼓錢流年燭焰動金船綵燕難尋前夢酥花
空點春妍 文園謝病蘭成久旅回首淒然明月梅
山笛夜和風禹廟鶯天

游王沅州山亭

管鑑

清江遠舍竹成陰秋日共登臨地與主人俱勝情如
酒盞方深 故園何處時因望眼聊寄歸心抖擻一
襟涼韻不教簿領塵侵

立夏日觀茶藤作

一年春事到酴醾何處更花開莫趁垂楊飛絮且隨
紅藥翻堦倦遊老矣肯因名宦孤負銜盃寄語故
園桃李明年留待歸來

梅苑

失名

山城水隘小橋傍竹裏早梅芳縱有丹青圖畫難描
幽韻清香妖嬈天賦偏宜素淡楊氏宮粧雅態何
須艷麗孤標不在春光

趙介之

師俠

踈踈簾幙映娉婷初試曉粧新玉腕雲邊緩轉脩蛾

居金本
是作似

波上微顰鉛華淡薄輕勻桃臉深注櫻唇還是舞
鸞窺沼無情空惱行人

侯彥周

真

依微春綠到江干烟水小屏寒惆悵鴈行南北新詞
不忍拈看從今記取臨風把酒役夢忘食飛絮落
花時候扁舟也到孤山

維揚感懷

曾覲

雕車南陌碾香塵一夢尚如新回首舊游何在柳煙
花霧迷春如今霜鬢愁停短棹懶傍清尊二十四
橋風月尋思只有銷魂

次聽父韻

相山王之

花陰如坐木蘭船風露正娟娟翠蓋西庭芳影蛟
平地飛涎春撩狂興香迷痛飲中聖中賢携取一
枝同夢從他五夜如年

初夏

李晦菴處全

薰風庭院燕雙飛園柳轉黃鸝是處蜂狂蝶亂原來
綠暗紅稀衫籠白苧琴推綠綺滿眼新詩好箇江
南風景杜鵑猶自催歸

壽兄

韓元吉

清霜著柳夜來寒新月印湖山共喜今年稱壽一樽

還在長安人間千載從教鶴髮且駐朱顏看取煙
霄平步何須九轉神丹

小說夫石

鳳凰歸去碧雲空衰草亂茸茸三國六朝一夢茫茫
二水傾東龍蟠虎踞亭臺望裡駕瓦重重玉女吹
簫何在斷腸淚洒西風

慶春時

晏叔原幾道

倚天樓殿升平風月彩仗春移鳶絲鳳竹長生調裏
迎得翠輿歸雕鞍遊罷何處還有心期濃薰翠被
深停畫燭人約月西時

二

梅梢已有春來音信風意猶寒南樓暮雪無人共賞
閑却玉闌干 殷勤今夜涼月還似眉彎尊前為把
桃根麗曲重倚四絃看

伊州三臺 丹桂

坦菴 趙師

桂華移自雲岩更被靈砂染丹清露温 酖顏醉乘風
下臨世間 素娥襟韻蕭閒不與群芳並看 藪藪絳
綃單覺身輕夢回廣寒

烏夜啼

李後主 南唐

昨夜風兼雨 簾幙颯颯秋聲 燭殘漏滴頻歇 枕起坐

后金本歌作敲

不能平 世事漫隨流水 笑來一夢浮生 醉鄉路穩
宜頻到 此外不堪行

權無染 梅苑

洗淨鉛華 污玉顏 自發輕紅 無言雪月 黃昏後 別是
箇丰容 骨瘦難禁 消瘦香蒙不並芳穠 與君高却
看花眼紅紫 謾春風

春思

趙德麟 今時

樓上縈簾弱絮 墻頭礙月 低花年年 春事闋 心事腸
斷欲棲鴉 舞鏡鴛衾翠減 啼珠鳳蠟 紅斜重門不
鎖 相思夢 隨意遠 天涯

詩餘作
錦堂春

蒲江

照水飛禽鬪影舞風小徑低花征鴻排盡相思字音
信落誰家 繫恨腰圍頓減禁愁酒力難加樓高日
暮休簾捲芳草滿天涯

二

柳色津頭泣綠桃花渡口啼紅一春又負西湖醉離
恨雨聲中 客袂迢迢西塞餘寒剪剪東風誰家拂
水飛來燕惆悵小樓空

三

漾暖紋波颭颭吹晴絲雨濛濛輕衫短帽西湖路花

氣撲春驄 鬪草寒衣濕翠秋千瞥眼飛紅日長不
放春醪困立盡海棠風

四

段段寒沙淺水蕭蕭暮雨孤蓬香羅不共征衫遠砧
杵客愁中 別恨慵看楊柳歸期暗數芙蓉碧梧聲
到紗窓曉昨夜幾秋風

程正伯 填

楊柳拖烟漠漠梨花浸月溶溶吹香院落春還盡惟
悴立東風 只道芳時易見誰知密約難通芳園遠
遍無人問獨自拾殘紅

居全本暖作在

金鴨餘香尚暖綠窓斜日偏明蘭膏香染雲鬟膩釵墜滑無聲冷落鞦韆伴侶闌珊打馬心情繡屏驚斷瀟湘夢花外一聲鶯

陸放翁游

居全本恨作情

離情

劉迎

離恨遠索楊柳夢魂長透梨花青衫記得章臺月歸路玉鞭斜翠鏡啼痕印袖紅墻醉墨籠紗相逢不盡平生事春思入琵琶

閨思

前人

居全本醒作醒

菱鑑玉篦秋月蕙爐銀葉朝雲宿醒人困屏山夢烟

樹小江村翠甲未消蘭恨粉香不斷梅魂離愁分付殘春雨花外泣黃昏

西湖

無名氏

水漫汀洲新綠雲開崦嶂微青殘紅不見成陰後鷓鴣寂無聲笑傲坡詩一夢風流杜牧三生西湖依舊人中意來去竟難憑

桃源憶故人

一名虞美人影

歐陽永叔

情

梅梢弄粉香猶嫩欲寄江南春信別後寸腸縈損說與伊爭穩小爐獨守空灰燼忍淚低頭畫盡眉上萬重新恨竟日無人問

鶯愁燕苦春歸去寂寂花飄紅雨碧草綠楊歧路况
是長亭暮少年行客情難訴泣對東風無語目斷
兩三煙樹翠隔江淹浦

冬景

秦少游觀

玉樓深鎖薄情種清夜悠悠誰共羞見枕衾鴛鳳悶
則和衣擁無端畫角嚴城動驚破一番新夢窗外
月華霜重聽徹梅花弄

詩餘

碧紗影弄東風晚一夜海棠開了枝上數聲啼鳥粧

點知多少如雲恨雨腰肢裊眉黛不堪重掃薄倖
不來春老羞帶宜男草

黃山谷庭堅

碧天露洗春容淨淡月晚妝殘暈花上密烟飄盡花
底鶯聲嫩雲歸楚峽厭厭困雨點遙山新恨和淚
暗彈紅粉生怕人來問

鄭中卿域

東風料峭寒吹面低下綉簾休卷憔悴怕他春見一
任鶯花怨新愁不受詩排遣塵滿玉毫金硯若問
此愁深淺天濶浮雲遠

王逸民

劉郎自是桃花主不許春風開度春色易隨風去片
片傷春暮反魂不用清香注却有梅花淡佇從此
鎮長相雇不怨飄殘雨

桃源憶故人

吳子和禮之

画橋流水飛花舞樓外斜風細雨紅瘦綠肥春暮腸
斷桃源路惟隨仙子乘鸞去鏤月裁雲何處唯有
病和愁緒肯伴劉郎住

趙元鎮韻

青春不與花為主花正開時春暮花下醉眠休訴看

取春歸去鶯愁蝶怨春知否欲問春歸何處只有
一尊芳醕留得青春住

朱希真教儒

雨斜風橫香成陣春去空留春恨歡少愁多因甚燕
子渾難問碧尖感損眉慵暈淚濕胭脂紅沁可惜
海棠吹盡又是黃昏近

二

西樓幾日無人到依舊紅圍綠遶樓下落花誰掃不
見長安道碧雲望斷無音耗倚遍闌干殘照試問
淚彈多少濕遍樓前草

居全本改作改

城頭月

贈梁彌仙

馬天驥

城頭月色明如晝
總是青霞有酒醉
茶醒飢餐困睡
不把雙眉皺
坎離龍虎勤交媾
煉得丹將就
借問羅浮鶴侶
還似先生否

和

李昴英

工夫作用中宵晝
點化無中有真意
長存童顏不改
底用呵摩皺
一身二五陽精媾
積得嬰兒就
借問霞仙三田熟
未還解飛冲否

柳梢青

佳人

周美成

邦彥

有箇人人海棠標
韻飛燕輕盈酒暈
潮紅羞蛾凝綠

一笑生春 為伊無限傷心
更說甚巫山楚雲斗帳
香消紗窓月冷
着意温存

春暮

賀方回

鑄

子規啼血可憐
又是春歸時節
滿院東風海棠鋪繡
梨花飛雪 丁香露泣
殘枝銷未比愁腸寸結
自是休文多感
不干風月

秦少游

觀

岸草平沙吳王故苑
柳裊烟斜雨後寒
輕風前香輦
春在梨花 行人一棹
天涯酒醒處殘陽亂
鴉門外 鞦韆墻頭
紅杏深院誰家

游女

蔣勝欲

學唱新腔鞦韆架上釵股敲雙柳雨花風翠鬆裙褶
紅膩鞋幫 歸來門掩銀缸淡月裏踈鐘漸撞嬌欲
人扶醉嬾人問斜倚樓窓

有談舊倡潘氏

前人

小飲微吟殘燈斷雨靜戶幽窓幾度花開幾番花謝
又到昏黃 潘娘不是潘郎料應也霜粘鬢傍鸚鵡
闌空鴛鴦壺破烟渺雲茫

七夕

劉叔安

乾鵲收聲濕螢度影庭院秋香步月移陰梳雲約翠

人在迴廊 醺醺宿酒殘粧待付與溫柔醉鄉卻扇
藏嬌牽衣索笑今夜差涼

酴醿過也酴醿過後無花堪折只有垂楊垂楊却作
絮驚行色 海棠半在如無又爭倩薔薇戀得除是
東風隨君歸問玉堂消息

謝無逸

香肩輕拍樽前忍聽一聲將息昨夜濃歡今宵別酒
明日行客 後回來則須來便去也如何去得無限
離情無窮江水無邊山色

CENTRAL

圖書

香

鎮

NATIONAL CENTRAL LIBRARY, TAIWAN, R.O.C.

居全本無也字
空一格

紅分翠別宿酒半醒征鞍將發樓外殘鍾帳前殘燭
窓邊殘月 想伊綉枕無眠記行客如今去也心下
難拚眼前難覓口頭難說

朱希真 款儒

居全本參作無

任蹤怪迹誰料半老天涯為客帆展霜風船隨江月
山寒波碧 如今着處添愁怎忍看參西鴈北洛浦
鶯花伊川雲水如何歸得

舉場不利

董參政 夷堅志已

滿腹文章滿頭霜雪滿面埃塵直至如今別無收拾

居全本恨字下
空一格

只有清貧 功名已是因循懊恨張巡李巡幾箇明
年幾番好運只是瞞人

德壽宮觀花應制

張掄

柳色初濃餘寒似水纖雨如塵一陣東風殺紋微皺
碧沼鱗鱗 仙娥花月精神奏鳳筦寫絃闋新萬歲
聲中九霞盃內長醉芳春

和前

曾覲

桃靨紅勻梨腮粉薄鴛徑無塵鳳閣凌虛龍池澄碧
芳意鱗鱗 清時酒聖花神看內苑風光又新一部
仙韶九重鸞仗天上長春

小宴清秋霎時見了雨散雲收柳絮輕柔梅花開澹
宮院風流空教夢遶青樓待說箇相思又休無奈
情何不來眼底常在心頭

劉鎮

乾鵲收聲濕螢度影庭院秋香步月移陰梳雲約翠
人在回廊醺醺宿酒殘粧待付與溫柔醉鄉却扇
藏嬌牽衣索笑今夜差涼

送梅坡

劉改之

泛菊盃深吹梅角遠同在京城聚散匆匆雲邊孤鴈

水上浮萍教人怎不傷情屈指知心幾人後夜相
思塵隨馬足自逐舟行

豐樂樓

趙汝愚

水月光中烟霞影裏湧出樓臺空外笙簫人間笑語
人在蓬萊天香暗逐風回正十里荷花盛開買箇
小舟山南遊遍山北歸來

七夕諸公祖席

管鑑

澹雲微月又是一年新秋佳節天上懽期人間何事
番成離別清尊欲醉還歇怕飲散匆匆話別若是
經年得回相見甘心愁絕

盧炳

蘭蕙心情海棠韻度楊柳腰肢步穩金蓮手纖春筍
膚似凝脂 歌聲舞態都宜拚着箇堅心共伊無柰
相思帶圍寬盡說與教知

元正

吳雲壑

翰

絲杖鞭春鵝毛飛管斗柄回寅拂面東風雖然料峭
畢竟寒輕 戴花折柳心情怎睡得元宵放燈不是
今朝有些殘雪先去踏青

張鎡

天遠山圍龍蟠淡靄虎踞斜暉幾度功名幾番成敗

渾似鷗飛 樓臺一望淒迷笑到底空爭是非今夜
潮生明朝風順且送船歸

岳陽樓

戴式之

復古

袖劔飛吟洞庭青草秋水深深萬頃波光岳陽樓上
一快披襟 不須携酒登臨間有酒何人共斟變盡
人間君山一點自古如今

梅

朱淑真

玉骨冰肌為誰偏好特地相宜一味風流廣平休賦
和靖無詩 倚窓睡起春遲困無力菱花笑窺嚼蕊
吹香眉心點處鬢畔揅時

茅舍疎籬半飄殘雪斜卧枝低可便相宜烟藏脩竹
月在寒溪 亭亭佇立多時判瘦損無妨為伊誰賦
才情畫成幽思寫入新詩

三

月墜霜飛隔窓疎影徹見橫枝不道寒香解隨菴管
吹到屏幃 箇中風味誰知睡乍起烏雲任歌嚼盡
按英淺顰輕笑酒半醒時

蜀州王守門下客遇紅梅花作崇贈此

依稀曉星明滅白露點蒼苔敗葉斷址顏垣荒煙衰

草漢家宮闕 咸陽道上行客又依舊利名深切改

換容顏銷磨今古壠頭殘月

古今詞話

胡搗練

晏幾道

小春花信雪中來壠上小梅先拆今歲東君消息還
自南枝得 素衣洗盡九天香玉酒添成國色一自
故園疎隔腸斷長相憶

二

夜來江上見寒梅自逞芳妍標格為甚東風先折分
付春消息 美人釵上玉樽前朵朵穠香堪惜誰把
彩毫描得免恁輕拋擲

唐金本微作微
輕作依

雪上送唐彦猷

張子野先

使君少醉離亭酒酒醒離愁轉有紫禁時虛右清雪
留難久 一聲歌掩雙羅袖日落汀花春後猶有東
城烟柳青蔭長依舊

鹽角兒

晁無咎補之

初開似雪勝開似雪花中奇艷香非在蕊香非在萼
骨中香徹 占溪風晉溪月堪羞損山桃如血直饒
更踈淡終有一般清別

撼庭秋

晏同叔殊

別來音信千里恨此情難寄碧紗秋月梧桐夜雨幾

回無寐 樓高目斷天遙雲黯只堪憔悴念蘭堂紅
燭心長焰短向人垂淚

賀聖朝

葉道卿清臣

滿斟綠醕留君住莫匆匆歸去三分春色二分愁悶
一分風雨 花開花謝都來幾日且高歌休訴知他
來歲牡丹時候相逢何處

趙德莊彥端

河陽桃李開無數待乘春歸去小園幾片忽驚飛恨
主人難駐 雛鶯乳燕悲悲語道留君不住願君送
處作東風與群芳為主

居金本初開作
開時勝開作謝
時艷作純清作
情

居金本日作許

居金本送作隨

金絲帳煖牙床穩懷香方寸輕顰輕笑汗珠微透柳
沾花潤 雲鬟斜墜春應未已不勝嬌困半歌犀枕
亂纏珠被轉羞人問

馮延巳

趙鼎

斷霞收盡黃昏雨滴梧桐疎樹簾櫳不捲夜沉沉鎖
一庭風露 天涯人遠深期夢悄苦長宵難度知他
窗外促織兒有許多言語

喜團圓

晏叔原

危樓靜鎖窓中遠岫門外垂楊珠簾不禁春風度解

唐金本遠作送

偷送餘香 眠思夢想不如雙燕得到蘭房別來只
是憑高淚眼感舊離腸

與團圓

絞綃霧縠沒多重數緊礙偷憐孜孜覩着美前生只
結得眼因緣 眼是心媒心為情本裡外勾連天還
有意不違人願與箇團圓

輕攢碎玉玲瓏竹外脫去繁華帶東君先點破壓群
花 瘦影生香黃昏月館清淺溪沙仙標淡竚偏宜
么鳳肯帶棲鴉

洛陽春

歐陽永叔

紅紗未曉黃鸝語，蕙爐銷蘭炷。錦屏羅幕護春寒。昨夜三更雨，綉簾閒倚吹輕絮。斂眉山無緒。看花拭淚向歸鴻，問來處逢郎否。

極相思

宋宗室夫人

柳煙霽色方融，花露遍金莖。鞦韆院落海棠漸老，才過清明。嫩玉腕托香脂，臉相傅粉，更與誰情。秋波綻處，相思淚迸，天沮深誠。墨客揮犀

拂墻花影飄紅微，月辨簾櫳香風滿袖。金蓮印步狹

徑迎逢，笑靨乍開，還斂翠正花時，却恁西東。別房初睡，斜門未鎖，且更從容。

陸務觀

江頭踈雨輕煙寒，食落花天翻紅墜。素殘霞暗錦一段淒然。惆悵東君堪恨處，也不念冷落樽前。那堪更看漫空相趁，柳絮榆錢。

憶漢月

歐陽永叔

紅艷幾枝輕裊，新被東風開了，倚烟啼露。為誰嬌。故蝶憐蜂惱。多情遊賞處，留戀向綠叢千繞。酒闌歡罷不成歸，腸斷月斜春老。

居金本無宋宗室夫人五字，徽字作臉字下。

居金本德作兒

居金本歸作眠

醉鄉春

詞藤州作

秦少游

冷齋夜話

喚起一聲人悄，衾冷夢寒，霜晚瘴雨過，海棠開，春色又添多少。社甕釀成微笑，半破麝瓢共酌。天覺顛，倒急投床，醉鄉廣大人間小。

少游在黃州飲于海棠橋橋南北多海棠有老書家海棠叢開少游醉卧于此明日題此于柱

河瀆神

温廷筠

河上望叢祠，廟前春雨來時。楚山無限鳥飛遲，蘭棹空傷別離。何處杜鵑啼不歇，艷紅開盡如血。蟬鬢美人愁絕，百花芳草佳節。

二

孤廟對寒潮，西陵風雨蕭蕭。謝娘惆悵倚蘭橈，淚流玉筋千條。暮天愁聽思歸樂，早梅香滿山郭。迴首兩情蕭索，離魂何處飄泊。

孫光憲

江上草芊芊，春晚湘妃廟前。一方夕水楚南天，數行征鴈聯翩。獨倚朱欄情不極，魂斷終朝相憶兩槩。不知消息遠汀時起，鷓鴣。

花前飲

古今詞話

雨餘天色漸寒，滲海棠綻，臘如錦。告你休看書共我花前飲。皓月穿簾未成，寢篆香透，鴛衾雙枕似。

唐金本葉作地

唐金本葉作桂



恁天色時你道是好做甚

品令

石次仲 孝友

困無力幾度恨人翠顰紅濕低低問幾時麼道不遠
三五日 你也自家寧耐我也自家將息驀然地煩
惱一箇病教一箇怎知得

秦少游 觀

居金本懼作懼

棹又懼天然箇品格於中壓一簾兒下時把鞋兒踢
語低低笑咭咭 每每秦樓相見見了無限憐惜人
前強不欲相沾識把不定臉兒赤

惜春郎 美人

柳耆卿 永

玉肌瓊艷新粧飾好壯觀歌席潘妃寶釧阿嬌金屋
應也消得 屬和新詞多俊格敢共我勅敵恨少年
枉費踈狂不早與伊相識

越江吟

蘇易簡 冷齋
夜話

非烟非霧瑤池宴片片碧桃冷落黃金殿蝦鬚半捲
天香散 春雲和孤竹清婉入霄漢紅顏醉態爛熳
金輿轉霓旌影亂簫聲遠

相思引

笑盈盈香噴噴姑射仙人風韻天與肌膚常素嫩玉
面猶嫌粉 斜倚小樓凝遠信多少往來人恨只恐

乘春雲雨困迤邐嬌容褪

早春怨

擬白石

張伯雨

雨

盼得春來春寒春困陡頓無聊半剔殘燈片時春夢
過了元宵 空山暮暮朝朝到此際無夢可消却倚
東風如水衣帶草似裙腰

歸去來

柳耆卿

永

初過元宵三五慵困春情緒燈月闌珊嬉遊處遊人
盡獸歡聚 憑仗如花女持盃謝酒朋詩侶餘醒更
不禁香醕歌筵舞且歸去

又

一夜狂風雨花英墜碎紅無數垂楊漫結黃金縷儘
春殘縈不住 蝶稀蜂散知何處殢尊酒轉添愁緒
多情不慣相思苦休惆悵好歸去

孤館深沉

權無染

梅苑

瓊英雪豔嶺梅芳天付與清香向臘後春前解壓萬
花先占東陽 擬待拆一枝相贈柰水遠天長對粧
面忍聽羞又還空斷人腸

雙韻子

張子野

先

鳴鞘電過曉闌靜斂龍旂風定鳳樓遠出霏烟聞笑
語中天迥 清光近歡聲竟鴛鴦集仙花鬪影更聞

度曲瑤山升瑞日春宮永

鳳孤飛

晏叔原幾道

一曲畫樓鐘動宛轉歌聲緩綺席飛塵座滿更小待
金蕉暖 細雨輕寒今夜短依前是粉墻別館端的
歡期應未晚柰歸雲難管

應天長

常莊

綠槐陰裏黃鶯語深院無人春晝午畫簾垂金鳳舞
寂寞綉屏香一炷 碧雲凝人何處空役夢魂來去
昨夜綠窓風雨斷腸君信否

二

別來半歲音書絕一寸離腸千萬結難相見易相別
又是玉樓花似雪 暗相思無處說惆悵夜來煙月
想得此時情切淚沾紅袖黠

牛嶠

玉樓春望晴煙滅舞衫斜卷金條脫黃鸝嬌轉聲初
歇杏花飄盡攏山雪 鳳釵低赴節筵上王孫愁絕
鴛鴦對啣羅結兩情深夜月

二

雙眉澹薄藏心事清夜背燈嬌又醉玉釵橫山枕膩
寶帳鴛鴦春睡美 別經時無限意虛道相思憔悴

莫信綵牋書裏賺人腸斷字

顧夔

瑟瑟羅裙金線縷輕透鵝黃香畫袴垂交帶盤鸚鵡
裊裊翠翹移玉步背人勻檀注慢轉橫波偷覩飲
黛春情暗許倚屏慵不語

惜春令

杜壽域

春夢無憑猶懶起銀燭畫簾低垂小庭楊柳黃金
翠桃臉兩三枝粧閣慵梳洗悶無緒玉簫拋擲飄
絮紛紛人疏遠空對日遲遲

二

今夕重陽秋意深籬邊散嫩菊開金萬里霜天林葉
墜蕭索動離心臂上茱萸新似舊年堪賞光陰百
盞香醕且酌身牛山會難尋

沙塞子

中秋無月

周紫芝

秋雲微淡月微羞雲黯黯月彩難留只是應嫦娥心
裏也似人愁幾時回步玉移鈎人共月同上南樓
却重聽畫闌西角月下輕謳

趙德莊

彥端

春水綠波南浦漸理棹行人欲去黯消魂柳下輕煙
花稍微雨長亭放箴無計任但芳草迷人去路忍

回頭斷雲殘日長安何處與上韻不同

月中行

周美成邦彥

蜀絲趁日染乾紅微暖面脂融博山細篆霽房櫺靜
看打窓蟲 愁多膽怯疑虛幕聲不斷暮景踈鍾團
團四壁小屏風淚盡夢啼中本作啼盡 夢魂中

月宮春與上同

毛文錫

水精宮裏桂花開神仙探幾迴紅芳金盞繡重臺低
傾瑪瑙杯 玉兔銀蟾爭守護姮娥姹女戲相偎遙
聽鈞天九奏玉皇親看來

醉花間

馮延巳

獨立堦前星又月簾櫳偏皎潔霜樹盡空枝腸斷了
香結 夜深寒不寐疑恨何曾歇凭闌干欲折兩條
玉筋為君垂此宵情誰共說

二

月落霜繁深院閉洞房人正睡桐樹倚雕簷金井臨
瑤砌 曉風寒不啻獨立成憔悴閑愁渾未已離人
心緒自無端莫思量休退悔

桂華明三夢廣寒宮 倚篝翁笛聲

閔子東注

縹緲神仙開洞府遇廣寒宮女問我雙鬟梁溪舞還
記得當時否 碧玉詞章教仙語為按歌宮羽皓月

居全本面作口

居全本故作秋

居全本桂華明
一名四和香

滿窓人何處聲未斷瑤臺路墨莊漫錄

四和香

李處全晦菴詞

香雪漸苞偏勝韻領袖催花信華節良辰人有分看
士女蟠垂髻莫向春風尋舊恨樂事隨方寸眉壽
故應天不吝浮太白吾無悶

居全本鬢作鬢

轉調賀聖朝

古今詞話

漸覺一日濃如一日不比尋常若知人為伊瘦損成
病又何妨相思到了不成模樣收淚千行把從前
淚來做水流也流到伊行

醉高歌

姚牧菴鐘

十年燕月歌聲幾點吳霜鬢影西風吹起鱸魚興已
在桑榆暮景榮枯枕上三更傀儡場中四并人生
幻化如泡影幾個臨危自省

居全本鬢作鬢

荷葉盃

常莊

絕代佳人難得傾國花下見無期一雙愁黛遠山眉
不忍更思惟閑掩翠屏金鳳殘夢羅幕盡堂空碧
天無路信難通惆悵舊房櫳

二

記得那年花下深夜初識謝娘時水堂西面畫簾垂
攜手暗相期惆悵曉鶯殘月相別從此隔音塵如

今俱是異鄉人相見更無因

慶金枝

新春入舊年綻梅萼一枝先隴頭人待信音傳萸楚
岸未香殘小桃風雪凭欄干下簾幙護輕寒年華
永占入芳筵付樽前漸成歡

鳳來朝

周美成

邦彥

逗曉香嬌面小窓深弄明未遍愛殘朱宿粉雲鬟亂
最好是帳中見說夢雙蛾微斂錦衾溫酒香未斷
待起難捨拚任日炙畫欄暖

五日感事

史邦卿

遠祖

暈粉就妝鏡掩金閨絲絲未整起無人學指鴛鴦頸
恨誰踏蘼花徑一夢蒲香葵冷墮銀瓶脆繩掛井
扇底弄團圓影只此是沈郎病

西江月

司馬溫公

詞話

寶髻鬆鬆綰就鉛華淡淡粧成紅煙翠霧罩輕盈飛
絮遊絲無定相見爭如不見有情還似無情笙歌
散後酒微醒深院月明人靜

春感

柳耆卿

永

鳳額綉簾高捲獸簷朱戶頻搖兩竿紅日上花梢春
睡厭厭難覺好夢往隨飛絮閑愁濃勝香醪不成

居金本無香
字空一格

居金本霧作袖

居金本簷作銀

雨暮與雲朝又是韶光過了

晏小山 幾道

居全本就作秋

南苑垂鞭路冷西樓把酒人稀庭花猶有鬢邊枝且
插殘紅自醉 畫幕涼催燕去香屏曉放雲歸依前
青枕夢回時試問愁閑有幾

梅花 寓意

蘇子瞻 賦

玉骨那愁瘴霧冰肌自有仙風海仙時遣探芳叢倒
掛綠毛么鳳 素面翻嫌粉澹洗粧不褪唇紅高情
已逐曉雲空不與梨花同夢

春夜

居全本惜作恨

照野瀰瀰淺浪橫空曖曖微霄障泥未解玉驄驕我
欲醉眠芳草 可惜一溪明月莫教踏碎瓊瑤解鞍
歌枕綠楊橋杜宇數聲春曉

重陽

居全本蘭作蘭

點點樓前細雨重重江外平湖當年戲馬會東徐今
日淒涼南浦 莫恨黃花未吐且教紅粉相扶酒蘭
不必看茱萸俯仰人間今古

中秋對月

聚蘭集 先名

世事一場大夢人生幾度秋涼夜來風葉已鳴廊看
取眉頭鬢上 酒賤常愁客少月明多被雲妨中秋

誰與共韶光把盞淒然北望

張子野

泛泛春船載樂溶溶湖水平橋高鬟照影翠烟搖白
紵一聲雲杪倦醉天然玉軟卸粧人惜花嬌風情
遺恨幾時銷不見盧郎年少

勸酒

山谷

斷送一生惟有破除萬事無過遠山微影蘸清波不
飲傍人笑我花病等閑瘦惡春來沒箇遮闌盃行
到手莫留殘不道月明人散

秦少游

愁黛顰成月淺啼粧印得花殘只消鴛枕夜來閑曉
鏡心情便懶醉帽簷頭風細征衫袖口香寒綠江
春水寄書難携手佳期又晚

郵亭壁上詞

古今詞話

昨夜輶車宿處亂山深鎖郵亭煙溪霜葉顫秋聲不
管愁人不聽枕冷安排難穩衾寒重疊猶輕憑誰
說與那人人報道衾寒枕冷

杜安道

曉鏡初粧玉粉輕風暗遞幽香闌隨月影到寒塘忘
却人間天上雲意空驚春意孤芳已斷年芳從教

驛使為伊忙乞箇壽陽宮樣

顏持約傳文

草草書傳錦字厭厭夢繞梅花海山無計駐仙槎腸
斷芭蕉影下缺月舊時庭院飛雲到處人家而今
憔悴鬢先華說着多情也怕

春夕

毛澤民

煙雨半藏楊柳風光初着桃花主人細酌流霞醉
裏將春留下柳外鴛鴦作伴花邊蝴蝶為家醉翁
醉裏也隨他月在柳橋花榭

葛魯卿

勝仲

鞞鞞斜紅帶柳琉璃漲綠平橋人閒花月正新妖不
數錢塘蘇小恨寄飛花簌簌情隨流水迢迢鯉魚
風送木蘭橈迴棹荒鷄報曉

趙元鎮

鼎

世態浮雲易變時光飛箭難留五年重見海東頭只
有交情似舊未盡別來深意難堪老去離愁青山
迢迢水悠悠明日偏舟病酒

警悟

朱希真

敦儒

世事短如春夢人情薄似秋雲不須計較苦勞心萬
事原來有命幸遇三盃酒好偶逢一朵花新片時

歡笑且相親明日陰晴未定

二

日日深杯酒滿朝朝小圃花開自歌自舞自開懷且
喜無拘無礙青史幾番春夢紅塵多少奇才不須
計較與安排領取而今見在

宋謙父自遊

居全本遶無
字空一格

何敢笑人干祿自知無分彈冠只將貧賤博清閑留
取書遮老眼世上風波任險門前路徑須寬心無
妄想夢魂安萬事鶴長鳧短

蔡京

居全本止作只

八十一年住世四千里外無家如今流落向天涯
到瑤池闕下玉殿五回命相彤庭幾度宣麻止因
貪此戀榮華便有如令事也

揮塵錄云蔡元長南遷有旨取所寵姬慕容邢武
者三人以金人指名來索也作詩而別至潭州作
詞云

李伯紀

意態何如珽珽輕盈只恐飛飛華堂偏傍主人棲好
與安巢穩戲攬斷樓中風月且看掌上晉支謫仙
詞賦少陵詩萬語千言摠記

向子諲

微步凌波塵起弄粧滿鏡花開春心擲處眼頻來秀
色着人無柰 舊事如風無迹新愁似水難裁想思
日夜夢陽臺減盡沈郎衣帶

史達祖

西月澹窺樓角東風暗落簷牙一燈初見影窓紗又
是重簾不下 幽思屢隨芳草開愁多似楊花楊花
芳草遍天涯繡被春寒夜夜

子瑜 完顏

一百八般佛事二十四考中書山林朝市等區區着
甚由來自苦 過寺談些般若逢花倒個葫蘆少時

伶俐老來愚萬事安於所遇

題邯鄲呂仙翁祠堂

文卿 儲詠

壁斷何人舊字爐寒隔歲殘香洞天人去海茫茫玩
世仙翁已往 西日長安道遠春風趙國臺荒行人
誰不悟黃糧依舊紅塵陌上

遣興

辛幼安 意疾

醉裏且貪歡笑要愁那得工夫近來始覺古人書信
着全無是處 昨夜松邊醉倒問松我醉何如只疑
松動要來扶以手推松曰去

漢書龔勝傳勝與左將軍公孫祿議事不和博士夏侯常勸之勝以手推常曰去

洞庭

張安國 考祥

問訊湖邊春色重來又是三年東風吹我過湖船楊
柳絲絲拂面 世路如今已慣此心到處悠然寒光
亭下水連天飛起沙鷗一片

別友

翰墨

記得洛陽話別十年社燕秋鴻今朝相遇暮雲東對
坐旗亭說夢 破帽守遮斜日練衣袖捲寒風蘆花
江上兩衰翁消得幾番相送

周紫芝

池面風翻弱絮樹紅雨退媽紅撲花蝴蝶香無蹤又

居金本紅作頭
通作遠木作來

居金本無翰
墨二字又無
守字空一格

做一場春夢 便是一成去了不成沒箇未時眼前
無處說相思要說除非夢裡

二

羅袖雲輕霧薄醉肌玉軟花柔相逢不道有春愁只
道春來微瘦 一點人間深意數聲柳下輕謳帶將
離恨上歸舟腸斷月斜時候

春半

朱淑真

辦取舞裙歌扇賞春只怕春寒捲簾無語對南山已
覺綠肥紅淺 去去惜花心懶踏青閑步江干恰如
飛鳥倦知還淡蕩梨花深院

燈花

曹仙姑

零落不因春雨吹噓何假東風紗窓一點自然紅費
盡功夫怎種 有艷難尋膩粉無香不惹遊蜂更闌
人靜畫堂中相伴玉人春夢

寄張生

鄭雲娘

一片冰輪皎潔十分桂魄婆婆不施方便是如何莫
是嫦娥妬我 雖則清光可愛柰緣好事多魔仗誰
傳與片雲呵遮取霎時則箇

張生寄雲娘詞云一望朱樓巧小四邊繡幕低垂
箇人活脫似楊妃倚遍闌干十二最苦兩隻情眼
難禁西不道一聲安置

居全本漫作雙

席上呈蔡相押排行十九韻 尹温儀

韓愈文章盖世謝安才貌風流良辰開宴在西樓敢
勸一杯芳酒 記得南宮高過弟兄都占鰲頭一門

御殿御香浮名在甲科第九

成都妓尹温儀本良家女後以零替失身妓籍蔡
相帥成都酷愛之尹告蔡乞除樂籍蔡戲曰若樽
前成一小闋便可除免尹曰乞腔調蔡答以西江
月尹又乞嚴韻蔡曰汝排行十九用九字即便應
聲云蓋取蔡第九人弟元度第十一人也長道過
復齊漫錄云姑蘇官妓蘇瓊能詞因命即席為之乞
韻蘇州太守召飲元長聞瓊能詞因命即席為之乞

石孝友

脉脉無端心事厭厭不柰春醒越羅衫薄峭寒輕試

問幾番花信 萬點風頭柳絮數聲柳外啼鶯斜陽
還傍小窓明門掩黃昏人靜

燕歸梁

柳耆卿 永

織錦裁篇寫意深字直千金一回披玩一愁吟腸成
結淚盈襟 幽歡已散前期遠無聊賴是而今密憑
歸燕寄芳音恐冷落舊時心

石曼卿 延年

芳草年年惹恨幽想前事悠悠傷春傷別幾時休笑
從古為風流 春山摠把深勻翠黛千疊在眉頭不
知供得幾多愁更斜日憑危樓

張子野 先

去歲中秋玩桂輪河漢淨無雲今年江上共瑤尊都
不是去年人 水晶宮殿琉璃臺閣紅翠兩行分點
唇微破秀眉顰清影外見歌塵

馮延巳

上行杯

落梅暑雨消殘粉雲重烟深寒食近羅幙遮香柳外
秋千出畫牆 春山顛倒釵橫鳳飛絮入簾春睡重
夢裡佳期祇許庭花與月知

惜分飛 一名惜雙雙

毛澤民 滄

淚濕闌干花著露愁到眉峯碧聚此恨平分取更無

言語空相覩 斷雨殘雲無意緒 寂寞朝朝暮暮令
夜山深處 斷魂分付潮回去

晁無咎 補之

山水光中元無暑 是我銷魂別處 只有多情雨會人
深意 留人住 不及梅花來已暮 未見荷花又去 圖
畫他年 覩斷腸千古 若溪路

辛幼安 棄疾

翡翠樓前芳草路 寶馬墜鞭暫駐 最是周郎顧尊前
幾度歌聲誤 望斷碧雲空日暮 流水桃源何處聞
道春歸去 更無人管 飄紅雨

送別

吳淑姬

岸柳依依拖金縷 是我朝來別處 惟有多情絮 故來
衣上留人住 兩眼啼紅空彈與 未見桃花又去 一
片征帆舉 斷腸遙指若溪路

惜雙雙

賀方回 靖

皎鏡平湖三十里 碧玉山圍四際 蓮蕩香風裏 綠鴛
鴦覺雙飛起 明月多情隨拖尾 偏照空床翠被回
首笙歌地 醉更衣處 長相記

清平調 昭陵粹
宮發引

王禹玉 註

玉宸朝晚忽掩赭黃衣 愁露鎖無扉 蓬萊待得仙丹

至人世已成非 龍軒天仗轉西畿
旌旆入雲飛 望陵宮女垂紅淚
不見翠輿歸

二

上林春晚曾是奉宸遊
水殿戲龍舟 玉簫吹斷催仙馭
一去隔千秋 游人重到曲江頭
事往涕難收 空餘御幄傳觴處
依舊水東流

太常引

在燕端陽日當母誕作

陳剛中

綵絲堂上簇蘭翹
記生母在今朝 無地捧金蕉
柰煙水龍沙路遙 碧天迢遞白雲何
處急雨蕭蕭 萬里夢魂消
待飛逐錢塘夜潮

山房隨筆字天台人時為編修

二

短衣孤劍客乾坤
柰無策報親恩 三載隔晨昏
更踈雨寒燈斷魂 赤城霞外西風鶴
髮猶想倚柴門 蒲醕滂盈樽
倩誰寫青山淚痕

韓玉

東風歸路水雲間
幾曾放夢魂 閑何日整歸鞍
有人對西風凭闌 溫柔情性繫懷傷
感欲訴訴應難愁 聚兩眉端
又疊起千山萬山

二

荒山連水水連天
憶曾上桂江舡 風雨過吳川
又却

居金本郊又作卻又

龍章齊高

卷四

下

在湘江岸邊 不堪追念浪萍踪跡虛度夜如年風
外曉鐘傳尚獨對殘燈未眠

金劉雲震

耿耿九虎隔重閤到天上却空還回首謝塵寰問今
日誰人姓韓 瓜田蔬圃竹溪松逕何地不堪間且
莫問長安比蜀道元來更難見困學齋雜錄

梅苑 夫名

行雲蹤跡杳無期梅梢上又春歸不道又別離這一
度清香為誰 多情囑付庾樓羗管憑仗且休吹留
取兩三枝待和淚封將寄伊

太清引 趨省間 桂偶成

蒲江

夢回金井卸梧桐嘶馬帶踈鍾草面露痕濃漸薄袖
清寒暗通 天低絳闕雲浮碧海殘月尚朦朧吹面
桂花風悄 似不紅塵道中 常引 即太

餞劉參議歸山東

劉燕歌 妓集青

故人別我出陽關無計鎖雕鞍今古別離難兀誰盡
蛾眉遠山 一尊別酒一聲杜宇寂寞又春殘明月
小樓閑第一夜相思淚彈

四犯令

侯彥周 真

月破輕雲天淡注夜悄花無語莫聽陽關牽離緒拚

酩酊花深處 明日江郊芳草路春逐行人去不似
酴醾開獨步能着意留春住

漁歌子

李珣 珣

九疑山三湘水蘆花時節秋風起水雲間山月裏棹
月穿雲遊戲 鼓清琴傾綠蟻扁舟自得逍遙志任
東西無定止不議人間醒醉

孫光憲

草芊芊波漾漾湖邊草色連波漲沿蓼岸泊楓汀天
際玉輪初上 扣舷歌聯極望槳聲伊軋知何向黃
鵠叫白鷗眠誰似儂家踈曠

李珣

柳垂絲花滿樹鶯啼楚岸春天暮棹輕舟出深浦緩
唱漁歌歸去 罷垂綸還酌醕孤村遙指雲遮處下
長汀臨淺渡驚起一行沙鷺

二

荻花秋瀟湘夜橘洲佳景如屏畫碧煙中明月下小
艇垂綸初罷 水為鄉蓬作舍魚羹稻飯常食也酒
盈杯書滿架名利不將心挂

偷聲木蘭花

張子野

画橋淺映橫塘路流水滔滔春共去目送斜暉燕子

雙高蝶對飛 風花將盡持盃送往事只成清夜夢
莫更登樓坐想行思已自愁

二

雪籠瓊苑梅花瘦外院重扉聯寶獸海月新生上得
高樓沒柰情 簾波不動銀缸小今夜夜長爭得曉
欲夢高唐祇恐覺來添斷腸

怨三三

姑溪詞用
賀方回韻

李端叔之儀

清溪一派瀉揉藍岸草毯毯記得黃鸝語盡簷喚狂
裏醉重三 春風不動垂簷似三五初圓素蟾鎮淚
眼廉纖何時歌舞再和池南

捉拍醜奴兒

朱希真

致儒

清露濕幽香想瑤臺無語淒涼飄然欲去依然似夢
雲度銀潢 又是天風吹澹月珮丁東攜手西廂冷
冷玉磬沉沉素瑟舞遍霓裳

滴滴金

周美成

邦彥

梅花漏泄春消息柳絲長草芽碧不覺星霜鬢邊白
念時光堪惜 蘭堂把酒留嘉客黛眉顰愁春色千
里音書相踈隔見了方端的

梅

孫夫人

月光飛入林前屋風策策度庭竹夜半江城擊柝聲

居金本策策
作殺殺

居金本等開
作善聞

動寒梢棲宿 等閑老去年華促祇有江梅伴幽獨
夢繞夷門舊家山恨驚回難續

無名氏

當初親下求言詔引得都來胡道人招是駱賓王
并洛陽年少 自訟監宮并岳廟都教一時閑了誤
人多是誤人多誤了人多少

花草粹編卷之四終
中吳紀聞云徽宗即位下詔求直言陸彥猷因廷
對與雍孝開輩皆力陳時政闕失唱名曰請赦放
孝開立殿下叩頭曰陛下求直言有云言之者無
罪今詔墨猶未乾奈何以直言罪人衛士怒孝開
唐突以柱斧撞其頰教齒俱落時上書及
廷試直言者俱得罪京師有謔詞云

國家圖書館, NATIONAL CENTRAL LIBRARY, TAIWAN



花草粹編五卷目錄

小令

少年遊 二十

滿宮花 三

玉團兒 二

醉紅粧

玳珠令

望江東

憶餘杭

傾盃令 二

迎春樂 四

瑤池燕

秋夜雨

結帶巾

醉花陰 四

青門引

南柯子

鋸解令

思遠人

思越人 四

入塞

探春令 三

菊花新 三

望漢月 三

蝶令望

尋芳草 王孫

國家圖書館 NATIONAL CENTRAL LIBRARY, TAIWAN, R.O.C.

不... 三... 一...

慶同天

天下樂

夢仙郎

紅窓聽二

上林春

望遠行三

紅羅襖

恨歡遲

恨來遲

雨中花七

茶瓶兒三

鬢邊華

留春令三

浪淘沙

說一名賣花聲過龍門小
作曲入冥三十七

端正好三

戀繡衾四

杏花天四

杏花風

月照梨花

一作怨
孫七

憶王孫

望江南七

於中好二

江月晃重山三

步虛詞

金錯刀

一名醉
璫瑟三

亭前柳四

鼓笛令

金蓮遶鳳樓

虞恩新

玉樓人

憶人人二

河傳二十

夜行船六

梁州令四

鷓鴣天

一名思佳客
剪朝霞
醉

茶瓶兒

芳草渡三

國家圖書館, NATIONAL CENTRAL LIBRARY, TAIWAN, R.O.C



詞... 卷...

花草粹編五卷目錄終

花草粹編卷之五

國家圖書館, NATIONAL CENTRAL LIBRARY, TAIWAN, R.O.C.

朗陵外方陳耀文晦伯甫纂

小令

少年遊

晏同叔

珠

重陽過後西風漸緊庭樹葉紛紛朱欄向曉芙蓉妖
艷特地鬪芳新 霜前月下斜紅淡藥明媚欲回春
莫將瓊萼等閑分留贈意中人

二

霜華滿樹蘭彫蕙慘秋艷入芙蓉臙脂嫩臉金黃輕
藥猶自怨西風 前歡往事當歌對酒無限到心中

更憑朱檻憶芳容腸斷一枝紅

三

芙蓉花發去年枝雙燕欲歸飛蘭堂風軟金爐香暖
新曲動簾帷 家人拜上千春壽深意滿瓊卮綠鬢
朱顏道家裝束長似少年時

四

謝家庭檻曉無塵芳晏祝良辰風流妙舞櫻桃清唱
依約駐行雲 榴花一盞濃香滿為壽百千春歲歲
年年共歡同樂嘉慶與時新

晏叔原

共道

原金本訂作句
無騰字

綠勻欄畔黃昏淡月携手對殘紅紗窗影裡朦朧騰
春睡繁杏小屏風 須愁別後天高海闊何處更相
逢幸有花前一盃芳酒歡計莫忽忽歡作

二

西溪丹杏波前媚臉珠露與深勻南橋翠柳烟中愁
黛絲雨惱嬌顰 當年此處聞歌磬酒曾對可憐人
今夜相思水長山遠閑卧送殘春

三

離多最是東西流水終解兩相逢淺情終似行雲無
定猶到夢魂中 可憐人意薄於雲水佳會更難重

細想從來斷腸多處不與這番同

四

西樓別後風高露冷無柰月分明飛鳴影裡搗衣砧
外總是玉閨情 王孫此際山重水遠何處賦西征
金閨魂夢枉丁寧尋盡短長亭

五

雕梁燕去裁詩寄遠庭院舊風流黃花醉了碧梧顛
罷開卧對高秋 繁雲破後分明素月涼影掛金鈎
有人凝澹倚西樓新樣兩眉愁

歐陽永叔

去年秋晚此園中攜手翫芳叢拈花嗅藥惱烟撩霧
拚醉倚西風今年重對芳叢處追往事又成空敲遍
闌干向人無語惆悵滿枝紅

閨怨

柳耆卿

日高花榭懶梳頭無語倚粧樓脩眉斂黛遠山橫翠
相對結春愁 王孫走馬長楸陌貪迷戀少年遊似
恁踈狂費人拘管爭似不風流

游宴

長安古道馬遲遲高柳亂蟬嘶夕陽島外秋風原上
目斷四天垂 歸雲一去無踪跡何處是前期狎興

六字下落年
字居金本補

生疎酒徒蕭索不似去時

秋思

參差烟樹霸陵橋風物盡前朝
衰楊古柳幾經攀折
憔悴楚宮腰
夕陽閑淡秋光老
離思滿蘅皋一曲
陽關斷腸聲盡
獨自上蘭橈

美人

層波激灩遠山橫
一笑一傾城
酒容紅嫩歌烟清
麗百媚坐中生
墻頭馬上初相見
不準擬恁多情
昨夜更闌洞房深處
特地快逢迎

相思

簾垂深院冷蕭蕭
花外漏聲遙
青燈未滅紅窓閑
卧遠夢去迢迢
薄情謾有歸消息
鴛鴦被半香銷
試問伊家阿誰心緒
禁得恁無聊

相思

一生贏得是淒涼
追前事暗心傷
好天良夜深屏香
被爭忍便相忘
王孫動是經年去
貪迷戀有何長
萬種千般把伊情分
顛倒儘猜量

蘇東坡

去年相送餘杭門外飛雪似楊花
今年春盡楊花似雪猶不見還家
對酒捲簾邀明月風露透窓紗
恰

居金本氣作
贏無是字

侶姮娥恰雙燕分明照画梁斜

周美成 邦秀

居金本烟作
香調作吹

并刀如水吳鹽勝雪纖手破新橙錦幄初溫獸烟不
斷相對坐調笙 低聲問向誰行宿城上已三更馬
滑霜濃不如休去直是少人行

二

朝雲漠漠散輕絲樓閣淡春姿柳泣花啼九街泥重
門外燕飛遲 而今麗日明金屋春色在桃枝不似
當時小樓衝雨幽恨兩人知

三

簷牙縹緲小紅樓涼月掛銀鈎聒席笙歌透簾燈火
風景似揚州 當時面色欺春雪曾伴美人遊今日
重來更無人問獨自倚欄愁

居金本紅作倡

曉行

林少瞻 仰

霽霞散曉月猶明疎木掛殘星山逕人稀翠蘿深處
啼鳥兩三聲 霜華重逼雲裘冷心共馬啼輕十里
青山一溪流水都做許多情

居金本啼作蹄

井桃

張子野 先

碎霞浮動曉朦朧春意與花通銀瓶素綆玉泉金甃
真色浸朝紅 花枝人面難常見青子小叢叢韶華

長在明年依舊相與笑東風

杜壽域 安世

小軒深院是秋時
風葉墮高枝
踈簾靜永薄
惟清夜
暑退覺寒微
淒涼天氣離
愁意音書杳
難期多情
成病不須醫
更憔悴轉尋思

二

小樓歸燕又黃昏
寂寞鎖高門
輕風細雨惜花天氣
相次過春分
畫堂無緒初燃絳
蠟羅帳掩餘薰
多情不解怨王孫
任薄倖一從君

姜白石 夔

雙螺未合雙蛾先
斂家在碧雲西
別母情懷隨郎滋
味桃葉渡江時
扁舟載了忽忽去
今夜泊前溪
楊柳津頭梨花墻外
心事兩人知

長至

毛滂

逢山雪氣入踈簾
羅幕曉寒添
愛日騰波朝霞入戶
一線過冰簷
綠樽香嫩蒲萄暖
滿酌破冬嚴
庭下早梅已含芳
意春近瘦枝南

天机 失名

弄晴微雨細絲絲
山色淡無姿
柳絮飛殘茶蘼開罷
青杏已團枝
闌干倚遍人何處
愁聽語黃鸝
寶瑟

塵生翠銷香減天遠鴈書遲

趙君舉

曉山日薄半春陰煙煖柳拖金滿眼新晴歌聲樓影
悠蕩碧波心 閑亭客散人歸去踈雨濕羅襟樓閣
濛濛斷虹明處十里暮雲深

迎春樂

晏同叔

珠

長安紫陌春歸早驪垂楊染芳草被啼鶯語燕催清
曉正好夢頻驚覺 當此際青樓臨大道幽會處兩
情多少莫惜明珠百琲占取長年少

秦少遊

觀

居金本來作曉

菖蒲葉葉知多少唯有箇蜂兒妙雨晴紅粉齊開了
露一點嬌黃小 早是被來風力暴更春共斜陽俱
老怎得花香深處作箇蜂兒抱

周美成

邦秀

清池小圃開雲屋結春伴往來熟憶年時縱酒盃行
速看月上歸禽宿 牆裏脩篁森似束記名字曾刊
新綠見說別來長公翠蘚封寒玉

二

居金本來作冷

人人花艷明春柳憶筵上偷携手趁歌停舞罷來相
就醒醒箇無些酒 比日香囊新刺繡連隔座一時

薰透為甚月中歸長是他隨車後

思遠人

晏叔原 幾道

紅葉黃花秋意晚千里念行客飛雲過盡歸鴻無信
何處寄書得淚彈不盡臨窓滴就硯旋研墨漸寫
到別來此情深處紅燵為無色

滿宮花

張泌

花正芳樓似綺寂寞上陽宮裏鈿籠金鎖睡鴛鴦簾
冷露華珠翠嬌艷輕盈香雪膩細雨黃鶯雙起東
風惆悵欲清明公子橋邊沉醉

魏承班

雪霏霏風凜凜玉郎何處狂飲醉時想得縱風流羅
帳香幃鴛鴦寢春朝秋夜思君甚愁見繡屏孤枕少
年何事負初心淚滴縷金雙衽

尹鶚

月沉沉人悄悄一炷後庭香裏風流帝子不歸來滿
地禁花慵掃離恨多相見少何處醉迷三島漏清
宮樹子規啼愁鎖碧窓春曉

瑤池燕

侯鯖錄 失名

飛花成陣春心困寸寸別腸多少愁悶無人問偷啼
自搵殘粧粉抱瑤琴尋出新韻玉纖趁南風未解

居全本依作法

幽愴低雲鬢眉峰斂暈嬌和恨

東坡云琴曲有瑶池燕其詞不協而聲亦怨咽變其詞作閨怨寄陳季常云此曲甚妙勿妄與人云

思越人

張泌

燕雙飛鶯百轉越波堤下長橋鬪鈿花筐金匣恰舞
衣羅薄纖腰東風澹蕩慵無力黛眉愁聚春碧滿
地落花無消息月明腸斷空憶

孫光憲

古臺芳草遠館娃宫外春滿翠黛空留千載恨教
人何處相尋綺羅無復當時事露花點滴香淚惆
悵遙天橫淥水鴛鴦對對飛起

居全本依作法

二

渚蓮枯古樹老長洲廢苑蕭條想像玉人空處所月
明獨上溪橋經春初敗秋風起紅蘭綠蕙愁死一
片風流傷心地竟銷目斷西子

鹿虔扈

翠屏歌銀燭背漏殘清夜迢迢雙帶繡窠盤錦薦淚
侵花暗香銷珊瑚枕膩鴉鬟亂玉纖慵整雲散若
是適來新夢見離腸爭不千斷

玉團兒

周邦彥

鈿華淡紵新粧束風韻天然異俗彼此知多雖然初

居全本依作法
多作名風字上
落好字居補

此章并編

卷五

九

見情分先熟 爐烟淡淡雲屏曲 睡半醒 生香透 肉
賴得相逢若還虛過 生世不足

用周美成韻

盧炳

綠雲慢綰新梳 束這標致 諸餘不俗 邂逅相逢 情懷
雅合 全似深熟 耳邊笑語 論心曲 把不定 紅生臉
肉 若得同歡 共伊諧老 心事忒足

秋夜雨

蔣捷詞 竹山

黃雲水驛秋茄 噎吹人雙鬢 如雪愁多 無奈處 謾碎
把寒花 輕挽 紅芳轉入 香心裏 夜漸深 人語初歇
此際愁更別 雁影落西窓 斜月

入塞

程正伯 垓

好思量 正秋風 半夜長 柰銀缸 一點耿耿 背西窗 衾
又涼 枕又涼 露華淒淒 月半牀 照得人 真箇斷腸
窓前誰浸 木犀黃 花也香 夢也香

醉紅粧

張子野 先

瓊林玉樹 不相饒 薄雲衣 細柳腰 一般粧 樣百般嬌
眉眼秀 摠如描 東風搖草 雜花飄 無計上 青條 更
送雙歌郎 且飲郎 未醉有 金貂

結帶巾

中吳紀聞

頭巾帶誰理 會三千貫 賞錢新行 條制不得 向後長

居全本無舊字

垂與胡服相類 法甚嚴人盡畏硬縫闊大帶向前
面繫和我大學先輩被人呼保義

宣和初有旨令士人係結帶巾否則
違制論士人甚苦之當時有謔詞云

探春令

晏叔原

綠楊枝上曉鶯啼報融和天氣被教聲吹入紗窓裏
又驚起嬌娥睡 綠雲斜擘金釵墜惹芳心如醉為
少年濕了鮫綃帕上都是相思淚

二

簾旌微動峭寒天氣龍池冰泮杏花笑吐香猶淺又
還是春將半 清歌妙舞從頭按等芳時開宴記去

居全本頭作願

年對着東風曾許不負鶯花頭

春怨

蔣捷

玉窓蠅字記春寒滿茸絲紅處畫翠鴛雙展金蛸翅
未抵我愁痕膩 芳心一點天涯去絮濛濛遮住舊
對花彈玩纖瓊指為粉靨空彈淚

珍珠令

張炎

桃花扇底歌聲香愁多少便覺道花心開了因甚不
歸來甚歸來不早 滿院飛花休要掃待留與薄情
知道知道怕一似飛和春都老

飛字下落花
字居全本補

醉花陰

沈會宗

和江宣德
紅粧詞

微含清露真珠滴怯曉寒脉脉秉燭倚雕欄今日尊
前盡是多情客 從來應與春相得有動人標格半
咲倚春風醉臉生紅不是胭脂色

梅

舒信道

月幌風簾香一陣正千山雲盡冷對酒尊傍無語含
情別是江南信 壽陽粧罷人微困更玉釵斜襯擬
插一枝歸只恐風流羞上潘郎鬢

送陸宣德

粉輕一捻和香聚教露華休妬今日在尊前只為情
多脉脉都無語 西湖雪過難留住指廣寒歸去去

後又明年人在江南夢到花開處

九日

李易安

薄霧濃雲愁永晝瑞腦噴金獸時節又重陽寶枕紗
幙半夜秋初透 東籬把酒黃昏後有暗香盈袖莫
道不銷魂簾捲西風人似黃花瘦

菊花新

柳耆卿

欲掩香幃論繾綣先斂雙蛾愁夜短催促少年郎先
去睡鴛衾圖暖 須更放了殘針線脫羅裳恣情無
限留取帳前燈時時待看伊嬌面

張子野

墮髻慵粧來日暮家在柳橋堤下住衣緩絳綃垂瓊
樹裊一枝紅霧院深池靜花相妬粉牆低樂聲時
度長恐舞筵空輕化作綵雲飛去

杜壽域 安世

怎柰花殘又鶯老檻裏青梅數枝小新荷長池沼當
晴晝燕子聲鬧亭欄花綻顏色好風雨催催等閒
開了酒醒暗思量無箇事甚到煩惱

望江東

黃魯直 庭堅

江水西頭隔烟樹望不見江東路思量只有夢來去
更不怕江闌住燈前寫了書無數算沒箇人傳與

直饒尋得鴈分付又還是秋將暮

青門引

張子野 天機

乍暖還輕冷風雨晚來方定庭軒寂寞近清明殘花
中酒又是去年病樓頭畫角風吹醒入夜重門靜
那堪更被明月隔牆送過鞦韆影

望漢月

晏同叔 殊

千縷萬條堪結占斷好風良月謝娘春曉已多愁更
撩亂絮飛如雪短亭相送處長憶得醉中攀折年
年歲歲好時節怎柰向有人離別

柳耆卿 永

明月明月明月何事作圓還缺恰如年少洞房人歡
會依前離別 小樓凭檻處正是去年時節千里清
光又依舊柰夜永厭厭人絕

菊

李和文 能改齋謾錄

黃菊一叢臨砌顆顆露珠粧綴獨教冷落向秋天恨
東君不會留意 雕欄新雨霽綠蘚上亂鋪金盞此
花開後更無花頭愛惜莫同桃李

憶餘杭

掃市舞詞賦

潘道遙 湘山野錄

長憶西湖湖水上盡日凭闌樓上望三三兩兩釣魚
舟島嶼正清秋 笛聲依約蘆花裏白鳥成行忽驚

起別來閑想整綸竿思入水雲寒

古今詞話云石曼卿見此詞使畫工綵繪之作
小景圖湘山云錢希白愛之自書玉堂屏風
潘閻字道遙狂放不羈坐廬多遜黨亡命乃變姓
名僧服入中條山後會赦以四門助教召之閻乃
自歸送信州安置仍不懲艾復為掃市舞之閻乃
砒霜價錢可贏得撥灰兼弄火暢殺我以此為士
人不齒放棄終身

南柯子

一名風蝶令望秦川

毛熙震

遠山愁黛碧橫波慢臉明膩香紅玉茜羅輕深院晚
堂人靜理銀箏 鬢動行雲影裙遮點屐聲嬌羞愛
問曲中名揚柳杏花時節幾多情

二

惹恨還添恨牽腸即斷腸凝情不語一枝芳獨映畫
簾閉立繡衣香暗想為雲女應憐傅粉郎晚來輕
步出閨房髻慢釵橫無力縱猖狂

永叔

鳳髻金泥帶龍紋玉掌梳走來窓下咲相扶愛道畫
眉深淺入時無美筆俚人久描花試手初等閑妨
了繡工夫咲問雙鴛鴦字怎生書

寄意侍妾榴花

東坡者舊續聞

紫陌尋春去紅塵拂面來無人不道看花回惟見石
榴新葢一枝開冰簟堆雲髻金尊灑玉醅綠陰青

子莫相催留取紅巾點照池臺

舞妓

雲鬢裁新綠霞衣曳曉紅待歌凝立翠筵中一朶彩
雲何事下巫峯趁拍鸞飛鏡回身燕漾空莫翻紅
袖過簾櫳怕被揚花勾引嫁東風

端午

山與歌眉激波同翠眼流遊人都上十三樓不羨竹
西歌吹古揚州菰黍連昌歎瓊彝倒玉舟誰家水
調唱歌頭聲遠碧山飛去晚雲留

秦少游

愁鬢香雲墜嬌眸水玉裁月幌風幌為誰開天外不
知音耗百般猜 玉露沾庭砌金風動瑄灰相看有
似夢初回只恐又拋人去幾時來

二

香墨彎彎畫燕脂淡淡勻揉藍衫子杏黃裙獨倚玉
闌無語點檀唇 人去空流水花飛半掩門亂山何
處覓行雲又是一鈎新月照黃昏

贈陶心兒

玉漏迢迢盡銀潢淡淡橫夢回宿酒未全醒已被鄰
鷄催起怕天明 臂上粧猶在襟間淚尚盈水邊燈

火漸人行天外一鈎殘月帶三星

末句蓋
心字也

贈東坡侍妾朝雲

靄靄凝春態溶溶媚曉光何期容易下巫陽祇恐使
君前世是襄王 暫為清歌駐還因暮雨忙瞥然歸
去斷人腸空使蘭臺公子賦高唐

靄靄詞話作洩洩
使君雌黃作翰林

夕露霑芳草斜陽帶遠村幾聲殘角起譙音撩亂栖
鷗飛舞鬧黃昏 天共高城遠香餘繡被溫客程常
是可銷魂怎向人心頭橫着箇人人

又

樓迥迷雲日溪深漲曉沙年來憔悴費鉛華樓上一
天春思浩無涯 羅帶寬腰素真珠溜臉霞海棠開
盡柳飛花薄倖只知游蕩不思家

別思

賀方回

鑄

斗酒才供淚扁舟只載愁畫橋青柳小朱樓猶記出
城車馬為遲留 有恨花空委無情水自流河陽新
鬢儘禁秋蕭散楚雲巫雨此生休

春夜

謝無逸

遠

雨洗溪光淨風掀柳帶斜畫樓朱戶玉人家簾外一
眉新月浸梨花 金鴨香凝袖銅荷燭映紗鳳盤宮

錦小屏遮夜靜寒生春筍理琵琶

僧仲殊

揮

十里青山遠潮平路帶沙數聲啼鳥怨年華又是淒
涼時候在天涯 白露收殘月清風散曉霞綠楊堤
畔鬧荷花記得年時沽酒那人家

塔院層閣

陳去非

與義

矯矯千年鶴茫茫萬里風欄干三面看秋空背插浮
屠千尺冷烟中 林塢村村暗溪流處處通此間何
似玉霄峰遙望蓬萊依約晚雲東

春景

田不伐

夢怕愁時斷春從醉裏回
淒涼懷抱向誰開些子清
明時候被鶯催 柳外都成絮
攔邊半是苔多情簾
燕獨徘徊依舊滿身花雨
又歸來

春思

團玉梅梢重香羅菱扇低
簾風不動蝶交飛一樣綠
陰庭院鎖斜暉 對月懷歌
扇因風念舞衣何須惆
悵惜芳菲拚却一年憔悴
待春歸

向伯恭 子諱

梁苑千花亂隋堤一水長
眼前風物總悲涼何況眉
頭心上不相忘 因夢聊携
手憑詩續斷腸已驚蝴蝶

蝶過東墻更被風吹
鴻鴈不成行

石次仲 孝友

鳳髻斜分翠鴛鞋小
研紅東君着意綺羅叢
最好一枝特地怨東風
懊恨無情語嬌羞忍笑
容相看疑是夢魂中怕
逐飛雲歸去斷行蹤

二

疇昔飛鸞侶而今斷鴈行
西風嶺外下斜陽無賴一
鉤新月挂人腸 雙泪沾襟
袖孤燈對客床枕餘衾
剩只殘香別得嬌癡不
睡也思量

三

春淺梅紅小山寒嵐翠薄斜風吹雨入簾幕夢覺南樓嗚咽數聲角歌酒工夫懶別離情緒惡舞衫寬盡不堪着若比那回相見更消削

四

亂絮飄晴雪殘花綉地衣西園歌舞驟然稀只有多情蝴蝶作團飛舊事深琴怨新愁減帶圍倚樓凝望更依依怕見一天風雨捲春歸

早春感懷

望秦川

程正伯

垓

柳弱眠初醒梅殘舞尚癡春陰將冷傍簾幙又是東風和恨向人歸樂事燈前記愁腸酒後知老來無

計遣芳時只有閑情隨分品花枝

二

竹粉翻新籜荷花拭靚粧斷雲侵晚度橫塘小扇斜釵依約傍牙床蘸蜜分紅荔傾筒瀉碧香醉時風雨醒時涼明月多情依舊過西廂

李蕭遠

邗

嫋嫋秋風起蕭蕭敗葉聲岳陽樓上聽哀箏樓下淒涼江月為誰明霧雨沉雲夢煙波渺洞庭可憐無處問湘靈只有無情江水遠孤城

唐金本無作何

願堂詞

王灼

居全本壁作
碧瑣作瓊

命嘯無人嘯含嬌何處嬌江南烟水太迢迢壁月瓊
樓空想夜和朝目斷腸隨斷魂消骨更銷瑣窓風
雨不相饒猶似西湖一枕聽寒潮

新月

洪叔璵

柳浪搖清沼荷風度晚簷碧天如水印新蟾一罇清
光斜露玉纖纖寶鏡微開匣金鈎未押簷西樓今
夜有人吹應傍粧臺低照畫眉尖

周紫芝

霧帳蘭衾煖薰爐寶篆濃眼波猶帶睡朦朧卧聽曉
來雙燕語春風螺淺散餘黛霞銷枕處紅斷雲飛

雨怕忽忽欲去且留情緒兩忡忡

方錢塘出侍兒

蟬薄輕梳鬢螺香淺画眉西湖人道似西施人似西
施濃淡更相宜畫燭催歌板飛花上舞衣殷勤猶
勸玉東西不道使君腸斷已多時

楊時可

怨草迷南浦愁花傍短亭有情歌酒莫催行看取無
情花草也閑情舊日臨歧曲而今忍淚聽淮山何
在暮雲凝待倩春風吹夢過江城

李易安

清照

居全本壁作
碧瑣作瓊

天上星河轉人間簾幕垂涼生枕簟淚痕滋起解羅
衣聊問夜何其翠貼蓮蓬小金銷藕葉稀舊時天
氣舊時衣只有情懷不似舊家時

曾覲

壁月窺紅粉金蓮映綵山東風絲管滿長安移下十
洲三島在人間兩兩人初散厭厭夜向闌倦粧殘
醉怯輕寒手熬玉梅無緒倚闌干

呂居仁 本中

驛路侵斜月溪橋度晚霜短籬殘菊一枝黃正是亂
山深處過重陽旅枕元無夢寒更每自長只言江

左好風光不道中原歸思轉淒涼

丁酉清明

黃叔暘 昇

天上傳新火人間試袂衣定巢新燕覓香泥不為綉
簾朱戶說相思側帽吹飛絮憑欄送落暉粉痕銷
淡錦書稀怕見山南山北子規啼

嚴仁

柳陌通雲徑瓊梳啓翠樓桃花紙薄漬冰油記得年
時詩句為君留曉綠千層出春紅一半休門前溪
水泛花流流到西州猶是故家愁

蘇十能

江水粼粼碧雲山疊疊奇平生心事一鈎絲便是壺
中日月更何疑 文叔今方貴君房素自癡洛陽塵
土浣人衣爭似歸來雙足踏連漪

曾舜卿 按

桐葉涼生夜藕花香滿時幾多離思有誰知遙望盈
盈一水抵天涯 雨洒征衣淚月顰分鏡眉相逢又
是隔年期不似畫橋歸燕解于飛

傾盃令

呂聖求 渭老

楓葉飄紅蓮房肥露枕席嫩涼先到簾外蟾華如掃
枝上啼鴉催曉 秋風又送潘郎老小窓明疎螢淺

照登高送遠惆悵白髮至今未了

二

隔座藏鈎分曹射覆獨豔漸催三鼓箏按教坊新譜
樓外月生春浦 徘徊怎忍忙歸去怕明朝無情風
雨珍花美酒團坐且作樽前笑侶

鋸解令

楊無咎

送人歸後酒醒時睡不穩衾翻翠縷應將別淚灑西
風盡化作斷腸夜雨 卸帆浦溆一種悽惶兩處尋
思卻是我無情便不解寄將夢去

尋芳草 琳作王

辛棄疾

居金本時作池
月顰分鏡眉作
顰分月鏡眉

有得許多淚更閒卻許多鴛被枕頭兒放處都不是
舊家時怎生睡更也沒書來那堪被鴈兒調戲道
無書卻有書中意排幾箇人人字

慶同天

張先

海宇稱慶復生元聖風入南薰拜恩遙闕衣上曉色
猶春望堯雲游鈞廣樂人疑夢仙聲共日轉旗光
動無疆聖算何待祝華封與天同

天下樂

楊無咎

雲後雨兒雨後雪鎮日價長不歇今番為寒忒太切
和天地也來厮斃睡不着身心自暗擷况味憑誰

補鈔評花仙館校本

居金本堂作些

說枕衾冷得渾似鉄祇心頭些箇熱

又一闕尾句云更闌夜永
獨自坐借影兒厮伴着

夢仙郎

張子野

江東蘇小天斜窈窕都不勝綵鴛嬌妙春艷上新粧
肌肉過人香佳樹陰陰池院華燈綉幔花月好豈
能長見離聚此生緣何計問高天

紅窓聽

晏同叔

淡薄梳粧輕結束天意與臉紅眉綠斷環書素傳情
久許雙飛同宿一向無端分比目誰知道風前月
底相看未足此心終擬覓鴛絃重續

記得香閨臨別語彼此有萬重心訴淡雲輕靄知多
少隔桃源無處 夢覺相思天欲曙依前是銀屏畫
燭宵長歲暮此時何計託鴛鴦飛去

上林春

十一月三十日見雪

東堂

毛滂

蝴蝶初翻簾綉萬玉女齊同舞袖落花飛絮濛濛長
憶着灞橋別後 濃香斗帳自永漏任滿地月深雲
厚夜寒不近流蘇祇憐他後庭梅瘦

望遠行

李珣

春日遲遲思寂寥行客閑山路遙瓊窓時聽語鴛鴦嬌

居全本逐字下
空一格未註出

柳絲牽恨一條條 休暈繡罷吹簫貌逐花暗凋同
心猶結舊裙腰忍辜風月度良宵

二

露滴幽庭葉落時愁聚蕭娘柳眉玉郎一去負佳期
水雲迢遞寫書遲 屏半掩枕斜欹蠟淚無言對垂
吟蛩斷續漏頻移入窓明月鑒空帷

南唐李主

煜

居全本林作林

遶砌花光錦綉明朱扉鎮日長扃夜寒不去夢難成
爐香煙冷自亭亭 殘月抹陵砧不傳消息但傳情
黃金窓下忽然驚征人歸日二毛生

紅羅襖

周美成 邦彥

畫燭尋歡去，羸馬載愁歸。念取酒東壚，樽疊雖近採
花南浦。蜂蝶須知，自分袂天闊。鳴稀空懷。夢約心
期。楚客憶江籬。筭宋玉未必為秋悲。

恨歡遲

張尚書 行信

淡薄情懷淺，綴胭脂獨占江梅。最好是嚴凝苦寒天
氣，却是開時。也不許挑杏鬪妍，也不許雪霜相
欺。又只恐誰家一聲羌笛，落盡南枝。

恨來遲

顧堂詞 玉均

柳暗汀洲，最春深處。小宴初開，似泛宅浮家，水平風

軟。咫尺蓬萊，更勸君吸盡紫霞盃。醉看鸞鳳徘徊
正洞裏桃花，盈盈一笑，依舊伶才。

雨中花

程正伯 垓

聞說海棠開盡了，怎生得夜來一笑。顰綠枝頭落紅
點，裡問有愁多少。小院閉門春悄悄，禁不得瘦腰
如嬾。豈惹濃時，醪醑香處，試把菱花照。

二

卷地芳春都過了，花不語，人含笑。花與人期，人憐花
病，瘦似人多少。聞道重門深悄悄，愁不盡，露啼烟
娟。斷得相思，除非明月，不把花枝照。

居余本無恨
字空一格

語字下落對
字居金本補

千古都門行路能使離歌聲苦送盡行人花殘春晚
又到東君去 醉藉落花吹暖絮多少曲堤芳樹且
攜手留連良辰美景留作相思處

永叔

王逐客

百尺清泉聲陸續映瀟灑碧梧翠竹面千步迴廊重
重簾幙小枕歌寒玉 試展鮫綃看畫軸見一片瀟
湘凝綠待玉漏穿花銀河垂地月上攔杆曲

楊補之

自是雲濕雨潤消不解佯嗔偷悶傾坐精神故人情

居金本清作情

故作歡檢作穩

性眉際春生暈 語帶京華清更韻聽姪姁鶯喉嬌
稔別後相思心頭欲見覓箇燈花信

二

已是花魁柳冠更絕唱不容同伴画鼓低敲紅牙隨
應着箇人勾喚 漫引鶯喉千樣轉聽過處幾多嬌
怨換羽移宮偷聲減字不怕人腸斷

晏同叔

剪翠粧紅欲就折得清香滿袖一對鴛鴦睡未足葉
下長相守 莫傍細條尋嫩藕怕綠刺胃衣傷手可
惜許明月風露好恰在人歸後

居金本明月作
月明

茶瓶兒

元上

趙德莊

秀端

淡月華燈春夜送東風柳煙梅麝寶釵宮髻連嬌馬
似記得帝鄉游冶 悅親戚之情話况溪山坐中如
畫凌波微步人歸也看酒醒鳳鸞誰跨

寄李生

梁意娘

滿地落花鋪綉麗色着人如酒曉鶯窗外啼楊柳愁
不柰兩眉頻皺 閨山杳音信悄那堪是昔年時候
盟言辜負知多少對好景頓成消瘦

石次仲

孝友

相對盈盈一水多聲價聞名得字副能見也還拋棄

正金本開作
開副作剛

負了萬紅千翠 留無計來無計成何況味而今若
沒些兒事却枉了做人一世

鬢邊華

梅苑

失名

小梅香細艷淺過楚岸樽前偶見愛閑淡天與精神
青鬢開人醉眼 如今拋擲經春恨不見芳枝寄遠
向心上誰解相思賴長對粧樓粉面

留春令

黃魯直

庭堅

江南一鴈橫秋水嘆咫尺斷行千里回文機上字縱
橫欲寄遠憑誰是 謝客池塘春都未微微動短牆
桃李半陰綠暝却清寒是瘦損人天氣

畫屏天畔夢回依約十洲雲水手撚紅牋寄人書寫
無限傷春事 別浦高樓曾謾倚對江南千里樓下
分流水聲中有當日凭高淚

晏叔原 幾道

李之儀

夢斷難尋酒醒猶困那堪春暮香閣深沉紅窓翠暗
莫羨顛狂絮 綠滿當時携手路嬾見同歡處何時
却得低幃昵枕盡訴情千縷

浪淘沙

一名賣花聲
小說作曲入冥

李後主

南唐
李煜

簾外雨潺潺春意闌珊羅衾不暖五更寒夢裏不知

身似客一餉貪歡 獨自莫凭欄無限江山別時容
易見時難流水落花春去也天上人間

二

往事只堪哀對景難排秋風庭院蘚侵階一行珠簾
開不捲終日誰來 金釧已沉埋壯氣蒿萊晚涼天
靜月華開想得玉樓瑤殿影空照秦淮

永叔

把酒祝東風且共從容垂楊紫陌洛城東總是當年
攜手處遊遍芳叢 聚散苦匆匆此恨無窮今年花
勝去年紅可惜明年花更好知與誰同

萬恨苦綿綿舊約前懽桃花溪畔柳陰間幾度日高
春睡重繡戶深閑 樓外夕陽閑獨自憑欄一重水
隔一重山水闊山高人不見有淚無言

王介甫

伊呂兩衰翁歷遍窮通一為釣叟一耕傭若使當時
身不遇老了英雄 湯武偶相逢風虎雲龍興王祇
在笑談中直至如今千載後誰與爭功

晏叔原

小綠間長紅露晞烟叢花開花落昔年同唯恨花前

攜手處往事成空 山遠水重重一咲難逢已拚長
在別離中霜鬢知他從此去幾度春風

張子野

腸斷送韶華為惜楊花雪毳搖曳逐風斜容易着人
容易去飛過誰家 聚散苦咨嗟無計留他行人灑
淚滴流霞今日畫堂歌舞地明日天涯

曲入冥

趙旭

握管淚盈眸欲寫還休人間情是阿誰留千丈游絲
不落地風外悠悠 烟雨晚山稠人在西樓幾行候
鴈下汀洲一箇思鄉寒夜客萬種離愁

美人舞

柳耆卿

有箇人人飛燕精神急
鏘環珮上華裯
促拍盡隨紅袖舉
風柳腰身
敔敔輕裙妙盡尖
新曲終獨立斂
香塵應是西施嬌
困也眉黛雙顰

探春

蘇東坡

昨日出東城
試探春情
牆頭紅杏暗如傾
檻內群芳
芽未吐
早已回春
綺陌斂香塵
雪霽前村
東君用意
不辭辛料
想春光先到處
吹綻梅英

春情

康伯可

感損遠山眉
幽怨誰知
羅衾滴盡淚
胭脂夜過春寒

愁未起
門外鴉啼
惆悵阻佳期
人在天涯
東風頻動小桃枝
正是銷魂時候也
撩亂花飛

二

愁撚斷
釵金遠信
沉沉秦箏調
怨不成音
郎馬不知何處也
樓外春深
好夢已難尋
夜夜餘衾目窮千里
正傷心
記得當初郎去路
綠樹陰陰

賀方回

一葉忽驚秋
分付東流
殷勤為過白蘋洲
洲上小樓
簾半掩
應認歸舟
回首戀朋遊
迹去心留
歌塵蕭散
夢收
惟有樽前曾見月
相伴人愁

朱希真 教儒

風約雨橫江秋滿蓬窓箇中物色儘淒涼更是行人
行未得獨繫歸艎擁被換殘香黃卷堆床開愁展
恨剪思量伊是浮雲儂是夢休問家鄉

石孝友

居全本掩作
俺遂作蓬

好恨這風兒催掩分離船兒吹得去如飛因甚眉兒
吹不展耐風兒不是這船兒載起相思船兒若
念我孤恁載取人人蓬底睡感謝風兒

杜壽域 安世

後約無憑往事堪驚秋蛩永夜遶床鳴展轉尋思求

好夢還又難成 愁思若浮雲消盡重生佳人何處
獨盈盈可惜一天無用月空照為誰明

己未除夜

周少隱 紫芝

江上送年歸還似年時屠蘇休恨到君遲覓得醉鄉
無事處莫放愁知紅炮一燈垂應笑人衰鶴長鳧
短怨他誰明日江樓春到也且醉南枝

程正伯 孩

山盡兩溪頭水合天浮行人莫賦大江愁且是芙蓉
城下水還送歸舟魚鴈兩悠悠烟斷雲收誰教此
水却西流載我相思千點淚還與青樓

居全本此作無

花霧漲冥冥欲雨還晴薄羅衫子正宜春無柰今宵
鴛帳裏身是行人別酒不須斟難洗離情絲鞞如
電紫騮鳴腸斷畫橋芳草路月曉風清

過龍門

史邦卿 遠祖

醉月小紅樓錦瑟瑩篔簹夜來風雨晚來收幾點落花
饒柳絮同為春愁寄信問晴鷗誰在芳洲綠波寧
處有蘭舟獨對舊時携手地情思悠悠

陸務觀 游

綠樹暗長亭幾把離尊陽關常恨不堪聞何況今朝

秋色裡身是行人清淚浥羅巾各自消魂一江離
恨恰平分安得千尋橫鐵鎖截斷烟津

劉後村 克莊

紙帳素屏遮全似僧家無端霜月闌白紗鷺起玉闌
征戍夢幾疊寒砧歲晚客天涯鬢髮蒼華今年衰
似去年此詩酒近來都減價孤負梅花

虞美人草

辛幼安 弃疾

不肯過江東玉帳匆匆只今草木憶英雄唱着虞兮
當日曲便舞春風兒女此情同往事朦朧湘娥竹
上泪痕濃舜目重瞳堪痛恨羽又重瞳

夜泊廬山

徐淵子以道鶴林玉露

風緊浪花生蛟吼鼉鳴家人睡着怕人驚只有一翁
捫蝨坐依約三更 雪又打殘燈欲暗還明有誰知
我此時情獨對梅花傾一盞早又詩成

周晉仙韓文璞

還了酒家錢便好安眠大槐宮裏着貂蟬行到江南
知是夢雪壓漁船 盤礴古梅邊也是前緣鷺黃雪
白又醒然一事最奇君聽取明日新年

張天雨貞居詞云晉仙宋南渡來名士一號方泉老人此詞鮮于困學每愛書之

趙子發君舉

居金本律作律

約素小腰身不柰傷春踈梅影下晚粧新媚媚娉娉
何樣似一縷輕雲 歌巧動朱唇字字嬌真桃花深
處一通津悵望瑤臺清夜月還送歸輪詞話約字清妙遠勝東字
侯彥周真
曉日掠輕雲霜瓦鱗鱗六朝山色儼如新家在洞庭
南畔住身在江濱 華髮照烏巾無意尋春空將兩
袖拂飛塵可惜梅花開近路惱盡行人

柳

趙介之師俠

搖曳萬絲風輕染烟濃鵝黃初褪綠茸茸雨洗雲嬌
春向晚雪絮空濛 車馬灞橋中別緒匆匆只知攀

折怨西東不道曉風殘月岸離恨無窮

己亥三月一日

黃叔暘昇

鶯蝶太匆匆惱殺衰翁牡丹開盡狀元紅俯仰之間
增感槩花事成空垂柳綠陰中粉絮濛濛多情多
病轉踈慵不是東風孤負我我負東風

登秋屏閣浩然有歸老

興之

洪覺範

冷齋夜話

城裏久偷閑塵浣雲衫此身已是再眠蚕隔岸有山
歸去好萬壑千岩霜曉更凭欄減盡晴嵐微雲生
處是茅菴試問此生誰作伴彌勒同龕

春雨

蕭漢傑

濕逗晚香殘春淺春寒洒窓填戶着幽蘭慘慘悽悽
仍滴滴做出多般和霰撒珠盤枕上更闌芭蕉怨
曲帶愁彈綠遍階前苔一片曉起誰看

感舊

幻卿能改齋謾錄

極目楚天空雲雨無蹤謾留遺恨鎖眉峯自是荷花
開較晚辜負東風客館嘆飄蓬聚散忽忽揚鞭那
忍驟花驄望斷斜陽人不見滿袖啼紅

二

簾外五更風吹夢無蹤畫樓重上與誰同記得玉釵
斜撥火寶篆成空回首紫金峯雨潤烟濃一江春

浪醉醒中留得羅襟前日淚彈與征鴻

鄭意娘揚思厚妻

盡日倚危欄觸目凄然乘高望處是居延忍聽樓頭
吹盡角雪滿長川荏苒又經年暗想梁園與民同
樂五門南僧院仍存宣政字不見鰲山

豐城道中

金淑柔女郎

雨溜和風鈴滴滴丁丁釀成一枕別離情可惜當年
陶學士孤負郵亭邊鴈帶新聲音信難憑花鬢偷
數卜歸程料得到家秋正晚菊滿寒城

古抗雜記

玉英紫姑蓬萊仙人

塞上早春時煖律猶微仰舒金線柳田堤料得江鄉
應更好閑盡梅溪盡漏漸遲遲愁損香肌幾回無
語斂雙眉凭徧闌干十二曲日下樓西

夷堅支志

感舊

鄧光薦別

踈雨洗天清枕簟涼生井梧一葉做秋聲誰念客身
輕似葉千里飄零夢斷古臺城月淡潮平便須携
酒訪新亭不見當時王謝宅烟草青青

端正好

杜壽域安世

檻菊愁烟霑秋露天微冷雙燕辭去月明空照別離
苦透素光穿朱戶夜來西風彫寒樹凭欄望迢遙

長路花箋寫就此情緒特寄傳知何處

二

每逢春來長如病玉容瘦薄妝相稱雙歡未經成孤
另柰後約全無定 衆禽啾唧聲愁聽相思事多少
春恨孤眠帳外銀缸耿透一點爐烟暝

三

野禽林栖啾唧語閑庭院殘陽將暮蘭堂靜悄珠簾
窈想玉人歸何處 喜鵲幾回薄無據愁都在雙眉
頭聚淒涼方感孤鴛侶對夜永成愁緒

戀繡衾

朱希真 敦儒

木落江南感未平雨瀟瀟衰鬢到今甚處是長安路
水連空山鎖暮雲 老人對酒今如此一番新殘夢
暗驚又是灑黃花泪問明年此會怎生

陸放翁 游

長夜偏冷添被兒枕頭兒移了又移我自是笑別人
却元來當局者迷 如今只恨因緣淺也不會死恨
伊合手下安排了那筵席湏有散時

二

病來自是於春嬾但別院笙歌一片蛛絲網遍玻璃
盞更問舞裙歌扇 有多少鶯愁蝶怨甚夢裏春歸

不管楊花也咲人情淺故故沾衣撲面

史達祖

黃華驚破九日愁正寒城風雨怨秋愁便是秋心也
又隨人來到畫樓因緣幸自天安頓更題紅不禁
御溝待寫與相思話為怕奴顛顛且休

杏花天

朱希真

淺春庭院東風曉細雨打鴛鴦寒峭花尖望見秋千
了無路踏青鬪草人別後碧雲信杳對好景愁多
歡少等他燕子傳音花紅杏開也未到

吳子和

居金本花作耗
開也作花開

悶來憑得闌干暖自手引朱簾高捲桃花半露胭脂
面芳草如茵乍展煙光散湖光潋灩映綠柳黃鸝
巧轉遙山好似宮眉淺人比遙山更遠

史邦卿

細風微月垂楊院記年少春愁一點棲鶯未覺花梢
顫踏損殘紅幾片長安共日邊近遠况老少芳情
漸減屏山幾夜春寒淺却怕因而夢見

春田

謝勉仲

海棠枝上東風軟蕩霽色煙光弄暖雙雙燕子歸來
晚零落紅香過半琵琶淚搵青衫淺念事與危腸

居金本危作迴

易斷餘醒未解扶頭懶屏裏瀟湘夢遠

杏花風

稼軒

辛棄疾

軟波拖碧蒲芽短
画樓外花晴柳煖
今年自是清明晚
便覺芳情較懶
春衫瘦東風剪剪
過花塢香吹醉面
歸來立馬斜陽岸
隔水歌聲一片

月照梨花

一作怨
王孫

張子野

先

花暮春去都門東路嘶馬將行
江南江北十里五里
郵亭幾程程
高城漸遠重凝睇
烟容細碧空無際
不知今夜何處冷落
衾幘欲眠時

陸務觀

游

霽景風軟烟江春漲
小閣無人繡簾半上
花外姊妹相呼約
擗蒲脩蛾忘了
章臺樣細思一餉
感事添惆悵
青酥臂玉消減
擬覓雙魚情傳書

二

悶已縈損那堪多病
幾曲屏山伴人畫
靜梁燕催起
猶慵換薰籠
新愁舊恨何時盡
漸凋綠鬢
小雨知花信
芳牋寄與何處
繡閣珠櫳柳陰中

黃玉林

昇

晝景方永重簾花影好
夢猶酣鶯聲喚醒
門外風絮交飛送春歸
脩蛾盡了無人問
幾多別恨
淚洗殘

粧粉不知郎馬何處嘶烟草萋迷鷓鴣啼

春暮

李易安 清照

夢斷漏悄愁濃酒惱寶枕生寒翠屏向曉門外誰掃
殘紅夜來風 玉簫聲斷人何處春又去忍把歸期
負此情此恨此際擬託行雲問東君

二

帝里春晚重門深院草綠堦前暮天鴈斷樓上遠信
誰傳恨綿綿 多情自是多沾惹難拚捨又是寒食
也鞦韆巷陌人靜皎月初斜浸梨花

怨王孫 賞荷

湖上風來波浩渺秋已暮紅稀香少水光山色與人
親說不盡無窮好 蓮子已成荷葉老清露洗蘋花
汀草眠沙鷗鷺不回頭似應也恨人歸早

首句復雅歌詞作
雲鎖重樓簾幙曉

憶王孫 絕筆

周紫芝

梅子青時春漸老紅滿地落花誰掃舊年池館不歸
來又綠盡今年草 思量千里鄉關道山共水幾時
得到杜鵑只解怨殘春也不管人煩惱

望江南

一名夢遊仙
江南江南好

李後主

南唐
李煜

多少恨昨夜夢魂中還似舊時遊上苑車如流水馬

如龍花月正春風 多少淚斷臉復橫 願心事莫將
如淚滴鳳笙 休向月時吹腸斷更無疑

二

閑夢遠南國正芳春 船上管絃江面綠 滿城飛絮混
輕塵 愁殺看花人 閑夢遠南國正清秋 千里江山
寒色遠 蘆花深處泊孤舟 笛在月明樓

永叔

江南蝶斜日一雙雙 身似何郎全傅粉 心如韓壽愛
偷香 天賦與輕狂 微雨後薄翅膩烟光 繞伴遊蜂
來小院 又隨飛絮過東牆 長是為花忙

又

錢氏私志

江南柳葉細未成 陰人為絲輕 那忍折鶯嬌枝嫩 不
勝吟留與待春深 十四五閑抱琵琶尋 堦上亂錢
堦下走 那時相見已留心 何況到如今

王君玉琪

江南柳烟穗拂人輕 愁黛空長描不似 舞腰雖瘦學
難成 天意與風情 攀折處離恨幾時平 已縱柔條
維客棹更飛狂絮撲旗亭 三月亂啼鶯

二

江南酒何處味偏濃 醉卧春風深巷裏 曉尋香旆小

橋東竹葉滿金鍾 檀板醉人面粉生紅青杏黃梅
朱閣上鮒魚苦笋玉盤中醅酌任愁攻

三

江南燕輕颺繡簾風 二月池塘新社過六朝宮殿舊
巢空鷓鴣自西東 王謝宅曾在桂堂中烟逕落花
飛款款曉窓驚夢語忽忽偏占杏梁紅

居全本占作正

四

江南竹清潤絕纖埃深逕欲留隻鳳宿後庭偏映小
桃開風月影徘徊 寒玉瘦霜霰信相催粉泪空流
粧點在羊車曾傍翠枝來龍笛莫輕裁

居全本描作苗

五

江南草如種復如描深映落花鶯舌亂綠迷南浦客
魂銷日日闔青袍 風欲轉柔態不勝嬌遠翠天涯
經夜雨冷痕沙上帶昏潮誰夢與蘭茗

六

江南雨風送滿長川碧瓦烟昏沉柳岸紅綃香潤入
梅天飄灑正蕭然 昏與暮長在楚峯前寒夜愁歌
金帶枕暮江深閉木蘭船烟泪遠相連

七

江南水江路轉平沙雨霽高烟收素練風晴細浪吐

寒花迢遞送星槎 名利客飄泊未還家
西塞前山漁唱遠 洞庭波上鴈行斜
征棹宿天涯

八

江南岸雲樹半晴陰 帆去帆來天亦老
潮生潮落日西沉 南北別離心
興廢事千古一沾襟 山下孤烟
漁市遠柳邊疎雨酒家深 行客莫登臨

九

江南月清夜滿西樓 雲葉開時冰吐鑑
浪花深處玉沉鈎 圓缺幾時休
星漢迥風露入新秋 丹桂不知
搖落恨素娥應信別離愁 天上共悠悠

十

江南雪輕素剪雲端 瓊樹忽驚春意早
梅花偏覺曉香寒 飄颺褊清歡
蟾玉迥清夜好重看 謝女聯詩
翠幕子猷乘興泛平瀾 空惜舞英殘

與龍靚

張子野先

青樓宴靚女薦瑤杯 一曲白雲江月滿
除天拖練夜潮來 人物悞瑤臺
醺醺酒拂上上雙腮 媚臉已非
朱淡粉香紅全勝雪籠梅 標格外塵埃

閨情

香閨內空自想佳期 獨步花陰情緒亂
謾將珠泪兩

居全本翠字上
空一字未註出

行垂勝會在何時 懨懨病此夕最難持一點芳心
無托處茶蘼架上月遲遲惆悵有誰知

周美成 邦秀

遊妓散獨自遠回堤芳草懷煙迷水曲密雲銜雨暗
城西九陌未霑泥 桃李下春晚未成蹊牆外見花
尋路轉柳陰行馬過鶯啼無處不悽悽

九日雨奉教撰

康伯可 與之

重陽日陰雨四郊垂戲馬臺前泥拍肚龍山會上水
平臍直浸到東籬 茱萸胖菊蕊濕滋滋落帽孟嘉
尋菊笠休官陶令覓蓑衣兩箇一身泥

唐金本詳作叫

梅花 大石

梅花好依約透春光記得佳人初睡起巧臨鸞鑑試
新粧粉面鬪瓊芳 江亭上遠樹嗅清香擬把一枝
傳信去不知何處是蘭房獨自暗淒涼

夜泊龍橋灘前遇雨作

程正伯 垓

蓬上雨蓬底有人愁身在漢江東畔去不知家在錦
江頭烟水兩悠悠 吾老矣心事幾時休沉水熨香
年似日薄雲垂帳夏如秋安得小書舟

石次仲 考友

山又水雲巘帶風灣斷鴈飛時天措水亂鴉啼處日

唐金本指作拍

街山疑在畫圖間 人漸遠遊子損朱顏別淚空沾
雙袖濕春心不放兩眉閑此去幾時還

盧申之

疎雨過芳節到戎葵纏臂細交紋線縷稱身初試碧
綃衣閑步小亭池 花下意脉脉有誰知試把花梢
和恨教因看蝴蝶著雙飛凝扇立多時

壽張儀真

王楙野客
叢書

三傑後福壽兩無涯食乳相君功未既媿眉京兆春
方滋富貴莫推辭 門兩戟卻棹一綸絲尊菜秋風
鱸膾美桃花春水鯪魚肥笑傲雲谿濱

酬梓潼婁道明侍兒

洞賓 呂巖

瑤池上瑞霧藹群仙素練金童鏘鳳板青衣玉女肅
笙鷺身在大羅天 沉醉處漂渺玉京仙唱徹步虛
清燕罷不知今夕是何年海水又桑田

蔡真人

闌干曲紅颺繡簾旌花嫩不禁纖手捻被風吹去意
還驚眉黛感山青 鏗鐵板閒引步虛聲塵世無人
知此曲却騎黃鶴上瑤京風冷月華清

陳東靖康間嘗飲於京師酒樓有倡打坐而歌者
東不顧倡去倚闌獨立歌罷得數
人製曰上清蔡真人也歌罷得數
錢即下樓亟遣僕追之已失矣

居金本仙作山

居金本飲作飯

居金本環作搖

海山記隋場帝

湖上柳烟裏不勝摧宿霧洗開明媚眼東風搖弄好腰肢烟雨更相宜環曲岸陰覆畫橋低線拂行人

春晚後絮飛晴雪煖風時幽意更依依

青鎮江南名畧耶因留此一閱以祛後人之惑云
鎮南八閩按段安節樂府雜錄云望江南李德裕名亦曰夢江南據此則隋時初無此調也且曲詞畧不類隋人語豈其劉斧虛構為者

諭新及第友人

古今詞話無名氏

這癡驥休恁淚連連他是霸陵橋畔柳千人攀了到

君攀剛甚別離難荷上露莫把作珠穿水性本來

居金本地作也

無定度這邊圓了那邊圓終是不心堅

於中好

楊元咎

墻頭艷杏花初試遠珎叢細接紅葢欲知占盡春明媚悄無意看桃李持盃準擬花前醉早一葉兩葉飛墜晚來旋旋深無地更聽得東風起

二

濺濺不住溪流素憶曾記碧挑紅露別來寂寞朝朝暮恨遮亂當時路仙家豈解空相悞嗟塵世自難知處而今重與春為主儘浪蕩浮花妬

居金本亂作斷

江月晃重山雪意

陸游

芳草洲前道路夕陽樓上攔干碧雲何處望歸鞍從
軍客耽樂不思還 洞裏仙人種玉江邊禁客滋蘭
鴛鴦沙煖鵲鴿寒菱花晚不柰髮毛斑

初到嵩山作

元遺山

塞上秋風鼓角城頭落日旌旗少年鞍馬適相宜從
軍樂莫問所從誰 候騎繞通冀北先聲已動遼西
歸期猶及柳依依春閨月紅袖不須啼

步虛詞

李衛公

仙女侍董雙成桂殿夜寒吹玉笙曲終却從仙官去
萬戶千門皆月明 河漢女玉鍊顏雲輶往往到人

唐金太鍊作鍊

間九霄有路去無跡裊裊天風吹佩鬋

金錯刀

又名醉
瑶瑟

馮延巳

雙玉斗百瓊壺佳人歡飲咲喧呼麒麟欲盡時難偶
鷗鷺何猜興不孤 歌婉轉醉糝糊高燒銀燭卧流
蘇只銷幾覺慵騰睡身外功名任有無

唐金太鍊
夫著者姓名

日融融草芊芊黃鶯求友啼林前柳條裊裊拖金線
花蓋茸茸簇錦毡 鳩逐婦燕穿簾狂蜂浪蝶相翩
翩春光堪賞還堪翫惱殺東風悞少年

塗值賈似道

葉李太

余歸路君來路天理昭昭胡不悟公田閑會竟何如
子細思量真自誤 雷州戶岷州戶人生會有相逢
處客中邂逅乏蒸羊聊贈一篇長短句

亭前柳

朱雍

拜月南樓上面嬋娟恰對新粧誰凭欄干處笛聲長
追往事遍淒涼 看素質臨風消瘦盡粉痕輕依舊
真香蕭灑春塵境過橫塘渡清影在回廊

二

竚立東風裏放纖手淨試梅粧眉暈輕輕畫遠山長
添新恨更淒涼 嘗憶驛亭人別後尋春去盡是幽

香歸路臨清淺在寒塘同水月照虛廊

三

養就元霜圃問東君曾放瑤英回首藍橋路遍瓊城
橫斜影照人明 飄香信玉溪仙佩晚同新月步入
西清冰質枝頭裊更輕盈分春色贈雙成

趙介之 坦師 菴伏

晚秋天過暮雨雲容斂月澄鮮正風露淒清處砌蛩
喧更黃葉舞翩翩 念故里千山雲水隔被名韁利
鎖縈牽莫作悲秋意對樽前同樂太平年

鼓笛令

黃魯直 庭堅

瘦字上落清
字居金本補

居金本清香
作消息

寶犀未解心先透惱殺人遠山微皺意淡言踈情寂
厚枉教作着行宮柳 小雨勒花時候抱琵琶為誰
瘦翡翠金籠思珎偶忽拚與山鷄儂恁

金蓮遶鳳樓

宋徽宗

絳燭朱籠相隨映馳繡轂塵清香襯萬金光射龍軒
瑩遠端門瑞雷輕振 元宵為開聖景嚴敷坐觀燈
錫慶帝家華英乘春興寰珠簾望堯瞻舜

睿恩新

晏同叔 珠

芙蓉一朵霜秋色迎曉露依依先折似佳人獨立傾
城傍朱檻暗傳消息 靜對西風脉脉金藥綻粉紅

如滴向蘭堂莫厭重新免清夜微寒漸逼

二

紅絲一曲傍階砌珠露下獨呈纖麗剪鮫綃碎作香
英粉彩線簇成嬌藥 向晚群花新悴放朵朵似延
秋意待佳人挿向釵頭更裊裊低臨鳳髻

玉樓人

去年尋處曾持酒又還是向南枝見後宜霜宜雪精
神沒些兒風味減舊 先春似與群芳鬪暗度香不
待頻嗅有人咲折歸來玉纖長儘露羅袖

憶人人 梅

居金本新悴
作先解

居金本暗度
作度暗

居金本憶人
人作憶達人

NATIONAL CENTRAL LIBRARY, TAIWAN

居全本無作莫

密傳春信微粧曉景淡竚香苞欲綻臨風雖未吐芳
心柰暗露盈盈粉面何人月下一聲長笛即是飛
英亂憑欄無惜賞芳姿更莫待傾筐已滿

又

居全本漏作滿

前村滿雪難尋幽艷無柰清香漏綻烟稍霜萼出墻
時似暗妬壽陽粧面幽香浮動無緣攀賞但只心
勞魂亂不辭他日醉瓊姿又只恐陰成子滿

河傳

温飛卿 庭筠

湖上閒望雨蕭蕭烟浦花橋路遙謝娘翠蛾愁不銷
終朝夢魂迷晚潮蕩子天涯歸棹遠春已晚鷺語

空腸斷若耶溪溪水西柳堤不聞郎馬嘶

二

江畔相喚曉粧鮮仙景箇女採蓮請君莫向那岸邊
少年好花新滿船紅袖搖曳逐風暖垂玉腕腸向
柳絲斷浦南歸浦北歸莫知晚來人已稀

三

同伴相喚杏花稀夢裏每愁依遠仙客一去燕已飛
不歸泪痕空滿衣天際雲鳥引情遠春已晚烟靄
渡南苑雪梅香柳帶長小娘轉令人意傷

李詢 詢

去去何處迢迢已楚山水相連朝雲暮雨依舊十二
峯前猿聲到客船 愁腸豈異丁香結因離別故國
音書絕想佳人花下對明月春風恨應同

二

春暮微雨送君南浦愁斂雙蛾落花深處啼鳥似逐
離歌粉檀珠淚和 臨流更把同心結情哽咽後會
何時節不堪回首相望已隔汀洲榜聲幽

孫光憲

風颭波斂團荷閃閃珠傾露點木蘭舟上何處吳娃
越艷藕花紅照臉 大堤狂殺襄陽客烟波隔渺渺

湖光白身已歸心不歸斜暉遠汀鷓鴣飛

二

太平天子等閑遊戲疏河千里柳如絲隈倚淥波春
水長淮風不起 如花殿脚三千女爭雲雨何處留
人住錦帆風烟際紅燒空魂迷大業中

三

花落烟薄謝家池閣寂寞春深翠娥輕斂意沉吟沾
襟無人知此心 玉爐香斷霜灰冷簾鋪影梁燕歸
紅杏晚來天空悄然孤眠枕檀雲髻偏

顧夔

燕颺晴景小窓屏暖鴛鴦交頸菱花掩却翠鬟歌慵
整海棠簾外影 繡幃香斷金鷄鵲無消息心事空
相憶倚東風春正濃愁紅泪痕衣上重

二

棹舉舟去波光渺渺不知何處岸花汀草共依依雨
微鷓鴣相逐飛 天涯離恨江聲咽啼猿切此意向
誰說艤棹撓獨無慘魂銷小鑪香欲焦

常莊

何處烟雨隋堤春暮柳色葱蘢畫橈金縷翠旗高颺
香風水光融 青娥殿脚春粧媚輕雲裏綽約司花

妓江都宮闕清淮月映迷樓古今愁

二

春晚風暖錦城花滿狂殺遊人玉鞭金勒尋勝馳驟
輕塵惜良辰 翠娥爭勸臨卣酒纖纖手拂面垂絲
柳歸時烟裏鐘鼓正是黃昏暗銷魂

三

錦浦春女繡衣金縷霧薄雲輕花深柳暗時節正是
清明雨初晴 玉鞭魂斷烟霞路鶯鶯語一望巫山
雨香塵隱映遙見翠檻紅樓黛眉愁

顧曼

曲檻春晚碧流紋細柳揚絲軟露花鮮杏枝繁鶯轉
野蕪平似剪直是人間到天上堪遊賞醉眼疑屏
障對池塘惜韶光斷腸為花須盡狂

閻選

秋雨秋雨無晝無夜滴滴霏霏暗燈涼簟怨分離妖
姬不勝悲西風稍急喧窓竹停又續膩臉懸雙玉
幾迴邀約鴈來時遠期鴈歸人不歸

張泌

渺莽雲水惆悵暮帆去程迢遞夕陽芳草千里萬里
鴈聲無限起夢魂悄斷烟波裏心如醉相見何處

是錦屏香冷無睡被頭多少泪

二

紅杏交枝相映密密濛濛一庭濃豔倚東風香融透
簾櫳斜陽似共春光語蝶爭舞更引流鶯妬魂銷
千片玉樽前神仙瑤池醉暮天

薛昭蘊

秋光滿目風清露白蓮紅水綠何處夢迴弄珠拾翠
盈盈倚蘭橈眉黛蹙採蓮調穩聲相續吳兒伴侶
倚棹吳江曲驚起暮天幾雙交頸鴛鴦入蘆花深處
宿

居金本交亂
急漿均重二
字曲終人不
見亦重一句

美人

柳耆卿

淮岸漸晚園荷向背芙蓉深淺仙娥畫舸露影紅芳
交亂難分花與面採多乍覺輕舸滿呼歸伴急漿
烟村遠隱隱棹歌漸被蒹葭遮斷曲終人不見

秦少游

居金本限作乾
語字上有恨字
何字上有自字
早字上有卻字
不字上有都字

恨眉醉眼甚輕輕覩著神魂迷亂常記那回小曲闌
干西畔鬢雲鬆羅襪刻丁香咲吐嬌無限語軟聲
低道我何曾慣雲雨未諧早被東風吹散悶損人天
不管

呂聖求

居金本青作東
東君愛重三字

斜紅照水似晴空萬里明霞相倚逐伴笑歌小立綠
槐陰裡請沒此春風味紛紛覩着閑桃李淺淺深
深不滿遊人意幽艷一枝向晚重簾深閉是青君愛
惜底

妓行四者

雙花對植似黃封和了龍香難敵四和悶把琵琶試
把么絃輕輓筭行家纔認得四行朱窩戲捻骰兒擲
朱窩四隻惟有燒盆貢采偏難覓四隻滿江紅常把
骰子賭名那目字橫書謝三娘全不識俗云謝三娘不

夜行船

永叔

滿眼東風飛絮催行色短亭春暮落花流水草連雲
看看是斷腸南浦 檀板未終人去去扁舟在綠楊
深處手把金尊難為別更那堪亂鴛踈雨

別情

謝希深 絳

昨夜佳期初共鬢雲低翠翹金鳳尊前和咲不成歌
意偷轉眼波微送 草草不容成楚夢漸寒深翠簾
霜重相看送到斷腸時月西斜回樓鍾動

餘英溪泛舟

毛滂

弄水餘英溪畔綺羅香日遲風慢桃花春浸一篙深
畫橋東柳低烟遠 漲綠流紅空滿眼倚蘭橈舊愁

無限莫把鴛鴦鷺飛去要歌時少低檀板

揚元咎

怪被狂風相誤落輕帆暫停烟渚桐樹陰森茅簷滿
酒元是那回來處 相與狂朋沽醪醕聽胡姬隔白
言語我既痴迷君還留意明日慢移舡去

孫浩然

何處採菱歸暮隔宵烟菱歌輕舉白蘋風清月華寒
影朦朧半和梅雨 脉脉相逢心似許扶蘭棹黯然
凝竚遙指前村隱隱烟樹含情背人歸去

蒲江

居金本清作靜

居金本意作戀

居金本山作三

暖入新梢風又起，秋千外霧縈絲細。鳩侶寒輕燕泥香，重人在杏花窓裡。十二銀屏山四倚，春醪困共篝沉水。却說當時柳啼花怨，魂夢為君迢遞。

梁州令

柳耆卿

居金本情多
感作感多情

夢覺紗窓曉，殘燈掩然空照。因思人事苦縈牽，離愁別恨無限何時了。憐深定是心腸小，往往成煩惱。一生惆悵情多，感月不長圓，春色易為老。

東堂石榴

歐陽公

翠樹芳條颯灼灼，裙腰初染佳人。攜手弄芳菲，綠陰紅影共展雙紋簾。插花照影窺鸞鑑，只恐芳容減。

不堪零落春晚，青苔雨後深紅點。

二

一去門閑掩重來，却尋朱檻離離秋實。弄輕霜嬌紅脉脉，似見燕脂臉。人非事往空眉斂，誰把佳期賺。芳心只願長依舊，春風更放明年艷。

小山

晏幾道

莫唱陽關曲，淚濕當年金縷。離歌自古最銷魂，于今更在銷魂處。南樓楊柳多情緒，不繫行人住。人情切似飛絮，悠揚便逐春風去。

鷓鴣天

一名思佳客，剪朝霞，醉梅花，思越人。

永叔

居金本不註永叔二字

居金本切作卻

學畫宮眉細細長芙蓉出水鬪新粧只知一笑能傾
國不信相看有斷腸 雙黃鵠兩鴛鴦迢迢雲水恨
難忘早知今日長相憶不及從初莫作雙

輦路聞車中美人呼歐九醜面漢

寶轂雕輪狹路逢一聲腸斷秀幃中身無彩鳳雙飛
翼心有靈犀一點通 金作屋玉為籠車如流水馬
如龍劉郎已恨蓬山遠更隔蓬山十萬重

晏叔原 無道

彩袖慙慙捧玉鍾當年拚却醉顏紅舞低楊柳樓心
月歌盡桃花扇影風 從別後憶相逢幾回魂夢與

君同今宵剩把銀釭照猶恐相逢是夢中

三

陌上濛濛殘絮飛杜鵑花裡杜鵑啼年年底事不歸
去怨月愁烟長為誰 梅雨細曉風微倚樓人聽欲
沾衣故園三度群花謝曼倩天涯猶未歸

柳耆卿 永

吹破殘烟入夜風一軒明月上簾櫳因驚路遠人還
遠縱得心同寢未同 情脉脉意忡忡碧雲歸去認
無蹤只應曾向前生裏愛把鴛鴦兩處籠

妓館

東坡

咲撚紅梅鞞翠翹揚州十里寂妖嬈夜來綺席新曾
見撮得精神滴滴嬌 醉後眼舞時腰劉郎幾度欲
魂消明朝酒醒知何處腸斷雲間碧玉簫

春閨

秦少游 觀

枝上流鶯和淚聞新啼痕間舊啼痕一春魚鳥無消
息千里閨山勞夢魂 無一語對芳樽安排腸斷到
黃昏甫能炙得燈兒了雨打梨花深閉門

黃山谷 庭堅

節去蜂愁蝶不知曉庭環繞折殘枝自然今日人心
別未必秋香一夜衰 無閑事即芳期菊花須插滿

頭歸宜將酩酊酬佳節不用登臨送落暉

重九集句

塞鴈初來秋影寒霜林風過葉聲乾龍山落帽千年
事我對西風猶整冠 蘭委佩菊堪食人情世事半
悲歡但將酩酊酬佳節更把茱萸子細看

又

西塞山邊白鳥飛桃花流水鱖魚肥朝廷尚覓玄真
子何處如今更有詩 青箬笠綠蓑衣斜風細雨不
須歸人間底事風波險一日風波十二時

和韓持國瑞鷓鴣

范純仁 集本

臘後春前煖律催日和風軟欲開梅公方結客尋佳
景我亦忘形趁酒杯 添歌管續尊壘更闌燭短未
能回清歡莫待相期約乘興來時便可來

淚

小說山亭

碎似真珠顆顆停清如秋露臉邊傾酒時點盡湘江
竹感處曾摧數里城 思薄倖憶多情玉纖彈處暗
銷魂有時看了鮫綃上無限新痕壓舊痕

李元膺

寂寞秋千兩繡旗日長花影轉階遲燕鶯午夢週遮
語蝶困春遊落托飛 思往事入顰眉柳梢陰重又

當時薄情風絮難拘束飛過東牆不肯歸

賀方回 詩

居金本悵悵作
悵悵

悵悵離亭斷絲襟碧雲明月兩關心幾行書尾情何
限一尺裙腰瘦不禁 遙夜半曲房深有時昵語話
如今侵牕冷雨燈生暈泪濕羅牋楚調吟

過湖陰席上贈妓

蘇養直 序

梅妬晨粧雪妬輕遠山依約學眉青罇前無復歌金
縷夢覺空餘月滿林 魚與鴈兩浮沉淺顰微笑揔
關心相思恰似江南柳一夜春風一夜深

石孝友

居金本浮作況

收拾眉尖眼尾情當筵相見便相親偷傳翡翠歌中
意暗合鴛鴦夢裏身 雲態度月精神月流雲散兩
無情覺來一枕淒涼恨不敢分明說向人

二

收拾眉尖眼尾情夜來真箇夢傾城鴛鴦有底情難
盡蝴蝶無端夢易驚 愁一掬月三更綉幃應好睡
輕盈知他莫有相憐分展轉尋思直到明

陳子高 元

芳樹陰陰脫晚紅餘香不斷玉釵風薄情夫婿花相
似一片西飛一片東 金翡翠繡芙蓉從教纖媚笑

牀空揉藍衫子休無賴只與離人結短封

陳瑩中 雅

宜笑宜顰掌上身能歌能舞惡精神臉邊紅入莢花
嫩眉上青歸柳葉新 嬌不語易生嗔尊前還是一
番春深杯百罰重拚却只為妖嬈醉得人

自述

朱希真 教儒

我是清都山水郎天教分付與誰狂曾批給雨支風
券屢上留雲借月章 詩萬首酒千觴幾曾着眼看
侯王玉樓金闕慵歸去且插梅花醉洛陽

無名氏

居金本無批字
空一格券作卷

擬上高樓欲散愁，素愁隨我上高樓。經行眼底青山
徧點檢，簪邊白髮稠。歸去去，休休不成人。總待
封侯，蒼烟起處，孤雲白人，若如雲儘自由。

毛槩 并

別後應怜信息疎，西風幾度到庭梧。夜來縱有鴛鴦
夢，春去空餘蛺蝶圖。烟樹遠，塞鴻孤。垂垂天影帶
平蕪。憑誰寫此相思曲，寄與馮川鄭小奴。

上元

向伯恭 子謹

紫禁烟花一萬重，鼇山宮闕隱晴空。玉皇端拱彤雲
上，人物嬉遊陸海中。星轉斗，駕回龍。五侯池館醉

春風而今白髮三千丈，愁對寒燈數點紅。

秋意

辛幼安 葉疾

枕簟溪堂冷欲秋，斷雲依水晚來收。紅蓮相倚深如
怨，白鳥無言定自愁。書咄咄，且休休。一丘一壑也
風流。不知筋力衰多少，但覺新來懶上樓。

石次仲 孝友

家住東湖湖上頭，別來風月為誰留。落霞孤鶩齊飛
處，南浦西山相對愁。真了了，好休休。莫教辜負菊
花秋。浮雲富貴何須羨，畫餅聲名肯浪求。

二

一別音塵兩杳然不堪虛度菊花天
驚秋遠鴈橫斜字噪晚哀蟬
斷續絃好將息惡因緣
涼宵如水復如年
夢魂不怕風波險
飛過江西阿那邊

三

屏幃重重翠幕遮
蘭膏烟煖篆香斜
相思樹上雙栖翼
連理枝頭並蒂花
歌鳳髻
鞦韆烏紗雲慵雨困興
無涯箇中贏得平生事
免走烏飛一任他

旅中中秋

露葉披殘露顆傳
明星着地月流天
不辭獨賞窮今夜
應為相逢憶去年
辜窈窕負嬋娟
誰知兩處照

孤眠姮娥不怕離人怨
有甚心情獨自圓

和伯可

曾覲

桃李飄零春已深
可憐輕負惜花心
樽前賴有紅千疊
窗外休驚綠滿林
燈灼灼醉沉沉
笙歌叢裏酒頻斟
留歡且莫匆匆去
悵望春歸何處尋

趙寶文

秀瑞

未有年光好
破瓜綠珠嬌
小翠鬟了清肌
瑩骨能香玉
艷質英姿解語花
釵插鳳髻堆鴉
舞腰春柳愛風斜
有時馬上人
爭看擘破紅窓
新絳紗

思遠人

趙德麟

合時

居全本聲作聲

居全本英作吳
驚作鬢

素玉朝來有好懷一枝梅粉照人開晴雲欲向盃中
起春色先從臉上來 深院落小樓臺玉盤香篆看
徘徊須知月色撩人恨數夜春寒不下階

張安國 孝祥

居金本橋作樓

日日青樓醉夢中不知樓外已春濃杏花未遇踈疎
雨楊柳初搖短短風 扶盡鷓鴣花驄湧金門外小
橋東行行又入笙歌裏人在珠簾第幾重

情景

洪空同 珠

居金本下半闕
兩字下作相於
情知不作庭前
柳到得秋來日

意態嬋娟盡不如瑩然初日照芙蓉笑指瓊佩遺交
甫肯把文梭擲勿輿 花上蝶水中鳧芳心密意兩

日疎與本篇迥
異

銜香鳴鞭已過青樓曲不是劉郎定阮郎

六別
意

行盡春山春事空別愁離恨滿江東三更鼓潤官樓
雨五夜燈殘客舍風 寒淡淡曉朧朧黃鷄催斷丑
時鐘紫騮嚼勒金銜響衝破飛花一道紅

陸務觀 游

居金本龍作深

家住東吳近帝鄉平生豪舉少年場十千沽酒青樓
上百萬呼盧錦瑟傍 身易老恨難忘尊前贏得是
淒涼君歸為報京華舊一事無成兩鬢霜

段克己

千尺長虹下飲溪雨山環合翠屏圍非魚定不知魚
樂得鹿還生失鹿悲花藹藹絮霏霏東風不染鬢
邊絲百川尚有西流日一老曾無卻少時此溪西溪故也

段成己

豪氣消磨百尺樓憂來一日抵三秋故人落落晨星
少新塚累累塞草稠思往事去悠悠夕陽回首忽
西流葉聲偏入愁人耳聲本無心人自愁

壬辰豫章惠月佛閣

趙介之師依

烟靄空濛江上春夕陽芳草渡頭情飛紅已逐東風
遠嫩綠還因夜雨深情脉脉思沉沉捲簾愁與暮

雲平闌干倚徧東西曲杜宇一聲腸斷人

集句

趙獻之州中可

十頃平波溢岸青草香沙暖水雲晴輕衫短帽垂楊
裏楚潤相看別有情揮彩筆倒銀餅花枝照眼句
還成老來漸減金釵興回施春光與後生

集句

鄭明舉

欲把長繩繫日難紛紛從此見花殘休將世事兼身
事須看人間比夢間紅燭繼艷歌闌等閑留客却
成催勸君更盡一杯酒贏得浮生半日閑

車中

無名氏

紫陌朱輪去似流，丁香初結小銀鈎。凭闌試問秦樓路，瞥見纖纖十指柔。金約腕，玉搔頭。儘教人看却，佯羞欲題紅葉，無流水。別是桃源一段愁。

離別

鎮日無心掃黛眉，臨行愁見理征衣。樽前祇恐傷郎意，閣淚汪汪不敢垂。停寶馬，捧瑤卮。相對相勸忍分離，不如飲待奴先醉。圖得不知郎去時。

集曲名

朱子厚翰

燭影搖紅，玉漏遲。鵲橋仙子下瑤池。傾盃樂處笙歌沸，蘇幙遮闌笑語隨。醉落魄，阮郎歸。傳言玉女步

輕移鳳凰臺上深深頤，一日和鳴十二時。

李易安 清照

寒日蕭蕭上鎖窓，梧桐應恨夜來霜。酒闌更喜團茶苦，夢斷偏宜瑞腦香。秋已盡，日猶長。仲宣懷遠更淒涼。不如隨分尊前醉，莫負東籬菊蕊黃。

春溪

朱淑真

獨倚闌干晝日長，紛紛蜂蝶鬪輕狂。一天飛絮東風惡，滿路桃花春雨香。當此際，意偏傷。萋萋芳草傍池塘。千鍾尚欲偕春醉，幸有荼蘼與海棠。

寄李之問

聶勝瓊 京師名妓

玉慘花愁出鳳城，蓮花樓下柳青青。
清樽一曲陽關後，別箇人人第五程。
尋好夢，夢難成，況誰知我此
時情。枕前淚共芭蕉雨，隔箇窓兒滴到明。

張東父

寬盡香羅金縷衣，心情不似舊家時。
萬絲柳暗才飛絮，一點梅酸已着枝。
金底背玉東西，前歡贏得兩
相思。傷心不及風前燕，猶解穿簾度幕飛。

閨思

馬莊父

睡鴨徘徊煙縷長，日高春困不成粧。
步歌草色金蓮潤，撚斷花鬢玉笋香。
輕洛浦，笑巫陽，錦紋新織寄

檀郎兒家閉戶藏，春色戲蝶游蜂不敢狂。

茶瓶兒

悼亡

李元膺

去年相逢深院宇，海棠下，曾歌金縷歌。
罷花如雨翠羅衫上，點點紅無數。
今歲重尋攜手處，空物是人非春暮。
回首青門路，亂紅飛絮相逐東風去。

芳草渡

馮延巳

梧桐落，蓼花秋。烟初冷，雨纔收。
蕭條風物正堪愁。人去後，多少恨，在心頭。
燕鴻遠，菑笛悠。渺渺澄波一片山。
如黛月，如鈎筓，歌散夢魂斷，倚高樓。

張子野

雙門曉鎖響朱扉千騎擁萬人隨風鳥弄影画船移
歌時泪和別怨作秋悲 寒潮小渡淮遲吳越路漸
天涯宋玉臺上為相思江雲下日西盡鴈南飛

二

主人宴客玉樓西風飄雪忽霏唐昌花藥漸平枝
浮光裡寒聲聚隊禽栖 驚曉日喜春遲野橋時伴
梅飛山明日遠霽雲披溪上月堂下水併春輝

花草粹編卷之五終

除夕

朱敦儒

檢盡歷頭冬又殘愛他風雪耐他寒拖條竹杖家家
酒上箇盞與處處山 添老大轉痴頑謝天教我老
來閒道人還了鴛鴦債紙帳梅花醉夢間

蘇庠

楓落河梁野水秋淡烟衰草接郊丘醉眠小鷓黃茅
店夢倚高城赤葉樓 天杳杳路悠悠鈿箏歌扇等
閒休灞橋揚柳年年恨鴛浦芙蓉葉葉愁

思佳客 秋扇

高觀國

入手西風意已秋不須玉斧為重脩撲螢涼月沉沉

居全本馬莊父
歸思後接未教
儒等五首適合
明本目錄所載
鷓鴣天五十三
首惜全本蒲江
一首不全又落
茶瓶兒一首芳
草渡三首

花華科
月障面清歌澹澹秋 休棄置且遲留可憐又向篋
中收莫教暗損乘鸞女漢殿淒涼萬古愁

翦朝霞 牡丹

賀鑄

雲弄輕陰穀雨乾半垂油幕護殘寒化工著意呈新
巧翦刻朝霞釘露盤 揮錦繡掩芝蘭開元天寶盛
長安沈香亭子鉤蘭畔偏得三娘帶笑看

醉梅花 壽趙西林弟
子葉行之

蒲江

傳得西林一派清年華遂過欠官稱居無多地花常
好客有來時

補鈔評花仙館校本

花草粹編六卷目錄

小令

玉樓春 二十四

玉闌干

瑞鷓鴣 四十

鵲橋仙 八十

思歸樂 二

翻香冷

卓牌子慢

慶金枝

惜春容

西湖曲

鳳銜盃 四

南鄉子 十三

柳搖金

舞春風

市橋柳

遍地花 二

木蘭花 二十五

清江曲

送將歸

惜雙雙 二

折丹桂

明月掉孤舟

玉壺冰

虞美人 一三十

國家圖書館, NATIONAL CENTRAL LIBRARY, TAIWAN, R.O.C.

一斛珠 三

紅窓迥

家山好

梅花引

怨春風

陽臺夢

錦帳春 三

醉落魄 十三

夜遊宮 四

步蟾宮 五

掃地舞

惜瓊花

恨春遲

小重山 九二十

踏莎行 三十

轉調踏莎行 二 東坡引 三

惜分釵 一 紅英 五

龍惚清商怨 釵頭鳳 摘紅英 懶芳詞 九

壽山曲

感皇恩 二

散天花

南樓令

花草粹編六卷目錄終

花草粹編卷之六

朗陵外方陳耀文晦伯甫纂

小令

玉樓春 春暮

溫飛卿 庭筠

家臨長信往來道 乳燕雙雙拂烟草 油壁車輕金犢肥 流蘇帳曉春雞報 籠中嬌鳥暖猶睡 簾外落花閑不掃 衰桃一樹近前池 似惜容顏鏡中老

春睡

歐陽炯

日照玉樓花似錦 樓上醉和春色寢 綠楊風送小鶯聲 殘夢不成離玉枕 堪愛晚來韶景甚 寶柱秦箏

方再品青城紅臉笑來迎又向海棠花下飲

顧曼

月照玉樓春漏促颯颯風搖庭砌竹夢驚鴛被覺來
時何處管絃聲斷續惆悵少年遊冶去枕上兩娥
攢細綠曉鶯簾外語花枝背帳猶殘紅蠟燭

二

柳映玉樓春日晚雨細風輕烟草軟畫堂鸚鵡語雕
籠金粉小屏猶半掩香滅繡幃人寂寂倚檻無言
愁思遠恨即何處縱踈狂長使含啼眉不展

三

拂水雙飛來去燕曲檻小屏山六扇春愁凝思結眉
心綠綺懶調紅錦薦話別情多聲欲顫玉筋痕留
紅粉面鎮長獨立到黃昏却怕良宵頻夢見

魏承斑

寂寂畫堂梁上燕高卷翠簾橫數扇一庭春色惱人
來滿地落花紅幾片愁倚錦屏低雪面淚滴繡羅
金縷線好天涼月盡傷心為是玉郎長不見

與花蓋夫人夜起

避暑摩訶池上

孟昶

漫叟集詩話

冰肌玉骨清無汗水殿風來暗香滿簾開明月獨窺
人歌枕釵橫雲鬢亂起來瓊戶啓無聲時見踈星

居金本只恐一
句後有金為玉
兔如梭速一句

渡河漢屈指西風幾時來只恐流年暗中換

李後主 南唐李煜

晚粧初了明肌雪春殿嬪娥魚貫列笙歌吹斷水雲
閑重按霓裳歌遍徹臨春誰更飄香屑醉拍闌干
情未切歸時休照燭花紅待放馬蹄清夜月

春景

晏同叔 集珠

綠楊芳草長亭路年少拋人容易去樓頭殘夢五更
鐘花外離愁三月雨無情不似多情苦一寸還成
千萬縷天涯地角有窮時只有相思無盡處

詩眼云晏叔原見蒲傳正云綠楊芳草長亭路年少拋
未嘗作婦人語傳正云綠楊芳草長亭路年少拋

居金本無候
字空一格又
無之失二字

人容易去豈非婦人語乎晏曰公謂年少為何語
傳正曰豈不謂其所欲乎晏曰因公言遂曉樂天
詩兩句欲留所歡待富貴富貴不
來所歡去傳正笑而悞其言之失

晏叔原 幾道

雕鞍好為鶯花住占取東城南陌路儘教春思亂如
雲莫管世情輕似絮古來多被虛名誤寧負虛名
身莫負勸君頻入醉鄉來此是無愁無恨處

二

東風又作無情計艷粉嬌紅吹滿地碧樓簾影不遮
愁還是去年今日意誰知錯管春殘事到處登臨
曾費泪此時金盞直須深看盡落花能幾醉

當年信道情無價
桃葉尊前論別夜
臉紅心緒學梅
粧眉翠工夫如月
盡來時醉倒旗亭
下知是阿誰
扶上馬憶曾挑盡
五更燈不記臨時
多少話

永叔

風遲日媚烟光好
綠樹依依芳意早
年華容易即凋
零春色只宜長恨
少池塘隱隱鶯雷
曉柳眼未開
梅萼小樽前貪愛
物華新不道物新
人漸老

二

春山斂黛低歌扇
暫解吳鉤登祖宴
畫樓鐘動已魂

銷何況馬嘶芳草
岸青門柳色隨人
遠望欲斷時
腸已斷洛城春色
待君來莫到落花
飛似霰

三

洛陽正值芳菲節
穠艷清香相間發
游絲有意苦相
縈垂柳無端爭贈
別杏花紅處青山
缺山畔行人
山下歇今宵誰肯
遠相隨惟有寂寥
孤館月

四

殘春一夜狂風雨
斷送紅飛花落樹
人心花意待留
春春色無情容易
去高樓把酒愁獨
語借問春歸
何處所暮雲空闊
不知音惟有綠揚
芳草路

五

蝶飛芳草花飛路把酒已嗟春色暮當時枝上落殘
花今日水流何處去樓前獨遶鳴蟬樹憶把芳條
吹暖絮紅蓮綠芰亦芳菲不柰金風兼玉露

六

別後不知君遠近觸目淒涼多少悶漸行漸遠漸無
書水闊魚沉何處問夜深風竹敲秋韻萬葉千聲
皆是恨故歌單枕夢中尋夢又不成燈又燼

七

珠簾半下香銷印二月東風催柳信琵琶傍畔且尋

思鸚鵡前頭休借問鶯鶯過後生離恨紅日長時
添酒困未知心在阿誰邊滿眼泪珠言不盡

八

湖邊柳外樓高處望斷雲山多少路攔干倚遍使人
愁又是天涯初日暮輕無管繫狂無數水畔花飛
風裏絮筭伊渾似薄情郎去便不來來便去

九

東風本是開花信及至花時風更緊吹開吹謝苦忽
忽春意到頭無處問把酒臨風千萬恨欲掃殘紅
猶未忍夜來風雨轉離披滿眼淒涼愁不盡

妓館

妖冶風情天與措清瘦肌膚冰雪妬百年心事一宵
同愁聽鷄聲總外度 信阻青禽雲雨暮海月空鷺
人兩處強將離恨倚江樓江水不能流恨去

宋子京祁

東城漸覺風光好皺縠波紋迎客棹綠楊烟外曉雲
輕紅杏枝頭春意鬧 浮生長恨歡娛少肯愛千金
輕一笑為君持酒勸斜陽且向花間留晚照

劉圻父

今來古往長安道歲歲榮枯原上草行人幾度到江

濱不覺身隨楓樹老 蒲花易晚蘆花早客裏光陰
如過鳥一般垂柳短長亭去路不如歸路好

海棠

王晉卿說

錦城春色花無數排比笙歌留客住輕寒輕暖夾衣
天乍雨乍晴寒食路 花雖不語鶯能語莫放韶光
容易去海棠開遍月明前縱有千金無買處

長生芭蕉

仲殊僧祥

飛香漠漠簾帷暖一線水沉烟未斷紅樓西畔小欄
干盡日倚欄人已遠 黃梅雨入芭蕉晚鳳毛翠搖
雙葉短舊年春色舊年心留到如今春不管

居全本通作盡

居全本線作縷

立春日

毛澤民

小園半夜東風轉吹破冰池雲母面曉披闔闔見朝陽知向碧堦添幾線 小烟弄柳晴光暖殘雪禁梅香尚淺殷勤先拂舊東君多少韶華都借看

盱眙作

長安回首空雲霧春夢覺來無覓處冷烟寒食又黃昏數盡一堤楊柳樹 楚山照眼青無數淮口潮生催曉渡西風吹面立蒼茫欲寄此情無鴈去

春情

贈妓

王履道

安中陶朱新來

飛鴻只解留箏柱終寄青樓書不去手因春夢有携

時眼到花梢無着處 泥金小字回文句翠袖紅裙知在否欲尋楚館舊時雲看取高唐臺畔路

柳耆卿

永

閨風歧路連銀闕曾許金桃容易竊烏龍未睡定驚猜鴛鴦多言防漏泄 忽忽縱得憐香雪白隔殘烟簾映月別來也擬不思量爭奈餘香猶未歇

錢思公

惟演

城上風光鶯語亂城下烟波春拍岸綠楊芳草幾時休淚眼愁腸先已斷 情懷漸變成衰晚鸞鏡朱顏驚暗換往年多病厭芳樽今日芳樽惟恐淺

NATIONAL CENTRAL LIBRARY, TAIPEI

思公謫漢東日每酒闌歌此軌泣下有鄧王老姬
鶻鴻云先王將薨戒挽歌木蘭花引緋為送相公
其將亡乎果卒隋州鄧玉曲有帝鄉烟鎖春
愁故國山川空泪眼之句出侍兒小名錄

周美成

當時携手城東道月墮簷牙人睡了酒邊難使客愁
驚帳底不教春夢到別來人事如秋草應有吳霜
侵翠葆夕陽深鎖綠苔門一任盧郎愁裏老

二

桃溪不作從容住秋藕絕來無續處當時相俟亦闌
橋今日獨尋黃葉渡烟中列岫青無數鴈背夕陽
紅欲暮人如風後入江雲情似雨餘粘地絮

游寒溪改樂天詩

郭生志

鳥啼鵲噪昏喬木清明寒食誰家哭風吹曠野野錢
飛古墓纍纍春草綠棠梨花映白楊樹盡是死生
離別處冥漠重泉哭不聞蕭蕭暮雨人歸去

樂天詩首句云丘墟
郭門外寒食誰家哭

寒食

謝無逸

弄晴數點梨花雨門外畫橋寒食路杜鵑飛破草間
烟蛺蝶惹殘花底霧東君着意憐樊素一段韶華
都付與粧成不管露桃嗔舞罷從教風柳妬

杜郎中

安世

風解池水蟬翅薄庭樹枯枝翻翠萼背寒迎煖起偏
慵開捲珠簾凭盡閣晴景融融烟漠漠天際行人
乖信約病容先怕見春來長到恁時添瘦削

郭承禧 應祥

匆匆相遇匆匆去恰似當初元未遇生憎黃土嶺頭
塵強學章臺街裡絮雨荒三徑雲迷路總是離人
堪恨處從今對酒與當歌空惹離情千萬緒

石次仲 孝友

小桃破盡風前萼草草年華開過却十分清瘦有誰
知一點相思無處著書憑鴈字應難託花與泪珠

相對落萬紅千翠儘春光若比此情猶自薄

康伯可 與之

青牋後約無憑據誤我碧桃花下語誰將消息問劉
郎悵望玉溪溪上路春來無限傷情緒擬欲題詩
都付與東風吹落一庭花手把新愁無寫處

侯彥周 真

市橋燈火春星碎街鼓催歸人未醉半嗔還笑眼回
波欲去更留眉斂翠歸來短燭餘紅淚月淡天高
梅影細北風休遣鴈南來斷送不成今夜睡

春思

嚴次山 仁

春風只在園西畔
薺菜花繁胡蝶亂
水池晴綠照還空
香徑落紅吹已斷
意長翻恨遊絲短
盡日相思羅帶緩
寶奩明月不欺人
明日歸來君試看

紅梅

李易安

居全本紅梅一首
朱淑真作者
作詞

紅酥肯放瓊瑤碎
探着南枝開遍未
不知蘊藉幾多香
但見包藏無限意
道人憔悴春窓底
閑損攔干愁不倚
要來小着便來休
未必明朝風不起

惜春容

侑浩翁即玉樓春

盼盼

居全本易作著

少年看花雙鬢綠
走馬章臺絃管逐
而今老更惜花深
終日看花花不足
坐中美女顏如玉
為我同歌

金縷曲歸時壓得帽簷欹
頭上春風紅簌簌

木蘭花

常莊

獨上小樓春欲暮
愁望玉閨芳草路
消息斷不逢人
却斂細眉歸繡戶
坐看落花空歎息
羅袂濕斑紅
淚滴千山萬水
不會行魂夢欲教何處覓

魏承斑

居全本清作情

小芙蓉香旖旎
碧玉堂深清似水
閉寶匣掩金鋪倚
屏拖袖愁如醉
遲遲好景烟花媚
曲渚鴛鴦眠錦翅
凝然愁望靜相思
一雙笑靨頰香藥

毛熙震

掩朱扉鈎翠箔滿院鶯聲春寂寞勻粉淚恨檀郎一
去不歸花又落對斜暉臨小閣前事豈堪重想着
金帶冷畫屏幽寶帳慵薰蘭麝薄

賈子明 昌朝

都城水綠嬉遊處僂掉往來人笑語紅隨遠浪泛桃
花雪散平堤飛柳絮東君欲共春歸去一陣狂風
和驟雨碧油紅旆錦障泥斜日畫橋芳草路

晏同叔 殊

東風昨夜回梁苑日脚依稀添一線旋開楊柳綠蛾
眉暗拆海棠紅粉面無情一去雲中鴈有意歸來

居金本有作無
無作有

梁上燕有情無意且休論莫向酒杯容易散

二

玉樓朱閣黃金鎖寒食清明春欲破窓間斜月兩眉
愁簾外落花雙泪墮朝雲聚散真無那百歲相看
能幾箇別來將為不牽情萬轉千回思想過

晏叔原 幾道

居金本花作風

秋千院落重簾暮彩筆閑來題綉戶墻頭丹杏雨餘
花門外綠揚花後絮朝雲信斷知何處應作襄王
春夢去紫騮認得舊游踪嘶過畫橋東畔路

二

風簾向曉寒成陣來報東風消息近試從梅蒂紫邊
尋更遶柳枝柔處問來遲不是春無信開晚却疑
花有恨又應添得幾分愁二十五絃彈未盡

三

初心已恨花期晚別後相思長在眼蘭衾猶有舊時
香每到夢回珠泪滿多應不信人腸斷幾夜夜寒
誰共暖欲將恩愛結來生只恐來生緣又短

西湖

永叔

歐陽修

西湖南北烟波闊風裏絲篁聲韻咽舞餘羅帶綠雙
垂酒入香腮紅一抹杯深不覺琉璃滑貪看六么

花十八明朝車馬各西東惆悵畫樓風與月

賀方回木蘭詞舞腰輕怯
絳裙長羞按築毬花十八

佳人

柳耆卿

永

个人丰韻真堪羨問着佯羞回却面若言無意向咱
行為甚夢中頻夢見不如及早還心願免使牽人
魂夢亂風流腸肚不堅牢只恐被伊牽惹斷

張子野

先

人意共憐花月滿花好月圓人又散歡情去逐遠雲
空往事過如幽夢斷草樹爭春紅影亂一唱離聲
千萬怨任教遲日更添長能得幾時擡眼看

居全本無染字

和孫公素別安陸

相離徒有相逢夢門外馬啼塵已動怨歌留待醉時
聽遠目不堪空際送今宵風月知誰共聲咽琵琶
搗上鳳人生無物比多情江水不深山不重

又

西湖楊柳風流絕滿縷青春看贈別墻頭簌簌暗飛
花山外陰陰初落月秦姬穠麗雲梳髮持酒聽歌
留晚發驪駒應亦解人情欲出重城嘶不歇

冬景

徐昌圖

沉檀烟起盤紅霧一剪霜風吹繡戶漢宮花面學梅

居金本爰作笑

粧謝女雪詩裁柳絮長垂天幕孤鶯舞旋炙銀笙
雙鳳語紅牕酒病對寒冰永覺相思無夢處

周美成

邦彥

居金本袖作牖
今作金

郊園雨過金英秀風拂霜威寒入袖感君一曲斷腸
歌勸我十分和泪酒古道塵清榆柳瘦繫馬郵亭
人散後今宵燈盡酒醒時可惜朱顏成皓首

秦少游

觀

居金本筆作第

秋容老盡芙蓉院草上霜花勻似剪西樓促坐酒盃
深風壓綉簾香不捲玉纖慵整銀筆鴈紅袖時籠
金鴨煖歲華一任委西風獨有春紅留醉臉

居金本蓮作笛

聞笛

王子武

紅樓十二闌干側樓角暮寒吹玉蘂天津橋上舊曾
聽三十六宮秋草碧 昭華人去無消息江上青山
空晚色一聲落盡短亭花無教行人歸未得

周紫芝

江頭雨後山如髻催送新涼風有意月來楊柳綠陰
中秋在梧桐踈影外 小窓紋簾涼如水歲歲年年
同此味眼前不忍對西風夢裡更堪追往事

二江得書作

程正伯

別時已有重來願誰料情多天不管分明咫尺是青

居金本蓮作塔

樓抵死濃雲遮得遍 寄聲只倚西風鴈鴈書回空
是怨領愁歸去有誰知水又茫茫山又斷

石次仲

尋春悞入桃源洞草草幽懽聊與共牢籠風月此時
情做造溪山今夜夢 柳蹊未放金絲弄梅徑已經
香雪凍春愁離恨重於山不信馬兒馳得動

王通叟

居金本蓮作駝

銅駝陌上新正後第一風流除是柳勾牽春事不如
梅斷送離人強似酒 東君有意偏擱就慣得腰肢
真箇瘦阿誰道你不思量因甚眉頭長恁皺

春思

無名氏

柳梢綠小梅如印乍暖還寒猶未定惜花長是為花
愁殢酒却嫌添酒病 蠅頭蝸角都休競萬古豪華
同一畫東君曉夜促歸期三十六番花遞信

成都郭帥席上

尹溫儀

浣花溪上風光主燕夕桃源開幕府商富本是作霖
人也使閑花沾雨露 父兄世業傳儒素何事失身
非類侶若蒙化筆一吹噓免使飄零飛綉戶

劉因

未開常探花開未又恐開時風雨至花開風雨不相

妨說甚不來花下醉 百年枉作千年計今日不知
明日事春風欲勸座中人一片落紅當眼墜

玉闌干

杜壽域 安世

珠簾怕捲春殘景小雨牡丹零欲盡庭軒悄悄燕高
空風飄絮綠苔侵徑 欲將幽恨傳愁信想後期無
個憑定幾回獨睡不思量還悠悠夢裡尋趣

西湖曲

朱希真 敦儒

今冬寒早風光好休怪挽先歌絮帽蟹肥一箇可秤
斤酒美三盃真合道 年閑夢垂垂了且喜風松吹
不倒平分兩月是新春却共梅花依舊笑

年字下落間
字居金本補

清江曲

蘇養直墨客

屬玉雙飛水滿塘
菰蒲深處浴鴛鴦
白蘋滿棹歸來晚
秋着蘆花一岸霜
扁舟繫岸依林樾
蕭蕭兩鬢吹華髮
萬事不理醉復醒
長占烟波弄明月

瑞鷓鴣

永叔

楚王臺上一神仙
眼色相看意已傳
見了又休還似
夢坐來雖近遠
如天隴禽有恨
猶能說江月無情
也鮮圓更被春風送
惆悵落花飛絮兩翩翩

林逋詩句

梅苑失名

衆芳搖落獨鮮妍
占盡風情向小園
疎影橫斜水清

淺暗香浮動月黃昏
寒禽欲下先偷眼
粉蝶如知亦斷魂
幸有微吟可相押
不須檀板共金樽

催魯詩句

失名

含情含態一枝枝
斜壓漁家短短篙
惹袖尚餘香半日向人如訴
雨多時初開偏稱
雕梁盡未落先愁
玉笛吹行客見時
無意去解帆烟浦為題詩

杜壽域安世

夜來風雨損餘芳
數片衰紅落檻傍
媚景背人容易去
半軒飛絮日空長
從來不信相思切
及至如今倍感傷
獨立黃昏繡簾外
可堪新月露圓光

趙介菴房瑞

榴花五月眼邊明，角簾流冰午夢清。江上扁舟停畫
槳，雲間一笑濯塵纓。主人杯酒留連意，倦客關河
去住情。都付郵亭今日水，伴人東去到江城。

辛稼軒棄疾

膠膠擾擾幾時休，一出山來不自由。秋水觀中秋月
夜，停雲堂下菊花秋。隨緣道理應須會，過分功名
莫強求。先自一身愁不了，那堪愁上又添愁。

周忘機

一痕月色掛簾櫳，梅影斜斜小院中。狂醉有心窺粉

唐金本斜作橫

夢是作雲夢

面，夢魂無處避香風。愁來夢楚三千里，人在巫山
十二重。咫尺藍橋無問處，玉簫聲斷楚山空。

席上文迴

郭從範

傾城一咲得人留，舞罷嬌娥斂黛愁。明月寶鞦金絡
背，翠瓊花珥碧搔頭。晴雲片雪腰支嬾，晚吹微波
眼色秋。清露亭臯芳草綠，輕綃軟掛玉簾鉤。

雙銀杏

李易安清照

風韻雍容未甚都，樽前甘橘可為奴。誰怜流落江湖
上，玉骨冰肌未肯枯。誰教並蒂連枝摘，醉後明皇
倚太真。居士擘開真有意，要吟風味兩家新。

京師妓

昔時曾泛漢梁王濯錦江邊醉絕場拂石坐來衫袖
冷踏花歸去馬蹄香 當初酒觥寧辭醉今日愁來
不易當暗想舊遊渾似夢芙蓉城下水茫茫

春日南園

程正伯

門前楊柳綠成陰翠塢籠香徑自深遲日煖薰芳草
眼好風輕撼落花心 無多春恨鶯難語最晚朝眠
蝶易尋惟有狂醒不相代釀成憔悴到如今

陳彭年湘山野錄

盡出花鈿散寶津雲鬟初剪向殘春因驚風雨難留

居全本雨作燭

世遂作池蓮不染身 具葉乍翻疑錦軸梵聲絕學

誤梁塵從茲艷質歸空後湘浦應無解佩人

初申國長公主為尼詔兩禁送於寺傳宣作詩送之彭年作此好事者能於瑞鷓鴣曲聲歌之

柳耆卿

天將奇艷與寒梅乍驚艷杏顰前開暗想花神巧作
江南信鮮染胭脂細剪裁 壽陽粧罷無端飲凌晨
酒入香腮恨聽烟塢深處誰緩吹羌管逐風來絳雪
紛紛落翠苔

二

三吳佳會古風流渭南狂歲憶東遊西子方來越相

居全本狂作往
盡作盡

花尊序編 卷六

功成去千里滄波一葉舟 至今無限盈盈者盡來
捨翠芳洲最是簇簇寒村遙認南朝路晚烟收三兩
人家古渡頭

鳳銜盃

晏同叔

青蘋昨夜秋風起無限箇露蓮相倚獨凭朱欄愁放
晴天際空目斷遙山翠 彩牋長錦書細誰信道兩
情難寄可惜良辰好景歡娛地只恁空憔悴

二

留花不住怨花飛向南園情緒依依可惜倒紅斜白
一枝枝經宿雨又離披 憑朱檻把金卮對芳叢惆

悵多時何況舊歡新恨阻心期滿眼是相思

相思

柳耆卿

追悔當初孤深願經年價兩成幽怨任越水吳山似
屏如障堪遊翫柰獨自慵擡眼 賞烟花聽絃管圖
歡娛轉加腸斷揔時展丹青強拈書信頻頻看又爭
侶親相見

得書

有美瑤卿能染翰千里寄小詩長簡想初爨苔牋旋
輝翠管紅窗畔漸玉著銀鈎滿 錦囊收犀軸卷常
珍重小齋吟玩更寶若珠璣置之懷袖時時看似頓

見千嬌面

送將歸夏

王逐客謾叟詩話

唐金本消作瀟

百尺清泉聲陸續映瀟洒碧梧翠竹面千步回廊重
重簾幕小枕歌寒玉 試展紋綃看畫軸見一片消
湘凝綠待玉漏穿花銀河垂地月上欄干曲

鵲橋仙

永叔

月波清霽烟容明淡靈漢舊期還至鵲迎橋路接天
津映夾岸星榆點綴 雲屏未卷仙雞催曉腸斷去
年情味多應天意不教長恁恐把歡娛容易

秦少游

纖雲弄巧飛星傳恨銀漢迢迢暗度金風玉露一相
逢便勝却人間無數 柔情似水佳期如夢忍顧鵲
橋歸路兩情若是久長時又豈在朝朝暮暮

又席上賦夕

黃山谷庭堅

唐金本綠作縱

朱樓彩舫浮瓜沉李報荅春風有幾一年樽酒暫時
同別淚作人間曉雨 鴛鴦機綜能令儂巧也待乘
槎仙去若逢海上白頭翁共一訪癡牛駮女

七夕

謝勉仲懋

唐金本玉作一
誤作映

鈎簾借月染雲為幌花面玉枝交映涼生河漢一天
秋問此會今宵孰勝 銅壺尚滴燭龍已駕淚浥西

花堂昇高

卷六

上

風不盡明朝烏鵲到人間試說向青樓薄倖

七夕

滕魯卿

葛勝仲

涼颼破暑清歌縈坐缺月稀星庭戶瓜華草草具杯
盤喜共浥初筵零露天孫東處牽牛西望勸汝一
杯清醕精靈何必待秋通為一洗朦朧今古

甲子七夕

郭承禧

應祥

金風淅淅銀河耿耿七夕如今又至人間喚作隔年
期但只似屈伸指臂羅花列果拈針弄線等是紛
紛兒戲巧人自少拙人多那牛女何曾管你

杜壽域

安世

唐金本則作春

別離情緒多方開解却免厭厭似醉樓高終日倚欄
干目斷有千山萬水妖嬈薄媚不禁拋擺漸覺肌
膚瘦悴當初相見偶然間不喚作如今恁地

二

日長天氣深深庭院又是春愁滋味池邊昨夜雨兼
風戰紅杏餘香亂墜陰陰亭榭暖烟輕柳萬縷黃
金窳地一雙新燕却重來但暗把羅巾掩淚

趙德莊

齊端

來時夾道紅羅步障已換青絲翠羽春愁元自逐春
來卻不肯隨春歸去千觴美酒十分幽事歸到只

愁風雨憑誰傳語牡丹花為做取東君此主

者舊續聞云介菴春愁元自逐春來二句蓋休李漢老楊花詞鶯地便和春帶將歸去也辛幼安祝英臺通詞是他春帶愁來春歸何處却不解帶將愁去是又休趙詞也

夜聞杜鵑

陸務觀

海

茅簷人靜蓬牕燈暗春晚連江風雨林鶯巢燕總無聲但月夜常啼杜宇催成清泪驚殘孤夢又揀深枝飛去故山猶自不堪聽况半世飄然羈旅

中秋待月不至

金主亮

程完顏史亮

停盃不舉停歌不發等候銀蟾出海片雲何處忽飛來做許大通天障礙愁眉怒日星移斗轉懊惱劍

居金平日作月

鋒不快一揮一斷此陰霾此夜看嫦娥體態

秋月寄懷

程正伯

城

角聲吹月風聲落枕夢與柔腸俱斷誰教當日太情濃颺不下新愁一段黃花開了梅花開未曾約那時相見莫教容易負幽期怕真箇辜他淚眼

召侯君餞會

舒信道

夏

教來歌舞接成桃李盡是使君指似如今裝就滿城春忍便擁雙旌歸去鷺心巧嚙花心爭吐無計可留君住兩堤芳草一江雲早晚是西樓望處

寄李順妹

延安夫人

李氏

星移斗轉玉蟾西下漸覺東郊向曉馬嘶人語隔霜
林望千里長安古道 珠宮姊妹相逢方信別後十
分瘦了上林歸去正花時爭柰向花前又老

七夕

朱淑真

巧雲弄晚西風驚暑小雨番空月墜牽牛織女幾經
秋尚多少離腸恨淚 微涼入袂幽歡生坐天上人
間滿意何如暮暮與朝朝更改却年年歲歲

郡齊席賦謝元卿姓

嚴幼芳

碧梧初墜桂香才吐池上水花微謝穿針人在合歡
樓正月露玉盤高瀉 蛛忙鵲懶耕慵織倦空作古

今佳話人間剛道隔年期怕天上方纔隔夜

答放翁自解

放翁妓

齊東野語

說盟說誓說情說意動便春愁滿紙多應念得託空
經是那箇先生教的 不茶不飯不言不語一味供
他憔悴相思已是不曾聞又那得工夫呪你

七夕

箕仙

齊東野語

鵲輿初駕牛車齊發隱隱鵲橋咿軋尤雲殢雨正歡
濃但只怕來朝初八 霞垂彩幔月明銀燭馥郁香
噴金鴨年年此際一相逢未審是甚時結煞

南鄉子

馮延巳

細雨濕流光芳草年年與恨長
烟鎖鳳樓無限事茫茫
鵝鏡鴛衾兩斷腸
魂夢任悠揚
睡起楊花滿繡床
薄倖不來門半掩
斜陽負你殘春淚幾行

二

細雨泣秋風
金鳳花殘滿地紅
閑促黛眉傭
不語情緒寂寞相思知幾許
玉枕擁孤衾
挹恨還聞歲月深
簾卷曲房誰共醉
憔悴惆悵秦樓彈粉泪

永叔

歐陽

翠密紅繁水國涼
生未是寒雨打荷花
珠不定輕翻
冷潑鴛鴦錦翅斑
盡日凭欄弄藥拈
花子細看偷

得裊蹄新鑄樣無端藏在紅房艷粉間

二

雨後斜陽細細風
來細細香風定
波平花映水休藏
照出輕盈半面粧
路隔秋江蓮子深深隱
翠房意在蓮心無問處
難忘泪裏紅腮不記行

晏叔原

幾道

綠水帶青潮
水上朱欄小渡橋
橋上女兒雙
笑靨妖嬈倚着欄
干弄柳條
月夜落花朝
減字偷聲按玉簫
柳外行人回首處
迢迢若比銀河路更遙

二

花落未消悲紅豔明年又滿枝唯有花間人別後無
期水闊山長鴈字遲 今日最相思記得攀條話別
離共說春來春去事多時一點愁心入翠眉

三

新月又如眉長笛誰教月下吹樓倚暮雲初見鴈南
飛謾道行人鴈後歸意欲夢佳期夢裡閉山路不
知却待短書來破恨應遲還是涼生玉枕時

王介甫 安石

自古帝王州鬱鬱葱葱佳氣浮四百年來如一夢堪
愁晉代衣冠成古丘繞水恣行游上盡層城更上

樓往事悠悠君莫問回頭檻外長江空自流

大卿榮諲

江上野梅芳粉色盈盈照路傍開折一枝和雪嗅思
量似箇人人玉體香特地起愁腸此恨誰人與寄
將山館寂寥天欲暮淒涼人轉迢迢路轉長

張子野 先

何處可覓銷京口終朝兩信潮不管離心千疊恨滔
滔催促行人動去橈記得舊江臯綠揚輕絮幾條
條春水一篙殘照濶遙遙有箇多情立畫橋

蘇子瞻 藏

霜降水痕收。淺碧鄰鄰。露遠洲。酒力漸消。風力輕颺。
颺破帽。多情却戀頭。詩酒若為酬。但把清尊斷送。
秋萬事。到頭都是。夢休休。明日黃花蝶也愁。

二

寒雀滿疎籬。爭抱寒柯。看玉蕤。忽見客來。花下坐。驚
飛踏散。芳英落酒卮。痛飲又能詩。坐客無氈。醉不
知。花謝酒闌。春到也。禹禹一點微酸。已着枝。

美女半身

秦少游

妙手寫微真。水剪雙眸。點絳唇。疑是昔年窺宋玉。東
鄰只露牆頭一半身。往事已酸辛。誰記當年翠黛

顰。盡道有些堪恨。處無情。任是無情亦動人。

黃山谷

庭堅

黃菊滿東籬。與客携壺。上翠微。已是有花兼有酒。良
期不用登臨。怨落暉。滿酌不須辭。莫待無花空折
枝。寂寞酒醒人散後。堪悲。節去蜂愁蝶不知。

重陽宴集

諸將說封侯。短笛長歌。獨倚樓。萬事盡隨風雨去。休
休。戲馬臺南。金絡頭。催酒莫遲留。酒味今秋似去
秋。花向老人頭上。笑羞羞。白髮簪花不解愁。

周美成

邦彥

原金本作重陽
日宜州城樓宴
集即席作

晨色動粧樓短燭熒熒情未收自在開簾風不定颺
颺池面冰漸趁水流早起怯梳頭欲綰雲鬟又却
休不會沉吟思底事凝眸兩點春山滿鏡愁

呂濱老 渭老

燕子喚春歸夢逐揚花滿院飛吹過西家人不見依
依萍點荷錢又滿池屈指數佳期何日憑肩對展
眉傾盡十分應不醉遲遲可惜櫻桃杏子時

謝無逸 逸

淺色染春衣衣上雙雙小鴈飛袖捲藕絲寒玉瘦彈碁
羸得花前酒一卮冰雪染臙脂絳蠟香融落日西

唐金本藏作歲

唱徹陽關人欲去依依醉眼橫波翠黛低

吳大年 億

江上雪初消暖日晴烟弄柳條認得裊腰芳草路魂
銷曾折梅花過斷橋潘鬢為誰彫長恨金閨閉阿
嬌遙想晚粧呵手罷天饒更傍朱唇映玉簫

程正伯 瑛

幾日訴離樽歌盡陽關不忍分此度天涯真箇去銷
魂相送黃花落葉村斜日又黃昏蕭寺無人半掩
門今夜粉香明日泪休論只要羅巾記舊痕

冬懷

黃叔暘 昇

居金本波作吸

萬籟寂無聲
衾鐵稜稜近五更
香斷燈昏吟未穩
淒清只有霜華伴
月明應是夜寒凝
惱得梅花睡不成
我念梅花花念我
閑情起看清冰滿玉餅

曾覲

霜月晚雲收
蕭瑟西風滿
院秋雅會難期
嗟易散遲留
把酒聽歌且勸酬
萬事拚悠悠
只有情親意未休
後夜扁舟煙浪裏
回頭葉葉丹楓總是愁

送朱元晦與張敬夫邢少連同集 張于湖

江上送歸舫
風雨排空浪拍天
賴有清尊澆別恨
悽然寶燭燒花看汲川
楚舞對湘絃
煖響圍春錦帳

居金本波作吸

羶坐上定知無俗客
懷賢便是朱張與少連

集句

趙德莊

窓戶映朝光
花氣渾如百和香
即遣花飛深造次
茫茫曲渚飄成錦一張
相憶莫相忘
並蒂芙蓉本自雙
草色連雲人去住
堪傷海上尖峯似劍鉞

妓館

潘廷堅

生怕倚闌干
閣下溪聲閣外山
惟有舊時山共水
依然暮雨朝雲去不還
應是躡飛鷺
月下時時整珮環
月又漸底霜又下
更闌折得梅花獨自看

辛幼安

隔戶語春鶯繞挂簾兒斂袂行漸見凌波羅襪步盈
盈隨笑隨顰百媚生。着意聽新聲盡是司空自教
成今夜酒腸難道窄多情莫放紗籠蠟炬明

蔣捷

泊鴈小汀洲冷淡前裙水漫秋裙上唾花無處覓重
游隔柳惟存月半鉤。準擬架層樓望得伊家見始
休還怕粉雲天畔起悠悠化作相思一片愁

談叢

失名

洪邁被拘留稽首垂哀告彼首七日忍飢猶不耐堪
羞蘇武爭禁十九秋。厥父既無謀厥子安能解國

憂萬里歸來誇舌辨村牛好擺頭時便擺頭蓋洪好

洪景廬奉使其父忠宣嘗薦之為
虜囚辱而歸太諸生作詞誦之

陸務觀

早歲入皇州樽酒相逢盡勝流三十年來真一夢堪
愁客路蕭蕭兩鬢秋。蓬嶠偶重遊不待人嘲我自
看鏡倚樓俱已矣扁舟月笛烟蓑萬事休

閨情

孫夫人

曉日壓重簾斗帳春寒起未忺天氣因人梳洗懶眉
尖淡畫春山不喜添。閑把繡絲擣認得金針又倒
拈陌上游人歸也未厭厭滿院揚花不捲簾

居金本蘇作唐

居金本虜作金
大字下有學字

惜雙雙

冒雪披風開數點萬花壓欺寒探暖掩映閑庭院月
下踈影橫斜幽香遠命友開樽同宴翫聽麗質歌
聲宛轉對景側金盞任他結實和羨歸仙館

又墨梅

庾嶺香前親寫得子細看粉勻無跡月殿休尋覓姑
射人來知是曾相識不要青春閑用力也會寄江
南信息着意應難摘留與梨花比並真顏色

思歸樂

柳耆卿

天幕清和堪宴聚相得盡高陽儔侶皓齒善歌長袖

舞漸引入醉鄉深處晚歲光陰能幾許這巧宦不
須多取共君把酒聽杜宇解再三勸人歸去

二色宮桃

錢玉香苞酥點萼正萬木園林蕭索惟有一枝雪裏
開江南有信憑誰託前年記賞登高樓數年來舊
歡如昨聽取樂天一句云花開處且須行樂

柳搖金

沈會宗

相將初下蓋珠殿似醉粉生香未遍愛惜嬌心春不
管被東風賺開一半中黃宮裏賜仙衣闌淺深粧
成笑面放出妖嬈難繫管笑東君自家腸斷

折丹桂

招山

初秋兩兩留莫羨筭恰是生申佳節祝君壽閱八千
秋歲歲對長空皓月 威宣北都推剛決氣凜凜秋
霜爭烈灘頭雙鵝看飛來便有詔催歸天闕

翻香冷

金爐猶煖麝煤殘惜香愛把寶釵翻重勻處餘薰在
這一般氣味勝從前 背人偷蓋小重山更撫沉水
與同然且圖得氤氳久為情深嫌怕斷頭烟

舞春風

馮延巳

嚴粧纔罷怨春風粉墻畫壁宋家東蕙蘭有恨枝尤

唐金本无作備
兒作時

綠桃李無言花自紅 燕燕巢兒羅幙卷鶯鶯啼處
鳳樓空年少薄倖知何處每夜歸來春夢中

明月掉孤舟

黃在軒

鴈帶愁來寒事早西風把鬢華吹老猛省中秋都來
幾日先自木犀開了 淄淄輕陰天弄曉平白地被
花相惱一枕雲開半窓秋透時有陣香飛到

卓牌子慢

中秋次日
不復韻

楊无咎

西樓天將晚流素月寒光正滿樓上笑揖姮娥似看
羅襪塵生鬢雲風亂 珠簾終夕捲判不寐攔干凭
煖好在影落清樽冷侵香幄歡餘未教人散

唐金本無作備

市橋柳送

蜀妓野語

欲寄意渾無所有折盡市橋官柳看君着上征衫又
相將放船楚江口後會不知何日又是男兒休要
鎮長相守苟富貴無相忘若相忘有如此酒

玉壺冰

張老小說

居全本張老小說作周紫芝裁

西園摘處香和露洗盡南軒暑莫嫌坐上適來蠅只
恐怕寒難近玉壺冰井花浮翠金盆小午夢初回
後詩翁自是不歸來不是青門無地可移栽

慶金枝

張子野

山園畫障風溪弄月清溶漾玉樓茗館人相望下箸

居全本回作曲
兼字下空一格

醞醅競欲金釵當使君勸醉青娥唱分明仙回雲
中響南園百卉千家賞和氣兼不獨花枝上

遍地花

毛澤民

白玉欄邊自凝佇滿枝頭彩雲雕霧甚芳菲綉得成
團砌合出韶華好處暖風前一咲盈盈吐檀心向
誰分付莫與他西子精神不枉了東君雨露

妓行七調

元是竹林舊伴侶去人日偶相遇笑盧仝狂怪嘗茶
問子建詩成幾步憶去年乞巧同歡把琴絃細細
與說傷你愛四勾三生下五男二女

居全本無唐人
數字

虞美人

唐人碧鷄
謾志

帳中草草軍情變月下旌旗亂
褫衣推枕愴離情遠
風吹下楚歌聲正三更
撫離欲上重相顧
豔態花無主
手中蓮鈿凜秋霜九泉歸去是仙鄉
恨茫茫

西蜀文珣

歌昏乍啓塵飛處翠葉輕輕舉似通舞態
逞妖容嫩條纖麗玉玲瓏怯秋風
虞姬珠碎兵戈裏莫認埋魂地
只應遺恨寄芳叢露和清泪濕輕紅
古今同

黃載萬
大典

世間離恨何時了不為英雄少
楚歌聲起霸圖休玉

帳佳人血泪滿東流
葛荒葵老蕪城暮玉貌知何處
至今芳草解婆婆只有當時魂魄未消磨

李後主
南唐
李煜

春花秋月何時了往事知多少
小樓昨夜又東風故國不堪回首
月明中雕欄玉砌應猶在只是朱顏
改問君都有幾多愁恰似一江春水
向東流

二

居全本江作春

風迴小院庭蕪綠柳眼春相續
凭闌半日獨無言依舊竹聲
新月似當年笙歌未散尊壘在
池面冰初解燭明香暗畫閣深
滿髮清霜殘雪思難任

馮延巳

玉鈎鸞柱調鸚鵡宛轉留春語雲屏冷落畫堂空薄
晚春寒無柰落花風 零蘆燕子低飛去拂鏡塵鷓
舞不知今夜月眉彎誰珮同心雙結倚闌干

二

春風拂拂橫秋水掩映遙相對祇知長作碧窓期誰
信東風吹散彩雲飛 銀屏夢與飛鷺遠祇有珠簾
卷楊花零落月溶溶塵掩玉箏弦柱畫堂空

晏同叔

小梅枝上東君信雪後花期近南枝開盡北枝開長

被壠頭遊子寄春來 年年衣袖年年泪總為今朝
意問誰同是憶花人賺得小鴻眉黛也低顰

晏叔原

曲欄干外天如水昨夜還曾倚初將明月比佳期長
向月圓時候望人歸 羅衣著破前香在舊意誰教
改一春離恨懶調絃猶有兩行閑泪寶箏前

賞梅月夜有懷

道山公子

玉壺滿插梅梢瘦簾幙輕寒透從今春恨滿天涯月
下幾枝疎影透窓紗 錦城咫尺如千里乍別難成
寐孤眠半晌斷人腸夜靜分明全似那人香

居全本不註道
山公子四字

懷舊

張子野 先

茗花落盡汀風定
茗水天搖影
畫船羅綺滿
溪春一曲石城清
響入高雲
壺觴昔歲同
歌笑今日無年
少南園花少
故人稀
月照玉樓依舊似當時

維揚別少游

東坡 冷齊夜話

波聲拍枕長淮曉
隙月窺人小
無情汴水自東流
只載一船離恨
向西州
竹陰花圃曾同
醉酒未多於
淚誰教風鑑在
塵埃
醞造一場煩惱
送人來 世傳賀方回作

春情

秦少游

碧桃天上栽和露
不是凡花
數亂山深處
水濛迴可

居金本迴作泗

惜一枝如畫為誰開
輕寒細雨情何限
不道春難
管為君沉醉又何妨
祇恨酒醒時候
斷人腸

周美成 邦秀

玉腸繞掩朱絃
悄彈指壺天曉
回頭猶認倚墻花
只向小樓南畔
便天涯
銀蟾依舊當窗
滿
顧影覓先
斷淒風休颭
半殘燈
擬倩今宵歸
夢到雲屏

二

燈前欲去仍留戀
腸斷朱屏遠
不須紅雨洗香腮
待得薔薇花謝
便歸來
舞腰歌版閑時
按一任傍水
看金爐應見舊
殘煤
莫遣恩情容易似
寒灰

居金本水作人

居金本陟作陟

淡雲籠月松溪路長記分攜處夢魂連夜遶松溪此
夜相逢恰似夢中時 海山陟覺風光好莫惜金樽
倒柳花吹雪燕飛忙生怕扁舟歸去斷人腸

四

居金本向作向

金閨平帖春雲暖晝漏花前短玉顏酒解豔紅消一
向捧心啼困不成嬌 別來新翠迷行徑窻鏤玲瓏
影研綾小字夜來封斜倚曲欄凝睇數歸鴻

杜壽域 安世

江亭春晚芳菲盡行色青天近畫橋楊柳也多情暗

拋飛絮惹前行路塵清 彤庭早晚瞻虞舜遙聽恩
遷峻二年歌宴綺羅人片雲踈雨忍漂淪淚沾巾

光化道中寄家

趙德麟 全時

畫舫穩泛春波渺夕雨寒聲小紫烟深處數峯橫
驚起一灘鷗鷺照川明 雨樓今夜歸期悞恨入攔干
暮可堪春事滿春懷不似珠簾新燕早歸來

石孝友

居金本紅作船

醉尋芳草城頭路底事頻凝佇麗譙直下小層樓
鴛瓦重重勻砌幾重愁 睡紅顰翠春風面咫尺無由
見從教笑語落簷楹圖得香閨依約認郎聲

杭樓

蔣捷

絲絲楊柳絲絲雨春在溟濛處樓兒忒小不藏愁幾
度和雲飛去覓歸舟天怜客子鄉閔遠借與花消
遣海棠紅近綠闌干綫捲朱簾却又晚風寒

聽雨

少年聽雨歌樓上紅燭昏羅帳壯年聽雨客舟中江
濶雲低斷鴈叫西風而今聽雨僧廬下鬢已星星
也悲歡離合本無情一任階前點滴到天明

李方叔 爲

玉欄干外清江浦渺渺天涯雨好風如扇雨如簾時

見岸花汀草漲痕添青林枕上閑山路卧想乘鸞
處碧蕪千里思悠悠惟有霎時春夢到南州

春愁

程正伯 填

輕紅短白東城路憶得分襟處柳絲無賴舞春愁不
繫離人只解繫離愁如今花謝春將老柳下無人
到月明門外子規啼喚得人愁爭似喚人歸

宗戚侍兒惠柔贈帕

何臬

分香帕子揉膩翠欲去慙慙惠重來直待牡丹時莫
遣花枝知後故開遲別來看盡開桃李日日闌干
倚催花無計問東風夢作一雙蝴蝶遠芳叢

居金本鎮作鎮
京作志詠作詠

何文鎮初登第在館閣飲于宗戚一貴人家待兒
惠柔者麗黠人也慕何風標密解帕子為贈共約
壯丹時再集何亦甚閱抱既歸賦此隱其小名以
京倦倦之意何後自書此詞示蜀人趙詠道言其
張本如此夷堅
支志見願堂集

政和丁酉下琵琶溝作

向伯恭子

居金本得作碍

朦朧烟樹無重數不得相思路晚雲分外欲增愁更
那堪踈雨送歸舟 雨來還被風吹去流淚多如雨
擬題雙葉問離憂怎得水隨人意肯西流

二

綺窓人似鶯藏柳巧語春心透聲聲清切入人深一
夜不知兩鬢雪霜侵 何時月下歌金縷醉看行雲

居金本為作積

住嬾將幽恨寄瑤琴却倩金籠鸚鵡遞芳音

陳去非 興義

十年花底承朝露看到江南樹洛陽城裏又東風未
必桃花得似舊時紅 臘暗睡起春纔好應恨人空
老心情雖在只吟詩白髮劉郎孤負可憐枝

毛文錫

寶檀金縷鴛鴦枕綬帶盤宮錦夕陽低映小窓明南
園綠樹語鶯鶯夢難成 玉鑪香暖頻添炷滿地飄
輕絮珠簾不卷度沉烟庭前閑立盡鞦韆艷陽天

顧曼

居金本立作燕

碧梧桐映紗窓晚花謝鶯聲懶小屏屈曲掩青山翠
幃香粉玉爐寒兩蛾攢顛狂年少輕離別辜負春
時節畫羅紅袂有啼痕魂銷無語倚閨門欲黃昏

二

深閨春色勞思想恨共春蕪長黃鸝嬌轉記芳妍杏
枝如畫倚輕烟瑣窓前凭欄愁立雙蛾細柳影斜
砌玉郎還是不還家教人魂夢逐楊花繞天涯

孫光憲

紅窓寂寂無人語暗澹梨花雨繡羅紋地粉新描博
山香炷旋描條暗魂銷天涯一去無消息終日長

相憶教人相憶幾時休不堪棖觸別離愁淚還流

鹿虔扈

卷荷香澹浮烟渚綠嫩擊新雨鎖窓疎透曉風清象
床珍簟冷光輕水紋平九疑黛色屏斜掩枕上眉
心斂不堪相望病將成鈿昏檀粉泪縱橫不勝情

閻選

楚腰躑躅團香玉鬢疊深深綠月娥星眼笑微頻柳
天桃艷不勝春晚粧勻水紋簟映青紗帳霧罩秋
波上一枝嬌卧醉芙蓉良宵不得與君同恨忡忡

笑微頻一作笑和聲

居全本訛作所
砌字上落一字
未註出

李珣

金籠鶯報天將曙
鶻起分飛處
夜來潛與玉郎期
多情不覺酒醒遲
失歸期
映花避月遙相送
膩髻偏垂鳳
却迴嬌步入香閨
倚屏無語撚雲篔
翠眉低

迴文

王文甫

黃金嫩柳搖絲軟
永日堂堂掩捲簾
燕飛未歸來客
去醉眠歌枕殢殘盃
眉山淺拂青螺黛
整整垂雙帶
水沉香熨窄衫輕
瑩玉碧溪春流眼
波橫

一斛珠

李後主

南唐李煜

晚粧初過沉檀輕
注些兒箇
向人微露丁香顆
一曲

清歌暫引櫻桃破
羅袖裛殘殷色可
杯深旋被香醪浣
繡床斜凭嬌無那
爛嚼紅茸笑向檀郎唾

蘇東坡

軾

洛陽春晚垂楊亂
掩紅樓半
小池輕浪紋如篆
燭下花前曾醉離歌宴
自惜風流雲雨散
閑山有限情無限
待君重見尋芳伴
為說相思目斷西樓燕

歐陽叔用

脩

傷春懷抱清明過後
鶯花老
勸君莫向愁人道
又被香輪碾破青青草
夜來風月連清曉
墻陰目斷無人到
恨別王孫愁多少
猶頓春寒未放花枝老

居金本不註古
今詞話四字

紅窓迥

古今詞話

富春坊好景致兩岸盡是歌姬舞妓引調得上界神
仙把凡心都起 內有丙丁并壬癸這兩尊神為你
爭此口氣火星道我待逞些神通不怕你是水

家山好

沈公述 湘山野錄

掛冠歸去舊烟蘿間身健養天和功名富貴非由我
莫貪他這岐路足風波 水晶宮裏家山好物外勝
遊多晴溪短棹時時醉唱裡梭羅天公柰我何

梅花引

万俟雅言

曉風酸曉霜乾一鴈南飛人度閑客衣單客衣單千

居金本故作落

里斷翫空歌行路難 寒梅驚破前村雪寒鷄啼破
西樓月酒腸寬酒腸寬家在日邊不堪頻倚欄

怨春風

張子野 先

無由且住綿綿恨似春蚕緒見來時餉還須去月淺
燈收多在偷期處 今夜掩粧花下語明朝芳草東
西路願身不學相思樹但願羅衣化作雙飛羽

陽臺夢

解昉

仙姿本寓十二峯前住千里行雲行雨偶因鶴馭過
巫陽邂逅他楚襄王 無端宋玉誇才賦誣誕人心
素至今狂客到陽臺也有痴心望妾入夢中來

居金本舉作學

錦帳春

淮東陳提舉清明奉
母夫人游徐山翁庵

戴式之復古

處處逢花家家插柳政寒食清明時候奉板輿行樂
使星隨後人間稀有 出郭尋仙綉衣春畫馬上列
兩行紅袖對韶華一笑勸國夫酒百千長壽

辛幼安棄疾

居金本屏字下
多平字

春色難留酒盃常淺把舊恨新愁相間五更風千里
夢看飛紅幾片這般庭院 幾許風流幾般嬌嬾問
相見何如不見燕飛忙鶯語亂恨重簾不捲翠屏遠

留春

程秘

最是元來苦無風雨只恁匆匆歸去看遊絲都不恨

恨秦淮新漲向人東注 醉裏仙人惜春曾賦却不
解留春且住問何人留得住怕小山更有碧蕪春句

醉落魄

晏叔原幾道

天教命薄青樓占得聲名惡對酒當歌尋思着月戶
星窓多少舊期約 相逢細語初心錯兩行紅泪尊
前落霞觴且共深深酌惱亂春宵翠被都閑却

二

滿鞭斜月垂鞭自唱陽關徹斷盡柔腸思歸切都為
人人不許多時別 南橋昨夜風吹雪短長亭下征
塵歇歸時定有梅堪折欲把離愁細撚花枝說

居金本無亂字

佳人吹笛

張子野先

雲輕柳弱內家髻子新梳掠生香真色人難學橫管
孤吹月淡天垂幕朱唇淺破櫻桃萼倚樓人在闌
干角夜寒指冷羅衣薄聲入霜林蔌蔌驚梅落

詠茶

黃魯直庭堅

紅牙板歇韶聲斷六么初徹小槽酒滴真珠竭紫玉
甌圓淺浪泛春雪香芽嫩益清心骨醉中襟量與
天闊夜闌似覺歸仙闕走馬章臺踏碎滿街月

謝無逸逸

霜砧聲急蕭蕭疎雨梧桐濕無言獨倚闌干立簾捲

居全本編作絕

黃昏一陣西風入年時畫閣嘉賓集玉人檀板當
筵執銀瓶已斷絲編汲莫話前歡忍對屏山泣

朱希真敦儒

居全本雨作宇

海山翠疊夕陽殿雨雲堆雪鷓鴣聲裏蠻花發我共
扁舟江上兩萍葉東風落酒愁難說誰教春夢分
胡越碧城芳草應消歇曾識劉郎惟有半灣月

張安國考祥

輕黃澹綠可人風韻閒裝束多情早是眉峯蹙一點
秋波閑裏覩人毒桃花庭院光陰速銅鞮誰唱大
堤曲歸時想是櫻桃熟不道秋千誰伴那人蹴

晚涼時節翠梧風定蟬聲歇有人睡起香浮頰倚着
闌干笑揀青荷葉 如今往事愁難說曲池依舊閑
風月田田翠蓋香羅疊留得霞痕都是泪珠結

程正伯

情深恨切憶伊情沒些休歇百般做處百厮愜管是
前生曾負你冤業 臨歧不忍匆匆別兩行珠淚流
紅頰関山漸遠音書絕一箇心腸兩處對風月

詠額

舟行汗中見岸傍画船

汪彥章

小舟簾隙佳人半露梅粧額綠雲低映花如刻恰似

秋宵一半銀蟾白 結兒捎朶香紅拗鈿蟬隱隱搖
金碧春山秋水渾無迹不露牆頭些子真消息

呂聖求

織鞋窄襪紅茵自称琵琶拍明眸妝臉春梳掠好好
亭亭難得恁標格 忽忽一醉霜華白歸來偏記藍
橋宅五更殘夢迷蝴蝶覩着花枝只被繡簾隔

周少隱

江天雲薄江頭雪似揚花落寒燈不管人離索照得
人來真个睡不着 歸期已負梅花約又還春動空
飄泊曉寒誰看伊梳掠雪滿西樓人在闌干角

居金木山谷注
作蘇軾醒作時

柳邊池閣曉來卷地東風惡人生不解頻行樂昨日
花開今日風吹落揚花却似人飄泊春雲更似人
情薄如今始信從前錯為个蠅頭輕負青山約

醉醒醒醉

山谷注

醉醒醒醉憑君會取皆滋味濃斟琥珀香浮蟻一入
愁腸便有陽春意須將幕席為天地歌前起舞花
前睡從它兀兀陶裏猶勝醒醒惹得閑憔悴

石孝友

居金木鎖作錄

空庭草積吹花風去春無迹鎖寫深處應相憶紅染

羅巾顰損眉山碧曲屏塵暗雙鷓鴣醉衾不煖爐
烟濕一簾暝色人孤寂夢裏燈殘心上雨聲滴

侯寘

梅花似雪雪花却似梅清絕小窓低映梅梢月常記
良宵吹酒共攀折如今客裏都休說蕭蕭洒洒情
懷別夜闌火冷孤燈滅雪意梅情分付漆園蝶

賞海棠

管鑑

春陰漠漠海棠花底東風惡人情不似春情薄守定
花枝不放花零落綠樽細細供春酌酒醒無奈愁
如昨殷勤待與東風約莫苦吹花何似吹愁却

居金本胡作區
野作治

劉光祖

春風開者一時還共春風謝柳條送我今槐夏不飲
香醪孤負人生也 曲塘泉細幽琴寫胡床滑篔簹應
無價日遲睡起釣簾掛何不歸與花竹秀而野治

荷葉鋪水面

春遊

康伯可與之

居金本賴作來
折作插

春光艷冶遊人踏綠苔千紅萬紫競香開暖風拂鼻
籟驀地暗香透滿懷 荼蘼似錦裁嬌紅間綠白只
怕迅速春回悞落在塵埃折向鬢雲間金鳳釵

倚西樓

茗溪詩話常考溫

居金本無茗溪
詩話數字

禁鼓初傳時下打虛過清風明月夜眼如魚目幾曾

乾心似酒旗終日挂 銀漢低垂星斗斜院宇空寥
燭卸西樓蕭灑有誰知教我獨自上來獨自下

夜遊宮

秦少游觀

居金本久作又

何事東君又去空滿院落花飛絮巧燕呢喃向人語
何曾解說伊家此子苦 况是傷心緒念箇人處成
睽阻一覺相思夢回處連宵雨更那堪聞杜宇

周美成邦秀

葉下斜陽照水捲輕浪沉沉千里橋上酸風射眸子
立多時看黃昏燈火市 古屋寒窓底聽幾片井桐
飛墜不戀單衾再三起有誰知為蕭娘書一紙

生日代人獻江宰

呂聖求

涪州

簾外繁霜未掃，樓角動玉繩橫曉。百和交焚，瑞烟遶
霽霞明。画屏深天渺渺。喜色連池沼。薦眉壽玉兒
嬌。小早晚除書下天表。日初長，莫等閑孤一笑。

陸放翁

游

獨夜寒侵翠被，柰幽夢不成，還起欲寫新愁。泪澣紙
憶承恩，嘆餘生今至此。荻荻燈花墜，問此際、報人
何事。咫尺長門過萬里，恨君心似危欄難久倚。

步蟾宮

楊無咎

桂花馥郁清無寐，覺身在廣寒宮裡。憶吾家、妃子舊

遊時，腦睡靜猶藏葉底。不堪半夜西風起，更颭颭
萬絲斜墜。向曉來，却似給孤園乍，驚見黃金布地。

汪公澤

存

玉京此去春猶淺，正雪絮馬頭零亂。姮娥剪就綠雲
裳，待來步蟾宮與換。明年二月桃花岸，雙槳浪平
烟煖。揚州十里小紅樓，盡捲上珠簾一半。

管鑑

中秋過了重陽，將近正是一年佳處。橙黃橘綠，總尋
常看丹桂餘香再吐。胸中星斗筆端風雨，定約蟾
宮高步。賜袍歸帶玉爐薰，共歲歲班衣戲舞。

居金本腦睡一
句作瑞龍腦暗
藏葉底

居金本丹桂月

黃山谷

蟲兒真箇惡靈利惱亂得道人眼醉歸來恰似出桃源
但目斷落花流水 不如隨我歸雲際共作箇住
山活計照清溪勻粉面挿山花筭終勝風塵滋味

中秋

蔣捷勝欲竹山詞

去年雲掩水輪皎喜今歲微陰俱掃乾坤一片玉瓊
瑤怎算得秋光多少 無歌無酒癡頑老對愁影番
嫌分曉天公無不負中秋我自把中秋誤了

居金本秋作清

掃地舞

酥點萼玉碾萼點時碾時香雪薄才折得春力弱半

掩朱扉垂綉幕怕吹落 撚一餉嗅一餉撚時嗅時
宿酒忘春筍上不忍放待對菱花斜挿向寶釵上

惜瓊花

張子野先

汀蘋白茗水碧每逢花駐樂隨處歡席別時携手看
春色螢火而今飛破秋夕 汴河流如帶窄任輕似
葉計歸得斷雲孤鷺青山極樓上徘徊無盡相憶

恨春遲

前人

好夢才成成又斷晚起雲朶梳鬟秀臉拂新紅滴入
嬌眉眼薄衣減春寒 短柱溪橋波平岸画閣外落
日西山不忽閑花並蒂秋藕連根何時重得雙蓮

居金本晚字上
有因字念作分

小重山

常莊

一閉昭陽春又春
夜寒宮漏永
夢君恩
卧思陳事暗
消魂
羅衣濕
紅袂有啼痕
歌吹隔重閣
遠庭芳草
綠倚長門
萬般惆悵
向誰論
凝情立
宮殿欲黃昏

春到長門春草青
玉階華露滴
月朧明
東風吹斷紫
簫聲
宮漏促
簾外曉啼鶯
愁極夢難成
紅粧流宿
淚不勝情
手按裙帶
遶階行
思君切
羅幌暗塵生

秋到長門秋草黃
畫梁雙燕去
出宮牆
玉簫無復理

居全本無雙字

霓裳金蟬墜
鸞鏡掩休粧
憶昔在昭陽
舞衣紅綬
帶繡鴛鴦
至今猶惹御爐香
魂夢斷
愁聽漏更長

和凝

春入神京萬木芳
禁林鶯語滑
蝶飛狂
曉花擎露妬
啼粧紅日永
風和百花香
烟鎖柳絲長
御溝澄碧
水轉池塘
時時微雨洗風光
天衢遠
到處引笙篁

二

正是神京爛熳時
群仙初折得
却詵枝
烏犀白紵最
相宜
精神出御陌
袖鞭垂
柳色展愁眉
管絃分響
亮探花期
光陰占斷
曲江池
新榜上
名姓徹丹墀

毛熙震

梁燕雙飛盡閣前
寂寥多少恨
懶孤眠
曉來閑處想
君憐紅羅帳
金鴨冷沉烟
誰信損嬋娟
倚屏啼玉
筋濕香鈿
四肢無力上鞦韆
群花謝
愁對艷陽天

元宵

宋徽宗

羅綺生香嬌上春
金蓮開陸海
艷都城寶輿
回望翠
峯青東風鼓吹
吹下半天星
萬井賀昇平
行歌花滿
路月隨人
龍樓一點玉
燈明簫韶遠
高宴在蓬瀛

賀鑄

花院深疑無路通
碧紗窓影下
玉芙蓉
當時偏恨五

更鍾分携處
斜月小簾攏
楚夢冷沉蹤
一雙金縷
枕半床空
盡樓臨水
鳳城東
樓前柳憔悴
幾秋風

趙德麟

樓上風和玉漏遲
秋千庭院靜
百花飛
午窓才起暖
金卮勻面了
欄畔看春池
何事苦顰眉
碧雲春信
斷儘來時
鴛鴦遊戲
鎮相隨
雲霧斂
新月掛天西

曹元寵

組

簾捲東風日射窓
小山庭院靜
接回廊
踈踈晴雨弄
斜陽憑欄久
牆外杏花香
時節好尋芳
多情懷酒
伴憶
懽狂歸
鳴應已度
瀟湘音書
杳前事
忍思量

居金本城作成
藏作藏

立春

李漢老 那

誰勸東風臘裏來不知天待雪惱江梅東郊寒色尚
徘徊雙絲燕飛傍鬢雲堆 玉冷曉粧臺宜春金縷
剪拂香腮紅羅先繡踏青鞋春猶淺花信更須催

紅蓼汀憶別

汪彥章 藻

月下潮生紅蓼汀殘霞都斂盡四山青柳梢風急墮
流螢隨波去點點亂寒星 別語記丁寧如今能間
隔幾長亭夜來秋氣入銀屏梧桐雨還恨不同聽

佳人

宋豐之 向 鑄

花樣妖嬈柳樣柔眼波流不斷滿眶秋窺人佯整玉

搔頭嬌無力舞罷却成羞 無計與遲留滿懷禁不
得許多愁一溪春水送行舟無情月偏照水東樓

沈會宗

花過園林清蔭濃琅玕新脫笋綠叢叢雨聲只在小
池東閑歌枕直面菱荷風 斜日敞簾櫳輕塵飛不
到畫堂空一樽今夜與誰同人如玉相對月明中

何晉之 大圭

綠柳鶯啼春正濃枝頭青杏小綠成叢玉舡風動酒
鱗紅歌舞咽相見幾時重 車馬去匆匆路隨芳草
遠恨無窮相思只在夢魂中今宵月偏照小樓東

夜宴

王履道 安中

椽燭垂珠清漏長
酒黏衫袖濕有餘
香紅牙雙棒旋
排行將歌處相向
更勻粧
明月映東墻
海棠花遲
密近流光遲留春
筍緩催觴
蘭堂靜人已候
虛廊

趙德麟 全時

雨霧風高天氣清
玉盤浮出海轉空
明小窓簾影冷
如冰愁不寐
獨自傍階行
情似浪頭輕
一番銷欲
盡一番生
無言惆悵到參橫
人欲起
鴨鳩幾聲鳴

七夕病中

呂聖求 涪老

半夜燈殘鼠上擎
小窓風動竹月微
明夢魂偏記水

西亭琅玕碧花影
弄蜻蜓
千里暮雲平
南樓催上
燭晚來晴酒闌
人散斗西傾
天如水團扇撲流螢

祖可

誰向江頭遣恨濃
碧波流不斷
楚山重柳烟和雨隔
疎鐘黃昏後
羅幕更朦朧
桃李小園空
阿誰猶咲
語拾殘紅珠簾捲盡
落花風
人不見春在綠蕪中

岳忠武 飛 金陀 稗編

昨夜寒蛩不住鳴
鷺回千里夢已三更
起來獨自遶
階行人悄悄
簾外月朧明
白首為功名
舊山松竹
老阻歸程
欲將心事付瑤琴
知音少絃斷有誰聽

居全本無齊東
野語四字

齊東野語

柳暗花明春事深
小欄紅芍藥已抽簪
雨餘風軟碎鳴禽
遲遲日猶帶一分陰
把酒莫沉吟
身閑無箇事且登臨
舊遊何處不堪尋
無尋處惟有少年心

寄鄭雲娘

張生

杏火無烟燒斷腸
織成春恨切柳絲長
當時誰是種花郎
却不教柳近杏花傍
柳道不須忙
春深須是有絮飛揚
等閑撲著杏腮香
恁時節選甚隔池塘

周紫芝

溪上晴山簇翠螺
曉來霜葉醉小池
荷瑣窓秋意苦

無多蘆繡卷黃菊
兩三窠小睡擁香羅
起來勻醉粉玉垂
梭只愁無奈夜長何
你去也今夜早來麼

春愁

吳淑姬

謝了荼蘼春事休
無多花片子綴枝頭
庭槐影碎被風揉
鶯雖老聲尚帶嬌羞
獨自倚粧樓
一川烟草浪觀雲浮
不如歸去下蘆鈎
心兒小難着許多愁

李易安 清照

春到長門春草青
江梅些子破未開
勻碧雲龍碾玉成塵留
晚夢驚破一甌春
花影壓重門
踈簾鋪淡月好黃昏
二年三度負東君
歸來也着意過今春

居全本晚作晚

無名氏

絡緯聲殘織翠絲金風剪不斷鴈來時夢回緘淚寄
征衣寒到早應怪寄衣遲心事有誰知黃昏常立
盡暗螢飛秋來無處不生悲情脉脉月轉轆轤西

呂聖求二首

雨洗簷花濕畫簾知他因甚地瘦懨懨玉人風味似
冰蟾愁不見烟霞曉來添煩惱舊新語新來一段
事未心甘滿懷離緒過春蠶燈殘也誰見我眉尖
雲護柔條雪壓枝斜風吹絳蠟點胭脂薔薇揉水麝
分齋園林晚脉脉帶斜暉深閣綉簾低寶奩勻泪

唐金本末作采

粉晚妝遲一枝屏外對依依清宵永誰伴破寒危

盧炳

一見便投前成密意綢繆已成計歸舟空憶計為伊
情懷雅約意綢繆已成計歸舟空憶計為伊
別話愁縈滋味惡心頭今奈阻遊此事此恨悠悠

晏同叔珠

踏莎行
細草愁烟幽花怯露凭欄總是消魂處日高深院靜
無人時時海燕雙飛去帶暖羅衣香殘蕙炷天長
不禁迢迢路垂楊只解惹春風何曾繫得行人住

二

祖席離歌長亭別晏香塵已隔猶迴面居人匹馬映

光華辭高

林嘶行人去掉依波轉 畫閣魂消高樓目斷斜陽
只送平波遠無窮無盡是離愁天涯地角尋思遍

三

碧海無波瑤臺有路思量便合雙飛去當時輕別意
中人山長水遠知何處 綺席凝塵香闥掩霧紅牋
小字憑誰附高樓目盡欲黃昏梧桐葉上瀟瀟雨

四

小徑紅稀芳郊綠遍高臺樹色陰陰見春風不解禁
楊花濛濛亂撲行人面 翠葉藏鶯朱簾隔燕爐香
靜逐遊絲轉一場愁夢酒醒時斜陽却照深深院

晏叔原 我道

雪盡寒輕月斜烟重清懽猶記前時共迎風朱戶背
燈開拂簷花影侵簾動 繡枕雙鴛香苞翠鳳從來
往事都如夢傷心最是醉歸時眼前少箇人人送

離別

歐陽永叔 脩

候館梅殘溪橋柳細草芳風暖搖征轡離愁漸遠漸
無窮迢迢不斷如春水 寸寸柔腸盈盈粉泪樓高
莫近危欄倚平蕪盡處是春山行人更在春山外

燕 陳文惠懷呂申公薦
引作詞携酒過之

陳堯佐 古今
詩話

二杜良辰千家庭院翩翩又見新歸燕鳳凰巢穩許

為隣瀟湘烟暝來時遠 亂入紅樓低飛綠岸盡梁
輕拂歌塵散為誰歸去為誰來主人恩重珠簾捲

春閨

冠平叔平

春色將闌鶯聲漸老紅英落盡青梅小畫堂人靜雨
濛濛屏山半掩餘香裊 密約沉沉離情杳杳菱花
塵滿慵將照倚樓無語欲魂銷長空黯淡連芳草

春旅

秦少游觀

霧失樓臺月迷津渡桃源望斷無尋處可堪孤館閉
春寒杜鵑聲裏斜陽暮 驛寄梅花魚傳尺素砌成
此恨無重數柳江幸自遠柳山為誰流下瀟湘去

賞春

黃魯直庭堅

臨水夭桃倚墻繁李長揚風掉青驄尾坐中有酒可
酬春更尋何處無愁地 明日重來落花如綺芭蕉
漸着山公啓欲殘心事寄天公教人長壽花前醉

賀鑄

急雨收春斜風約水浮紅漲綠魚文起年年遊子惜
餘春春歸不解招遊子 留恨城隅閑情紙尾攔干
長對西曛倚鴛鴦俱是白頭時江南渭北三千里

二

鏡暈眉山囊熏水麝凝然風度長閑暇歸來定解鸕

鷓鴣換時應倍駟驂價 殢酒傷春添香惜夜依稀
待月西廂下梨花庭院雪玲瓏微吟獨倚秋千架

美人雨中投牒

僧仲殊中吳紀聞

濃潤侵衣暗香飄砌雨中花色添憔悴
把樹下立多時不言不語厭厭地
眉上新愁手中文字因何

不倩鱗鴻寄想伊只訴薄情人
官中誰管閑公事

殊一日造郡中接坐間見庭下一婦人投牒立于雨
中守命殊詠之口就一詞後殊自徑于枇杷下執
簿子更之曰批
杷樹下立多時

杜壽域安世

雨霽風光春分天氣千花百草爭明媚
畫梁新燕一

雙雙玉籠鸚鵡憂孤睡 薜荔依牆莓苔滿地青樓
幾處歌聲麗驀然舊事上心頭無言斂皺眉山翠

春思

謝無逸

柳絮風輕梨花雨細春陰院落簾垂地
碧溪影裏小橋橫青帘市上孤煙起
鏡約閑情琴心破睡輕寒
漠漠侵鴛被酒醒霞散臉邊紅
夢回山蹙眉峯翠

石孝友

沉水銷紅屏山揔素鎖窓醉枕驚眠處
菱荷香裏散秋風芭蕉葉上鳴秋雨
飛閣愁登倚闌凝竚孤鴻影沒江天暮
行雲懶寄好音來斷雲暗逐斜陽去

居全本總作掩
鎖作瑣

向伯恭子

靄靄朝雲芳春態度楚山夢斷尋無路欲將尊酒遣
新愁誰知引到深深處不盡江山無邊細雨只疑
都把愁來做西山總不解遮闌隨春直過東湖去

和人賦雙魚花

周紫芝

風翠輕翻霧紅深注鴛鴦池畔雙魚樹合歡鳳子也
多情飛來連理枝頭住欲付濃愁深憑尺素戲魚
波上無尋處教誰試與問花看如何寄得香牋去

二

燕子歸去梅花又落湘桃雨後燕支薄眼前先自許

多愁斜陽更在春池閣夢裡新歡年時舊約日長
院靜空簾幙幾回猛待不思量擡頭又是思量着

三

情似遊絲人如飛絮泪珠閣定空相覷一溪烟柳萬
絲垂無因繫得蘭舟住鴈過斜陽草迷烟渚如今
已是愁無數明朝且做莫思量如何過得今宵去

郭承禧 應祥

鶉離風塵燕辭門戶翩然舉翮輕飛去當初自恨探
春遲而今豈解留春住花不重開洋難再聚垂楊
只管牽離緒直饒雲雨夢陽臺夢回依舊無尋處

夜景

無名氏

碧蘚迴廊綠楊深院花期夜入簾猶捲照人無柰月
華明潛身却恨花陰淺密約難憑幽懽未展看看
滴盡銅壺箭闌干敲遍不應人分明燭下聞刀剪

趙介之師仗

白雪開殘紅雲吹盡園林新綠迷芳徑榆錢不解買
青春隨風亂點蒼苔暈紫燕飛忙黃鸝聲嫩日長
烟煖游蜂困憑高念遠思無窮那堪宿酒懨懨病

別意

洪叔璵珠

滿滿金盃垂垂玉筯離歌不放行人去醉中扶上木

蘭船醒來忘却桃源路帶綰同心釵分一股斷魂
空草高唐賦秋山萬疊水雲深茫茫無着相思處

甲午重九牛山作

劉後村克莊

日月跳丸光陰脫兔登臨不用深懷古向來吹帽挿
花人盡隨殘照西風去老矣征衫飄然客路炊烟
三兩人家住欲携斗酒答秋光山深無覓黃花處

姚令威寬

蘋葉烟深荷花露濕碧蘆紅蓼秋聲急採菱渡口日
將沉飛鴻樓上人空立彩鳳難雙紅綃暗泣回文
未剪吳刀澁夢雲歸處不留蹤厭厭一夜涼蟾入

金陵感夢

姜堯章

燕燕輕盈鶯鶯嬌軟分明又向華胥見夜長爭得薄
情知春初早被相思染別後書詞別時針線離魂
暗逐郎行遠淮南皓月冷千山冥冥歸去無人管

憶舊

元遺山好問

微步生塵殘粧暈酒朱門如海空回首東風正有去
年華柔條去作誰家柳細雨春寒青燈夜久孤衾
未煖還分手夢中見也不多時怎生望得長相守

春興

趙君舉

江闊天低樓高思迥春烟黯淡如秋景今年芳草去

年愁分明又報明年信燕子還來歸期未定可堪
醉夢紅塵境出門萬事儘消磨水流不盡青山影

春暮

劉德脩

掃徑花零閉門春晚恨長無柰東風短起來消息探
荼蘼雪條玉蘂都開遍晚月覓清夕陽香遠故山
別後誰拘管多情於此更情多一枝嗅罷還重撚

寄妹

延安夫人

孤館深沉曉寒天氣解鞍獨自闌干倚暗香浮動月
黃昏落梅風送沾衣袂待寫紅箋憑誰與寄先教
覓取嬉遊地到家正是早春時小桃花下拚沉醉

燈花

曹希蘊婦人

解遣愁人能添喜氣此兒好事先施力盡堂深處伴
妖嬈絳紗籠裏丹砂赤 有艷難留無根怎覓幾回
不忍輕輕剔玉人曾向耳邊言花有信人無的

東坡

這箇秃奴脩行忒煞雲山頂上曾持戒一從迷戀玉
樓人鶉衣百結渾無柰 毒手傷人花容粉碎空空
色色今何在臂間刺道苦相思這回還了相思債

靈隱寺僧明了然戀妓李秀奴往來日久夜鉢蕩
盡秀奴絕之僧迷戀不已一夕了然乘醉而往秀
奴弗納了然怒擊之隨手而斃事至郡時蘇子瞻
治郡送獄院推勘於僧臂上見刺字云但願生同

極樂國免教今世苦相思子瞻
見招判此詞訖押赴市曹處斬

荆楚

前人

山秀芙蓉溪明罨畫真遊洞穴滄波下臨風慨想斬
蛟人長橋千載猶橫跨 解珮投簪求田問舍黃鷄
白酒漁樵社元龍非復少時豪耳邊洗盡功名話

轉調踏莎行路宜人
生日

趙介庵秀端

宿雨纔收餘寒尚力牡丹將綻也近寒食人間好景
筭仙家也惜因循盡掃斷蓬萊跡 舊日天涯如今
咫尺一月五番價共懽集此兒壽酒且莫留半滴一
百二十箇好生日

曾覲

翠幄成陰誰家簾幕綺羅香擁處觥籌錯清和暖近
春寒更薄高歌看簌簌梁塵落 美景良辰人生行
樂金盃無柰是苦相雪殘紅飛盡裊垂楊輕弱來歲
斷不負鶯花約

東坡引

辛幼安 葉疾

玉纖彈舊怨還敲繡屏面清歌自送西風鴈鴈行吹
字斷鴈行吹字斷 夜深拜月瓊窓西畔但桂影空
堦滿翠帷自掩無人見羅衣寬一半羅衣寬一半

別周誠可

趙介之 師俠

相看情未足離腸已催促停歌欲語眉先蹙何期歸
太速何期歸太速 如今去也無計追逐怎忍聽陽
關曲扁舟後夜灘頭宿愁隨烟樹簇愁隨烟樹簇

癸巳豫章

飛花紅不聚都因夜來雨枝頭冷落情如許東風誰
是主東風誰是主 看看滿地堆香絮但目斷章臺
路殘英剩益留春住春歸何處去春歸何處去

惜分釵

一名摘紅英青商
怨玉瓏璫釵頭鳳

呂聖求

渭老

春將半鶯聲亂柳絲拂馬花迎面小塘風暮樓鍾草
色連雲暝色連空重重 秋千畔何人見寶釵斜照

春妝淺酒霞紅與誰同試問別來近日情悰冲冲

二

重簷掛微燈下背闌同說春風話月盈樓泪盈眸
覩着紅茵無計遲留休休鶯花謝春殘也等閑泣損
香羅帕見無由恨難收夢短屏深清夜濃愁悠悠

居金本夜作衣

折紅英

程正伯

桃花煖揚花亂可憐朱戶春強半長記憶探芳日笑
凭郎肩殢紅偎碧惜匕春宵短離腸斷泪痕長尚

居金本尚作向

東風滿憑青翼問消息花謝春歸幾時來得憶憶憶

玉瓏璵

能改齋錄謾名失

城南路橋南樹玉鈎簾捲香橫霧新相識舊相識淺
顰低咲嫩紅輕碧惜匕劉郎去阮郎住為雲為雨
朝還暮心相憶空相憶露荷心性柳花蹤跡得得得

青商怨

曾純甫觀

華燈鬧銀蟾照萬家羅幕香風透金尊側花顏色醉
裏人人向人情極惜匕春寒峭腰肢小髮雲斜蹀
蛾兒裊清宵寂香閨隔好夢難尋雨蹤雲跡憶憶憶

史邦卿連祖

春愁遠春夢亂鳳釵一股輕塵滿江烟白江波碧柳
戶清明燕簾寒食憶匕鶯聲晚簫聲短落花不許

春拘管新相識休相失翠陌吹衣盡樓橫笛得得

釵頭鳳

陸務觀游

紅酥手黃藤酒滿城春色官墻柳東風惡散情薄一
懷愁緒幾年離索錯
春如舊人空瘦淚痕紅泮

居全本開作閨

鮫綃透桃花落閑池閣山盟雖在錦書難托莫莫莫

齊東野語云陸務觀初娶唐氏開之也於其母
夫人為姑姪伉儷相得而弗獲於其姑因出之唐
後改適同郡宗子玉嘗以春日出游相遇於禹
跡寺南之沈氏園唐以語趙遣致酒殺翁悵然於
之為賦詞題園壁間云者舊續聞云唐氏見而
和之云世情薄人情惡之句惜不得其全閱未幾
快之而卒聞情薄人情惡之句惜不得其全閱未幾
者為之愴然

擷芳詞

古今詞話

風搖蕩雨濛茸翠條柔弱花頭重春衫窄香肌濕記
得年時共伊曾摘
都如夢何曾共可憐孤似釵頭

鳳闌山隔晚雲碧燕兒來也又無消息

政和間京師妓之姚魯嫁伶官常入內教舞傳禁
中擷芳詞以教其妓人皆愛其聲又愛其詞類
唐人所作也張尚書帥成都蜀中傳此詞競唱之
却於前段下添憶三字後段下添得得三字
字又名摘紅英其名非擅為之蓋禁中有擷芳園擅景
耶擅芳英之名非擅為之蓋禁中有擷芳園擅景也

摘紅英

惜春風

張仲舉

鶯聲寂鳩聲急柳烟一片梨雲濕鶻人困教人恨待
到平明海棠應盡
青無力紅無跡殘香賸粉那禁

得天難準晴難穩晚風又起倚闌爭忍

冉冉雲牡丹

盧炳

雨洗千紅又春晚留牡丹倚闌初綻嬌姪姘偏賦精神君看筭費盡工夫點染帶露天香最清遠太真妃院粧體段拚對花滿把流霞頻勸怕逐東風零亂

壽山曲

馮延巳侯鯖

居全本鍾作頌

銅壺滴漏初盡高閣鷄鳴半空催啓五門金鑲猶垂三殿簾櫳階前御柳搖綠仗下宮花散紅鴛瓦數行曉日鷺旗百尺春風侍臣舞蹈重拜聖壽南山永同

感皇恩

安東少師訪閩道大資同遊湖山

張子野先

廊廟當時共代工睢陵千里約遠相從欲知賓主與誰同宗枝內黃閣舊有三公廣樂起雲中湖山看畫軸兩仙翁武林佳語幾時窮元豐際德星聚照江東

二

延壽芸香七世孫華軒承大對見經綸溟魚一息化天津袍如草三百騎從清塵玉樹瑩風神同時棠棣萼一家春十年身是鳳池人蓬萊閣黃閣主共談賓

散天花

舒信道真

雲斷長空葉落秋寒江烟浪盡月隨舟西風偏解送
離愁聲聲南去鴈下汀洲無柰多情去復留驪歌
齊唱罷泪爭流悠悠別恨幾時休不堪殘酒醒凭危
樓

南樓令

張炎

居金本地作他

風雨客殊鄉梧桐傍小窓甚秋聲今夜偏長暗憶舊
時歌舞地誰得似牧之狂茉莉擁釵梁富雲一枕
香醉夢騰多少思量明月半牀人睡覺聽說道夜深
涼
花草粹編卷之六終

花草粹編七卷目錄

中調

賀明朝

後庭宴

臨江仙

鞞紅

繫裙腰

七娘子

蝶戀花

慶靈椿

朝玉階

望遠行

接賢賓

憶江南

秋藥香引

一剪梅

蝶戀花

雨中花令

玉堂春

選方怨

荷花媚

尋梅

少年心

唐多令

魚水同歡

撥棹子

國家圖書館, NATIONAL CENTRAL LIBRARY, TAIWAN, R.O.C.

花草粹編七卷目錄

贊成功

定風波 五

金蕉葉

明月逐人來

漁家傲 二十

破陣子

一名十拍子

攤破南鄉子

一名青杏兒

蘇幙遮

六

好女兒 二

捉拍醜奴兒 三 憐薄命

甘州遍 二

憂金釵 二

獻衷心 二

黃鍾樂

香山會

醉春風 二

緱山月

侍香金童

鈿帶長中腔

芭蕉雨

喝火令

淡黃柳

厭金盃

行香子 二十

千金意

聲聲令

錦纏道

解佩令 二

品令 三

看花回 二

如意令 二

風中柳

酷相思

垂絲釣 二

賣花聲

謝池春 二

感皇恩 八

三奠子 四

青玉案 十五

鳳凰閣 二

撒金錢

天仙子 八

兩同心 五

端人嬌 六

江城子 一名江神

雨中花令

惜黃花

且坐令

小桃紅 二

紅娘子

月上海棠 四

脫銀袍

祭袂神

國家圖書館, NATIONAL CENTRAL LIBRARY, TAIWAN, R.O.C.

花草粹編七卷目錄終

花草粹編卷之七

國家圖書館, NATIONAL CENTRAL LIBRARY, TAIWAN, R.O.C.

朗陵外方陳耀文晦伯甫纂

中調

賀明朝

歐陽炯

憶昔花間相見後，只憑纖手暗拋紅豆。人前不解巧傳心事，別來依舊辜負春晝。碧羅衣上，感金繡觀對鴛鴦空裊，淚痕透。想韶顏非久終是為伊，只恁偷瘦。

朝玉階

杜壽域

安世

簾捲春寒小，雨天牡丹花落盡。惜庭軒高空雙燕舞。

翩翩無風輕絮暗墜香錢 擬將幽怨寫香箋中心
多少事語難傳思量真箇惡因緣那堪長亭見在伊
邊

玉堂春

晏同叔

帝城春曉御柳暗遮空苑海燕雙雙拂颺簾籠女伴
相携共逐林間路折得櫻桃插髻紅 昨夜臨明微
雨新英偏舊叢寶馬香車欲傍西池看處揚花滿袖
風

二

後園春早殘雪尚蒙烟草教封寒梅欲綻香英小妹

無端折盡釵頭朶滿把金樽細細傾 憶得往年同
伴沉吟無限情惱亂東風莫便吹零落惜取芳菲眼
下明

後庭宴

庚溪詩話

石刻宣和中
掘得

千里故鄉十年華屋亂魂飛過屏山簇眼重眉褪不
勝春菱花知我銷香玉 雙雙燕子歸來應解笑人
幽獨斷歌零舞遺恨清江曲萬樹綠低迷一庭紅撲
蕪

望遠行

韋莊

欲別無言倚畫屏含恨暗傷情謝家庭樹錦鷄鳴殘

吾全本無石刊
數字

月落邊城 人欲別馬頻嘶綠槐十里長堤出門芳草路萋萋雲雨別來易東西不忍別君後却入舊香閨

遐方怨

顧曼

簾影細簾紋平象紗籠玉指綾金羅扇輕嫩紅雙臉似花明兩條眉黛遠山橫 鳳簫歇鏡塵生遼塞音書絕夢魂長暗驚玉郎經歲負娉婷教人爭不恨無情

臨江仙

滕子京

宗孫

湖水連天天連水秋來分外澄清君山自是小蓬瀛

氣蒸雲夢澤波撼岳陽城 帝子有靈能鼓瑟淒然依舊傷情微聞蘭芷動芳響曲中人不見江上數峯青

東坡

夜飲東坡醒復醉歸來髣髴三更家僮鼻息若雷鳴敲門都不應久立聽江聲 長恨此身非我有何時忘却營營夜來風靜縠紋平扁舟從此逝江海寄餘生

春暮

晁無咎

補之

綠暗汀洲三月暮落花風靜帆收垂楊低映木蘭舟

半篙春水滑一段夕陽愁
灞水橋東回首處美人
親上簾鈎青鷺無計入紅樓
行雲歸楚峽飛夢到揚
州

李端叔

九十日春都過了尋常偶到江皋
水容山態兩相饒
草平天一色風暖燕雙高
酒病厭厭何計那飛紅
更送無聊鶯聲猶似耳邊嬌
難回巫峽夢空恨武陵
桃

感舊

陳去非

憶昔午橋橋上飲坐中多少豪英
長溝流月去無聲

杏花疎影裏吹笛到天明
二十餘年成一夢此身
雖在堪驚閑登小閣看新晴
古今多少事漁唱起三
更

秦少游

居金本按作接
梳橋作危樓

千里瀟湘接藍浦蘭橈昔日曾經
月高風定露華清
微波澄不動冷侵一天星
獨倚梳橋情悄悄遙聞
妃瑟泠泠新聲含盡古今情
曲終人不見江上數峯
青

晁叔用

憶昔西池池上飲年年多少歡娛
別來不寄一行書

尋常相見了猶道不如初
安穩錦屏今夜夢月明
好渡江湖相思休問定何如
情知春去後管得落花
無

程正伯

濃綠鎖窓閑院靜照人明月團圓
夜長幽夢見伊難
瘦從香臉薄愁到翠眉殘
只道花時容易見如今
花盡春闌画樓依舊五更寒
可憐紅綉被空記合時
歡

夜景

李知幾

煙柳踈踈人情情盡樓風外吹笙倚欄
聞喚小紅聲

薰香臨欲睡玉漏已三更
坐待不來來不去一方
明月中庭粉牆東畔小橋橫
起來花影下扇子撲飛
螢

阿初方去

趙德麟

枝上粉香吹欲盡依前庭院春風更誰同
遠摘芳叢
漏殘金獸冷信斷錦屏空
看結燈花愁不睡酒闌
無夢相逢淒涼長判一生中不知雲外月
永夜在房
攏

立春

自名鴈
後歸

賀方回

巧剪合歡羅勝子
釵頭春意翩翩艷
歌淺笑拜嫣然

願郎宜此酒行樂駐華年 未至文園多病客幽襟
悽斷堪憐舊遊夢掛碧雲邊人歸落鴈後思發在花
前

憶舊

張弘範

千古武陵溪上路桃源流水潺潺可憐仙契剩濃歡
黃鸝驚夢破青鳥喚春還 回首舊遊渾不見蒼煙
一片荒山玉人何處倚闌干紫簫明月底翠袖暮雲
寒

石孝友

一霎狂雲驚雨過月華恰似到簾幃檻前疊石翠參差

洞房相見處燈火乍涼時 睡玉眠花愁夜短恁恁
共惜佳期風梧不動酒醒遲好同蝴蝶夢飛上鳳凰
枝

二

醉袖吟鞭行色裏帽簷低處風斜晚山一半被雲遮
殘陽明遠水古木集棲鴉 暮去朝來綠底事不如
早早還家曲屏深幌小窓紗翠沾眉上柳紅搵臉邊
花

自詠

劉德脩 光祖

我似萬山千里外悠然一片歸雲官銜猶自帶云云

誰知前進士已是故將軍
閑行閑坐閑飲酒閑拈
裙
閑字閑文諸公留我笑紛紛
一枝簪寶髻六幅舞羅

閨怨

劉叔安

蕩紫飄紅芳信斷都無人問
穠纖吟鞭倚醉問涼蟾
香消金縷篆塵壓寶粧奩
夢峽朝雲飛不到一春
離緒厭厭却疑歸燕礙重簾
心期花底誤眉恨柳邊
添

晁叔用

雙舸亭亭橫晚渚城中飛觀
差我畫橋燈火照清波

玉鈎平浸水金鎖半沉河
試問無情堤上柳也應
厭聽離歌人生無柰別離
何夜長嫌夢短淚少怕愁
多

顧曼

碧染長空池似鏡倚樓閑望
凝情滿衣紅藕細香清
象床珍簟山障掩玉琴橫
暗想昔時歡笑事如今
贏得愁生博山爐煖澹煙輕
蟬吟人靜殘日傍小窓
明

晏叔原

幾道

東野亡來無麗句于君去後少交親
追思往事好沾

巾白頭王建在猶見詠詩人 學道深山空自老
名千載不干身酒筵歌席莫辭頻爭如南陌上占取
一年春

離懷

王逐客

別岸相逢何草草扁舟兩岸垂楊綉屏珠箔綺香囊
酒深歌拍緩愁入翠眉長 燕子歸來人去也此時
無柰昏黃桃花應是我心腸不禁微雨流淚濕紅粧

閻選

雨停荷芰逗濃香岸邊蟬噪垂楊物華空有舊池塘
不逢仙子何處夢襄王 珍簾對歌鴛枕冷此來塵

暗淒涼欲憑危檻恨偏長藕花珠綴猶似汗凝粧

李後主

南唐李煜

櫻桃落盡春歸去蝶翻輕粉雙飛子規啼月小樓西
玉鈎羅幕惆悵暮煙垂 別巷寂寥人散後望殘煙
草低迷爐香閒裊鳳凰兒空持羅帶回首恨依依

續聞云親見後主梵業書塗注數字未嘗不全蘇
子由題此詞云淒涼怨慕真亡國之音也
西清詩話云後主園中作詞云櫻桃結子春歸
盡蝶翻金粉雙飛子規啼月小樓西畫簾朱箔惆
悵而城破墨莊寂寞人去後望殘煙草低迷詞未
就玉驄嘶撲蘆柳錄云劉延仲為補之云何時重
絮依約夢回時

二

居全本壙作傭

庭空客散人歸後，畫堂半掩珠簾林。風浙浙夜厭厭，
小樓新月回首自纖纖。春光鎮在人空老，新愁往
恨何窮。金窓力困起還慵，一聲羌笛驚起醉怡容。

宮詞

鹿虔扈

居全本鏤作鎖

金鎖重門荒苑靜，綺窓愁對秋空翠。華一去寂無蹤，
玉樓歌吹聲斷已隨風。煙月不知人事改，夜闌還
照深宮。藕花相向野塘中，暗傷亡國清露泣香紅。

柳

許庭庚溪詩話

不見昭陽宮內柳，黃金齊撚輕柔。東君昨夜到皇州，
玉階金井無處不風流。悵望翠華春欲暮，六宮都

鎖。春秋煖風吹動，繡簾鈎飛花委地。時轉玉香毬。

二

不見隋河堤上柳，綠陰流水依依。龍舟東下疾如飛，
千條萬葉濃翠染旌旗。記得當年春去也，錦帆不
見西歸。故拋輕絮點人衣。如將亡國恨，說與路人知。

三

不見陶家門外柳，柴扉一徑遙通。閉門終日掩清風，
感君高節綠蔭向人濃。籬落蕭疎鷄犬靜，日長飛
絮濛濛。先生一醉萬緣空。經時高卧不到翠陰中。

四

不見都門亭畔柳春來綠盡長條柳邊行色馬蕭蕭
一枝折贈相見又何朝 酒盡曲終人去也風前亦
自無聊祇應於我恨偏饒東君特地付與沈郎腰

五

不見灞陵原上柳往來過盡蹄輪朝離南楚暮西秦
不成名利贏得鬢毛新 莫怪枝條憔悴損一生唯
苦征塵兩三煙樹倚孤村夕陽影裏愁殺宦游人

夏景

永叔

歐陽脩

池外輕雷池上雨雨聲滴碎荷聲小樓西角斷虹明
攔干倚處待得月華生 燕子飛來窺畫棟玉鈎垂

下簾旌涼波不動簾紋平水晶雙枕傍有墮釵橫

絳華堂進泛索

張掄

聞道彤廷森寶仗霜風逐雨驅雲六龍扶輦下青冥
香隨麝扇遠日映赭袍明 簾捲天街人頂戴滿城
喜氣氤氳等閑散作八荒春祇知天意好昨夜月華
新

毛文錫

暮蟬聲盡落斜陽銀蟾影挂瀟湘黃陵廟側水茫茫
楚山紅樹煙雨隔高唐 岸泊漁燈風颭碎白蘋遠
散濃香靈娥鼓瑟韻清商朱絃淒切雲散碧天長

牛希濟

峭碧參差十二峯，冷煙寒樹重重。
金鑪珠帳香霏畫，偏濃。一自楚王驚夢，斷人間無路相逢。至今雲雨帶愁容，月斜江上，征棹動晨鐘。

二

江繞黃陵春廟閑，嬌鶯獨語關關。
滿庭重疊綠苔斑，陰雲無事四散自歸山。
簫鼓聲稀香燼冷，月娥斂盡灣環。
風流皆道勝人間，須知狂客判死為紅顏。

三

素洛春光潋艷平，千重媚臉初生。
凌波羅襪勢輕輕

煙籠日照珠翠半分明，風引寶衣疑欲舞。
鸞迴鳳翥堪驚也，知心許恐無成。
陳王辭賦千載有聲名。

四

柳帶搖風漢水濱，平蕪兩岸爭勻。
鴛鴦對浴浪痕新，弄珠游女微笑自含春。
輕步暗移蟬鬢動，羅裙風惹輕塵。
水精宮殿豈無因，空勞纖手解珮贈情人。

五

洞庭波浪颭晴天，君山一點凝煙。
此中真境屬神仙，玉樓珠殿相映月輪邊。
萬里平湖秋色冷，星辰垂影參然。
橘林霜重更紅鮮，羅浮山下有路暗相連。

梅

李易安 清照

庭院深深深幾許，雲窗霧閣春遲。
為誰憔悴損芳姿。夜來清夢好，應是發南枝。
玉瘦檀輕無限恨，南樓羌管休吹。
濃香吹盡有誰知。暖風遲日也，別到杏花肥。

二

庭院深深深幾許，雲窗霧閣常扃。
柳梢梅萼漸分明。春歸秣陵樹，人客建安城。
感月吟風多少事，如今老去無成。
誰憐憔悴更彫零。燈花空結蕊，離別共傷情。

寄外

劉氏 若溪 漁隱

千里長安名利客，輕離輕散尋常難。
禁三月好風光。滿階芳草綠，一片杏花香。
記得年時臨上馬，看人眼淚汪汪。
如今不忍更思量。恨無千日酒，空斷九回腸。
劉章文虎妻 名彤字文美

立春寄李順妹

延安夫人 氏李

一夜東風穿綉戶，融融暖應佳時。
春來何處最先知。平明堤上柳，染遍鬱金枝。
姊妹嬉遊時節近，今朝應怨來遲。
憑誰說與到家期。玉釵頭上勝，留待遠人歸。

熟水

易少夫人

何處甘泉來席上嫩黃初湯銀瓶月團嘗罷有餘清
惠山名品在歌舞暫留停 欲賞壑源新氣味不應
兼進猗苓此中端有淡交情相如方病酒一飲骨毛
輕

居全本飲作飯

接賢賓

毛文錫

香鞦鏤檐五花驄值春景初融流珠噴沫躑躅汗血
流紅 少年公子能乘馭金鑣玉轡瓏璵為惜珊瑚
鞭不下驕生百步千蹤信穿花從拂柳向九陌追風

荷花媚

蘇軾

霞苞電荷碧天然地別是風流標格重重青蓋下千
嬌照水好紅紅白白 每伊望明月清風夜甚低迷
不語妖邪無力終須放船兒去清香深處住看伊顏
色

居全本伊作恨

鞦紅

無名氏

粉香尤嫩衾寒可慣怎柰向春心已轉玉容別是一
船開婉悄不管桃紅杏淺 月影簾櫳金堤波面漸
細細香風滿院一枝折寄故人雖遠輒莫使江南信
斷

居全本船作板

憶江南

馮延巳

去歲迎春樓上月正是西窓夜涼時節玉人貪睡墜
釵雲粉消粧薄見天真 人非風月長依舊破鏡塵
第一夢經年瘦今宵簾幙颺花陰空餘枕淚獨傷心

二

今日相逢花未發正是去年別離時節東風次第有
花開恁時須約却重來 重來不怕花堪折祇怕明
年花發人離別別離若向百花時東風彈淚有誰知

尋梅

沈會宗

幽香淺淺濕未透認雪底思來始有剪裁尚覺瓊瑤
皺苦寒中越恁骨清肌瘦 東風氣象園林舊又今

年而今時候急宜小摘當罇酒選一枝且付玉人纖
手

二

今年早覺花信蹉想芳心未應悞我一日小徑幾回
過始朝來尋見雪痕微破 眼前大抵情無那好景
色只銷些箇春風爛熳都且可是而今枝上一朶兩
朶

繫裙腰

張子野

九

清霜蟾照夜雲天朦朧影畫勾欄人情縱似長情月
笑一年又能得幾番圓 欲寄西江題葉字流不到

五亭前東池始有新荷綠尚小如錢問何日藕幾時
蓮

劉叔儼

山兒轟轟水兒清船兒似葉兒輕風兒更沒人情月
兒明厮合湊送人行 眼兒軟軟淚兒傾燈兒更冷
清清遭逢鴈兒又沒前程一聲聲怎生得夢兒成

魏夫人

芳草渡

燈花耿耿漏遲遲人別後夜涼時西風瀟灑夢初回
誰念我就單枕皺雙眉 錦屏綉幌與秋期腸欲斷
淚偷垂月明還到小窓西我恨你我憶你你爭知

秋藥香引

相思

柳耆卿

永

留不得光陰催促有芳蘭歇好花謝唯頃刻彩雲易
散琉璃脆驗前事端的 風月夜幾處前蹤舊跡忍
思憶這回望斷永作終天隔向仙島歸冥路兩無消
息

少年心

黃魯直

對景惹起愁悶染相思病成方寸是阿誰先有意阿
誰薄倖斗損恁少喜多嗔 合下休傳音問你有我
我無你分似合歡桃核真堪人恨心兒裏有兩箇人
人

七娘子

向子諲

山圍水繞高唐路恨密雲不下陽臺雨霧閣雲窓風
亭月戶分明携手同行處而今不見生塵步但長
江無語東流去滿地落花漫天飛絮誰知總是離愁
做

頤堂

上詞

花明霧暗非花霧似春屏短夢無憑據夜月將來曉
燈催去半衾餘暖空留住情柔意密愁千縷想一
聲鷄唱東城路暫作行雲暫為行雨陽臺望極人何
處

一剪梅

舟過吳江

蔣勝欲

捷

一片春愁待酒澆江上舟搖樓上帘招秋娘度與泰
娘嬌風又飄飄雨又蕭蕭何日歸家洗客袍銀字
笙調心字香燒流光容易把人拋紅了櫻桃綠了芭
蕉

客中新雪

方秋崖

岳

誰剪輕瓊做物華春遶天涯水遶天涯園林曉樹恁
橫斜道是梅花不是梅花宿鷺聯拳倚斷槎昨夜
寒些今夜寒些孤舟蓑笠釣烟沙待不思家怎不思
家

晏壁

客路輕寒笑敝貂一半春銷一半魂銷滿城風雨冷
蕭蕭去歲花朝今歲花朝 記得樓西畫扇招汗濕
鮫綃淚濕鮫綃別時楊柳又長條人在溪橋月在溪
橋

劉潛夫 光華

居金本行作人

陌上行行恠府公還是文窮還是詩窮下車上馬太
匆匆來是春風去是秋風 階街免得管兵農嬉到
昏鐘睡到齋鐘不須提岳與知宮喚作溪翁喚作山
翁

程正伯 瑛

小會幽歡正及時花也相宜人也相宜寶香未斷燭
光低莫厭杯遲莫恨催遲 夜漸深深漏漸稀風已
侵衣露已沾衣一盃重勸莫相違何似休歸何似同
歸

徐淵子 似道

道學從來不則聲行也東銘坐也西銘爺娘死後更
伶仃也不看經也不齋僧 却言淵子太狂生行也
輕輕坐也輕輕他年青史總無名你也能亨我也能
亨 淵子天台人初官戶曹其長方以道學自高每以
輕銳抑之適其長以母死去官淵子賦此詞

咸淳甲子又復經量湖南 醴陵士人
宰相巍巍坐廟堂說着經量便要經量那箇臣僚上
一章頭說經量尾說經量 輕狂太守在吾邦聞說
經量星夜經量山東河北久拋荒好去經量胡不經
量

春別

虞集

豈惹稍頭春色闌風滿前山雨滿前山杜鵑啼血五
更殘花不禁寒人不禁寒 離合悲歡事幾般離有
悲歡合有悲歡別時容易見時難怕唱陽關莫唱陽
關

李易安 清照

紅藕香殘玉簟秋輕解羅裳獨上蘭舟雲中誰寄錦
書來鴈字回時月滿西樓 花自飄零水自流一種
相思兩處閑愁此情無計可消除總下眉頭又上心
頭

易安妻

染淚脩書寄彥章貪做前廊忘却回廊功名成遂不
還鄉石做心腸鉄做心腸 紅日三竿懶畫粧虛度
韶光瘦損容光相思何日得成雙羞對鴛鴦懶對鴛
鴦

唐多令 贈情
觴者

劉改之 過

蘆葉滿汀洲，寒沙帶淺流。二十年重到南樓。柳下繫
船猶未穩，能幾日是中秋。黃鶴斷磯頭，故人今在
否。舊江山都是新愁。欲買桂花重載酒，終不似少年
遊。

惜別

吳君特

何處合成愁，離人心上秋。縱芭蕉不雨也飈飈。都道
晚涼天氣好，有明月怕登樓。年事夢中休。花空煙
水流。燕辭歸客尚淹留。垂柳不繫裙帶住，謾長是繫
行舟。

鄧光薦

雨過水明霞，潮回岸帶沙。葉聲寒飛透窗紗。懊恨西
風吹世換，更吹我落天涯。寂寞古豪華，烏衣日又
斜。說興亡燕入誰家。惟有南來無數鴈，和明月宿蘆
花。

茗溪故妓

尹煥 野
語

蘋末轉清商，溪聲供夕涼。緩傳盃催喚紅粧。慢綰烏
雲新浴罷，裙拂地水沉香。歌短舊情長。重來驚鬢
霜。悵綠陰青子成雙。說着前歡，佯不采颺。蓮子把鴛
鴦。

惟曉嘗於若溪籍中偶有所盼後十年復訊舊游
則已歸一宗子矣雖經生子而名未落籍因假於
郡將久之始來相對若不勝情者為
賦此詞人以為可繼杜牧之之事云

蝶戀花

李後主

南唐李煜

遙夜亭臯閑信步乍過清明早覺傷春暮數點雨聲
風約住朦朧淡月雲來去桃李依依春暗度誰在
秋千笑裡低低語一片芳心千萬緒人間沒箇安排
處

見樽前集本事曲以為山東李冠作

馮延巳

花外寒鷄天欲曙香印成灰起坐渾無緒庭際高梧
凝宿霧卷簾雙鵲驚飛去屏上羅衣閑綉縷一餉

關情憶遍江南路夜夜夢魂休謾語已知前事無情
處

二

蕭索清秋珠泪墜枕簟微涼展轉渾無寐殘酒欲醒
中夜起月明如練天如水堦下寒聲啼絡緯庭樹
金風悄悄重門閉可惜舊歡携手地思量一夕成憔悴

三

幾度鳳樓同飲宴此夕相逢却勝當時見低語前歡
頻轉面雙眉歛恨春山遠蠟燭淚流羗笛怨偷整

花堂雜錄 卷上 十一
羅衣欲唱情猶懶醉裡不辭金爵滿陽關一曲腸千
斷

四

幾日行雲何處去忘了歸來不道春將暮百草千花
寒食路香車繫在誰家樹 淚眼倚樓頻獨語雙燕
飛來陌上相逢否撩亂春愁如柳絮悠悠夢裡無尋
處

晏同叔

簾幕風輕雙語燕午醉醒來柳絮飛撩亂心事一春
猶未見餘花落盡青苔院 百尺朱樓閑倚遍薄雨

濃雲抵死遮人面消息未知歸早晚斜陽只送平波
遠

二

檻菊愁烟蘭泣露羅幕輕寒燕子雙飛去明月不諳
離恨苦斜光到曉穿朱戶 昨夜西風彫碧樹獨上
高樓望盡天涯路欲寄彩牋憑尺素山長水濶知何
處

三

黎葉疎紅蟬韻歇銀漢風高玉管聲凄切枕簟乍涼
銅漏咽誰教社燕輕離別 草際虫吟珠露結宿酒

醒來不記歸時節多少衷腸猶未說朱簾一夜朦朧
月

小山

醉別西樓醒不記春夢秋雲聚散真容易斜月半窓
還少睡畫屏開展吳山翠衣上酒痕詩裡字點點
行行總是淒涼意紅燭自憐無好計夜寒空替人垂
淚

二

欲減羅衣寒未去不捲珠簾人在深深處殘杏枝頭
花幾許啼紅正恨清明雨盡日沉香烟一縷宿酒

醒遲惱破春情緒遠信還因歸燕誤小屏風上西江
路

三

碧落秋風吹玉樹翠節紅旌晚過銀河路休笑星機
停弄杼鳳帟已在雲深處樓上金針穿綉縷誰管
天邊隔歲分飛苦試等夜闌尋別緒浪痕千點羅衣
露

四

碧玉高楼臨水住紅杏開時花底曾相遇一曲陽春
春已暮晚聲鶯斷朝雲去遠水來從樓下路過盡

流波未得魚中素月細風尖垂柳渡夢魂常在分襟處

五

夢入江南烟水路行盡江南不與離人遇睡裡銷魂
無說處覺來惆悵佳期誤欲盡此情書尺素浮鴈
沉魚終了無憑據却倚鯤絃歌別緒斷腸移破秦箏
柱

六

黃菊開時傷聚散曾記花前共說深深願重見金英
人未見相思一夜天涯遠羅袖同心閑結徧帶易

滿成雙人恨成雙晚欲寫綵箋書別怨枕痕早已先書

丁謂之謂

十二層樓春色早三殿笙歌九陌風光好堤柳岸花
連複道玉梯相對開蓬島鶯轉喬林魚在藻太液
微波綠闌王孫草南闕萬人瞻羽葆後天祝聖天難
老

情景

宋子京

綉幕茫茫羅帳捲春睡騰騰困入嬌波慢隱隱枕痕
留玉臉膩雲斜溜釵頭燕遠夢無端懽又散淚落

居全本慢作漫
限作帳

胭脂界破蜂黃淺整了翠鬟勻了面芳心一寸情何
限

杜壽域 安世

籬落繁枝千萬片猶自多情似雪隨風轉昨夜笙歌
容易散酒醒添得愁無限樓上春雲山四面過盡
征鴻暮景烟深淺一餉凭欄人未見紅綃掩淚思量
遍

二

惆悵留春留不住欲到清和背我堂堂去飛絮落花
和細雨淒涼庭院流鶯度更被閒愁相賺誤夢斷

高唐回首桃源路一餉沉吟無意緒分明往事今何
處

三

整頓雲鬟初睡起庭院無風盡日簾垂地畫閣巢新
燕聲喜楊花狂散無拘繫近來早是添憔悴金縷
衣寬賽過宮腰細冉冉光陰似流水春殘鶯老人千
里

春思

趙元鎮 飛

盡日東風吹綠樹向晚輕寒數點催花雨年少淒涼
天賦與更堪春思縈離緒臨水高楼携酒處曾倚

柳華詞集 卷七
哀絃歌斷黃金縷樓下水流何處去凭欄目送蒼烟暮

別恨

吳子和

禮之

急水浮萍風裏絮恰似人情思愛無憑據去便不來
來便去到頭畢竟成輕負 簾卷春山朝又暮鶯燕
空忙不念花無主心事萬千誰與訴斷雲零雨知何
處

春思

前人

滿地落紅初過雨綠樹成陰紫燕風前舞烟草低迷
縈小路晝長人靜扃朱戶 沉水香銷新剪苧欹枕

去 朦朧花底聞鶯語春夢又還隨柳絮等閑飛過東墻

佳人

李冠

貼髮香雲雙綰綠柳弱花嬌一點春心足不肯玉簫
閑度曲惱人特把青蛾蹙 靜夜溪橋霜薄屋獨影
行歌驚起雙鸞宿愁破酒闌闌閨夢熟月斜窗外風敲
竹

春暮

永叔

庭院深深深幾許楊柳堆煙簾幙無重數金勒雕鞍
遊冶處樓高不見章臺路 雨橫風狂三月暮門掩

黃昏無計留春住
淚眼問花花不語
亂紅飛過秋千去

懷舊

前人一作俞克成

海燕雙來歸畫棟
簾影無風花影頻
移動半醉海棠春
睡重綠鬟堆枕香
雲擁翠被雙盤金
縷鳳憶得前春有箇人
人共花裏鶯聲時
一弄日斜驚起相思

春恨

柳永

佇立危樓風細細
極望春愁黯黯生
天際草色煙光殘
照裏無言誰會
凭欄意擬把踈狂圖
一醉對酒

當歌強樂還無味
衣帶漸寬終不悔
為伊消得人憔悴

綠楊

張子野先

移得綠楊栽後院
漸學宮腰二月青
猶短不似灞陵作
送遠千思萬縷
東西岸幾度小眉
愁不展休唱陽關
真箇無腸斷分付
與春春不管條條
盡是離人怨

春暮

東坡

花褪殘紅青杏小
燕子來時綠水人
家曉枝上柳綿吹
又少天涯何處無
芳草墻裏秋千墻
外道墻外

居全本曉作繞

居全本思作絲

行人牆裏佳人笑笑，漸不聞聲，漸悄多情，却被無情
惱。

離別

前人

春事闌珊，芳草歇，客裏風光又過清明節。小院黃昏，
人憶別，落紅處處聞啼鴉。咫尺江山，分楚越，目斷
冤銷，應是音塵絕。夢破五更心，欲折角聲，吹落梅花
月。

秦少游

鍾送黃昏，鷄報曉，昏曉相催，世事何時了。萬苦千愁，
人自老，春來依舊生芳草。忙處人多閑，處少閑處

小
光陰幾箇人，知道獨上小樓，雲杳杳，天涯一點青山

前人集

曉日窺軒，雙燕語似與佳人共，惜春將暮，屈指艷陽
都幾許，可無時霎，閑風雨。流水落花無問處，只有
飛雲冉冉來，還去持酒勸雲雲，且住，憑君礙斷春歸
路。

趙德麟

今時

捲絮風頭，寒欲盡，墜粉飄香，日日紅成陣。新酒又添
殘酒困，今春不減前春恨。蝶去鶯飛，無處問，隔水

樓高望斷雙魚信
惱亂橫波秋一寸
斜陽只與黃昏近

司馬槓

妾本錢塘江上住
花落花開不管流
年度燕子却銜春色去
黃昏幾度瀟瀟雨
蟬鬢犀梳雲欲吐
檀板新聲唱徹黃金縷
酒醒夢回無覓處
淒涼明月生秋浦

春者紀聞云司馬才仲初在洛下晝寢夢一美姝牽帷而歌云妾本且云黃梅雨才仲愛其詞因詢曲名云是黃金縷且後日相見於錢塘江上及才仲以東坡荐應制舉中等遂為錢塘幕官其辭舍後堂蘇小墓在馬時秦少章為錢塘尉為續其詞後云斜挿云生春浦不逾年而才仲携一麗

人登舟即前聲諾繼而火起舟尾狼忙者走報家已痛哭矣雲齋廣錄俱以為夢小小歌詞若溪漁載亦

鞋

楊補之

端正纖柔如玉削
窄鞵弓鞣暖襯吳綾
薄掌上細看才半搦
巧偷強奪嘗春酌
穩稱身材輕綽約
微步盈盈未怕香塵覺
試問更誰如樣脚
除非借與婦娥着

柳

周美成

愛日輕明新雪後
柳眼星星漸欲穿
窓牖不待長亭傾別酒
一枝已入騷人手
淺淺接藍輕蠟透
過盡

冰霜便與春爭秀強對青銅簪白首老來風味難依
舊

二

桃萼新香梅落後暗葉藏鴉冉冉垂亭牖舞困低迷
如着酒亂絲偏近遊人手 雨過朦朧斜日透客舍
青青特地添明秀莫話揚鞭回別首渭城荒遠無交
舊

三

蠢蠢黃金初脫後暖日飛綿取次粘窓牖不見長條
低拂酒贈行應已輸先手 鷲擲金梭飛不透小榭

危樓處處添奇秀何日隋堤縈馬首路長人遠空思
舊

曉行

周美成

邦彦

月皎驚鳥棲不定更漏將殘輾轉牽金井喚起兩眸
清烟烟淚花落枕紅綿冷 執手霜風吹鬢影去意
徊徨別語愁難聽樓上闌干橫斗柄露寒人遠鷄相
應

石孝友

別後相思無限憶欲說相思要見終無計擬寫相思
特送似如何盡得相思意 眼底相思心裏事縱把

居金本德作意
特作持似作你

居金本德作意

相思寫盡憑誰寄多少相思都做淚一齊淚損相思字

二

薄倖人人留不住楊柳花時還是成虛度一枕夢回春又去海棠吹落烟脂雨金鴨未銷香篆吐斷盡柔腸看取沉烟縷獨上危樓凝望處西山暝色連南浦

題扇

金章宗歸潛志

幾股湘江龍骨瘦巧樣翻騰疊作湘波皺金縷小鈿花草鬪翠條更結同心扣金殿珠簾閑永晝一握

清風暫喜懷中透忽聽傳宣須急奏輕輕褪入香羅袖

清明前兩日聞燕

汪宗臣

年去年來來去早恠底不來庭院春光老知過誰家翻別調家家望斷飛蹤宿千里瀟湘烟渺渺不記雕梁舊日恩多少匝近清明簷外叫故巢猶在朱簷曉

一籬金

李石才

武陵春色濃如酒遊冶才郎初試花間手絳蠟燒殘人靜後眉峯便作傷春皺一霎風狂和雨驟柳嫩

花柔渾不禁，僂憊明日餘香。知在否，粉羅猶有殘紅透。

捲珠簾

魏夫人

記得來時春未暮，執手攀花，袖染花梢露。暗卜春心共花語，爭尋雙朵，爭先去。多情因甚相辜負，輕折輕離，欲向誰分訴。淚濕海棠花枝處，東君空把奴分付。

李易安

清照

淚搵征衣，脂粉煖，四疊陽關唱了。千千遍，人道山長，山又斷。蕭蕭微雨聞孤館。惜別傷離，方寸亂，忘了

臨行酒盞深和淺。若有音書，憑過鴈，東萊不似蓬萊遠。

二

暖雨清風初破凍，柳眼梅腮，已覺春心動。酒意詩情誰與共，淚融殘粉花鈿重。乍試夾衫金縷縫，山枕斜欹，枕損釵頭鳳。獨抱濃愁無好夢，夜闌猶剪燈花弄。

上巳召親族

前人

永夜懨懨，懽意少，空夢長安。認取長安道，為報今年春色好。花光月影，宜相照。隨意杯盤，雖草草酒美

梅酸恰稱人懷抱醉莫插花花莫笑可憐春似人將老

送春

朱淑真

樓外垂楊千萬縷欲係青春少住春還去猶自風前飄柳絮隨春且看歸何處滿目山川聞杜宇便做無情莫也愁人意把酒送春春不語黃昏却下蕭蕭雨

鳳樓梧

杜壽域 安世

新月羞光影庭樹窗外芭蕉數點黃昏雨何事秋來無意緒玉容寂寞雙眉聚一點銀缸扁繡戶莎砌

寒蛩歷歷啼聲苦孤枕夜長君信否披衣顛坐魂飛去

魚水同歡

哀長吉

揀萼樓前佳氣藹欣遇稱觴正斗杓移亥三兩日來連慶會賀賓喜色增加倍未遜徐雛分小大好比晉朝二陸休聲在更祝靈椿顏不改三蘇相繼居台宰

慶靈椿

壽胡夫人生日

黃右曹 翰

瑞溪庭滿園秋色好簾幙低垂一牀簪笏人間盛況檀影裏笙歌沸處齊捧瑤卮習禮復明詩胡氏清

畏人知壽堂已慶靈椿老年年歲歲重添嫩葉頻長
繁枝

雨中花令

贈胡楚中

張子野

先

近鬢絲鈿雲鴈細大雲鴈小雲鴈好客艷花枝爭媚花枝十二學

雙燕同栖還並翅雙燕我合着你難分離合着這佛面

前生應布施金浮圖你更看蛾眉下秋水眉似賽九底

見他三五二胡正悶裏也須歡喜子悶

撥棹子

黃山谷

庭堅

歸去來歸去來携手舊山歸去來有人共對月罇壘
橫一琴甚處逍遙不自在 閑世界無利害何必向

世間甘幻愛與君鈞晚煙寒瀨蒸白魚稻飯溪童供
筍菜

煙姿媚冰容薄芳渠嫩隱映新萍池閣擷英人去後
清香微綻透真珠簾幙 似無語含情垂綵佩戲芳
陰漸許纖鮮相託西風直須愛惜看看濃艷伴秋光
零落

贊成功

毛文錫

海棠未坼萬點深紅香苞緘結一重重似含羞態邀
勒春風蜂來蝶去任逸芳叢 昨夜微雨飄灑庭中

忽聞聲滴井邊桐美人驚起坐聽晨鐘快教折取戴
玉瓏璵

定風波

永叔

把酒花前欲問它對花何惜醉顏酡春到幾人能爛
賞何況無情風雨等閒多 艷樹香叢都幾許朝暮
惜紅愁粉奈情何好是金船浮玉浪相向十分深送
一聲歌

詠梅

葉夢得

破萼初驚一點紅又看青子映簾櫳冰雪肌膚誰復
見清淺尚餘踈影照晴空 惆悵年年桃李伴腸斷

祇應芳信負東風待得微黃春亦暮烟雨半和飛緒
作濛濛

張子野

居金本更作之
待作令

西閣名臣奉詔行南牀更部錦衣榮中有瀛仙賓與
主相遇平津選首更神清 溪上玉樓同宴喜歡醉
對堤盃葉惜秋英盡道賢人聚吳分試問也應中有
老人星

雪溪席上同會者六人揚元素侍讀劉孝
井吏部子瞻公擇二學士陳待舉賢良

東坡

月滿若溪照夜堂五星一老聞光芒十五年間真夢
裏何事長庚對月獨淒涼 綠髮蒼顏同一醉還是

居全本冷作吟

六人冷笑水雲鄉
賓主談鋒誰得似
看取曹劉今對
兩蘇張

東坡云余昔與張子野劉孝叔李公擇陳令舉揚
元素會于吳興時子野作六客詞其卒章盡道賢
人聚吳分試問也應旁有老人星凡十五年再過
吳興而五人者皆已亡矣時張仲謀與曹子方劉
景文蘇伯固張秉道為坐
客仲謀請作後六客詞云

重陽

東坡

與客携壺上翠微
江涵秋影鴈初飛
塵世難逢開口
笑
年少菊花須插滿頭歸
酩酊但酬佳節了雲嶠
登臨不用怨斜暉
古往今來誰不老
多少牛山何必
更沾衣

居全本重陽兩
字下有括杜牧
之詩五字

金蕉葉

夜宴

柳耆卿

永

厭厭夜飲平陽第
添銀燭旋呼佳麗
巧笑難禁艷歌
無間聲相繼
準擬幕天席地
金蕉葉泛金波
露未更闌已盡
狂醉就中有箇風流
暗向燈光底
惱徧兩行珠翠

明月逐人來

李持正

改齋謾錄

星河明淡春來深
淺紅蓮正滿
城開遍禁街行樂
暗塵香拂面
皓月隨人近
遠天半鰲山光動
鳳樓兩觀東風靜
珠簾不捲玉輦待
歸雲外聞絃管
認得宮花影轉

李太師所撰譜

花草辭編

卷六

七

漁家傲

晏同叔

畫鼓聲中昏又曉，時光只解催人老。求得淺歡風日好。齊揭調，神仙一曲漁家傲。綠水悠悠天杳杳。浮生豈得長年少。莫惜醉來開口笑。須信道人間萬事，何時了。

秋思

范希文

塞下秋來風景異，衡陽鴈去無留意。四面邊聲連角起，千嶂裏，長烟落日孤城閉。濁酒一盃家萬里，燕然未勒歸無計。羌管悠悠霜滿地，人不寐，將軍白髮征夫淚。

冬景

六一

十月小春梅蕊綻，紅爐暖閣新粧遍。錦帳美人貪睡煖。羞起懶，玉壺一夜冰漸滿。樓上四垂簾不捲。天寒山色偏宜遠。風急鴈行吹字斷。紅日晚，江天雪意雲撩亂。

春景

王介甫

平岸小橋千嶂抱，揉藍一水縈花草。茅屋數間牕窈窕。宛塵不到時時自有春風掃。午枕覺來聞語鳥。歎眠侶，聽朝鷄早。忽憶故人今總老。貪夢好，茫茫忘了邯鄲道。

漁父

謝無逸

秋水無痕清見底，蓼花汀上西風起。
一葉小舟煙霧裏，蘭棹艤柳條帶雨穿雙鯉。
自嘆直釣無處使，笛聲吹散雲山翠。
繪落霜刀紅縷細，新酒美醉來獨枕。
蓑衣睡

王采

日月無根天不老，浮生摠被消磨了。
陌上紅塵常擾擾，昏復曉一場大夢誰能覺。
洛水東流山四遠，路傍幾箇新華表。
見說身在官職好，爭信道冷煙寒雨埋荒草。

杜安世

踈雨才收淡泞天，微雲綻處月嬋娟。
寒鴈一聲人正遠，添幽怨那堪往事思量偏。
誰道綢繆兩意堅，水萍風絮不相緣。
舞鑑鸞腸虛寸斷，芳容變好將憔悴教伊見。

春恨

周美成

幾日輕陰寒惻惻，東風急處花成積。
醉踏陽春懷故國，歸未得黃鸝久住如相識。
賴有蛾眉能暖客，長歌屢勸金盃側。
歌罷月痕來照席，貪歡適簾前重露成涓滴。

居金本青作夫
認作惹

漁父

張仲宗

鶴元
林幹

釣笠披雲青嶂繞，綠簑雨細春江渺。白鳥飛來風滿棹，收綸了。漁童拍手樵青笑。明月太虛同一照。浮家泛宅忘昏曉。醉眼冷看城市鬧。煙波老，誰能認得開煩惱。

若溪

樓外天寒山欲暮，溪邊雪後藏雲樹。小艇風斜沙嘴露。流年度春光已向梅梢住。短夢今宵還到否。葦村四望知何處。客裏從來無意緒。催歸去，故園正要鶯花主。

憶營妓周子文

陳襲善 西

鷺嶺峯前欄獨倚，愁眉蹙損，愁腸碎。紅粉佳人傷別袂。情何已。登山臨水年年是。常記同來今獨至。孤舟晚颺，湖光裏。衰草斜陽無限意。誰與寄。西湖水是相思淚。

丁義叟

十里寒塘初過雨，采蓮舟上誰家女。秋水接雲迷遠樹。天光暮。船頭忘了回來路。却繫蘭舟深處住。歌聲驚散鴛鴦侶。波上清風花上霧。無計去。月明腸斷雙棲去。

居金本去作羽

為愛蓮房都一柄雙苞雙葢雙紅影雨勢斷來風色
定秋水淨仙郎彩女臨鵞鏡 妾有容華君不省花
無恩愛猶相並花却有情人薄行心耿耿因花又染
相思病

顏上陶生

二

近日門前溪水漲即船幾度偷相訪船小難開紅斗
帳無計向合歡影裏空惆悵 願妾身為紅菡萏年
年生在秋江上更願即為花底浪無隔障隨風逐雨
長來往

周紫芝

遇坎乘流隨分了雞虫得失能多少兒輩雌黃堪一
笑堪一笑鶴長鳧短從他道 幾度秋風吹夢到花
姑溪玉人空老喚取扁舟歸去好歸去好孤蓬一枕
秋江曉

侯彥周

過盡百花芳草滿柳絲舞困闌干煖柳外秋千裙影
亂人逐伴舊家心性如今懶 斗帳寶香凝不散黃
昏院落鶯聲晚紅葉不來音信斷踈酒盞東陽瘦損
無人管

贈鼎州官妓

李知幾石

西去征鴻東去水幾重別恨千山裏夢繞綠窓書半
紙何處是桃花溪畔人千里瘦玉倚香愁黛翠勸
人須要人先醉問道明朝行也未猶自記燈前背立
偷垂淚

段克己

龍尾溝邊飛柳絮虎頭山下花無數花底醉眠留杖
屨花上露隨風散漫飄香霧老去逢春能幾度不
妨且作風流主明日不知風共雨回首處夕陽又下
西山去

二

春去春來誰是主怨他昨夜江頭雨把酒問春春不
語頭懶舉亂紅飛過秋千去芳草澹煙江上路鷓
鴒聲裡斜陽暮風外榆錢無意緒空自舞如何買得
青春住

和門人祝壽

蘇子由蘇轍
遺言

七十餘年真一夢朝來壽筭兒孫奉憂患已空無復
痛心不動此間自有千鈞重蚤歲文章供世用中
年禪味疑天縱石塔成時無一縫誰與共人間天上
隨他送

漁翁

張功甫 撰

拂拂春風生草際
新晴萬景供遊戲
鷗鷺飛來斜照裏
金和翠分明畫出真山水
遮箇漁翁無愠喜
乾坤頓在孤蓬底
一曲高歌千古意
閑來睡從教月到花汀外

春思

譚在庵 宣子

深意纏綿歌宛轉
橫波停恨燈前見
最憶來時門半掩
春不暖梨花落盡成秋苑
疊鼓收聲颭帆影亂
燕飛又趁東風軟
目力謾長心力短
消息斷青山一點和煙遠

居金本和作如

破陣子 一名十拍子

李後主 南唐 李煜

四十年來家國三千里
地山河鳳閣龍樓連霄漢
玉樹瓊枝作烟蘿
幾曾識干戈
一旦歸為臣虜
沈腰潘鬢銷磨
最是蒼惶辭廟日
教坊獨奏別離歌
垂淚對宮娥

居金本和作如

晏同叔 殊

湖上西風斜日荷花落盡紅
英金菊滿叢珠顆細
海燕辭巢翅羽輕
年年歲歲情美酒一杯新
熟高歌數闋堪聽
不向尊前同一醉
可柰光陰似水聲
迢迢去未停

仕至千鍾良易年過七十常稀眼底榮華元是夢身
後聲名不自知營營端為誰 幸有旗亭沽酒何妨
繭紙題詩幽谷雲蘿朝采藥靜院軒窓夕對棋不歸
真箇癡

陸務觀 游

十拍子

趙文鼎 善杜

柳絮飛時綠暗荼蘼開後春酣花外青帘迷酒思陌
上晴光收翠嵐佳辰三月三 解佩人逢遊女踏青
草闌宜男醉倒畫欄攔檻北夢遠清江江水南飛鷺
與並駢

晏同叔 珠

海上蟠桃易熟人間好月常圓惟有擘釵分鈿侶離
別常多會面難此情須問天 蠟燭到明垂淚熏爐
盡日生烟一點淒涼愁絕意謾道秦箏有剩絃何曾
為細傳

攤破南鄉子

一名青
杏兒

程正伯 孩

休賦惜春詩留春住說與人知一年已負東風瘦說
愁說恨數期數刻只望歸時 莫恠杜鵑啼真箇也
喚得人歸歸來休恨花開了梁間燕子且教知道人
也雙飛

飲興

青杏兒

趙秉文

中州集

風雨替花愁風雨罷花也應休勸君莫惜花前醉今年花謝明年花謝白了人頭乘興兩三甌揀溪山好處追遊但教有酒身無事有花也好無花也好選甚春秋

蘇幙遮

范希文

仲淹

碧雲天黃葉地秋色連波波上含烟翠山映斜陽天接水芳草無情更在斜陽外黯鄉覓追旅意夜夜除非好夢晉人睡明月樓高休獨倚酒入愁腸化作相思淚唐書宋務光傳比見坊邑相率為深潭脫隊駿馬胡服名曰蘇莫作幕誤

風情

周美成

邦彥

隴雲沉新月小楊柳梢頭能有春多少試着羅裳寒尚峭簾捲青樓占得東風早翠屏深香篆裊流水落花不管劉郎到三疊陽關聲漸杳斷雨殘雲只怕巫山曉

竹坡

周紫芝

水傍邊山盡處喚取雲來共我山頭住分得一江風共雨滿院芙蓉更聽紅粧舞趁霜晴間獨步那裏烟村有箇梅花樹小徑斜穿來又去醉後知他有甚清雲路

儘思量還耐耐為甚當時故故相招買早是幽歡多
障礙更遣分飛鷺鷥如天外 有心怜無計柰兩處
厭厭未斷殘恩愛獨上小樓臨暮靄凭暖朱欄此意
無人會

王通叟 觀

閨怨

陶氏

與君別情易許執手相將永遠成鴛侶一去音書千
萬里望斷陽關泪滴如秋雨 到如今成間阻等到
候即來把相思訴看着梅花花不語花已成梅結就
心中苦

周美成 邦彥

燎沉香消溽暑鳥雀呼晴侵曉窺簷語葉上初陽乾
宿雨水面清圓一一風荷舉 故鄉遙何日去家住
吳門久作長安旅五月漁郎相憶否小楫輕舟夢入
芙蓉浦

好女兒

小山 晏幾

綠遍西池梅子青時儘無端盡日東風惡更霏微細
雨惱人離恨滿路春泥 應是行雲歸路有閑淚洒
相思想旗亭望斷黃昏月又依前誤了紅牋香信翠
袖歡期

酌酒殷勤儘更留春忍無情便賦餘花落待花前細
把一春心事問箇人人莫似花開還謝願芳意且
長新倚嬌紅待得歡期定向水沉烟底金蓮影下睡
過佳辰

促拍醜奴兒

元遺山 好問

朱麝掌中香可憐兒初浴蘭湯靈椿未老丹枝秀東
隣西舍排家助喜沽酒牽羊天與讀書郎便安排
富貴文章高門自有容車日明年且看青衫竹馬鴈
鴈成行

居金本與作畫

皇甫季貞陽餅局二女則牙牙學語五男
則鴈鴈成行見司空表聖一鳴集障車文

歲闌

劉涇溪 長翁

送歲可無詩得團樂忍不開眉不記去年今夕夢江
東懷抱江西信息舍北妻兒五十歲歲炊待五十
富貴成癡百年苦樂乘除看今朝一半明朝一半更
似兒時

壽孟萬戶

鄧中齋 剡

睡起怯春寒海棠花開未開間莫言春色三分二朱
顏綠鬢栽花種竹誰似君閑侯印舊家種早天邊
飛詔催還從君歲歲稱觴處人如玉雪花如錦綉福

壽如山

憐薄命

戴復古妻

惜多才憐薄命無計可留汝揉碎花牋忍寫斷腸句
道傍楊柳依依千絲萬縷抵不住一分愁緒捉月
盟言不是夢中語後回君若重來不相忘處把盃酒

洗奴墳土

輟耕錄云戴復古字式之號石屏天台人未遇時
流寓江右武寧有富家翁愛其才以女妻之居二
三年忽欲作歸計妻問其故告以曾娶妻白之父
父怒妻宛曲解什盡以奩具贈夫仍餞以詞夫既
別遂赴水死

獻衷心

歐陽炯

見好花顏色爭笑東風雙臉上晚粧同閉小樓深閣
春景重重三五夜偏有恨月明中情未已信曾通
滿衣猶自染檀紅恨不如雙燕飛舞簾櫳春欲暮殘
絮盡柳條空

顧曼

繡鴛鴦帳暖畫孔雀屏歌人悄悄月明時想昔年慳
笑恨今日分離銀缸背銅漏永阻佳期小爐烟細
虛閣簾垂幾多心事暗地思惟被嬌娥牽役竟夢如
癡金閨裏山枕上始應知

黃鍾樂

魏承班

池塘烟暖草萋萋，惆悵閒宵含恨愁。坐思堪迷遙想，
玉人情事遠，音容渾似隔桃溪。偏記同歡秋月低。
簾外論心花畔，和醉暗相攜。何事春來君不見，夢魂
長在錦江西。

香山會

向神前發願燒香，做呪斷了去。娼家吃酒果子錢，早
是遭他毒手，更一箇瓶兒滲漏。才斟兩盞三盞，早
斟不勾，又添和薄滿。半斗奴哥有我，奴哥道有有我
時，當面盪酒。

醉春風

趙德仁

陌上清明近，行人難借問。風流何處不歸來，悶悶悶
回鴈峯前，戲魚波上，試尋芳信。夜永蘭膏燼，春睡
何曾穩。枕邊珠淚幾時乾，恨恨恨，惟有窓前過來，明
月照人方寸。

趙元鎮

鼎

寶鑑菱花瑩，孤鶯慵照影。魚書蝶夢兩消沉，恨恨恨
結盡丁香瘦，如楊柳雨，踈雲冷。宿醉厭厭病，羅巾
空淚粉，欲將遠意托湘絃。悶悶悶，香絮悠悠，畫簾悄
悄，日長春困。

緱山月雨夕

梁寅

急雨響巖阿陰雲暗薜蘿山中春去更寒多縱柴門
不閉花滿逕蒼苔潤少人過 蘭舟曾記蘭汀宿牽
恨是烟波而今林下和樵歌看風風雨雨從造物時
時變揔心和

侍香金童

寶臺蒙繡瑞獸高三尺玉殿無風煙自直迤邐傍懷
盈綺席苒苒菲菲斷處凝碧 是龍涎鳳髓惱人情
意極想韓壽風流應暗識去似彩雲無處覓惟有多
情袖中留得

鈿帶長中腔

萬俟雅言

簇真香似風前折麝囊嫩紫輕紅間闌異芳風流富
貴自覺蘭蕙荒獨占並珠春光 繡結沉蘇密緻鬼
夢悠颺氣融液散滿洞房朝寒料峭殢嬌不易當着
意要得韓郎

芭蕉雨

程正伯

雨過涼生藕葉晚庭消盡暑渾無熱枕簟不勝香滑
爭柰寶帳情生金樽意愜 玉人何處夢蝶思一見
冰雪須寫箇帖兒丁說試問道肯來麼今夜小院無
人重樓有月

喝火令

黃魯直

庭堅

見晚情如舊，交疏分已深。舞時歌處動人心。烟水數年，
翫夢無處可追尋。昨夜燈前見，重題漢上襟。便愁雲雨又難尋，
曉也星稀，曉也月西沉。曉也鴈行低，度不會寄芳音。

淡黃柳

姜堯章

白石詞

空城畫角吹入垂楊陌，馬上單衣寒側側。看盡鵝黃嫩，
綠都是江南舊相識。正岑寂，明朝又寒食。強携酒，小橋宅。
怕梨花落盡，成秋苑。燕燕飛來問春何在，惟有池塘自碧。

居金本正岑寂三字在上半闕後

厭金盃

賀方回

詩

風軟香遲花深漏短，可憐宵畫堂春半。碧紗窓影卷，
帳蠟燭紅鴛枕畔。密寫烏絲一段，採蘋溪晚。拾翠沙空儘，
愁倚夢雲飛觀。木蘭艇子幾日渡江來，心目斷。桃葉青山隔岸。

行香子

張子野

先

舞雪歌雲，閑淡粧勻。藍溪水深染輕裙。酒香醺臉粉，
色生春更巧。談話美情性好。精神江空無畔，凌波何處。
月橋邊，青柳朱門。斷鍾殘角又送黃昏。柰心中事，眼中淚，
意中人。

晏叔原

晚綠寒紅芳意匆匆惜年華今與誰同碧雲零落數字征鴻看沼蓮凋宮扇舊怨秋風 流波墜葉佳期何在想天教離恨無窮試將前事閑倚梧桐有銷魂處明月夜粉屏空

與泗守過南山晚歸

東坡

北望平川野水荒灣共尋春飛步孱顏和風弄袖香霧縈鬟正酒半酣人語笑白雲間 飛鴻落照相將歸去澹涓涓玉宇清閑何人無事宴坐空山望長槁上燈火亂使君還

杜壽域 安世

黃金葉細碧玉枝纖初暖日當乍晴天向武昌溪畔於彭澤門前陶潛影張緒態兩相牽 數株堤面幾樹橋邊嫩垂條絮蕩輕綿繫長江舴艋拂深院秋千寒食下半和雨半和煙

趙介之 師俠

春日遲遲春景熙熙漸郊原芳草萋萋天桃灼灼楊柳依依見燕喃喃蜂簇簇蝶飛飛 閑庭寂寂曲沼漪漪更秋千紅索垂垂遊人隊隊樂意嬉嬉盡醉曛曛歌緩緩語低低

紅了櫻桃綠了芭蕉送春歸客尚蓬飄
昨夜蘭皋柰何雲溶溶風淡淡雨瀟瀟
銀字笙調心字香燒料芳踪乍整還凋
待將春恨都付春潮過窈窕娘堤秋娘渡
秦娘橋

蔣捷

洪叔璵

楚楚精神楊柳腰身是風流天上飛瓊凌波微步羅襪生塵有許多嬌許多韻許多情十年心事兩字眉婚問何時真箇行雲秋衾半冷窓月窺人想為人愁為人瘦為人顰

葛魯卿

風物颼颼木落滄洲漸老人不柰悲秋
羈懷都在鬢上眉頭似休文瘦文通恨子山愁
庭梧影薄籬菊香浮強招尋聊命朋儔窮通皆夢
今古如流且淵明徑子敲舫仲宣樓

雅詞

天與秋光轉轉情傷探金英知近重陽薄衣初試綠
蟻新嘗漸一番風一番雨一番涼
黃昏院落恹恹
惶惶酒醒時往事愁腸那堪永夜明月空床聞砧聲
搗蛩聲細漏聲長

羅浮

滿洞苔錢買斷風煙笑桃花日落晴川石樓高處夜
夜啼猿看一更雲三更月四更天細草如氈獨枕
空拳與山麋野鹿同眠殘霞未散淡霧沉綿是晉時
人唐時洞漢時仙

晁次膺

高體

別恨綿綿屈指三年再相逢情分依然君初霜髮我
已華顛况其間有多少恨不堪言小庭幽檻菊蕊
爛班近清宵月已嬋娟莫思身外且闔樽前願花長
好身長健月長圓

山水扇面

劉改之

過

佛寺雲邊茅舍山前樹陰中酒旆低懸峯巒空翠溪
水青連只欠梅花欠沙鳥欠漁船無限風烟景趣
天然最宜他隱者盤旋何人村墅若箇林泉恰似歌
湖似枋口似斜川

元遺山

好問

漫漫晴池澹澹雲羅傍青山是處經過桃花解笑楊
柳能歌儘百年身千古意兩蹉跎酒惡無聊詩苦
成魔只閑情不易消磨幾人樵徑何處山阿恨夕陽
遲芳草遠落紅多

淨掃塵埃惜取蒼苔任門前紅葉鋪階也堪圖畫還
也奇哉有數株樹數竿竹數枝梅花木栽培取次
教開明朝事天自安排知他富貴幾時來且優游且
隨分且寬懷

張天師

東坡

清夜無塵月色如銀酒斟時須滿十分浮名浮利休
苦勞神歎隙中駒石中火夢中身雖抱文章開口
誰親且陶陶樂盡天真不如歸去作箇閑人對一張
琴一壺酒一溪雲

二別
意別

携手江村梅雪飄裙情何限處處銷魂故人不見舊
曲重聞向望湖樓孤山寺湧金門尋常行處題詩
千首綉羅衫與拂紅塵別來相憶知是何人有湖中
月江邊柳隴頭雲

三
七
里
瀨

一葉舟輕雙槳鴻鷺水天清影湛波平魚翻藻鑑鷺
點煙汀過沙溪急霜溪冷月溪明重重似畫曲曲
如屏笑當年虛老嚴陵君臣一夢今古虛名但遠山
長雲山亂曉山青

四

三入承明四至九卿問儒生何辱何榮金張七葉純
綺貂纓無汗馬事不獻賦不明經 成都卜肆寂寞
君平鄭子貞巖谷躬耕寒灰炙手人重人輕除笠乾
學得無念得無名

隱興

趙元

鏡裡流年綠變華顛謝西山青眼依然人生安用利
鎖名纏似燕營巢蜂課蜜蟻爭羶 詞苑群仙場屋
諸賢看文章大筆如椽閑人書冊且枕頭眠有洗心
經傳燈錄坐忘篇

容齋隨筆

無名氏

清要無因舉選艱辛繫書錢湏要十分浮名浮利虛
苦勞神歎旅中愁心中悶部中身 雖抱文章苦苦
推尋更休說誰假誰真不如歸去作箇齊民免一回
來一回討一回論

紹興初范覺民為相以自崇寧以來創立法度例
有汎賞建議討論又行下吏部參酌追奪有至奪
十五官者雖公論當然而失職者胥動造謗浮議
蜂起無名子因改坡語云至大字書寫貼於內
前牆上邇者得之以聞朝論慮或搖人心
罷討論之舉范公用是為臺諫所攻

李易安

清照

草際鳴蛩驚落梧桐正人間天上愁濃雲堦月色闌

鎖千里縱浮槎來浮槎去不相逢 星橋鶴駕經年
絕見想離情別恨難窮牽牛織女莫是離中甚一霎
兒晴一霎兒雨一霎兒風

書舍偶成

段成已

自嘆勞生枉了經營到而今一事無成不如聞早覓
箇歸程向渭川漁東市卜富春耕 眼底浮榮身外
虛名儘輸他時輩崢嶸得偷閑處且適閑情有坐忘
篇傳燈錄洗心經

贈柳兒行

劉叔安 鎮

露葉煙條天與多嬌美風流張緒難消惱人春思政

自無聊奈歛愁眉 酣醉眼減圍腰 風絮招要蝶弄
鶯嘲最關情是短長橋解驂分袂催上蘭橈更綠波
平紅日墜碧雲遙

晁補之

前歲栽桃今歲成蹊更黃鸝久住相知微行清露細
履斜暉對林中侶間中我醉中誰 何妨到老常閒
常醉任功名行事俱非衰顏難強拙語多遲但酒同
行月同坐影同嬉

千金意

琴精

音音音音你負心你真負心孤負我到如今記得

年時低低唱淺淺斟一曲值千金 如今寂寞古牆
陰秋風荒草白雲深斷橋流水何處尋淒淒切切冷
冷清清教奴怎禁

江湖紀聞云曹珪仕吳越守嘉興後為蘇州刺史
光啓中捨宅為招隱寺嘉熙丁酉鄧州金鶴雲
以琴書寓嘉興富家居近寺側每夜聞歌云甚
習一夕歌聲甚近窺之乃一女子也明夜推戶至
榻惜別以百金為意凡心未除累遭謫令方別
也過異人得仙術但甚速夾山之後會君慎之
後未卜會期君前皆不曉其故修寺牆得石匣
異之明以告主人皆不曉其故修寺牆得石匣
藏一古琴係百金馬珪
後為縣令卒於峽州

聲聲令

春思

俞克成

簾移碎影香褪衣襟舊家庭院嫩苔侵東風過盡暮

補鈔評花仙館校本

雲鎖綠窓深怕對人間枕剩衾 樓底輕陰春信斷
怯登臨斷腸魂夢兩沉沉花飛水遠便從今莫追尋
又怎柰驀地上心

錦纏道

宋子京

燕子呢喃景色乍長春畫觀園林萬花如繡海棠經
雨胭脂透柳展宮眉翠拂行人首 向郊原踏青恣
歌攜手醉醺醺尚尋芳酒問牧童遙指孤村道杏花
深處那裏人家有

解佩令

宮詞

晏叔原

幾道

玉階秋感年華暗去掩深宮團扇無緒記得當時自

居金本何作濟

剪下機中輕素點丹青畫成秦女
涼襟猶在朱絃未改忍霜紈飄零何處自古悲涼是情事輕如雲雨
荷么絃恨長難訴

春

蔣捷

春晴也好春陰也好着些兒春雨越好春雨如絲綉
出花枝紅裊怎禁他孟婆合皂梅花風小杏花風
小海棠風驀的寒悄歲歲春光被二十四風吹老棟
花風爾且慢到

品令

茶詠

黃魯直

定堅

鳳舞團團餅恨分破教孤令金渠體淨隻輪慢碾玉

塵光瑩湯響松風早減了二分酒病
味濃香永醉鄉路成佳境恰如燈下故人萬里歸來對影口不能
言心下快活自省

李易安

曾公哀

零落殘紅似臘脂顏色一年春事柳飛輕絮笋添新
竹寂寞幽對小園嫩綠登臨未足悵遊子歸期促
他年夢魂千里猶到城陰溪曲應有凌波時為故人
凝目

居金本曉作晚

急雨驚秋曉今歲較秋風早一觴一詠更須莫負晚

風殘照可惜蓮花已謝蓮房尚小
汀蘋岸草怎稱
得人情好有些言語也待醉折荷花向道道與荷花
人比去年揔老

看花回

懷述

柳耆卿

屈指勞生百歲期榮瘁相隨利率名惹逡巡過奈兩
輪玉走金飛紅顏成白首極品何為
塵事常多雅
會稀忍不開眉畫堂歌館深深處難忘酒殘花枝醉
鄉風景好携手同歸

二

玉城金堦舞舜于朝野多懽九衢三市風光麗奈萬

家急管繁絃鳳樓臨綺陌佳氣非烟
雅俗熙熙物
態妍忍負芳年笑筵歌席連昏晝任旗亭斗酒十千
賞心何處好惟有尊前

如意令

壽新恩人六月二十二

東軒

炎暑尚餘八日火老金柔時節聞道間生賢儲秀降
神崧極無敵無敵當代人倫準的
射策當為第一
高躍龍門三級榮着綠袍新帝渥必加寵錫良弼良
弼真箇國家柱石

壽王學老

八月二十

梅亭

寺劉

久羨龐眉鶴髮聞望孔堂烜赫信得彭喬仙祕授長

居金本恩行貴
日作十

生真訣奇特奇特呂望師周時節 纔過中秋六日
對此稱觴欣懌雙鳳戲菜衣金縷輕調鶯舌難得難
得九九美猶千百

風中柳

孫夫人

銷減芳容端的為郎煩惱鬢慵梳宮粧草草別離情
緒待歸來都害怕傷郎又還休道 利鎖名韁幾阻
當年歡笑更那堪鱗鴻信杳蟾枝高折願從今須早
莫辜負鳳幃人老

酷相思

程正伯

月掛霜林寒欲墜正門外催人起柰別離如今真箇

是欲住也留無計欲去也來無計 馬上離魂衣上
淚各自箇供憔悴問江路梅花開也未春到也須頻
寄人到也須頻寄

垂絲釣

楊補之

燕將舊侶呢喃終日相語似惜別離情知幾許誰與
度為向人代訴空朝暮 謾千言百句怎生會得爭
如作箇青羽又聞院宇不在當時住飛去無尋處腸
萬縷寄暴風橫雨

周美成

邦秀

縷金翠羽粧成纔見眉嫵倦倚綉簾看舞風絮愁幾

許寄鳳絲鴈柱春將暮 向層城苑路鈿車似水時
時花徑相遇舊遊伴侶還到曾來處門掩風和雨梁
間燕語問那人在否

賣花聲

黃子常

人過天街曉色擔頭紅紫滿筠筐浮花浪盡畫樓睡
醒正眼橫秋水聽新腔一回催起 吟紅叫白報得
蜂兒知未隔東西餘音軟羨迎門爭買早斜簪雲髻
助春嬌粉香簾低

謝池春

隱居

陸放翁

游

賀監湖邊初繫放翁歸棹小園林時時醉倒春眠驚

起聽啼鶯催曉嘆功名誤人堪笑 朱橋翠徑不許
京塵飛到掛朝衣東歸欠早連宵風雨卷殘紅如掃
恨尊前送春人老

二

壯歲從戎曾是氣吞殘虜陣雲高狼烽夜舉朱顏青
鬢擁雕戈西戍笑儒冠自來多誤 功名夢斷却泛
扁舟吳楚漫悲歌傷懷吊古煙波無際望秦閔何處
嘆流年又成虛度

感皇恩

憶舊

王通叟

觀

野馬踏紅塵長安重到人面依前似花好舊歡才展

又被新愁分了未成雲雨夢巫山曉 千里斷魂閑
山古道回首高城似天香滿懷離恨付與落花啼鳥
故人何處也青春老雅詞作趙循道

晁叔用

蝴蝶滿西園啼鶯無數水閣橋南路凝佇兩行烟柳
吹落一池風絮秋千斜掛起人何處 把酒勸君開
愁莫訴留取笙歌住休去幾多春色怎禁許多風雨
海棠花謝也君知否

旅思

陸敦信

殘角兩三聲催登古道遠水長山又重到水聲山色

看盡輪蹄昏曉風頭日脚下人空老 匹馬舊時西
征談笑綠鬢朱顏正年少旗亭斗酒任是十千傾倒
而今酒興減詩情少

周美成

露柳好風標嬌鶯能語獨占春光最多處淺嚔輕笑
未肯等閑分付為誰心子裏長長苦 洞房見說雲
深無路憑仗青鸞道情素酒空歌斷又被江濤催度
怎柰何言不盡愁無數

重到臨安作

曾純甫

依舊惜春心花枝常好只恐尊前被花笑少年青鬢

耐得幾番重到舊歡慵記省如天杳 綺陌青門斜
陽芳草今古銷沉送人老高城春事又道等閑來了
亂紅隨過雨鶯聲悄

村居

茗溪漁隱

乞得夢中身歸棲雲水始覺精神自家底峭帆輕棹
時與白鷗遊戲畏途都不管風波起 光景如梭人
生浮華百歲何妨盡沉醉卧龍多事謾說三分奇計
笑來爭似我長昏睡

葛郊

花似鏡中人不堪衰老空羨青青岸邊草多情銷瘦

更被無情相惱近來無限事憑誰道 蝴蝶滿園叢
邊空遠睡起流鶯過語聲小瑣窓危坐更被玉蟾相
照夜闌梅影瘦憑誰掃

壽趙路公八十

劉鎮壽親養老

八十最風流那誰不喜况是精神可人意太公當日
未必榮華如此兒孫列兩行萊衣戲 好景良辰滿
堂和氣唱箇新詞管教羨願同彭祖尚有八百來歲
十分才一分那裏那裏暨用康伯可同

三奠子

同國華帥良佐仲澤置酒南陽故城

元遺山

好問

上高城置酒筵望春陵興與廢兩虛名江山埋王氣

草木動威靈中原虎千年後儘人爭
風雲寤寐鞍馬生平鍾鼎上幾書生
軍門高密策田畝卧龍耕南陽道
西山色古今情

離南陽後作

前人

悵韶華流轉無計番連行樂地一悽然
笙歌寒食後桃李惡風前連環玉
回文錦兩纏綿芳塵未遠幽意誰傳
千古恨再生緣開衾香易冷孤枕夢難圓
西窓雨南樓月夜如年

劉秉忠

念行藏有命烟水無涯嗟去鴈羨歸鴉
半生身累影

居金本稿作鴻

一事鬢成華東山客西蜀道且還家
壺中日月洞

裏烟霞春不老景長佳功名眉上鎖
富貴眼前花三

盃酒一覺睡一甌茶

見庶菴老學叢談

留襄州

高憲翰

上楚山高處回望襄州興廢事古今
愁草封諸葛廟烟鎖仲宣樓英雄骨
繁華夢幾荒邱雁橫別浦鷗戲芳洲
花又老水空流著人何處在倦客若
為留習池飲龐陂釣鹿門遊

青玉案

春日懷舊

歐陽脩

一年春事都來幾早過了三之二
綠暗紅媽渾可事

綠楊庭院暖風簾幙有箇人顚顚 買花載酒長安
市又爭似家山見桃李不枉東風吹客淚相思難表
夢魂無據惟有歸來是

詠雪

陳瓘

碧空黯淡同雲繞漸枕上風聲峭明透紗窗天欲曉
珠簾纔捲美人驚報一夜青山老 使君命客金尊
倒正千里瓊瑤未經掃歌壓江梅春信早十分農事
滿城和氣管取來年好

賀鑄

凌波不過橫塘路但目送芳塵去錦瑟華年誰與度

補鈔評花仙館校本

月樓仙館綺窓朱戶惟有春知處 碧雲冉冉蘅臯
暮綵筆空題斷腸句試問閑愁知幾許一川烟草滿
城風絮梅子黃時雨

中吳紀聞云轉有小築在姑蘇盤門之內十餘里
地名橫塘方回往來其間作此詞後山谷有詩云
解道江南腸斷句只今惟有賀
方面其為前輩推重如此

警悟

吳彥高

激

人生南北如岐路世事悠悠等風絮造化小兒無定
據翻來覆去倒橫直豎眼見都如許 伊周功業何
須慕不學淵明便歸去坎止流行隨所寓玉堂金馬
竹籬茅舍總是無心處

旅情

曹元寵

田園有計歸須早在家縱貧亦好南去北來何日了
光陰送盡可憐青鬢暗逐流年老 寒家孤館殘燈
照正鄉思驚時夢初覺落月蒼蒼聞河曉一聲驛
馬嘶人起又上長安道

毛澤氏

今宵月好來同看月未落人還散把手留連簾兒畔
含羞和恨轉嬌盼任花映春風面 相思不用寬金
釧也不用多情似玉燕問取婢娟學長遠不必清光
夜夜見但莫負團圓願

史邦卿 遠祖

蕙花老盡離騷句綠染遍江頭樹日午酒消聽驟雨
青榆錢小碧苔錢古難買東君住 宮河不礙遺鞭
路被芳草將愁去多定紅樓簾影暮蘭燈初上夜香
初炷猶自聽鸚鵡

社日

無名氏

年年社日停針線怎忍見雙飛燕今日江城春已半
一身猶在亂山深處寂寞溪橋畔 春山著破誰針
線點點行行淚痕滿落日解鞍芳草岸花無人載酒
無人勸醉也無人管

旅情

曹元寵

組

田園有計歸須早在家縱貧亦好南去北來何日了
光陰送盡可憐青鬢暗逐流年老 寂寥孤館殘燈
照正鄉思驚時夢初覺落月蒼蒼閔河曉一聲鷄唱
馬嘶人起又上長安道

毛澤民

滄

今宵月好來同看月未落人還散把手留連簾兒畔
含羞和恨轉嬌盼任花映春風面 相思不用寬金
釧也不用多情似玉燕問取婵娟學長遠不必清光
夜夜見但莫負團圓願

史邦卿

遠祖

蕙花老盡離騷句綠染遍江頭樹日午酒消聽驟雨
青榆錢小碧苔錢古難買東君住 宮河不礙遺鞭
路被芳草將愁去多定紅樓簾影暮蘭燈初上夜香
初炷猶自聽鸚鵡

社日

無名氏

年年社日停針線怎忍見雙飛燕今日江城春已半
一身猶在亂山深處寂寞溪橋畔 春山著破誰針
線點點行行淚痕滿落日解鞍芳草岸花無人載酒
無人勸醉也無人管

送弟山谷謫宜州

黃元明大臨謾錄

千峯百嶂宜州路天黯淡知人去曉別吾家黃叔度
弟兄華髮暮山修水異日同歸處長亭飲散尊壘
暮聽別語不成句已斷離腸能幾許水村山郭夜闌
無寐聽盡空階雨

赴宜州和兄元明韻

山谷

煙中一線來時路極目送幽人去第四陽關雲不度
山胡聲轉子規言語正是人愁處別恨朝朝連暮
暮憶我當年醉時句渡水穿雲心已許晚年光景小
軒南浦簾捲西山雨

和

洪覺範

綠陰煙柳長亭路恨取次分離去日永如年愁難度
高城回首暮雲遮盡目斷人何處解鞍旅舍天將
暮暗憶丁寧千萬句一寸老腸情幾許薄衾孤枕夢
回人靜徹曉瀟瀟雨

姚進道

相江詩話

三年枕上吳中路遣黃耳隨君去若到松江呼小渡
莫驚鷗鷺四橋盡是老子經行處輞川圖上看春
暮長記高人右丞句作箇歸期天已許春衣猶是小
蠻針線曾濕西湖雨

一作東坡

元遺山 好問

落紅吹滿沙頭路似總被春將去
花落花開春幾度
多情惟有畫梁雙燕知道春歸處
鏡中冉冉韶華
暮欲寫幽懷恨無句九十花期能幾許
一卮芳酒一襟清淚寂寞紗窓雨

送別

李易安 清照

征鞍不見邯鄲路莫便匆匆歸去
秋風蕭條何以度
明窓小酌暗燈清話最好留連處
相逢各自傷遲
暮猶把新詞誦竒句
鹽絮家風人所許
如今憔悴但餘雙淚一似黃梅雨

翰

新涼

毛澤民

芙蓉花上濛濛雨又冷落池塘暮
何處風來搖碧戶
捲簾凝望淡烟疎柳翡翠穿花去
玉京人去無由
駐忍獨在憑欄處
試問綠窓秋到否
可人今夜新涼一枕無計相分付

鳳凰閣 傷春

葉道卿 清臣

遍園林綠暗渾如翠幄下無一片是花萼
可恨狂風橫雨忒煞情薄
盡底把韶華送却
楊花無柰是處穿簾透
幙豈知人意正蕭索
春去也這般愁沒處安着
怎柰向黃昏院落

柳耆卿天機

匆匆相見懊惱恩情太薄霎時雲雨人拋却教我行
思坐想肌膚如削恨只恨相違舊約相思成病那
更瀟瀟雨落斷腸人在闌干角山遠水遠人遠音信
難托這滋味黃昏又惡

撒金錢

袁陶宣和遺事

頻瞻禮喜昇平又逢元宵佳致鰲山高聳翠對端門
珠璣交製似嫦娥降仙宮乍臨凡世 恩露勻施憑
御欄聖顏垂視撒金錢亂拋墜萬姓推搶沒理會告
官裡這失儀且與免罪

天仙子

張子野先

水調數聲持酒聽午醉醒來愁未醒送春春去幾時
回臨晚鏡傷流景往事後期空記省 沙上並禽池
上暝雲破月來花弄影重重翠幙密遮燈風不定人
初靜明日落紅應滿徑

二別渝州

醉笑相逢能幾度為報江頭春且住主人今日是行
人紅袖舞青歌女憑仗東風交點取 三月柳枝柔
似縷落絮倦飛還戀樹有情寧不憶西園鶯解語花
無數應訝使君何處去

水閣

沈會宗

景物因人成勝槩
滿目更無塵可礙
等閑簾幙小闌干
衣未解心先快
明月清風如有待
誰信門前車馬隘
別是人間閑世界
坐中無物不清凉
山一帶水一派流水白雲長自在

居金本流作池

趙德麟 全時

宿雨洗空臺榭瑩
下盡珠簾寒未定
花開花落幾番晴
春欲竟愁未醒
池面杏花紅透影
一紙短書言不盡
明月清風還記省
玉樓香斷又添香
閑展興臨好景心似亂萍何處整

代人送希文

呂聖求 消老

樓下輓轡橫露井
樓上嬋娟開曉鏡
下樓難忘上樓時
風未定帆不正
蕪蕪玳瑁揮塵柄
眉上新愁吹不醒
別酒未斟歌未忍
雪中梅下定重來
烟暝暝腸寸寸莫放笛聲吹落盡

壽陳倅 八月十五

平齋翰

風月分將秋一半
昨夜月明今夜滿
有人笙鶴御風來
玉繩轉銀河淡涼入天孫
雲錦段笑拈桂枝香
婉婉十字金書光照眼
看看細札促歸來
漏聲緩珂聲遠夜宿玉堂誰是伴

居金本平齋作
洪管題

居金本亦作本

初赴省於廓外別寵姬

劉改之夷堅志

別酒醺醺渾易醉，
回頭來三十里馬兒不住去。
如飛騎一會行一會斷，
送殺人山共水。是則青衫終
可喜，不道恩情拋得米雪迷前路。
小橋橫住底，是去底是煩惱，自家煩惱你。

夜中侑酒

琴精夷堅志

別來未斟心先醉，
忍聽陽關辭故里。
揚鞭勒馬到皇都，
三題盡當際會穩跳龍門三汲水。
天意令吾先送喜，
不審君侯知得未。
蔡邕博識夔桐聲，
君背負只此是酒滿金盃來勸你。

劉改之別妾賦詞每令小僕歌之到建昌麻姑山暮夜思想之極至于墮淚二更後一美人忽來前執拍板歌以侑酒云云改之問蔡邕背負之句曰我麻姑妹也謫居此山因携行劉擢第授荆門教授歸過臨江遇術者知為琴精云

两同心

晏叔原夷堅志

楚鄉春晚似入仙源，
拾翠處閑隨流水踏青路暗惹芳塵。
心心在柳外青帘花下朱門，
對景且醉芳樽。莫話銷魂，
好意思曾同明月惡滋味，
最是黃昏相思處一紙紅箋無限啼痕。

柳耆卿永

竚立東風斷魂南國，
花光媚春醉瓊樓蟾彩迥夜遊。

花華辭編 卷六

五

香陌憶當時酒戀花迷後損詞客 別有眼長腰搨
痛憐深惜鴛衾冷夕雨淒飛錦書斷暮雲凝碧想別
來好景良時也應相憶

山谷

秋水遙岑粧淡情深儘道教心堅穿石更說甚官不
容針霎時間雨散雲歸無處追尋 小樓朱閣沉沉
一笑千金你共人女邊着子爭知我門裏挑心最難
忘小院回廊月影花陰

楊無咎

秋水明眸翠螺堆髮却扇坐羞落庭花凌波步塵生

羅襪芳心發分付春風恰當時節 漸解愁花怨月
忒貪嬌劣寧寧地情態於人惺惺處語言低說相思
切不見須臾可堪離別

客中憶

守歲

薛泳

沂叔深
雪偶談

一盤消夜江南果喫果看書只清坐罪過梅花料理
我一年心事半生牢落盡向今宵過 此身本是山
中箇纔出山來便希差手種青松應是大縛茅深處
抱琴歸去又是明年話

帶人嬌

上壽

晏同叔

珠

玉樹微涼漸覺銀河影轉林葉靜疎紅欲徧朱簾細

雨尚遲留歸燕喜慶日多少世人良願 楚竹驚鷺
秦箏起鴈縈舞袖急翻羅薦雲迴一曲更輕攏擅板
香炷遠同祝壽期無限

二

二月春風正是楊花滿路那堪更別離情緒羅巾掩
淚任粉痕霑汗爭柰向千留萬留不住 玉酒頻傾
宿眉愁聚空腸斷寶箏絃柱人間後會又不知何處
魂夢裏也須時時飛去

失婢

王庭珪

小院桃花烟鎖幾重珠箔更深後海棠睡着東風吹

去落誰家墻角平白地教人為他情惡 花若有情
應不薄也須悔從前事錯而今夜雨念玉顏飄泊知
那裡人家怎生頓着

張彥實

擴

深院海棠誰倩春工染就映窓戶爛如錦繡東君何
意便風狂雨驟堪恨處一枝未曾到手 今日乍晴
忽忽命酒猶及見胭脂半透殘紅幾點明朝知在否
問何似去年看花時候

毛澤民

濟

雪做屏風花為行帳屏帳裡見春模樣小晴未了輕

陰一餉酒到處恰如把春拈上 宮柳黃輕河堤綠
漲花多處少停蘭漿雪邊花際平燕疊嶂這一段淒
涼為誰悵望

後亭梅開有感

李易安

玉瘦香濃檀深雪散今年恨探梅又晚江樓楚館雲
開水遠清晝永凭欄翠簾低卷 坐上客來樽前酒
滿歌聲共水流雲斷南枝可插更須頻剪莫直待西
樓數聲羌管

江城子

一名江神子

馮延巳

曲闌干外小中庭雨初晴早鶯聲飛絮落花時節近

清明睡覺起來勻面了無箇事沒心情 碧羅衫子
麝金裙好精神小腰身每到花時常是不宜春早是
自家無氣力更被你惡憐人

東坡

天涯流落思無窮既相逢却匆匆攜手佳人和淚折
殘紅為問東君餘幾許春總在與誰同 隋堤三月
水溶溶背歸鴻去吳中回望彭城清泗與淮通寄我
相思千點淚流不到楚江東

山谷

畫堂高會酒闌珊倚闌干霎時間千里關山常恨見

伊難及至而今相見了依舊似隔關山 情人傳語
問平安省愁煩淚休彈哭損眼兒不似舊時單尋得
石榴雙葉子憑寄與挿雲鬢

秦少游

西城楊柳弄春柔動離憂淚難收猶記多情曾為繫
歸舟碧野朱橋當日事人不見水空流 韶華不為
少年留恨悠悠幾時休飛絮落花時候一登樓便做
春江都是淚流不盡許多愁

二

南來飛燕北歸鴻偶相逢慘愁容綠鬢朱顏重見兩

衰翁別後悠悠君莫問無限事不言中 小槽春酒
滴珠紅莫忽忽滿金鍾飲散落水流各西東後會
不知何處是煙浪遠暮雲重

三

棗花金釧約柔荑昔曾携事難期咫尺玉顏和淚鎖
金閨恰似小園桃與李雖同處不同枝 玉笙初度
顫鸞篔落花飛為誰吹月冷風高此恨只天知任是
行人無定處重相見是何時

賀方回

麝薰微度繡芙蓉翠衾重畫堂空前夜偷期相見却

惓惓心事兩知何處問依約是夢中逢 坐疑行聽
竹窓風出簷攏杳無縱已過黃昏才動寺樓鐘暮雨
不來春又去花滿地月朦朧

考得
葉少蘊 西清詩話

銀濤無際捲蓬瀛落霞明暮雲平曾見青鸞紫鳳下
層城二十五絃彈不盡空感慨有餘情 蒼梧煙水
斷歸程捲霓旌為誰迎空有千行流淚寄幽貞舞罷
魚龍雲海晚千古恨入江聲

集句

晁無咎 補之

雙鴛池沼水融融桂堂東又春風今日看花花勝去

年紅把酒問花花不語携手處遍芳叢 留春且住
莫忽忽秉金籠夜寒濃沉醉插花走馬月明中待得
醒時君不見不隨水即隨風

竹坡 同案

夕陽低盡柳如烟淡平川斷腸天今夜十分霜月更
娟娟怎得人如天上月雖暫缺有時圓 斷雲飛雨
又經年思淒然淚涓涓且做如今要見也無緣因甚
江頭來處鴈飛不到小樓邊

謝無逸

杏花村館酒旗風水溶溶颺殘紅野渡舟橫楊柳綠

陰濃望斷江南山色遠人
不見草連空 夕陽樓外
晚烟籠粉香融淡眉峯
記得年時相見畫屏中
只有 關山今夜月千里外素光同

二

一江秋水碧灣灣繞青山
玉連環簾幕低垂人在畫
屏間閑抱琵琶尋舊曲
彈未了意闌珊 飛鴻數點
拂雲端倚闌看楚天寒
擬倩西風吹夢到長安
恰似 梨花春帶雨愁滿
眼淚闌干

譚明之

宣子

淡黃初染綠初描倚春嬌
索春饒燕外鶯邊想見萬
絲搖便做無情終軟羨天
付與眼眉腰 短長亭外
短長橋駐金鑣繫蘭橈
可惜風流年紀可憐宵
辦得 重來攀折後烟雨
暗不辭遙

黃子厚

蘇

西風嫋嫋夕陽紅晚烟
濃暮雲重萬疊青山山
外叫 孤鴻獨上高樓
三百尺憑玉楯睇層空
人間日月 去匆匆碧梧
桐又西風北去南來銷
盡幾英雄擲下 玉尊天
外去多少事不言中

送人歸舊居

遺山

元好

草堂潇洒浙江頭傍林
丘買扁舟隔岸紅塵無
路近

居金本書字上
有有字在字上
空一格未註出

沙鷗枕上書尊有酒身外事更何求 暮雲歸鳥仲
宣樓獎貂裘為誰留千古書生那得盡封侯在半山
亭下路聞未老去來休

段克已

雞棲行李短轅車馬如蛙畏途賒四十九年強半在
天涯任使東風吹不去頭上雪眼中花 甘泉宜徐
復宜麻近山窾更宜瓜明日新年聞健早還家報荅
春光猶有酒傾綠蟻岸烏紗

蒲江

畫樓簾幕卷新晴掩銀屏曉寒輕墜粉飄香日日喚
愁生暗數十年湖上路能幾度着娉婷 年華空自
感飄零擁春醒對誰醒天闊雲開無處覓簫聲載酒
買花年少事渾不似舊心情

周公謹

羅窓曉色透花明靚瑤笙按瑤箏幾訊東風能有幾
分春二十四闌憑玉煖揚柳月海棠陰 依依愁翠
沁雙顰愛鶯聲怕鶻聲人自多情春去自無情把酒
問花花不語花外夢夢中雲

郭仲宣

臘寒猶重見年芳為花忙倚雕牆準擬巡簷一笑但

清狂冷蕊疎枝渾不柰憑折取泛清觴 揚州春夢
兩微茫記娥粧耿耿冰腸春信全通何用玉奩香誰見
月斜人去後疎影亂蘸寒塘

魏夫人曾相妻

別郎容易見郎難幾何般懶臨寫憔悴容儀陡覺綈
衣寬門外紅梅將謝也誰信道不會看 曉粧樓上
望長安怯輕寒莫凭欄嫌怕東風吹恨在眉間為報
歸期須是早休誤妾一春閑

朱淑真

斜風細雨作春寒對尊前憶前歡曾把梨花寂寞淚
闌干芳草斷煙南浦路和別淚看青山 昨宵結得
夢黃綠水雲間悄亡言爭柰醒來愁恨又依然展轉
翠衾空懊惱天易見見伊難

贈尹生

古今詞話名

相逢只怕有分離許多時暗為期常是眉來眼去惹
猜疑何似搵休拈弄上輕咳嗽有人知 終須買箇
小舩兒任風吹儘東西假使天涯海角也相隨縱被
江神收領了離不得我和伊

虞尚書策帥蜀其子弟倦尹生常苦人知終不快
其情意作此贈之凡綴詞多借腔叙他事此名江
神子却舉江神可謂詠景着題也

雨巾花令

竹坡

詞

山雨細泉生幽谷水滿平田雪蠶紅蠶熟後黃雲隴
麥秋間武陵烟煖數聲鷄犬別是山川嗟老去倦
遊蹤跡長恨華顛行盡吳頭楚尾空慚萬壑千巖不
如休也一庵歸去依舊雲山

惜黃花

史邦卿

過祖

涵秋寒渚染霜丹樹尚依稀是來時夢中行路時節
正思家遠道仍懷古更對着滿城風雨黃花無數
碧雲欲暮美人兮美人兮未知何處獨自捲簾攏誰
為開尊俎恨不得御風歸去

許冲元

將

鴈聲晚斷寒霄雲捲正一枝開風前看月下見花占
千花香笑千香淺化工與最先裁剪誰把瑤林
秀閑抱江岸恁素英濃芳心細意何限不恨宮粧色
不怨吹羌管恨天遠恨春來晚

且坐令

東浦詞

韓玉

開院落悞了清明約杏花雨過胭脂綽緊了秋千索
鬪草人歸朱門悄掩梨花寂寞書萬紙恨憑誰託
纔封了又揉却冤家何處貪歡樂引得我心兒惡怎
生全不思量着那人人情薄

小桃紅

劉龍洲過

晚入紗窗靜戲弄菱花鏡翠袖輕勻玉纖彈去小妝
紅粉畫行人愁外兩青山與尊前離恨宿酒醺難
醒笑記香肩並暖借蓮腮碧雲微透暈眉斜印最多
情生怕外人猜拭香津微搵

程正伯

不恨殘花妥不恨殘春破只恨流光一年一度又催
新火縱青天白日繫長繩也留春得麼花院從教
鎖春事從教過燒筍園林嘗梅臺榭有何不可已安
排珍簾小胡床待日長閑坐

居全本胡作牙

紅娘子

小桃紅同

程正伯

小小閑窓底曲曲深屏裡一枕新涼半床明月留人
歡意柰梅花引裡喚人行若隨他無計幾點清觴
淚數曲烏絲紙見少離多心長分短如何得是到如
今留下許多愁枉教人憔悴

居全本若作苦

月上海棠

陸務觀

蘭房綉戶厭厭病歎春醒和悶甚時醒燕子空歸幾
時傳玉闥邊信傷心處獨展團窠瑞錦熏籠消渴
沉烟冷淚痕深展轉看花影漫擁餘香怎禁他峭寒
孤枕西窓曉幾聲銀屏玉井

居全本醒作醒
渴作歌深字下
有處字

蜀王舊苑梅

前人

斜陽廢苑朱門閉，吊興亡遺恨淚痕裏。淡淡宮梅也依然，點酥剪水凝愁處。似憶宣華舊事，行人別有淒涼意。折幽香誰與寄，千里佇立江皋杳難逢。隴頭歸騎音塵遠，楚天危樓獨倚。宣華故蜀苑名

梅苑失名

南枝昨夜先回暖，便臨寒開花暗香遠。化工忒皦把瓊瑤恣情裁，剪皚皚的點綴梢頭又遍。橫斜影蘸清溪淺，似玉人臨鵝照粉面。大家休折且遲留，對花開宴祝東風吹作和羹未晚。

次遜菴韻

段成已

酒盃何侶浮名好，一入枯腸泰山小。喚醒夢中身，鷓鴣數聲春曉。昂頭處幾點青山屋杪，人生得計魚遊沼。視過眼光陰向來少，湏卜一枝安笑。月底驚鳥三繞無窮事，畢竟何時是了。

脫銀袍

曹元寵宣和遺事

濟楚風光昇平時，世端門友散碗遂逐旋溫來。吃得過那堪更使金器分明是與窮漢消灾滅罪。又沒支分猶然迤滯打篤磨槎來，根底換頭巾更上弄交番。厮替告官裡馳逗高陽餓鬼。

居全本計作詞

居全本還作逐

唐金本尔作你

祭祆神

你自平生行短不公正欺物瞞心交年夜時燒毀猶
自昧神明若還替得尔亦可知好裏爭索無憑我
雖然無口肚裏清醒除非閻家大伯一時批判昏沉
休痴呵臨時恐内各自要安身

唐金本尔作你

因話錄云紙錢起自唐時紙畫人未知起于何時
今世禱祀禳禳者用之刻板印染有男女之形而
無口北方之俗歲暮則人畫一板於臘月二
十四日日夜珮之于身除夕焚之時有諠詞云

花草粹編卷之七終

國家圖書館, NATIONAL CENTRAL LIBRARY, TAIWAN, R.O.C.

花草粹編八卷目錄

中調

千秋歲十

西施二

三登樂

惜奴嬌

望梅花二

師師令

河滿子六

隔簾聽

連理枝三

歸田樂引二

粉蝶兒二

撼庭竹二

憶帝京四

郭郎兒近拍

百媚娘

長生樂

佳人醉

小鎮西犯

離亭燕二

遠池遊

隔浦蓮近拍三

傳言玉女三

臨江仙引二

越溪春

國家圖書館 NATIONAL CENTRAL LIBRARY, TAIWAN, R.O.C.

瑞雲濃

下水舡二

蓋珠開

訴衷情近二

風入松六

應景樂

撲蝴蝶五

側犯

御街行十一

過澗歇二

枕屏兒

碧牡丹三

鮮躑躅二

別銀燈六

荔枝香二

春聲碎

快活年近拍

相思會

一叢花五

陽關引

番槍子

千年調

春草碧二

望月羅門引四

于飛樂四

祝英臺近三

四園竹

鳳樓春

望遠行

甘州令

孤鴈兒三

憶黃梅

望雲涯引

上平南

最高樓九

踏歌

千秋歲引二

新荷葉五

南州春色

滿路花四

夢還京

金人捧露盤三

山亭柳二

柳初新二

安公子

鬪百花三

早梅芳三

瓜茉莉

歸去難

迷仙引

小鎮西

紅林擒近二

上平西三

泛蘭舟

倒垂柳二

柳腰輕

拂霓裳二

瑤塔草

驀山溪一名上陽春十九

黃鶴引

國家圖書館, NATIONAL CENTRAL LIBRARY, TAIWAN, R.O.C.

秋夜月

清波引

踏青遊二

鶴冲天二

夢玉人引三

祭天神

千秋萬歲

洞仙歌一十

蕙蘭芳引

華胥引

受恩深

五福降中天

婆羅門引

促拍滿路花二

離別難

法曲第二

羽仙歌

滿園花

江城梅花引

子五攤破江

鵲橋仙

瑞鷓鴣二

卜笑子慢三

八六子一名感黃鷓二

雪獅兒

魚遊春水三

疊青錢

芳草渡

遠朝歸二

醉思仙二

醜奴兒慢二

一枝花

謝池春慢二

探芳信

西湖春

遙天奉翠華引

夏雲峯

戀香衾

採蓮令

十二時慢

獅兒詞

四犯剪梅花

尉遲杯

國家圖書館, NATIONAL CENTRAL LIBRARY, TAIWAN, R.O.C.

花草粹編八卷目錄終

花草粹編卷之八

國家圖書館, NATIONAL CENTRAL LIBRARY, TAIWAN, R.O.C.

朗陵外方陳耀文晦伯甫纂

中調

千秋歲

秦少游

柳邊沙外城郭輕寒退花影亂鶯聲碎飄零踈酒盞
離別寬衣帶人不見碧雲暮合空相對憶昔西池
會鴛鴦同飛蓋攜手處今誰在日邊清夢斷鏡裡朱
顏改春去也落紅萬點愁如海

催徽頭子

洪思禹

齊

半身屏外睡覺唇紅退春思亂芳心碎空餘簪髻玉

不見流蘇帶誰與問今人秀整誰宜對 湘浦曾同
會手拏輕羅蓋疑是夢今猶在十分春易盡一點情
難改多少事却隨恨遠連雲海

吊少游

山谷

苑邊花外記得同朝退飛騎軋鳴珂碎齊歌雲繞扇
趙舞風回帶嚴鼓斷盃盤狼籍猶相對 洒淚誰能
會醉卧藤陰蓋人已去詞空在兔園高宴悄虎觀英
遊改重感慨波濤萬頃珠沈海

李之儀

深秋庭院殘暑全消退天幕迴雲容碎地偏人罕到

風慘寒微帶初睡起翩翩戲蝶飛成對 歎息誰能
會猶記逢傾蓋情暫遣心常在沈沈香信斷冉冉光
陰改紅日晚仙山路隔空雲海

謝無逸

練花飄砌蔌蔌清香細梅雨過蘋風起情隨湘水遠
夢遶吳峯翠琴書倦鷓鴣喚起南牕睡 密意無人
寄幽恨憑誰洗脩竹畔踈簾裏歌餘塵拂扇舞罷風
掀袂人散後一鈎淡月天如水

竹坡

周紫芝

送春歸去說與愁無數君去後歸何處人應空懊恨

春亦無言語寒日暮騰騰醉夢隨風絮 盡日閑庭
雨紅濕秋千柱人恨切鶯聲苦擬傾浣悶酒番取殘
紅樹春去也不成不為愁人住

石孝友

春工領畧點破群花萼對流景傷淪落踏青心緒懶
病酒情懷惡無奈處東風故故吹簾幕 腕玉寬金
約一去音容邈魚與鴈應難託從前多少事不忍思
量着心撩亂斜陽影在欄干角

金風玉宇庭院新經雨香有露清無暑溪光搖几席

嵐翠橫尊俎烘笑語佳時聊復鄉人聚 門外荷花
浦秋到花無數紅鱸鯉青浮醕何妨文字飲更得江
山助從此去蒲輪入佐中興主

彭虛寮

重陽來未誰領黃花意斟玉醕歌金縷雲山籠瑞彩
風月鎔清氣北山頂壽星一點光無際 六十今朝
是甲子從頭起堂堂去千千歲是非華表鶴深淺蓬
萊水翁不管年年先共黃花醉

永叔

數聲鶗鴂又報芳菲歇惜春更把殘紅折雨輕風色

暮梅子青時節永豐柳無人盡日花飛雪 莫把絲
絃撥怨極絃能說天不老情難絕心似雙絲網終有
千千結夜過也東窓未白殘燈滅

連理枝

邵叔齊

淡泊踈籬隔寂寞官橋側綠萼青枝風塵外別是一
般姿質念天涯憔悴各飄零記初曾相識 雪裏清
寒逼月下幽香襲不似薄情無憑一去音書難得看
年年時候不踰期報陽和消息

晏同叔

又

玉宇秋風至簾幕生涼氣朱槿猶開紅蓮尚折芙蓉

含藥送舊巢歸燕拂高簾見梧桐葉墜 家宴凌晨
啓金鴨風飄香細鳳竹寫絲清歌妙舞盡呈遊藝願
百千遐壽比神仙有年年歲歲

二

綠樹鶯聲老金井生秋早不寒不暖裁衣按舊天時
正好况蘭堂逢着壽筵開見爐香縹緲 組繡呈纖
巧歌舞誇妍妙玉酒頻傾朱絃翠管移宮易調獻金
盃重疊祝長生永逍遙奉道

佳人醉

相思

柳耆卿

永

暮景蕭蕭雨霽雲澹天高風細正月華如水金波銀

漢澹艷無際冷浸書帷夢斷却披衣重起 臨軒砌
素光遙指因念素娥官隔音塵何處相望同千里盡
凝睇厭厭無寐漸曉雕檻獨倚

西施

柳耆卿

自從回步百花橋便獨處清宵鳳衾鴛枕何事等閒
拋縱有餘香也似卽思愛向日夜潛消 恐伊不信
芳容改將悄悴寫霜綃更憑錦字字字說情慘要識
愁腸但看了香樹漸結盡春梢

二

苧蘿妖艷世難偕善媚悅君懷後庭恃愛寵盡使絕

嫌猜正恁朝歡暮宴情未足早江上兵來 捧心調
態軍前死羅綺旋變塵埃至今怨魂無主尚徘徊夜
夜姑蘇城外當時月但空照荒臺

歸田樂引

水繞溪橋綠泛蘋汀步迷花曲衣巾散餘馥種竹更
洗竹詠竹題竹日暮無人伴幽獨 光陰雙轉轂可
惜許等閑愁萬斛世間種種只是榮和辱念足又願
足意足心足忘了眉頭怎生感

山谷

暮雨濛濛砌漏漸移轉添寂寞點點心如碎怨你又

戀你恨你惜你畢竟教人怎生是 前歡笑未已柰
何如今愁無計為伊聰俊銷得人憔悴這裏請睡裏
夢裏心裏一向無言但垂淚

小鎮西犯

春遊

柳耆卿

水

水鄉初禁火青春未老芳菲滿柳汀煙島波際紅幃
縹緲盡盃盤小歌後襖聲聲諧楚調 路遠遶野橋
新市裏花穠妓好引遊人競來懽笑酩酊誰家年少
信玉山倒家何處落日眠芳草

三登樂

慶黃守

羅子衍

翰

過了元宵見七葉蓂又飛恰今朝昴宿降瑞初度果

生賢盡道丰姿絕異翰林人物雲霄富貴 自棲鳶
展驥迤邐黃堂每登要路無留滯暫歸來訪松菊趣
裝行用濟增崇福祿壽延千百歲

粉蝶兒

毛澤民

清

雪徧梅花素光都共竒絕到窓前認君時節下重幃
香篆冷蘭膏明滅夢悠揚空遶斷雲殘月 沈郎帶
寬同心放開重結褪羅衣摩腰一捻正春風新着摸
花花葉葉粉蝶兒這回共花同活

辛幼安

葉疾

昨日春如十三女兒學繡一枝枝不教花瘦甚無情

便下得雨傷風憊向園林鋪作地衣紅皺而今春
侶輕薄蕩子難久記前時送春歸後把春波都釀作
一江醇酎約清愁揚柳岸邊相候

離亭燕

孫浩然

一帶江山如畫風物向秋瀟灑水浸碧天何處斷霽
色冷光相射蓼與荻花洲掩映竹籬茅舍雲際客
帆高掛烟外酒旗低亞多少六朝興廢事盡入漁樵
閑話悵望倚層樓寒日無言西下

黃魯直

庭堅

十載尊前談笑天祿故人年少可是陸沉英俊地看

即鎖窓批詔此處忽相逢潦倒禿翁同調西顧即
官湖渺試看庾樓人小短艇絕江空悵望寄得詩來
高妙夢去倚君傍蝴蝶歸來清曉

惜奴嬌

史邦卿

達祖

香剝酥痕自昨夜春愁醒高情寄水橋雪嶺試約黃
昏便不誤黃昏信人靜倩嬌娥畱連秀影吟鬢簪
香已斷了多情病年年待將春管領錢月描雲不枉
了閑心性謾聽誰敢把紅兒比並

撼庭竹

王晉卿

說

綽畧青梅弄春色真艷態堪惜經年費盡東君力有

情先到探春客無語泣寒香時暗度瑤席 月下風
前空悵望思携手同摘畫欄倚遍無消息佳辰樂事
再難得還是夕陽天空暮雲凝碧

黃魯直

定空

嗚咽南樓吹落梅聞鴉樹驚飛夢中相見不多時隔
城今夜也應知坐久水空碧山月影沉西 買箇宅
兒住着伊剛不肯相隨如今却被天嗔你永落鷄群
受鷄欺空恁惡憐伊風日損花枝

遠池遊

雅詞

漸春工巧玉漏花深寒淺韶景變融晴蕙風暖都門

十二三五銀蟾光滿瑞煙葱蒨禁城闌苑 柵山雉
扇絳蠟交輝星漢神仙籍梨園奏絃管都人遊翫萬
井山呼歡忭歲歲天仗願瞻鳳輦

望梅花

蒲傳正

宗五

一陽初起暖力未勝寒氣堪賞素華長獨秀不並開
紅抽紫青帝只應怜潔白不使雷同衆卉 淡然難
比粉蝶豈知芳蓋半夜捲簾如乍失只在銀蟾影裏
殘雪枝頭君認取自有清香旖旎

二

寒梅堪羨堪羨輕苞展被天人製巧粧素艷群芳皆

賤碎剪月華千片綴向瓊枝欲遍 小庭幽院雪月
相交無辨影玲瓏何處臨溪見謝家新宴別有清香
風際轉縹緲着人頭面

憶帝京

別憶

柳耆卿

薄衾小枕涼天氣乍覺別離滋味展轉數寒更起了
還重睡畢竟不成眠一夜長如歲也擬把却回征
轡又爭柰已成行計萬種思量多方開解只恁寂寞
厭厭地繫我一生心負你千行淚

慶壽

山谷

鳴鳩乳燕春閑暇化作綠陰槐夏壽筵舞紅裳睡鴨

飄香麝醉此洛陽人佐郡深儒雅 况座上王麟金
馬更莫問鶯老花謝萬里相依千金為壽未厭玉燭
傳清夜不醉欲言歸笑殺高陽社

贈彈琵琶妓

前人

薄粧小靨閑情素抱着琵琶凝佇慢撚復輕攏切切
如私語轉撥割朱弦一段驚沙去 萬里嫁烏孫公
主對易水明妃不渡粉淚行行紅顏片片指下花落
狂風雨借問本師誰斂撥當曾住

三

銀燭生花如紅豆占好事如今有人醉曲屏深借寶

瑟輕招手一陣白蘋風故滅燭教相就
花帶雨冰肌香透恨啼鳥轆轤聲曉柳岸微涼吹殘酒斷腸人
依舊鏡中消瘦那人知後鎮把你來僝僽

隔浦蓮近拍

周美成 邦彥

新篁搖動翠葆曲徑通深窈夏果收新脆金丸落驚
飛鳥濃靄迷岸草蛙聲鬧驟雨鳴池沼水亭小浮
萍破處簾花簷影顛倒綸巾羽扇困卧北窓清曉屏
裏吳山夢自到驚覺依然身在江表

陸務觀 游

飛花如趁燕子直度簾櫳裏帳掩香雲暖金籠鸚鵡

驚起凝恨慵梳洗粧臺畔蘸粉纖纖指寶釵墜才
醒又困厭厭中酒滋味墻頭柳暗過盡一年春事
畫高樓怕獨倚千里孤舟何處烟水

趙德莊 彦端

西風吹斷夢草起來芙蓉老座上人誰在晨參踈影
相照幽館寒意悄簷聲小醉語秋屏曉記年少相
携勝處黃花香滿烏帽如今將見璧月瓊枝空好準
擬新春待見了不道些兒心事還惱

師師令

張子野 先

香鈿寶珥拂菱花如水學粧皆道稱時宜粉色有天

然春意蜀絲衣長勝未起縱亂雲垂地 都城池苑
誇桃李問東風何似不須回扇障清歌唇一點小於
朱藥正值殘英和月墜寄此情千里

郭即兒近拍遣懷

柳耆卿

帝里閑居小曲深坊庭院沉沉朱戶閉新霽畏景天
氣薰風簾幙無人永晝耿耿如度歲愁瘁 枕簟微
涼睡久轉轉慵起硯席塵生新詩小閣等閑都盡廢
這些兒寂寞情懷何事新來常恁地

傳言玉女元上

晁叔用

一夜東風不見柳梢殘雪御樓烟煖對鰲山綵結簫

鼓向晚鳳輦初回宮闕千門燈火九街風月 繡閣
人人乍嬉遊困又歇艷粧初試把珠簾半揭嬌羞向
人手撚玉梅低說相逢長是上元時節

雅詞

眉黛輕分慣學玉真梳掠艷容可畫那精神怎貌鮫
綃映玉鈿帶雙穿纓絡歌音清麗舞腰柔弱 宴罷
瑤池御風跨皓鶴鳳凰臺上有蕭郎共約一面笑開
向月斜寒朱箔東園無限好花羞落

續散說云政和中表祠為教坊判官撰文字一
日為蔡京撰傳言玉女詞有淺淡梳粧愛學女真
之語上見之改女真二字為漢宮而人莫解其語
時已與女真盟于海上矣而中外未知帝思其語

居士本戀齊徐
下平韻首二字

故竄易
之也

曾純甫

鳳閣龍樓清夜月華初照萬點星毬護花稍寒峭華
胥夢裏老去歡情終少花愁醉悶總消除了紫陌
嬉不似少年懷抱珠簾十里聽笙簫聲杳幽期密約
暗想淺顰輕笑良時莫負玉山頻倒

河滿子

毛熙震

寂寞芳菲暗度歲華如箭堪驚緬想舊歡多少事轉
添春思難平曲檻絲垂金柳小窓絃斷銀箏深院
空聞燕語滿園閑落花輕一片相思休不得忍教長

日愁生誰見夕陽孤夢覺來無限傷情

二

無語殘粧澹薄含羞鞞袂輕盈幾度香閨眠過曉綺
窓疎日微明雲母帳中偷惜水精枕上初驚笑靨
嫩疑花拆愁眉翠斂山橫相望只教添悵恨整鬟時
見纖瓊獨倚朱扉閑立誰知別有深情

陪杭州泛湖夜歸

張子野

溪女送花隨處沙鷗避樂分行遊舸已如圖障裏小
屏猶画滿湘人面新生酒艷日痕更欲春長衣上
交枝鬪色釵頭比翼相雙片段落霞明水底風紋時

動粧光賓從夜歸無月千燈萬火河塘

孫巨源

悵望浮生急景淒涼寶瑟餘音楚客多情偏怨別碧
山遠水登臨目送連天衰草夜闌幾處踈砧黃葉
無風自落秋雲不雨長陰天若有情天亦老搖搖幽
恨難禁惆悵舊歡如夢覺來無處追尋

杜壽域

柳嫩不禁搖動梅殘儘任飄零雨餘天氣來深院向
陽纖草重青寂寞小桃初綻兩三枝上紅英又見
雲中歸鴈嗷嗷斷續和鳴年年依舊無情緒鎮長冷

落銀屏不語閑尋往事微風頻動簾旌

晏叔原

綠綺琴中心事齊紈扇上時光五陵年少渾薄倖輕
如曲水飄香夜夜寃銷夢峽年年淚盡啼湘歸鴈
行邊遠字驚鶯舞處離腸蕙樓多少鈿華在從來錯
倚紅粧可羨鄰姬十五金釵早嫁王昌

百媚娘

張子野

珠閣五雲仙子未省有誰能似百媚笑應天乞與淨
飾艷粧俱美取次芳華俱可意何處無桃李蜀被
錦紋鋪水不放綵鴛雙戲樂事也知存後會爭柰眼

前心裡綠皺小池紅疊砌花外東風起

臨江仙引

恨別

柳耆卿

渡口向晚乘瘦馬陟崇崗西郊又送秋光對暮山橫
翠觀殘葉飄黃憑高念遠素景楚天無處不淒涼
香閨別來無信息雲愁雨恨難忘指帝城歸路但煙
水茫茫凝情望斷淚眼盡日獸立斜陽

感別

前人

上國去客停飛蓋促離筵長安古道絲綿見岸花啼
露對堤柳愁煙物情人意向此觸目無處不淒然
醉擁征驂猶竚立盈盈淚眼相看况繡幃人靜更山

館春寒今宵怎向漏永頓成兩處孤眠

隔簾聽

相思

柳耆卿

咫尺鳳衾鴛帳欲去無因到鰕鬚窄地重門悄認繡
履頻移洞房窈窕強語笑逞如篋再三輕巧梳粧
早琵琶閑抱愛品相思調聲聲似把芳心告隔簾聽
贏得斷腸多少恁煩惱除非共伊知道

長生樂

晏同叔

珠

玉露金風月正圓臺榭早涼天畫堂佳會組綉列芳
筵洞府星辰龜鶴來添福壽歡聲喜色同入金爐泛
濃烟清歌妙舞急管繁絃榴花滿酌舩舩人盡祝

富貴又長年莫教紅日西晚留著醉神仙

越溪春

永叔

三月十三寒食日春色遍天涯越溪閨苑繁華地傍
禁垣珠翠烟霞紅粉墻頭鞦韆影裏臨水人家 歸
來晚駐香車銀箭透窓紗有時三點兩點雨霽朱門
柳細風斜沉麝不燒金鴨冷籠月照梨花

瑞雲濃

楊無咎

睽離謾久年華誰信曾換依舊當時似花面幽懽小
會記永夜盃行無笑醉裡屢忘歸任虛簷月轉 能
變新聲隨語意悲歡感怨可更餘音寄菴管倦游江

溯問以伊阿誰曾見度已無腸為伊可斷

枕屏兒

江國春來留得素英肯住月籠香風弄粉詩人盡許
酥盞嫩檀心小不禁風雨須東君與他做主 繁杏
天桃顏色淺深難駐柰芳容全不稱冰姿伴侶水亭
邊山驛畔一枝風措十分似那人人淡矜

番槍子

薛玉温甫

東蕭詞

莫把團房雙鷺隔要看玉溪頭春風客妙處風骨滿
閑翠羅金縷瘦宜窄轉面兩眉攢青山色 到此月
想精神花似秀質待與不清狂如何得柰何難駐朝

雲易成春夢恨又積送上七香車春草碧

下水缸

賀方回 詩

芳草青門路還拂京塵東去回想當年離聲送君南
浦愁幾許樽酒留連薄暮簾捲津樓烟雨 凭欄語
草草蘅臯賦分首驚鴻不駐燈火虹橋難尋弄波微
步漫凝佇莫怨無情流水明日扁舟何處

廖明畧妓田氏

晁無咎 改齊 謾錄

上客驪駒淚驚喚銀瓶睡起因倚粧臺盈盈正解螺
髻鳳釵墜繚繞金盤玉指巫山一段雲委 半窺鏡
向我橫秋水斜領花枝交鏡裏淡拂鉛華忽忽自整

居全本詞作出

羅綺斂眉翠雖有惜惜密意空作江邊解佩

碧牡丹

晏同叔 出姬

張子野 先

步帳搖紅綺曉月墮沉煙砌緩板香檀唱徹伊家新
製怨入眉頭斂黛峯橫翠芭蕉寒雨聲碎 鏡華翳
開照孤鶯戲思量去時容易鈿合瑤釵至今冷落輕
弃望極藍橋但暮雲千里幾重山幾重水

道山清話云晏文獻為京兆辟張先為通判新納
侍兒公甚屬意先能為詩詞公雅重之每張來即
令侍兒出侑觴往往歌子野所為之詞其後王夫
人寢不容公即出之至末句公聞之憮然曰人生
作此詞令營妓歌之至末句公聞之憮然曰人生
行樂耳何自苦如來夫 亟命于宅庫支錢若干復取
前所出侍兒既來也 人亦不復誰何也

卷一

六

晏叔原 幾道

翠袖踈紈扇涼葉催歸燕一夜西風幾處傷高懷遠
細菊枝頭開嫩香還徧月痕依舊庭院 事何限悵
望秋意晚離人鬢華將換靜憶天涯路比此情猶短
試約鸞牋傳素期良願南雲應有新鴈

程正伯 坡

睡起情無著曉雨盡春寒弱酒盞飄零幾時頓踈行
樂試數花枝問此情何若為誰開為誰落 正愁却
不是花情薄花無笑人蕭索舊觀千紅至今冷夢難
托燕麥春風更幾人驚覺對花羞為花惡

千年調

辛幼安 棄疾

卮酒向人時和氣先傾倒最要然然可萬事稱好
滑稽坐上更對鴟夷笑寒與熱揔隨人甘國老 少
年使酒出口人嫌拗此箇和合道理近日方曉學人
言語未會十分巧看他門得人憐秦吉了

蓋珠閣

趙德莊 彥端

浦雲融梅風斷碧水無情輕度有嬌黃上林梢向春
欲舞綠煙迷畫淺寒欺暮不勝小樓凝竚 倦游處
故人相見易阻花事從今堪數片帆無恙好在一篙
新雨醉袍宮錦畫羅金縷莫教亂傳出句

解蹀躞

周美成

候館丹楓吹盡面旋隨風舞夜寒霜月飛來伴孤旅
還是獨擁秋衾夢餘酒困都醒滿懷離苦甚情緒
深念凌波微步幽房暗相遇淚珠都作秋宵枕前雨
此恨音驛難通待憑征鴈歸時帶將愁去

楊補之

七卷

迤邐韶華將半桃杏勻於染又還撩撥春心倍悽黯
準擬劇飲狂吟可憐無復當年酒腸文膽倦遊覽
顛顛羞寫鏡眉端為誰斂可堪風雨無情暗亭檻觸
目千點飛紅問春爭得春愁也隨春減

唐金本瑜作琦

春草碧

完顏瑜

密同

幾番風雨西城陌不見海棠紅梨花白底事勝賞勿
勿政自天付酒腸窄更笑老東君人間客賴有玉
管新翻羅襟醉墨望中倚闌人如曾識舊夢回首何
堪故苑春光又陳迹落盡後庭花春草碧

有感

李欽叔

獻能

紫簫吹破黃州月款款小梅花飄香雪寂寞花底風
鬟顏色如花命如葉千里浣兵凌鞮塵波心事鑑
影鴛孤箏絃鴈絕舊時雪堂人今華髮斷腸金縷新
聲盃深不覺琉璃滑醉夢遶南雲花上蝶

唐金本十里一
白作十里浣兵
塵凌波賦

訴衷情近秋思

柳耆卿

雨晴氣爽竚立江樓望處澄明遠水生光重疊暮山
聳翠遙想斷橋幽徑隱隱漁村向晚孤煙起 殘陽
裡脉脉朱闌靜倚黯然情緒未飲先如醉愁無際暮
雲過了秋風老盡故人千里竟日空疑睇

首夏

前人

景闌晝永漸入清和氣序榆錢飄滿閑堦蓮葉嫩生
翠沼遙望水邊幽徑山崦孤村是處園林好 閑情
悄綺陌遊人漸少少年風韻自覺隨春老追前好帝
城信阻天涯目斷暮雲芳草竚立空殘照

剔銀燈新春

柳耆卿

何事春工用意繡画出萬紅千翠艷杏夭桃垂楊芳
草各闔雨膏烟膩如斯佳致早晚是讀書天氣 漸
漸園林明媚便好安排歡計論籃買花盈車載酒百
琲千金邀妓何妨沉醉有人伴日高春睡

杜壽域

安世

夜永衾寒夢覺翠屏共綉幃燈照就枕思量離多會
少孤負小歡輕笑風流爭表空惹盡一生煩惱 寫
遍香牋分割鱗翼路遙難到淚眼愁腸朝朝暮暮去
便不知音耗終須拚了別選箇如伊才調

好事爭如不遇可惜許多情相誤月下風前偷期竊
會共把衷腸分付尤雲帶雨正繾綣朝朝暮暮無
柰別離情緒和酒病雙眉長聚往事淒涼佳音迢遞
似此因緣誰做洞雲深處暗回首落花飛絮

毛澤民

簾下風光自足春到席間屏曲瑤甕酥融羽觴蟻鬧
花映鄜湖寒綠泊羅愁獨又何似紅圍翠簇聚散
悲歡箭速不易一杯相屬頻剔銀燈別聽牙板尚有
龍骨堪續羅熏綉馥錦瑟畔低迷醉玉

唐金本詞作詞

與歐陽永叔分題

范希文中吳

昨夜因看蜀志笑曹操孫權劉備用盡機關徒勞心
力只得三分天地屈指細尋思爭如共劉伶一醉
人世都無百歲少痴騃老成尪悴只有中間些子少
年忍把浮名牽繫一品與千金問白髮如何回避

慶生弟五子

哀長吉

古來五子伊誰有唐室五王稱首竇氏五龍柳家五
馬西晉室陶家五柳英名不朽更東漢馬良並秀
君今也五男還又應是五星孕就腹笥五經身膺五
福指日繼五侯之後箇般非偶好與醉劉伶五斗

望月婆羅門引

揚如晦

漲雲暮捲漏聲不到小簾攏
銀河淡掃澄空皓月當
軒高挂秋入廣寒宮
正金波不動桂影朦朧
佳人未逢悵此夕與誰同
望遠傷懷對景霜滿秋紅
南樓何處想人在長笛一聲中
凝淚眼立盡西風

望月

元遺山

天機餘錦

素蟾散彩九秋風露發清妍
嫦娥儘有情緣留着三五
盈盈永夜照憑肩
看晚粧臨鏡若箇嬋娟
尋常月圓恨都向此時偏
幾度郵亭枕上野店尊前
珠明玉秀笑一日相看一日
仙人共月長似今年

段成己

東風嫋嫋飛花一片點苔衣
等閑耗損香霏春去春來
無跡靜裡幾人知
問沈郎何事帶減腰圍
功名願遠笑此計未應非
剩把閑愁殢酒出興裁
詩溪山好在恨眼中渺渺
故人稀回首處清淚如絲

嚴仁

花明柳暗一天春色
繞朱樓斷鴻聲喚人愁
欲問歸鴻何處身世自悠悠
正東風留滯楚尾吳頭
追思舊遊嘆雙鬢颯驚秋
可惜等閑孤了酒
令花籌斷絃難續
謾題詩分付水東流
流不到蓬島瀛洲

唐金本作作俞

風入松

于國寶

一春長費買花錢
日日醉湖邊
玉驄慣識西湖路
驕嘶過沽酒樓前
紅杏香中
簫鼓綠楊影裏
鞦韆暖風十里麗人
天花壓鬢雲偏
畫船載得春歸去
餘情付湖水湖煙
明日重扶殘醉來尋陌上花鈿

廣陵元夜病中有感

前人

東風巷陌暮寒驕
燈火鬧河橋
勝遊憶徧錢塘夜
青鸞遠信斷難招
蕙草情隨雪盡
梨花夢與雲銷
客懷先自病無聊
綠酒負金蕉
下幃獨擁香篝睡
春城外玉漏聲遙
可惜滿街明月更無人為吹簫

周少隱

禁烟過後花落天無柰
輕寒東風不管春歸去
共殘紅飛上秋千看盡
天涯芳草春愁堆在闌干
楚江橫斷夕陽邊
無限春烟舊時雲去
今何處山無數柳漲平川
與問風前回鴈甚時吹過江南

翰
失名

晚來涼氣滿芙蓉
日到竹陰東
稱觴歌袖三千指
屏星畔逸綠圍紅
茱糝百盃秋色桂華十里西風
生朝對飲菊花叢
九日一樽同文章
歌向家聲舊便應去黃閣
從容喚起仙翁為壽種成千歲椿松

柳陰庭院杏梢墻依舊巫陽鳳簫已遠青樓在水沈
煙暖前香臨鏡舞鴛離照倚箏飛鴈辭行 墜鞭人
去自淒涼淚眼愁腸斷雲殘雨當年事到如今幾處
難忘兩袖曉風花陌一簾夜月蘭堂

晏叔原 幾道

康伯可 與之

一宵風雨送春歸綠暗紅稀畫樓整日無人到與誰
同撚花枝門外薔薇開也枝頭梅子酸時 玉人應
是數歸期翠斂愁眉塞鴻不到雙魚遠嘆樓前流水
難西新恨欲題紅葉東風滿院花飛

閨思

碧苔滿地襯殘紅綠樹陰濃曉鶯啼破眉心事舊愁
新恨重重翠黛不忺重掃佳時每恨難同 花開
謝任東風此恨無窮夢魂擬逐楊花去殢人休下簾
櫳要見只憑清夢幾時真箇相逢

戲人去妾

蔣捷

東風舊日小桃枝仙夢已雲迷畫闌紅子擣菡處依
然是春晝簾垂恨殺河東獅子驚回海底鷗兒 尋
芳小步莫嫌遲此去却慵移斷腸不在分襟後元來
在襟未分時柳岸猶攜素手蘭房早掩朱扉

春情

高觀國

捲簾日日恨春陰
寒食新晴馬蹄只向南山去
長橋愛花柳多情
紅外風嬌日暖翠邊水秀
山明杜郎歌酒過平生
到處蓬瀛醉魂不入重城
晚穠歡寄桃葉桃根
繡被嫩寒清曉鶯聲喚醒春醒

聞鄰女吹笛

粉嬌曾隔翠簾看
橫玉聲寒夜深不管柔荑冷
櫻朱度香噴雲鬟
霜月搖搖吹落梅花
菽菽驚殘蕭郎且放鳳簫
閒何處驂鸞靜聽三弄霓裳
罷魂飛斷愁裏闕山三十六宮
天近念奴却在人間

補鈔評花仙館校本

荔枝香

柳耆卿

甚處尋芳賞翠歸
去晚緩步羅鞵生塵來
遶瓊筵看金繡霞衣
輕褪似覺春遊倦
遙認衆裡盈盈好身段
擬回首又竚立
簾幃畔素臉紅粧時
揭蓋頭微見笑整金翹
一點芳心在嬌眼
玉孫空恁腸斷

周美成

補鈔

居金本測測作
測測

照水殘紅零亂風
掀去盡日測測輕寒
簾底吹香霧黃昏客枕
無慘細響當窓雨
看兩兩相依燕新乳
樓下水漸綠
遍行舟浦暮往朝來心
逐片帆輕舉何日迎門
小檻朱籠報鸚鵡
共剪西窓蜜炬

于飛樂

毛澤民

記騰騰濃睡裡一片行雲未許時
夢破雲驚聽轆轤聲斷也
井底銀瓶不如羅帶等閑便結得同心
繫畫舫揚柳岸曉月亭亭記陽關斷
韻殘聲被西風吹玉枕酒魄還清
有此言語獨自箇說與誰磨

二

並梅兄雙蝶子烟縷衫輕鳳凰釵
繚繞香雲淡梳粧得恁雪膩酥勻
揉春捻就更是他花與精神黛尖
低挑萼破微笑輕顰早做成後
夢勞魂好風前佳月下莫忘行人
扁舟去也沒箇事多樣離情

晏叔原

幾道

曉日當簾睡痕猶占香腮輕盈笑倚
鸞臺暈殘紅勻宿翠滿鏡花開
嬌嬋鬢畔插一枝淡蘂踈梅
每到春深多愁饒恨粧成懶下
香階意中人從別後縈繫情懷
良辰好景相思字喚不歸來

史達祖

綺翼翻翻問誰常借春陂生愁近
渚風微紫山深金殿暖日暮同歸
白頭相守情雖定事却難期
帶恨飛來烟埋秦草年年在
夢紅衣舊沙間香頸冷合是
單棲終將怨魄何年化連理芳枝

居全本鵬作隔
濡作滿按作集

應景樂

蕭回

金陵故國極目長江浩渺千重隅山無際臨濡怒濤
磧俯春城蕭寂芳晝迤邐一族烟村將晚嚴光舊臺
側 何處舊遊客對此景惹起離愁頓覺舊日意魂
黯愁積幽恨綿綿何計消溺回首洛東千里

春聲碎

譚明之翰
宣子

津館貯輕寒脉脉離情如水東風不管垂楊無力總
雨顰煙鎖闌干外怕春燕掠天疏鼓疊春色碎 劉
郎易憔悴况是厭厭病起花牋漫展便寫就新詞倩
誰將寄當此際渾似夢峽啼湘一寸相思意

祝英臺近

惜別

東坡

掛輕帆飛急槳還過釣臺路酒病無聊歌枕聽鳴櫓
斷腸簇簇雲山重重煙樹回首望孤城何處 間離
阻誰念縈損襄王何曾夢雲雨舊恨前歡心事兩無
據要知欲見無由癡心猶自倩人道一聲傳語

蔣捷

柳邊樓花下館低捲綉簾半簾外天絲擾擾似情亂
知他蛾綠纖眉鵝黃小袖在何處閑游閑翫 最堪
嘆箏面一寸塵深玉柱網斜鴈譜字紅鴛剪燭記同
看幾回傳語東風將愁吹去怎柰向東風不管

獸金寒簾玉潤梅雪印苔絮春意如人易散苦難聚
幾多絲竹深情池塘幽夢猶倚賴與君同住 舊游
處誰喚別浦仙帆風前問征路煙雨連江吹恨正無
數莫教紫燕歸來紅雲開後空悵望主人輕去

趙德莊

方瑞

晚春

程正伯

瑞

墜紅輕濃綠濶深院又春晚睡起恹恹無語小粧嬾
可堪三月風光五更魂夢又被杜鵑催攢 怎消
遣人道愁與春歸春歸愁未斷閑倚銀屏羞怕淚痕
滿腸斷沉水重熏瑤琴閑理柰依舊夜寒人遠

居金本陌作怕
又作卻

寶釵分桃葉渡烟柳暗南浦陌上層樓十日九風雨
斷腸點點飛紅都無人管倩誰喚流鶯聲住 鬢邊
覩試把花卜歸期綰簪又重教羅帳燈昏哽咽夢中
語是他春帶愁來春歸何處又不解帶將愁去

辛幼安

棄疾

居金本盧川作
張元幹風春作
春風

盧川

枕霞紅釵燕墜花露帶雲髻粉淡香殘猶帶宿醒睡
畫簷紅日三竿慵窺鷺鑑長是倚風春無力 又經
歲玉腕條脫輕鬆羞即見憔悴何事秋來容易又分
袂可堪踈雨梧桐空堦絡繹背人處偷彈珠泪

居全本未作珠
詞作情

寶蟾明朱閣靜新燕近簾語還記元宵燈火小橋路
逢迎春筍柔微凌波纖穩諳不顧斗斜三鼓甚無
據誰信一霎春愁鶯聲留不住柳色苔痕風雨暗花
圓細看羅帶銀鈎銷巾香泪美不在那時分付

史邦卿 道祖

柳枝愁桃葉恨前事怕重記紅藥開時新夢又溱洧
此情老去須休春風多事便老去越難回避阻幽
會應念偷剪餘釀柔條暗縈繫節物移人春暮更顛
顛可堪竹院題詩蘚堦聽雨寸心外安愁無地

北固亭

岳珂

澹烟橫層霧斂勝槩分雄占月下鳴榔風急怒濤颭
閔河無限清愁不堪臨鑑正霜髮秋風塵染漫登
覽極目萬里沙場事業頻看劍古往今來南北限天
塹倚樓誰弄新聲重城正掩歷歷數西州更點

憶別

雅詞 無名氏

海棠開花影下憶得舊遊戲恰似驂鷲同在彩雲裏
夢回雨散雲收匆匆歸去一枕乍驚殘春睡甚情
味人去花已飄零餘香半憔悴點點飛紅都是去時
淚可堪冷落黃昏瀟瀟微雨斷魂處朱闌獨倚

居全本限作恨

吳淑姬

粉痕銷音信斷好夢又無據病酒無聊歌枕聽殘雨
斷腸曲曲屏山温温沉水盡是舊看承人處久離
阻誰念一點芳心開愁知幾許偷照菱花清瘦自羞
覩可堪梅子酸時楊花飛盡亂鶯鬧催春歸去

別李澤之諸友

戴式之復古

泛杭州臨塵水幾日共遊戲歌笑開懷酒醒又還醉
柰何一旦分携連宵風雨剪不斷客愁千里水雲
際遙望一片飛鴻苦是失群地滿眼春風管甚閑桃
李此行歸老家山相逢難又但一味相思而已

居全本懷作杯

德祐乙亥

太學生湖海新聞

倚危攔斜日暮鷺鷥甚情緒穉柳君勿嬌黃太全未禁
風雨春江萬里雲濤扁舟飛渡北軍那更塞鴻無數
流嘆離阻有恨落天涯誰念孤旅滿目風塵冉冉如
飛霧是何人惹愁來出賈那人何處去賈怎知道愁來又
去

居全本更字下
有聽字眼字下
有流字念字下
有五字

撲蝴蝶

茗溪漁隱無名氏

煙條雨葉綠遍江南岸思歸倦客尋芳來較晚岫邊
紅日初斜陌上花飛正滿淒涼教聲菴管怨春短
玉人應在明月樓中畫眉懶蠻牋錦字多時魚鴈斷

恨隨去水東流事與行雲共遠羅衾舊香猶煖

呂聖求 渭老

分釵綰髻洞府難分手離腸短曲啼痕永舞袖馬嘶
霜滑橋橫路轉人依古柳曉色漸分星斗 怎分割
心兒一似傾入離愁萬千斗垂鞭佇立傷心還病酒
十年夢裡嬋娟二月花梢荳蔻春風為誰依舊

梅

邵叔齊

蘭摧蕙折霜重曉風惡長安何處孤根謾自託水寒
斷續溪橋月破黃昏院落相逢儼然瘦削 最蕭索
星星蓬鬢杳杳家山路正邈攀枝嗅蕊露陪清淚閣

居全本推作僅
焉作贊

已無蝶使蜂媒不共鶯期燕約甘心伴人淡薄

趙介之 使

清和時候薰風來小院琅玕脫籜方塘荷翠颭柳絲
輕度流鶯画棟低飛乳燕園林綠陰初遍 景何限
輕紗細葛綸巾和羽扇披襟散髮心清塵不染一盃
洗滌無餘萬事銷磨去遠浮名薄利休羨

曹元寵 組

人生一世思量爭甚底花開十日已隨塵共水且看
欲盡花枝未厭傷多酒盞何須細推物理 幸容易
有人爭柰只知名與利朝朝日日忙忙劫劫地待得

龍華齊局 卷八

七

一餉開時又却三春過了何如對花沉醉

快活年近拍

萬俟雅言

千秋萬歲君五帝三王世觀風重令節與民樂盛際
藥宮長春洞天不老花艷蟬輝十里照春珠翠 鬧
羅綺遙望太極一簇通明裏釣臺奏壽蓬山呈妙戲
六宮人來五雲樓迥風送歌聲依約睿思新製

四園竹

周美成 邦彥

浮雲護月未放滿朱扉鼠搖暗壁螢度破窓偷入書
幃秋意濃閒佇立庭柯影裏好風襟袖先知 夜何
其江南路遠重山心知謗與前期柰何燈前墮淚腸

斷蕭娘舊日書辭猶在紙鴈信絕清宵夢又稀

側犯

周美成

暮霞霽雨小蓮出水紅粧靚風定看步襪江妃照明
鏡飛螢度暗草秉燭遊花徑人靜携艷質追涼就槐
影 金環皓腕雪藕清泉瑩誰念省滿身香猶是舊
荀令見說胡姬酒壚寂靜煙鎖漠漠藻池苔井

相思會

人無百年人剛作千年調待把門關鐵鑄鬼見失笑
多愁早老惹盡閑煩惱我惺也在勞心謾計較 麈
衣淡飯羸取煖和飽住箇宅兒只要不大不小常教

潔淨不種閑花草，
擿見定樂平生便是神仙了。

鳳樓春

歐陽炯

鳳髻綠雲叢，深掩房櫳。錦書通夢中，
相見覺來慵。勻面淚臉珠融，因想玉
郎何處去，對淑景誰同。小樓中春思無窮，
倚欄顚望，閣牽愁緒。柳花飛起，東風斜
日照，簾櫳羅幌香冷，粉屏空。海棠零落，
鶯語殘紅。

御街行

秋日懷舊

范希文

仲淹

紛紛墜葉飄香砌，夜寂靜寒聲碎。
真珠簾捲玉樓空，天淡銀河垂地。
年年今夜，月華如練，長是人千里。
愁腸已斷無由醉，酒未到先成淚。
殘燈明滅枕頭歌

諳盡孤眠滋味，都來此事，眉間心上，
無計相迴避。

張子野

先

天非花艷，輕非霧來，夜半天明去。
來如春夢不多時，去似朝雲無覓處。
乳鷄棲燕，落月沉星，紈紈城頭鼓。
參差漸辨西池樹，朱閣斜開戶。
綠苔深徑少人行，苔上履痕無數。
殘香餘粉，閑衾剩枕，天把多情付。

二

畫船橫倚煙溪半，春入吳山遍。
主人憑客且遲留，程入花溪還遠。
數聲蘆葉，兩行霓袖，幾處成離宴。
紛紛歸騎亭臯晚，風順檣烏轉。
古今為別最銷魂，因別

有情須怨高臺獨上不堪凝望目與飛雲斷

梅苑 失名

平生有箇風流願願長與梅為伴問伊因甚破寒來
只恐百花先綻比蘭比麝比酥比玉休恁鬧撩亂
瑤臺月下分明見依舊殘粧淺不知分得幾多香一
片清如一片直須遮斷恐人眼毒不解輕輕看

聖壽

柳耆卿 永

燔柴煙斷星河曙寶輦回天步端門羽衛簇雕欄六
樂舜韶先舉鶴書飛下鷄竿高聳恩露均寰寓赤
霜抱爛飄香霧喜色成春煦九儀三事仰天顏八彩

旋生眉宇椿齡無盡蘿圖有慶常作乾坤主

相思

前時小飲春庭院悔放笙歌散歸來中夜酒醺醺惹
起舊愁無限雖看墜樓換馬爭柰不是鴛幃伴 朦
朧暗想如花面欲夢還驚斷和衣擁被不成眠一枕
萬回千轉惟有畫梁新來雙燕徹曙聞長嘆

晏叔原 幾道

年光正似花捎露彈指春還暮翠眉仙子望歸來倚
遍玉城珠樹豈知別後好風良月往事無尋處 狂
情錯向紅塵住忘了瑤臺路碧桃花藥已應開欲伴

彩雲飛去回思十載朱顏青鬢枉被浮名誤

古今詞話

霜風漸緊寒侵被聽孤鴈聲嘹唳一聲聲送一聲悲
雲淡碧天如水披衣起告鴈兒畧住聽我些兒事
塔兒南畔城兒裡第三箇橋兒外瀕河西岸小紅樓
門外梧桐彫砌請教且與低聲飛過那裡有人人無
寐

詠轎

高觀

藤筠巧織花紋細稱穩步如流水踏青陌上雨初晴
嫌怕濕文鴛雙履要人送上蓮花即住繞過處香風

起 裙兒掛在簾兒裏更不把窓兒閉紅紅白白簇
花枝恰稱得尋春芳意歸來時晚紗籠引道扶下人
微醉

韓師厚

合和朱粉千餘兩捻箇觀音樣大都却似五三分少
一副玲瓏五臟等人合眼來人眼底終夜空勞攘
香魂媚魄知何往料只在船兒上無言倚定馬門兒
獨對滔滔雪浪若將愁淚還做水笑幾個黃天蕩

岐陽郵亭

洛陽女郎

一身萍梗隨郵傳恨歸路如天遠近來魂夢也踈人

不似舊時長見剩衾餘枕冷清清地空恁閑一半

一叢花

張先永叔集有

傷春懷遠幾時窮無物似情濃離愁正恁牽絲亂更
南陌飛絮濛濛嘶騎漸遙征塵不斷何處認即蹤
雙鴛池沼水溶溶南北小橋通梯橫畫閣黃昏後又
還是新月簾櫳沉恨細思不如桃李還解嫁春風

少游

年時今夜見師師雙頰酒紅滋踈簾半捲微燈外露
華上煙裊涼颺簪髻亂拋恨人不起彈淚唱新詞
佳期誰料久參差愁緒暗縈絲相應妙舞清歌罷又

還對秋色嗟咨惟有畫樓當時明月兩處照相思

趙德麟送洞庭春色

晁無咎補之詞話

王孫眉宇鳳凰雛元與世情踈揚州坐下瓊花底佩
錦囊曾從奚奴金盞倒揮滿身花影紅袖競來扶
十年一夢訪吾居離缺重踟躕應怜肺病臨邛客寄
洞庭春色雙壺天氣未佳梅花政好曾醉燕堂無

程正伯咳

傷春時候一憑欄何況別離難東風只解催人去也
不道鶯老花殘青牋未約紅綃忍淚無計鎖征鞍
寶釵瑤鈿一時閑此恨苦天慳如今直恁拋人去也

不念人瘦衣寬歸來忍見重樓淡月依舊五更寒

陸務觀游

樽前凝佇漫覓迷猶恨負幽期從來不慣傷春淚為
伊後滴滿羅衣那堪更是吹簫池館青子綠陰時
回廊簾影晝參差偏共睡相宜朝雲夢斷知何處倩
雙燕說與相思從今判了十分憔悴圖要箇人知

望遠行

雅詞

居全本無雅詞
二字

當時雲雨夢不負楚王期翠峯中高楼十二掩瑤扉
儘人間歡會只有兩心自知漸玉困花柔香汗揮
歌聲翻別怨雲馭欲回時這無情紅日何似且休西

但消消珠淚滴濕仙郎羽衣怎忍見雙鴛相背飛

過澗歇

夏景

柳耆卿永

淮楚曠望極千里火雲燒空盡日西郊無雨壓行旅
數幅輕帆旋落艤棹蒹葭浦避畏景兩兩舟人夜深
語此際爭可便恁奔利名九衢塵裡衣冠冒炎暑
回首江鄉月觀風亭水邊石上幸有散髮披襟處

恨別

前人

酒醒夢纔覺小閣香灰成燼洞戶銀蟾移影人寂靜
夜永清寒翠瓦霜凝踈簾風動漏聲隱隱飄來轉愁
聽怎向心緒近日耿耿長似病鳳樓咫尺佳期宵

居全本疑作凝

居全本石作衣

無定展轉無眠粲枕冰冷香虬烟斷是誰與把重衾
整

陽関引別離

寇平仲準

塞草烟光濶渭水波聲咽春朝雨霽輕塵斂征鞍發
指青青楊柳又是輕攀折動黯黯知有後會甚時節
更盡一盃酒歌一闋歎人生裏難歡聚易離別且
莫辭沉醉聽取陽關徹念故人千里自此共明月

甘州令雪詠

柳耆卿永

凍雲深泚氣淺寒欺綠野輕雪伴早梅飄謝艷陽天
正明媚却成瀟洒玉人歌盡樓酒對此景驟增高價

賣花巷陌放燈臺榭好時代怎生輕捨賴和風蕩
霽靄廓清良夜玉塵鋪桂莖滿素光裏更堪遊冶

孤鴈兒

程正伯孩

在家不覺窮冬好向客裡方知道故園梅子正開時
記得清樽頻倒高燒紅蠟煖薰羅幌一任花枝惱
如今客裡傷懷抱忍雙鬢隨花老小窓獨自對黃昏
只有月華飛到假饒真箇鴈書頻寄何似歸來早

二

雙鬟乍綰橫波溜記當日香心透誰教容易逐鷄飛
輸却春風先手天公元也管人憔悴放出花枝瘦

幾宵和月來相就問何事春山闌祇應深院鎖嬋娟
枉却嬌花時候何時為我小梯橫閣試約黃昏後

李易安

藤床紙帳朝眠起說不盡無佳思沉香烟斷玉爐寒
伴我情懷如水笛聲三弄梅心驚破多少春情意
小風疎雨瀟瀟地又催下千行淚吹簫人去玉樓空
腸斷與誰同倚一枝折得人間天上沒箇人堪寄

夢還京

柳耆卿

夜來忽忽飲散歌枕背燈睡酒力全輕醉魄易醒風
揭簾攏夢斷披衣重起悄無寐追悔當初繡閣話

居全本燈作爐

別太容易日許時猶阻歸計甚况味旅館虛度殘歲
想嬌媚那裏獨守鴛牋靜永漏迢迢也應暗同此意

小鎮西

別感

前人

意中有箇人芳顏二八天然峭自來妍點最奇絕是
笑時媚靨深深百態千嬌再三偎著再三香滑久
離缺夜來魂夢裡尤花殢雪分明似舊家時節正歡
悅被鷄聲喚起一傷寂寞無眠向曉空有半窓殘月

憶黃梅

王逐客

枝上葉兒未展已有墜紅千片春意怎生防怎不怨
被我安排矮牙牀斗帳和嬌艷移在花叢裏面請

居全本峭作俏
歡作款

居全本是作教

居全本是作曉

君看惹清香，偎媚暖愛香。愛暖金杯滿，問春怎管大
家。拚便做東風，總吹交零亂。猶骨自輸我，鴛鴦一半。

金人捧露盤

春曉感舊

曾純甫觀

記神京繁華地，舊遊踪。正御溝春水溶溶。平康巷陌，
繡鞍金勒，躍青驄。解衣沽酒醉絃筦，柳綠花紅。到
如今，餘霜鬢，嗟前事，夢魂中。但寒烟滿目，飛蓬雕欄，
玉砌空餘三十六。離宮塞笳驚起，暮天鴈寂寞，東風

賀方回 詩

控滄江，排青嶂。燕臺涼。駐綵仗，樂未渠央。巖花磴蔓，
妬千門珠翠，倚新粧。舞閑歌悄，恨流風，不管餘香。

居全本胡作牙

繁華亭，驚俄頃，佳麗地。指蒼茫，寄一笑，何與興亡量。
船載酒，賴使君相對，兩胡床。緩調清管，更為儂三弄，
斜陽。

錢塘

羅壺秋

志仁

濕苔青，妖血碧。壞垣紅。怕精靈，來往相逢，荒烟瓦礫。
寶釵零亂，隱鸞龍，吳峯越嶽。翠眉鎖，苦為誰容。浮
屠換，朝陽殿，僧磬改，景陽鍾。興亡事，淚老金銅，驪山
廢盡，更無宮女說。玄宗角聲起，處海濤落，滿眼秋風。

紅林擒近

冬雪

周美成

邦彥

高柳春纒軟，凍梅寒更香。暮雪助清峭，玉塵散林塘。

那堪飄風遞冷故遣度幕穿窓似欲料理新粧呵手
弄絲簧 冷落詞賦客蕭索水雲鄉援毫授簡風流
猶憶東梁望虛簷徐轉迴廊未掃夜長莫惜空酒觴

冬初

萬俟雅言

風雪驚初霽水鄉增暮寒樹杪墮毛羽簷牙掛琅玕
纔喜堆門積巷可惜迤邐銷殘漸看低竹翩翻清池
漲微瀾 步履晴正好宴席晚方歡梅花耐冷亭亭
來入冰盤對山前橫素愁雲變色放盃同覓高處看

望雲涯引

李景元

秋容江上岸花老蘋洲白露濕蕙葭浦嶼漸增寒色

閑漁唱晚鷺鷥驚飛處映遠磧數點輕帆送天際歸
客 鳳臺人散漫迴首沉消息素鯉無憑樓上暮雲
凝碧時向西風下認遠笛宋玉悲懷未信金樽消得

山亭柳

晏同叔

家住西秦賭博藝隨身花柳上闖尖新偶學念奴聲
調有時高遏行雲蜀錦纏頭無數不負辛勤 數年
來往咸京道殘盃冷炙謾銷魂衷腸事託何人若有
知音見采不辭遍唱陽春一曲當筵淚落重掩羅巾

杜壽域

安世

曉來風雨萬花飄落嘆韶光虛過却芳草萋萋映樓

臺淡烟漠漠紛紛絮飛院宇燕子過朱閣 玉容淡
妝添寂寞檀郎孤願太情薄數歸期絕信約暗添春
宵恨平康恣迷歡樂時時悶飲綠醕甚轉轉思量着

上平西

惜春

程正伯

瑛

愛春歸憂春去為春忙旋點檢雨障雲妨遮紅護綠
翠幃羅幙任高張海棠明月杏花天更惜濃芳 喚
鶯吟招蝶拍迎柳舞倩桃粧盡呼起萬籟笙簧一觴
一咏儘教陶寫綉心腸笑他人忝謾嬉游擁翠偎香

觀雪

辛幼安

葉疾

九衢中杯逐馬帶隨車問誰解愛惜瓊華何如竹外

靜聽窸窣蟹行沙自憐是海山頭種玉人家 紛如
鬪嬌如舞綵整整又斜斜要圖畫還我漁蓑凍吟應
笑羔兒無分謬煎茶起來極日向彌茫數盡歸鴉

韓東浦

玉

折腰勞彈冠望縱飛蓬笑造化相戲窮通風帆浪槳
暮城寒角曉樓鐘暗惜霜雪鬢邊來驚對青銅 蕭
閑好何時遂門橫水逕穿松有無限盃月襟風區畫
箇甚帝堯堂下足夔龍不如聞早問溪山高養吾慵

上平南

劉昂

歸潛志

蠶鋒搖螳臂展舊盟寒特洞庭彭蠡狂瀾天兵小試

萬蹄一飲楚江乾捷書飛上九重天春滿長安舜

明文周禮樂唐日月漢衣冠洗五川煙瘴江山全蜀

下也劔閣何用一泥丸有人傳喜日邊來都護先還

歸潛志云昂字濟南人有才譽以先有劉昂之

昂故號小劉之昂泰和南征作樂章一閱上平西

為時所傳齊東楚語云開禧用兵金人元帥紀

石烈子仁領兵濠梁大書一詞於濠之倅廳壁間

詞名上平南即

原金本北作婉

東郊向曉星杓亞報帝里春來也柳擡烟眼花勻露
臉漸覺綠嬌紅妬靨點層芳榭運神功丹青無價
別有堯階試罷新即君成行如畫杏園風細桃花

柳初新

柳耆卿 永

浪煖競喜羽遷鱗化遍九陌將遊冶驟香塵寶鞍驕
馬

沈會宗

楚天來駕春相送半醉側花冠重瑤臺清宴群仙戲
手剪出綵衣猶動誰拂瑤琴巧弄舞丹山三千雛鳳
艷冶輕盈放縱倚東風從來偏寵桃花溪上相思
未斷愁掩五雲貞洞笑曾揖飛鳶雙控等閑入襄王
春夢

泛蘭舟

霜月亭亭時節野溪開冰灼故人信付南歸也伏誰

托寒影低橫輕香暗度疎籬幽院何在秦樓朱閣稱
簾幕 携酒共看依依承醉更堪作雅淡一種天然
如雪綴烟薄腸斷相逢手撚嫩枝追思渾似那人淺
粧梳掠

最高樓

春催

蔣健捷

新春景明媚在何時宜早不宜遲
輕塵巷陌青油幘
重簷深院畫羅衣
要些兒晴日照暖風吹
一片片
雪兒休要下一點點
雨兒休要洒
繞恁地越愆期
悠不趁梅花到
匆匆枉帶柳花飛
倩黃鶯將我語報
春歸

程正伯

坡

舊時心事說着兩眉羞長記得憑肩游
細裙羅襪桃
花岸薄衫輕扇杏花樓
幾番行幾番醉幾番留也
誰料春風吹已斷又誰料朝雲飛亦散
天易老恨難
酬蜂兒不解知人苦
燕兒不解說人愁
舊情懷銷不
盡幾時休

毛澤民

濟

微雨過深院
菱荷中香冉冉
綉重重
玉人共倚欄干
角月華猶在小池東
入人懷吹鬢影
可憐風
分散
去輕如雲與夢
剩下了許多風
與月侵枕簟
冷簾櫳

剛能小睡還驚覺畧成輕醉早醒鬆仗行雲將此恨
到眉峯

慶洪景盧內翰七十

辛幼安葉疾

金閨彥眉壽正如川七十且華筵樂天詩句香山裡
杜陵酒債曲江邊問何如歌窈窕舞嬋娟更十歲
太公方出將又十歲武公方入相留盛事看明年直
須腰下添金印莫教頭上欠貂蟬向人間長富貴地
行僊

二

吾衰矣須富貴何時富貴是危機暫忘設醴抽身去

未曾得米棄官歸穆先生陶縣令是吾師待葺箇
園兒名佚老更作箇亭兒名亦好閑飲酒醉吟詩千
年田換八百主一人口插幾張匙咄豚奴愁產業豈
佳兒

秋崖方岳

朝元了萬鶴放班回携月下天來初平家看青羊石
滕王閣醉綠蟻杯試鳴琴花蕩漾玉崔嵬前十日
鵲橋飛寶輦後一月免奩開玉鏡秋色淨夜裴回由
從五岳三光出亥將二首六身排問何其餐沆瀣燕
蓬萊

別妓王幼玉

柳富青瑣高議

人間最苦最苦是分離伊愛我我憐伊
青草岸頭人獨立畫船東去櫓聲遲楚天低
回望處兩依依後會也難知未知何日重歡會
心下事亂如絲好天良夜還虛過辜負我兩心
知願伊家衷腸在一雙飛

商於魯縣北

元遺山好問

商於路山遠客來稀鷄犬靜柴扉東家歡飲薑芽脆
西家留宿芋魁肥覺重來猿與鶴總忘機問華屋
高貲誰不戀美食大官誰不羨風浪裏竟安歸雲山
既不求吾是林泉又不責吾非任年年藜藿飯芟荷

衣

暮春

司馬昂昂文

花信緊二十四番愁風雨五更頭侵苔苔蘚宜羅襪
逗衣梅潤試香篝綠窓閑人夢覺鳥聲幽按秦箏
學弄相思調寫幽情恨殺知音少向何處說風流一
絲楊柳千絲恨三分春色二分休落花中流水裏兩
悠悠

安公子

柳耆卿永

長川波瀲灩楚鄉淮岸迢遞一霎煙汀雨過芳草青
如染駘駘携書劍當此好天好景自覺多愁多病行

後心情厭 望處曠野沉沉暮雲黯黯行色侵夜色
又是急棹投村店認去程將近舟子相呼遙指漁燈
一點

倒垂柳

揚無咎

曉來烟露重為重陽增勝致記一年好處無似此天
氣東籬白衣至南陌芳筵啓風流曾未遠登臨都在
眼底 人生如寄謾把茱萸看仔細擊節聽高歌痛
飲莫辭醉烏帽任教顛倒風裡墜黃花明日縱好無
情味

二

南州初會遇記惺惺說底語而今精神 傾下越風
措雍門人獨夜客舍停盃處餘香應未眠憑君重唱
金縷 移宮易羽縱有離愁休怨訴客裡正淒涼怕
聽斷腸句情山曲海君已心相許驂鸞乘月正好同
歸去

踏歌

帶雪向南枝一朵江梅折許多時甚處收香白占百
上先春色 瑩潔正廣寒宮殿人窺隔銷魂處画角
數聲徹暗香浮動黃昏月 瀟洒處最奇絕孤標迥
不與群芳列吟賞竟連宵痛飲無休歇輸有心牧童

偷折

鬪百花

亦名夏州

柳耆卿

永

照色韶光明媚輕蕩低籠芳樹池塘殘蘸烟蕪簾幙
 間垂風絮春困厭厭地擲鬪草工夫冷落踏青情緒
 終日扃朱戶 遠恨綿綿淑景遲遲難度年少傳粉
 依前醉眠何處深院無人黃昏乍折鞦韆空鏤滿庭
 花雨

居金本錄作鎖

二

颯颯霜飄鴛瓦翠幙輕寒微透長門深鎖悄悄滿林
 秋色將晚眼看菊蕊重陽淚落如珠長是淹殘粉面

居金本錄作鎖

鳶輅音塵遠 無限幽恨寄情空帶紈扇應是帝王
 當初恠妾辭輦陡頓今來宮中第一妖嬈却道昭陽
 飛燕

三 開百

滿搦宮腰纖細年幾方當并歲剛被風流沾惹與合
 垂楊雙髻初學嚴粧如描似削身材怯雨羞雲情意
 舉措多嬌媚 爭柰心性未會先憐佳婿長是夜深
 不肖便入鴛被與解羅裳盈盈背立銀缸却道你但
 先睡

柳腰輕贈

前人

英英妙舞腰肢軟
章臺柳 昭陽燕 錦衣冠 蓋綺堂筵
會是處 千金爭選 顧香砌 絲管初調 倚輕風 珮環微
顫 乍入霓裳 促遍逞 盈盈漸催 檀板慢垂 霞袖急
趨蓮步 進退奇容 千變笑 何止傾國 傾城 暫回眸 萬
人腸斷

千秋歲引

秋思

王介甫

安石

別館寒砧 孤城畫角 一派秋聲入寥廓
東歸燕 從海上去 南來鴈 向沙頭落
楚臺風 庾樓月 宛如昨 無奈被此 名利縛
無柰被他 情擔閣 可惜風流 總閑却
當初謾留華表語 而今誤我 秦樓約
夢闌時 酒醒時

思量著

詞賦偉人當代一英傑
信獨步 儒林蟾宮客 名登鴈塔 正青春 更不歷 郡縣徒勞力
即趨朝典文 衡居花掖 得傳詞科 推第一 便掌經綸 天上尺見說慶生
辰 當此日 翠蕈三四葉 方新朱明正 屬清和 節行作箇黑頭公 專調燮

早梅芳

別恨

周美成

邦彥

花竹深房 攏好夜 闌無人到 隔窓寒雨 向壁孤燈 弄
餘照 淚多羅袖 重密意 鶯聲小 正翬驚夢 怯門外已

知曉 去難留話未了早促登長道風披宿霧露洗
初陽射林表亂愁迷遠覽苦語縈懷抱謾回頭更堪
歸路杳

牽情近

繚牆深叢竹繞宴席臨清沼微呈纖履故隱烘簾自
嬉笑粉花粧暈薄帶緊腰圍小看鴻驚鳳翥滿座嘆
輕妙 酒醒時會散了回首城南道河陰高轉露脚
斜飛夜將曉異鄉淹歲月醉眼迷登眺路迢迢恨滿
千里草

李端叔 之儀

居金本城南作
南城

雪初晴陡覺寒將變已報梅梢暖日邊霜外迤邐枝
條自柔軟嫩苞勻點綴綠萼輕裁剪隱深心未許清
香散 漸融和開欲遍密處疑無間天然標韻不與
群花鬪深淺夕陽波似動曲水風猶嬾最銷魂弄影
無人見

拂霓裳

同叔 晏殊

樂秋天晚荷花上露珠圓風日好數行新鴈貼寒烟
銀箏調脆管瓊柱撥清弦捧觥船一聲聲齊唱太平
年 人生百歲離別易會逢難無事日剩呼賓友啓
芳筵星霜催綠鬢風露損朱顏惜清歡又何妨沉醉

居金本貼作點

玉尊前

二

喜秋成見千門萬戶樂昇平金風細玉池波浪殺文
生宿露霑羅幕微涼入畫屏張綺宴傍熏爐蕙炷和
新聲 神仙雅會此日象蓬瀛管絃清旋翻紅袖學
飛瓊光陰無暫住歡醉有閑情祝辰星願百千為壽
獻瑤觥

新荷葉

趙閱道

并

日晚芳塘圓荷嫩綠新抽越女輕盈画橈穩泛蘭舟
波光艷粉紅相間脉脉嬌羞菱歌隱隱漸遙依約凝

眸 堤上郎心波間粧影遲留不覺歸時暮天碧襯
蟾鈎殘蟾噪晚餘霞映幾點沙鷗漁笛不道有人獨
倚危樓

趙德莊

并

欲暑還涼如春有意重歸春若歸來任他鶯老花飛
輕雷澹雨似晚風欺得單衣簷聲驚醉起來新綠成
圓 回首分携光風苒苒菲菲曾幾何時故山疑夢
還非鳴琴再撫將清恨都入金徽永懷橋下係船溪
柳依依

二

居金本無抱字

雨細梅黃去年雙燕還歸多少繁紅盡隨蝶夢蜂飛
陰濃綠暗正憂秋猶衣羅衣香凝沉水雅宜簾幕重
圍 綵扇仍携花枝塵染芳菲遙想當時故交往往
人非天涯再見悅情話景仰清徽可人懷抱晚期蓮
社相依

侯彥周

居金本清作良

柳幄飛綿風池暖泛新萍燕壘泥香玉麟堂外春深
晴雲麗日花濃處蜂蝶紛紛償春一醉管絃聲裏歡
聲 况是清時錦衣重到臺城故國江山向人依舊
多情趁閑行樂休辜負冶葉繁英彤庭歸覲恁時難

駐前旌

和趙德莊韻

辛幼安

人已歸來杜鵑欲勸誰歸綠樹如雲等閑付與鶯飛
免葵燕麥問劉郎幾度沾衣翠屏幽夢覺來水遶山
圍 有酒重携小園隨意芳菲往日繁華而今物是
人非春風半面記當年初識崔徽南雲鴈少錦書無
箇因依

居金本識作試

瓜茉莉

秋夜

柳耆卿

永

每到秋來轉添甚况味金風動冷清清地殘蟬噪晚
甚聒得人心欲碎更休道宋玉多悲石人也須下淚

居金本睡來作
來睡

衾寒枕冷夜迢迢更無寐深院靜月明風細巴巴
望曉怎生捱更迢迢料我兒只在枕頭根底等人睡
來夢裡

瑤塔草

程正伯

空山子規叫月破黃昏冷又還簾幕風輕綠暗紅又
盡自從別後粉銷香減一春成病那堪晝開日永
恨難整起來無語綠萍破處池光淨悶裡殘粧照花
獨自憐瘦影睡來又怕飲來越醉醒來越悶看誰似
我孤另

南州春色

汪梅溪

清溪曲一株梅無人修采獨立古牆隈莫恨東風吹
不到着意挽春回一任天寒地凍南枝香動花傍一
陽開更待明年首夏酸心結子天自栽培金鼎調
羹仁心猶在還種取無限根芽管取南州春色都自
此中來

歸去難

周美成

佳約人未知背地伊變惡會稱亭事看深淺如今信
我委的論長遠好來無可怨洎合教伊因此事後分
散密意都休待說先腸斷此恨除非是天相念堅
心更守未死終相見多少閨磨難到得其時知他做

居金本伊字下
有先字亭作停
泊作自閨作開

甚頭眼

驀山溪

翰一名上陽春

永叔

歐陽脩

新正初破三五銀蟾滿纖手染香羅剪紅蓮滿城開
遍樓臺上下歌管咽春風駕香輪停寶馬只待金烏
晚帝城今夜羅綺誰為伴應卜紫姑神問歸期相
思望斷天涯情緒對酒且開顏春宵短春寒淺莫待
金杯暖

山谷

黃庭堅

鴛鴦翡翠小小思珍偶眉黛斂秋波儘湖南山明水
秀娉娉嫋嫋恰似十三餘春未透花枝瘦正是愁時

候尋花載酒肯落他人後祇恐遠歸來綠成陰青
梅如豆心期得處每自不由人長亭柳君知否千里
猶回首

晁次膺

端禮

風流心膽直把春償酒選得一枝花綺羅中笑來未
有名園翠苑風月最佳時夜迢迢車款款是處曾携
手重來一夢池館皆依舊幽恨寫新詩託何人章
臺問柳漁舟歸後雲鎖武陵溪水潺潺花片片艤棹
空回首

花草詩編 卷八
輕衫短帽重入長安道屈指十年中一迴來一迴漸
老朋遊在否落托更能無朱絃悄知音少撥斷相思
調 花邊柳外蕭洒愁重到深院鎖春風悄無人挑
花自笑金釵一股凝欲問音塵天杳杳波渺渺何處
尋蓬島

春

杜伯高

詞

春風如客可是繁華主紅紫未全開早綠遍江南千
樹一番新火多少倦遊人纖腰柳不知愁猶作風前
舞 小欄干外兩兩幽禽語問我不歸家有佳人天
寒日暮老來心事唯有春知江頭路帶春來更帶

春歸去

李處全

梨花過雨已是春強半花惱欲顛狂興渾在秋千架
畔搔頭無語斜日上簾櫳飛上下語呢喃又見雙雙
燕 魚吹細浪鏡面搖歌扇藉草倒芳樽觀香茵落
紅千片追奔蝸角回首醉初醒逢節物且歡娛莫待
流年換

惜別

沈會宗

想伊不住船在藍橋路別語未甘聽更忍問而今是
去門前楊柳幾日轉西風將行色欲留心忽忽城頭

鼓一番幽會只覺添愁緒解后却相逢又還有此時歡否臨歧把酒莫惜十分斟尊前月月中人明夜知何處

曹元寵

組

草薰風暖樓閣籠輕霧牆短出花梢映誰家綠楊朱戶尋芳拾翠綺陌自青春江南遠踏青時誰念方羈旅昔游如夢空憶橫塘路羅袖舞臺風想桃花依然舊樹一懷離恨滿眼欲歸心山連水水連雲悵望人何處

二

洗粧真態不在鉛華御竹外一枝斜想佳人天寒日暮黃昏院落無處着清香風細細雪垂垂何況江頭路月邊踈影夢到銷魂處結子欲黃時又須作廉纖細雨孤芳一世供斷有情愁消瘦損東陽也試問花知否

一本首二句作護霜雲際遠目明芳樹

易彥祥

校

海棠枝上留得嬌鶯語雙燕幾時來並飛入東風院宇夢回芳草綠遍舊池塘梨花雪桃花雨畢竟春誰主東郊拾翠襟袖霑飛絮寶馬趁雕輪亂紅中香塵滿路十千斗酒相與買春閑吳姬唱秦娥舞拚醉

青樓暮

張東父 宋

青梅如豈斷送春歸去小綠間長紅看幾處雲歌柳
舞偎花識面對月共論心携素手採香遊踏遍西池
路 水邊朱戶曾記銷魂處小立背秋千空悵望娉
婷韻度揚花撲面香糝一簾風情脉脉酒厭厭回首
斜陽暮

居全本無小立
二字

自述

宋謙父 自述

壺山居士未老心先懶愛學道人家辦竹几蒲團茗
椀青山可買小結屋三間開一徑俯青溪脩竹栽教

滿 客來便請隨分家常飯若肯小留連更薄酒三
杯兩瓊吟詩度曲風月任招呼身外事不關心自有
天公管

石孝友

居全本請作情
書作魚藏作贏

醉寬初醒強起尋芳徑一似楚雲歸諳沒箇鱗書羽
信踈狂蹤跡虛度可憐春陰還悶晴還困贏得無端
病 菱花寶鏡拆破雙鸞影別袖忍頻看生怕見啼
紅醉粉而今憔悴瘦立對東風紅成陣綠成陰况是
春將盡

野梅

梅苑 失名

當時曾見上苑東風煖
今歲却相逢向烟村亭邊驛
畔垂鞭立馬一餉黯無言
江南信壽陽人悵望成腸斷
瓊粧雪綴滿野空零亂
誰是倚闌干更那堪胡
笳羌管踈枝殘
蓋猶懶不嬌春水清淺
月黃昏冷淡
從來慣

張表臣

珮 珮 珮

樓橫北固盡日厭厭雨
欸乃數聲歌但渺漠江山煙
樹寂寥風物三五過元宵
尋柳眼覓花英春色知何處
落梅嗚咽吹徹江城暮
脉脉數飛鴻杳歸期東
風凝佇長安不見烽起
夕陽間魂欲斷酒初醒獨下

危梯去

遊三榮龍洞

陸務觀

游

窮山孤疊臘盡春初破
寂寞掩空齋好一箇無聊賴
底我嘯臺龍岫隨分有雲山
臨淺瀨陰長松閑撼胡
床坐三杯徑醉不覺紗巾墮
畫角喚人歸落梅村
蓋輿夜過城門漸近
幾點妓衣紅官驛外酒壚前也
有間燈火

桂花

萬俟雅言

芳菲葉底誰會秋工意
深綠護輕黃怕青女霜侵
憔悴開分早晚都占九
秋天花四出香十里獨步
珠宮

裏 佳名岩桂却是因遺子不自月中來又那得蕭
蕭風味霓裳舊曲休問廣寒人飛太白酌仙盞香外
無香比

朱希真 敦儒

東風不住幾陣黃梅雨風外曉鶯聲怨飄零花殘春
暮鴛鴦散後供了十年愁懷舊事想前歡忍記丁寧
語 塵昏青鏡休照孤鸞舞烟鎖鳳樓空問吹簫人
今何處小窓驚夢携手似平生陽臺路行雲去目斷
山無數

集曲名

翰

菊花新過秋藥香猶媚三八燕山亭賀聖朝申生明
世肅霜天曉正快活年時慶新壽萬年歡人醉蓬萊
裏 紅衫兒歌水調誇多麗仰祝壽星明指黃河清
年可擬歡同魚水永遇樂傾盃風流子洞仙歌曲唱
千秋歲

滿路花 促拍

秦少游 觀

露顆添花色月綵投窓隙春思如中酒恨無力洞房
咫尺魯寄青鸞翼雲散無蹤跡羅帳春殘夢回無處
尋覓 輕紅膩白步步薰蘭澤約腕金環重慵裝飾
未知安否一向無消息不是尋常憶憶後教人片時

存濟不得

周美成

邦秀

金花落燼燈銀鑠鳴窓雪庭深微漏斷行人絕風靡
不定竹圃琅玕折玉人新間濶着甚悰情更當恁地
時節無言歌枕帳底清流血愁如春後絮來相接
知他那裏爭信人心切除共天公說不成也還似伊
無箇分別

二

簾烘淚雨乾酒壓愁城破冰壺防飲渴培殘火朱消
粉褪絕勝新梳裹不是寒宵短日上三竿殢人猶要

同卧如今多病寂寞章臺左黃昏風弄雪門深鎖
蘭房密愛萬種思量過也須知有我着甚情悰你但
忘了人呵

柳耆卿

永

居金不夜作衣

香靨融春雪翠鬢彈秋煙楚腰纖細正笄年鳳幃夜
短偏愛日高眠起來貪顛耍只恁殘却黛眉不整花
鈿有時携手閑坐偎倚綠窓前溫柔情態儘人憐
畫堂春過悄悄落花天長是嬌癡處尤殢檀郎未教
拆了秋千

迷仙引

塵風

柳耆卿

才過笄年初綰雲鬟便學歌舞席上尊前王孫隨分
相許算等閑醉一笑便千金慵覩常祇恐容易薜華
偷換光陰虛度 已受君恩顧好與花為主萬里丹
霄何妨携手同歸去永棄却煙花伴侶免教人見妾
朝雲暮雨

黃鶴引

泊宅編

居全本篇後有
方勺泊宅編云
先子晚官鄧州
于紹聖改元致
仕歸隱遂為此
詞序曰因聞阮
田曹所製黃鶴
引詞調清高寄

生逢垂拱不識干戈免田隴士林書圃終年庸非天
寵才初闢葺老去支離何用浩然歸笑似黃鶴秋風
相送 塵事塞翁心浮世莊生夢漾舟遙指烟波群
山森動神閒意聳回首利鞵名鞅此情誰共問幾許

為一闋命稚子
歌馬五十字

淋浪春甕

秋夜月

柳耆卿

當初聚散便喚作無由再逢伊面近日來不期而會
重歡宴向尊前閑暇裏斂着眉兒長嘆惹起舊愁無
限 盈盈淚眼謾向我耳邊作萬般出怨柰你自家
心下有事難見待音信真箇恁別無縈絆不免收心
共伊長遠

清波引

梅詠

姜白石

冷雲迷浦倩誰喚玉妃起舞歲華如許野梅弄眉嬾
屐齒印蒼蘚漸為尋花來暮自隨秋鴈南來望江國

渺何處 新詩謾與好風景長是暗度故人知否抱
幽恨難語何時共漁艇莫負滄浪烟雨况有清夜啼
猿怨人良苦

踏青遊

王晉卿說

金勒狨鞍西城嫩寒春曉路漸入垂楊芳草過平堤
穿綠逕幾聲啼鳥是處裏誰家杏花臨水依約靚粧
斜照 極目高原東風露桃烟島望十里紅圍綠繞
更相將乘酒興幽情多少待向晚從頭記將歸去說
與鳳樓人道

詠妓崔念四

失名

識箇人人恰止二年惟會似賭賽六隻渾四向巫山
重重去如魚水兩情美同倚畫樓十二倚了又還重
倚 兩日不來時時在人心裏擬問卜常占歸計拚
三八清齋望永同鴛被驀然被人驚覺夢也有頭無
尾 政和間一貴人未達時常游妓崔念四
之館因其行作此詞都下盛傳

鶴冲天

賀方回 鋪

瑟瑟鼓動花外沉殘漏華月萬枝燈還清晝廣陌衣
香度飛蓋影相先後箇處頻回首錦坊西去期約武
陵溪口 當時早恨歡難偶可堪流浪遠分攜久小
畹蘭英在輕付與何人手不似長亭柳舞風眠雨伴

我一春銷瘦

恨別

柳耆卿

永

閒窓漏永月冷霜華墮悄悄下簾幙殘燈火再三追
往事離魂亂愁腸瑣無語沉吟坐好天好景未省展
眉則箇從前早是多成破何況經歲月相拋彈假
使重相見還得似舊時麼悔恨無計那迢迢良夜自
家只恁推挫

夢玉人引

沈會宗

追舊遊處思前事儼如昔過盡鶯花橫雨暴風初息
杏子枝頭又自然別是般天色好傍垂楊繫畫船橋
側小歡幽會一霎時光景也堪惜對酒當歌故人
情分難覓山遠水長不成空相憶返歸去重來又却
是幾時來得

朱希真

致儒

浪萍風梗寄人間倦為客夢裏瀛洲姓名誤題仙籍
歛翅歸來愛小園脫櫺篔簹碧新種幽花戒兒童休
摘放懷隨分各逍遙飛鷗等鵬翼舍此蕭閑問君
携杖安適諸彥群英詩酒皆勍敵太平時向花前不
醉如何休得

呂聖求

渭老

居全本運作侍

上梳梯望盡閣迥畫簾垂曲水飄香小園鶯喚春歸
舞袖弓彎正滿城烟草淒迷結伴踏青趁蝴蝶雙飛
賞心歡計從別後無意到西池自檢羅囊要尋紅
葉留詩嬾約無憑據鶯花都不知怕人問強開懷細
酌醑醺

祭天神

柳耆卿

嘆笑筵歌席輕拋鞞背孤城幾舍烟村停画舸更深
釣叟歸來數點殘燈火被連綿宿酒醺醺愁無那
寂寞擁重衾卧又聞得行客扁舟過蓬窓近蘭棹急
好夢還驚破念平生單栖蹤跡多感情懷到北厭厭

居全本北作此

向曉披衣坐

千秋萬歲

山東李冠

杏花好子細君須辨比早梅深夭桃淺把鮫綃淡拂
鮮紅面蠟融紫萼重重現煙外悄風中笑香滿院
欲綻全開俱可羨粹美妖嬈無處選除卿卿似尋常
見倚天貞艷冶輕朱粉分明洗出胭脂面追往事遠
芳榭千千遍

洞仙歌

垂虹橋

林外詞話

飛梁歌水虹影澄清曉橘里漁鄉半烟草嘆來今往
古物是人非天地裏惟有江山不老雨中風帽四

海誰知道一劍橫空幾番到按玉龍嘶未斷月冷波
寒歸去也琳宇洞關無鎖認雲屏烟障是吾廬任滿
地蒼苔年年不掃若溪漁隱
呂仙作

楊花

李漢老

一團嬌軟是將春揉做撩亂隨風到何處自是亭人
去後烟草萋迷歸來了裝點離愁無數飄揚無箇
事剛被縈牽長是黃昏怕微雨記那回深院靜簾幕
低垂花陰下霎時留住又只恐伊家太輕狂驀地便
和春帶將歸去

初春

李元膺

雪雲散盡放曉晴庭院楊柳於人便青眼更風流多
處一點梅心相應遠約畧嚙輕笑淺一年春好處
不在濃芳小艷疎香最嬌軟到清明時候百紫千紅
花正亂已失春風一半早占取韶光共追遊但莫管
春寒醉紅自暖

詠雨

前人

簾纖細雨帶東風如困縈斷千絲為誰恨向楚宮一
夢多少悲涼無處問愁到而今未盡分明都是淚
泣柳沾花常與騷人伴孤悶記當年得意處酒力方
酣怯輕寒玉爐香潤又豈識情懷苦難禁點滴簷聲

夜寒燈暈

東坡或云李季成作

冰肌玉骨自清涼無汗水殿風來暗香滿綉簾開一點明月窺人人未寢歌枕釵橫鬢亂起來携素手庭戶無聲時見踈星度河漢試問夜如何夜已三更金波淡玉繩低轉但屈指西風幾時來又不道流年暗中偷換

春雨

謝勉仲懋

愁邊雨細漠漠天如醉搖颺遊絲晚風外釀輕寒和暝色花柳難勝春自老誰管啼紅斂翠閑情潛入

夜斜濕簾櫳幾處挑燈耿無寐念陽臺當日事好伴雲來因箇甚不入襄王夢裏便添起寒潮捲長江又恐是離人斷腸清淚

盧申之祖昇

溶溶洩洩似飄揚愁緒不是因風等閑度道無心因甚却又情多行未駐還作高陽暮雨 襄王情尚淺會少離多空自朝朝又暮暮腸斷曉光中一縷歸時銷散後不知何處試密鎖瓊樓洞房深與遮斷江臯楚臺歸路

呂直夫

征鞍帶月濃露沾襟袖馬上輕衫峭寒透望翠峰深
淺憶着眉兒腰肢嬾忍看風前細柳別時頻囑付
早寄書來能趁清明到家否這言語便夢裏也在心
頭重相見不知伊瘦我瘦縱百卉千花已離披也趁
得醪釀牡丹時候

泗州中秋作

晁無咎

補之

青烟幕處碧海飛金鏡永夜間階卧桂影露涼時零
亂多少寒蟬神京遠惟有藍橋路近水晶簾不下
雲母屏開冷浸佳人淡脂粉待都將許多明付金樽
投曉共流霞傾盡更携取胡床上南樓看玉做人間

居金本付字下
有與字

素秋千頃

梅苑

失名

斷雲踈雨冷落空山道匹馬駸駸又重到望孤村兩
三間茅屋踈籬溪水畔一簇蘆花晚照尋思行樂
事去無痕回首湘波與天杳嘆人生幾度能醉金釵
青鏡裏贏得朱顏未老又枝頭一點破黃昏問客路
春風為誰開早

寶月

廣寒曉駕姑射尋仙侶偷被霜華送將去過越嶺棲
息南枝勻粧面凝酥輕聚愛橫管孤度隴頭聲盡

拚得幽香為君分付水亭山驛衰草斜陽無限行人
斷腸處盡為我留得多情何須待春風相顧任倒斷
深思向梨花也無柰寒食幾番春雨

蕙蘭芳引

秋懷

周美成

邦彥

寒瑩晚空點青鏡斷霞孤鷺對客館深扁霜草未衰
更綠倦遊厭旅但夢繞阿嬌金屋想故人別後盡日
空疑風竹塞北氍毹江南圖障是處溫煥更花管
雲牋猶寫寄情舊曲音塵迢遞但勞遠目今夜長爭
柰枕單人獨

華胥引

前人

川源澄暎烟月溟濛去舟如葉岸足沙平蒲根水冷
留鴈唼別有孤角吟秋對曉風鳴軋紅日三竿醉頭
扶起還怯離思相縈漸看看鬢絲堪鑷舞衫歌扇
何人輕憐細閱檢點從前恩愛但鳳牋盈篋愁剪燈
花夜來和淚雙疊

受恩深

秋菊

柳耆卿

永

雅致裝庭宇黃花開淡竚細香明艷盡天與助秀色
堪飡向曉自有真珠露剛被金錢妬擬買斷秋天容
易獨步粉蝶無情蜂已去要上金罇惟有詩人曾
許待宴賞重陽恁時盡把芳心吐陶令輕回顧免焦

悴東籬冷煙寒雨

五福降中天上元有感

江致和

喜元宵三五縱馬御柳溝東斜日映朱簾瞥見芳容
秋水嬌橫後眼膩雪輕鋪素曾愛把菱花笑勻粉面
露春葱 徘徊步懶柰一點靈犀未通悵望七香車
去慢展春風雲情雨態願暫入陽臺夢中路隔煙霞
甚時還許到達宮

婆羅門引相思

柳耆卿永

昨夜裏恁和衣睡今宵裏又恁和衣睡小飲歸來初
更過醺醺醉中夜後可事還驚起霜天冷風細細觸

居全本可作何

踈窓閃閃燈搖曳 空床展轉重追想雲雨夢任歌
枕難繼寸心萬緒咫尺千里好景良天彼此空有相
憐意未有相憐計

促拍滿路花

舊詞見山谷集

秋風吹渭水落葉滿長安黃塵車馬道獨清閑自然
爐鼎虎繞與龍盤九轉丹砂就琴心三疊藥宮看舞
胎仙 任萬釘寶帶貂蟬富貴欲薰天黃梁炊未熟
夢驚殘是非海裏直道作人難袖手江南去白蘋紅
蓼又尋湓浦廬山

呂聖求渭老

西風秋日短，小雨菊花寒。斷雲低古木，暗江天星娥。
尺五佳約，悞當年小語，憑肩處。猶記西園畫橋斜月，
闌干。鳥啼花落，春信遣誰傳。尚容清夜夢，小留連。
青樓何處，寶鏡注嬋娟。應念紅牋事，微暈春山，背窓
愁枕孤眠。

離別難

薛昭蘊

寶馬曉鞚，雕鞍羅幃，乍別情難。那堪春景媚，送君千
萬里。半粧珠翠，落露華寒。紅燭青絲，曲偏能勾引
淚闌干。良夜促，香塵綠槐，欲迷檀眉半斂。愁低未
別心先咽，欲語情難說。出芳草，路東西，搖袖立春風。

急櫻花揚柳雨淒淒

法曲第二

期偷

柳耆卿

永

青翼傳情，香徑偷期。自覺當年草草，未省同衾枕，便
輕許相將。平生懽笑，怎生向人間好事，到頭少謾悔
懊。細追思，恨從前容易，致得恩愛成煩惱。心下事
千種，盡憑音耗。以此縈牽等伊，來自家向道，洎相見
喜懽存問，又還忘了。

羽仙歌

潘庭堅

吳中舊事

雕簷綺戶，倚晴空如畫。曾是吳王舊臺榭，自浣紗去
後，落日平蕪，行雲幾斷。見花開、花謝，淒涼闌干外。一

居金本幾字在
斷字下

居金本洎作怕

簇江山多少圖王共爭霸 莫閑愁金杯瀲灩對酒
當歌歡娛地夢中興亡休話漸倚遍西風晚潮生明
月裏鷺鷥背人飛下

滿園花

少游

一向沉吟久淚珠盈襟袖我當初不合苦擱就慣縱
得軟頑見底心先有行待痴心守甚捨著脉子倒把
人來傷懣 近日來非常羅皂醜佛也須眉皺怎掩
得衆人口待收了字羅罷了從來斗從今後休道共
我夢見也不得能勾

江城梅花引

一名攤破
江城子

程正伯

跋

娟娟霜月冷侵門怕黃昏又黃昏手撚一枝獨自對
芳樽酒又不禁花又惱漏聲遠一更更總斷魂 斷
魂斷魂不堪聞被半溫香半薰睡也睡也睡不穩誰
與溫存惟有床前銀燭伴啼痕一夜無眠連曉角人
瘦也比梅花瘦幾分

王觀

年年江上見寒梅幾枝開暗香來疑是月宮仙子下
瑤臺冷艷一枝春在手故人遠相思切寄與誰 怨
極恨極嗅玉盞念此情家萬里暮霞散綺楚天碧幾
片斜飛為我多情特地點征衣花易飄零人易老正

心碎那堪聞塞管吹

憶江梅

洪皓

天涯除館憶江梅
幾枝開使南來還帶餘杭春信到
燕臺准擬寒英聊慰遠隔山水應銷落
赴想誰空
恁遐想笑摘蘂
斷回腸思故里漫彈綠綺引三弄不
覺覓飛更聽胡笳哀怨淚沾衣亂插繁華
須異日待
孤諷怕東風一夜吹

訪寒梅

前人

春寒消息訪寒梅
賞初開夢吟來映雪街霜清絕
統風臺可怕長洲桃李妬度香遠驚
愁眼欲媚誰曾

動詩興笑冷蘂
效少陵慙下里萬株連綺
歎金谷人墜鶯飛引領羅浮翠
羽幻青衣月下花神言極麗
且同醉休先愁玉笛吹

憐落梅

前人

重閨佳麗最憐梅
牖春開學粧來爭粉翻光何遽落
梳臺笑坐雕鞍歌古曲催玉柱金卮滿
勸阿誰貪為結子藏暗蘂
斂娥眉隔千里舊時羅綺已零散
沈謝雙飛不見嬌姿真悔着單衣
若作和羹休訝晚墮煙雨任春風
片片吹

居全本通作處

容齋五筆云紹興壬戌洪忠宣皓在燕赴張總侍
御家宴侍妾歌前詞公感其念此情家萬里之句

有草梅... 愴然曰此詞殆為我作既歸遂用韻賦四闋北方
不識梅花士人早有知梅事者皆注其所出每首
有四笑字北人謂之四笑
江梅引第四篇失其藁

鵲橋仙

柳耆卿

留征途攜書劍迢迢匹馬東歸去
慘離懷嗟少年易分難聚
佳人方恁繾綣便忍分鴛侶
當媚景
笑密意幽懽盡成輕負
此際寸腸萬緒
慘愁顏斷魂無語
和淚眼片時幾番回顧
傷心脉脉誰訴
但黯黯凝竚
暮煙寒雨望秦樓何處

瑞鷓鴣

前人

寶髻瑤簪嚴妝巧天然綠媚紅深
綺羅叢裡獸逞謳

吟一曲陽春定價何啻直千金
傾聽處王孫帝子鶴
蓋成陰凝態掩霞襟
動象板聲聲怨思難任
嘹唳處迥壓絃管
低沉時恁回眸
歛黛空後五陵心
須信道緣情寄意
別有知音

上太守

吳會風流人烟好
高下水際山頭瑤臺絳闕
依約蓬丘萬井千閭
富庶雄壓十三州
觸處青蛾画舸紅粉
朱樓方面委元侯
致訟簡時豐繼日
惟遊襦温袴
煖已扇民謳
且暮鋒車命駕
重整濟川舟
當恁時沙堤路
穩歸去難留

唐金本迥作迴

卜筮子慢

寄妓
青箱

江南鍾輻

桃花院落烟重露寒寂寞禁烟晴晝風拂朱簾還記
去年時候春心不喜閉窓綉倚屏山和衣睡覺醺醺
暗消殘酒 獨倚危欄久把玉笋偷彈黛娥輕開一
點相思萬般自家甘受抽金釵欲買丹青手寫別來
容顏寄與使知人清瘦

傷秋

柳耆卿

江楓漸老汀蕙半凋滿目敗紅衰翠楚客登臨正是
暮秋天氣引疎砧斷續殘陽裡對晚景傷懷念遠新
愁舊恨相繼 脉脉人千里念兩處風情萬重煙水

居金本士作機

雨歇天高望斷翠峯十二儘無言誰會憑高意縱寫
得離腸萬種柰歸鴻難寄

晉陸士詩歸
雲難寄音

張子野

溪山別意烟樹去程日落採蘋春晚欲上征鞍更掩
翠簾回面相盼惜彎彎淺黛長長眼柰盡閣歡遊也
學狂花亂絮輕散 水影橫池館對靜夜無人月高
雲遠一餉凝思兩淚痕還滿難遣恨私書又逐東風
斷縱夢澤層樓萬尺望湖城那見

八六子

一名感
黃鸝

少游詞

倚危亭恨如芳草萋萋剗盡還生念柳外青駘別後

水邊紅袂分時愴然暗驚 無端天與娉婷夜月一
簾幽夢春風十里柔情怎奈向歡娛漸隨流水素絃
聲斷翠綃香減那堪片片飛花弄晚濛濛殘雨籠晴
正銷凝黃鸝又啼數聲

王沂孫

掃芳林幾番風雨恁恁老盡春禽漸薄潤侵衣不斷
嫩涼隨扇初生晚窓自吟 沉沉幽徑芳尋曉靄苔
香簾淨蕭疎竹影庭深謾淡却蛾眉晨粧慵掃寶釵
蟲折繡屏鴛破當時暗水和雲泛酒空山留月聽琴
料如今門前數重翠陰

雪獅兒

程正伯

斷雲低晚輕烟帶暝風驚羅幙數點梅花香倚雪窓
搖落紅爐對詎正酒面瓊酥初削雲屏煖不知門外
月寒風惡 迤邐慵雲半掠笑盈盈閑弄寶箏絃索
煖極生春已向橫波先覺花嬌柳弱漸倚醉要人接
着低告托早把被香薰却

魚遊春水

越州碑陰詞

秦樓東風裏燕子還來尋舊壘餘寒猶褪紅日薄侵
羅綺嫩草方抽碧玉茵媚柳輕窄黃金縷鶯轉上林
魚遊春水 幾曲欄干遍倚又是一番新桃李佳人

應恠歸遲梅粧淡洗鳳簫聲絕無孤鴈望斷清波沉
雙鯉雲山萬重寸心千里

馬莊父

池塘生春草數盡歸鴻人未到天涯目斷青鳥尚賒
音耗曉月頻窺白玉堂暮雨還濕青門道巢燕引雛
乳鶯空老庭際香紅倦掃乾鵲休來枝上噪前回
準擬同它翻成病了欲題紅葉憑誰寄獨抱孤桐無
心挑眉間翠攢鬢邊霜早

離愁

盧申之

祖阜

離愁禁不去好夢別來無覓處風翻征袂觸目年芳

如許軟紅塵裏鳴鞭整拾翠叢中勾伴侶都負歲時
暗閔情緒昨夜山陰杜宇似把歸期驚倦旅遙知
樓倚東風凝顰暗數寶香拂拂遺鴛錦心事悠悠尋
燕語芳草暮寒亂花微雨

疊青錢

壘作

小說

夫名

夏日正長無柰如焚天氣火雲聳竒峯天外未雨先
雷畏日流金六龍高駕火輪飛紋簟紗厨風車謾攪
月扇空揮金爐烟細午風輕轉堪避炎威漸涼生
池閣捲起簾幕珠璣嬌娥美麗天然秀色冰肌玉攔
深徑荷香旖旎玉筵聲齊

芳草渡

周美成

邦彥

昨夜裏又再宿桃源醉邀仙侶聽碧窓風快珠簾半
捲疎雨多少離恨苦方留連啼訴鳳帳曉又是匆匆
獨自歸去 愁覩滿懷淚粉瘦馬衝泥尋去路謾回
首煙迷望眼依稀見朱戶似癡似醉暗惱損凭欄情
緒澹暮色看盡棲鴉亂舞

遠朝歸

趙耆孫

金谷先春見乍開江梅玉膩珠簾院落人靜雨疎烟
細橫斜帶月別是一般風味金樽裏任遣英亂點殘
粉低墜 惆悵桂隴當年念水遠天長故人難寄山

城倦眼無緒更看桃李當時醉魄弄依舊徘徊花底
斜陽外謾回首畫樓十二

二

新律纔交早舊梢南枝朱污粉膩烟籠淡粧恰值雨
膏初細而今看了記他日酸甜滋味多應是伴玉簪
鳳釵低揜斜墜 迤邐對酒當歌眷戀得芳心竟日
何際春光付與尤是見欺桃李叮嚀寄語且莫負樽
前花底拚沉醉儘銅壺漏傳三二

醉思仙

憶夫

孫氏

建安黃雲軒妻

霽霞紅看山迷暮紫烟暗孤松動翩翩風袂翻若驚

鴻心似鑿髮如雲
美清影月明中
謾悲涼歲冉冉
華潛改衰容
前事消凝久
十年光景忽忽念雲軒
一夢回首春空彩鳳遠
玉簫寒夜悄悄恨無窮
嘆黃塵久埋玉
斷腸洒淚東風

困學齋雜錄

呂聖求 涓老

斷人腸正西樓
獨上愁倚斜陽
稱鴛鴦鷓鴣兩兩池
塘春又老人何處
怎慣不思量
到如今瘦損我又還
無計禁當
小院呼盧夜
當時醉倒殘卸
被天風吹散鳳翼
難雙南窓雨西廊
月尚未散拂衣香
聽鶯聲
俏記得那時舞板歌梁

居金本卸作妝

醜奴兒慢

夏初

潘元質

愁春未醒還是清和
天氣對濃綠陰中
庭院燕語鶯啼
數點新荷翠鈿輕泛
水平池一簾風絮才晴
又雨梅子黃時
忍記那回玉人嬌困
初試單衣共携手
紅窓描綉書扇題詩
怎有如今半牀明月
兩天涯章臺何處應是為我
感損雙眉

居金本書作畫

秋別

吳子和 禮之

金風顫葉那更餞別
江樓聽淒切陽關聲斷
楚館雲收去也難留
萬重煙水一扁舟
錦屏羅幌多應換得
蓼岸蘋洲
疑想恁時歡笑傷今
萍梗悠悠謾回首

妖饒何處眷戀無由先自悲秋
眼前景物只供愁寂
寥情緒也恨分淺也悔風流

一枝花

辛幼安葉疾

千丈擎天手萬卷懸河口黃金腰下印大如斗更千
騎弓刀揮霍遮前後百計千方久似兒童鬪草贏箇
他家偏有 笑在雙眉長皺白髮空回首那時閑
說向山中友看丘隴牛羊更辨賢愚否且自栽花柳
怕有人來但只道今朝中酒

謝池春慢

玉仙觀道中
逢謝媚卿

張子野先

繚繞重院時聞有啼鶯到繡被堆餘寒畫閣明新曉

過作偶前作是

朱檻連空濶飛絮知多少徑莎平池水渺日長風靜
花影間相照 塵香拂馬逢謝女城南道秀麗過施
粉多媚生輕笑鬪色鮮衣薄碾玉雙蟬小歡難遇春
過了琵琶流韻都入相思調詞話載

李之儀

殘寒銷盡疎雨過清明後花徑凝餘紅風沼縈新皺
乳燕穿庭戶飛絮沾襟袖正佳時仍晚晝著人滋味
濃如酒 頻移帶眼空只恁厭厭瘦不見又思量見
了還依舊為問頻相見何似長相守天不老人未偶
且將此恨分付庭前柳

探芳信

一名西湖春玉人歌

史邦卿

遠祖

謝池曉被酒滯春眠詩縈芳草正一堦梅粉都未有人掃細禽啼處東風軟嫩約閉心早未燒燈怕有殘寒故園稀到 說道試粧了也為我相思占它懷抱 靜數窓櫺最快聽鶻聲好半年白玉臺邊話屢見銀

居全本快作快

鈎小指芳期夜月花陰夢老

西湖春

次周草窓韻

張叔夏

文

坐清晝正冶思縈花餘醒倦酒甚採芳人老芳心尚如舊銷魂忍說銅駝事不是因春瘦向西園竹掃頽垣蔓維荒甃 風雨夜來驟嘆歌冷鶯簾恨凝蛾袖

居全本醒作醒 敬作敬無情字

愁到今年多似去年否賦情懶惰聽山陽笛目斷空搔首我何堪老却江潭漢柳

遙天奉翠華引

侯彥周

真

雪消樓外山正秦淮翠溢回瀾香梢豈惹紅輕猶怕春寒曉光浮畫戟捲綉簾風煖玉鈎閑紫府仙人花圍羽帔星冠 蓬萊閭苑意倦游常戲世間佩麟舊都江左襦袴歌歡只恐催歸覲賸宴都休訴酒杯寬明歲應看君鈎容舞袖歌鬟

夏雲峯

避暑

柳耆卿

永

宴堂深軒檻雨輕壓暑氣低沉花洞彩舟汎竚坐繞

居全本檻作檻

清尋楚臺風快湘簾冷永日披襟坐久覺疎絃脆管
換新音 越娥蕙態蘭心逞妖艷泥惟邀寵難禁筵
上笑歌間發烏履交侵醉鄉深處須盡興滿酌高吟
向此免名韉利鎖虛費光陰

戀香衾

呂聖求 涓老

記得花陰同携手指定日許我同歡喚作真成聯心
安打疊從來不成器待做箇平地神仙又却不成些
事驀地心殘 據我如今沒投奔見着你淚早偷彈
對月臨風一味埋冤笑則入前不妨笑行笑裡斗覺
心煩怎分得煩惱兩處勻攤

居金本八作人

採蓮令

柳耆卿 水

月華收雲澹霜天曙西征客此時情苦翠娥執手送
臨歧軋軋開朱戶千嬌面盈盈竚立無言有淚斷腸
爭忍回顧 一葉蘭舟便恁急槳凌波去貪行色豈
知離緒萬般方寸但飲恨脉脉同誰語更回首重城
不見寒江天外隱隱兩三煙樹

十二時慢

朱雍

粉痕輕謝池泛玉波浸瑠璃初暖靚靚芳塵冥春浦
水曲漪生遙岸麝氣柔雲容影淡正日邊寒淺閑院
寂幽管聲中萬感併生心事曾陪瓊宴 春暗南枝

依舊但得當初繾綣畫永亂英繽紛解佩映人輕盈
面香暗酒醒處年年共副良願

獅兒詞賦梅次仇山村韻

張伯雨

含香弄粉便勾引遊騎尋芳城南城北別有西斷港
冰嘶微綠孤山路熟伴老鶴晚先尋宿怕凍損三花
兩葉寒泉幽谷 幾番花影濯足記歸來醉卧雲深
平屋春夢無憑髮底鬧蛾爭撲不如圖畫相對展官
奴風竹桃簧獨自聽瓶笙調曲

四犯剪梅花上建康錢大郎壽

劉改之龍川

水殿風涼賜環歸正是夢熊華旦鮮連疊雪羅輕称

雲章題扇醉蓬萊西清侍宴望黃傘日華寵輦雪獅金

券三王玉堂四世帝恩偏眷醉蓬萊笑折花看索荷香

紅潤醉蓬萊臨安記龍飛鳳舞信神明有後竹梧陰滿

鮮連解連功名歲晚帶河與礪山長遠雪獅麟脯枉行狨

薦坐穩內家宣勸醉蓬萊

尉遲杯

雅詞

去年時正愁絕過却紅杏飛沉吟杏子青時追悔負
好花枝今年又春到傍小欄日日數花期人有信花
却無憑故教春意遲遲 及至待得融怡未攀條枯
藥已嘆春歸怎得春如天不老更教花與月相隨儘

居金本極作杯

居金本極詞作
晁補之人作花
花作人春作芳
枯作枯更教花
與一句後有都
將命擲與酬花
似峴山落日客
猶迷十五字再

接盡歸路

花草粹編 卷八
歸路拍手攔街笑
人沉醉如泥



花草粹編卷之八終

國家圖書館, NATIONAL CENTRAL LIBRARY, TAIWAN, R.O.C.

花草粹編九卷目錄

長調

東風齊着力

法曲獻仙音 三 塞翁吟 二

意難忘 三

勸金船

露華

錦園春 二

月城春

賀聖朝

轆轤金井

金盞倒垂蓮

臨江仙引

如魚水

淒涼犯 二

尾犯 一名碧芙蓉

紅情

徵招 二

滿江紅 九十四

梅子黃時雨

雪明鵲鵲夜

雪梅香

一枝春

六么令六

應天長 一名馬廳四

國家圖書館 NATIONAL CENTRAL LIBRARY, TAIWAN, R.O.C.

玉漏遲 二

滿庭芳 七三十

天香 二

水調歌頭 八二十

蕭湘夜雨 三

玉梅香慢

掃花遊 二

白雪

小聖樂

塞孤 三

夢揚州

芭蕉雨

玉女迎春慢

燭影搖紅 八

熙州慢

望雲間

卓牌兒

早梅香

塞垣春

步月

漢宮春 十

陽臺路

暗香 二

西子粧

黃鶯兒 二

鳳凰臺上憶吹簫 四

國香

醉蓬萊 九

碧牡丹

聲聲慢 一十

八聲甘州 六

留客住

雪月交光

慶千秋

國家圖書館, NATIONAL CENTRAL LIBRARY, TAIWAN, R.O.C.



花草粹編九卷目錄終

花草粹編卷之九

國家圖書館, NATIONAL CENTRAL LIBRARY, TAIWAN, R.O.C.

朗陵外方陳耀文晦伯甫纂

長調

東風齊着力夕除

胡浩然

殘臘收寒三陽初轉已換年華東君律管迤邐到山
家處處笙簧鼎沸會佳宴坐列仙娃花叢裏金爐滿
燕龍麝烟斜 此景轉堪誇深意祝壽山福海增加
玉觥滿泛且莫厭流霞幸有迎春壽酒銀鉸浸幾朶
梅花休辭醉園林秀色百草萌芽

法曲獻仙音初夏

周美成邦彥

唐金本黃作歌

蟬咽涼柯燕雙塵幕漏閣籤聲時度倦脫綸巾困便
湘竹桐陰半侵朱戶向抱影凝情處時聞打窓雨
耿無語嘆文園近來多病情緒懶尊酒易成間阻縹
緲玉京人想依然京兆眉嫵翠幕深中對微容空在
紈素待花前月下見了不教歸去

吳君特

又吳

落葉霞翻敗窓風咽暮色淒涼深院瘦不閤秋淚緣
生別情銷鬢霜千點悵翠冷搔頭燕那能語恩怨
紫簫遠記桃枝向隨春渡愁未洗鉛水又將恨染粉
縞澁離箱忍重拈燈夜裁剪望極藍橋綵雲飛羅扇
歌斷料鶯籠玉鐶夢裏隔花時見

姜堯章

變

虛閣籠寒小簾通月暮色偏憐高處樹隔離宮水平
馳道湖山盡入尊俎奈楚客淹留久砧聲帶愁去屢
回顧 過秋風未成歸計誰念我重見冷楓紅舞喚
起淡粧人問逋仙今在何許象筆寫牋甚而今不道
秀句怕平生幽恨化作沙邊煙雨

塞翁吟

周美成

邦彥

暗葉啼風雨窓外曉色瓏璁散冰麝小池東亂一岸
芙蓉蘄州簾展雙紋浪輕帳翠縷如空夢遠別淚痕

居金本屢回顧
三字在下半闕

重淡鈿臉斜紅 忡忡嗟憔悴新寬帶結羞艷冶都
銷鏡中有蜀紙堪憑寄恨等今夜洒血書詞剪燭親
封菖蒲漸老早晚成花教見薰風

青山

坐對梅花笑還記初度年時名利事總成非謾老矣
何為吳山夜月閩山霧回首鬢影如絲懶更問斗牛
箕強憑醉成詩 閑思嗟漂泊浮雲飛絮曾跌蕩春
風柘枝便萬里金臺築就已長分采藥龐公誓墓義
之百年政爾一笑樽前兒女牽衣

意難忘

佳人

周美成

衣染鶯黃愛停歌駐拍勸酒持觴低鬟蟾影動私語
口脂香簷露滴竹風涼拚劇飲淋漓夜漸深籠燈就
月子細端相 知音見說無雙解移宮換羽未怕周
郎長顰知有恨貪耍不成粧些箇事惱人腸試說與
何妨又恐伊尋消問息瘦減容光

程正伯

校

花擁鴛房記馳肩髻小約鬢眉長輕身翻燕羽低語
轉鶯簧相見處便難忘肯親度瑤觴夜向闌歌翻郢
曲帶換韓香 別來音信難將似雲收楚峽雨散巫
陽相逢情有在不語意難量此箇事斷人腸怎禁得

恹惶待與伊移根換葉試又何妨

贈友

宋梅洞

鷄犬雲中笑種桃道士虛費春風山城看過鴈春水
夢為龍雲上下燕西東久別各相逢向夜深江聲浦
樹燈影漁蓬 舊遊新悶重重便十分談笑一樣飄
蓬詩書推意氣丹鼎賺英雄年未老世無窮春事苦
匆匆更與題詩藥市沽酒新豐

勸金船

張子野

沅泉宛轉雙開竇帶染輕紗皺何人暗得金船酒擁
羅綺前後綠定見花影照並與艷粧爭秀行盡曲名

居全本足作定

休更再歌楊柳 光生飛動搖瓊甃隔障笙簫奏須
知短景歡無足又還過清晝翰閣遲歸來傳騎恨番
住難久異日鳳凰池上為誰思舊

露華

玉簪

張仲舉

居全本場作貴

瀛洲種玉總付與花神月底深斲琢就瑤笄光映鬢
雲斜轟幾度借取搔頭別試漢宮粧束風露冷幽香
半襟淡佇闌曲 亭亭雪艷愁獨愛粉沁水笳須燃
金粟石上那回磨斷爭忍輕觸一自楚客歸來珠履
舊遊誰續秋夢起殘粧半簪墜綠

錦園春

海棠

蒲江

醉痕潮玉愛柔英未吐露叢如簇絕艷矜春分流芳
金谷風梳雨沐耿空抱夜闌清淑杜老情踈黃州賦
冷誰憐幽獨 玉環睡醒未足記傳榆試火高照宮
燭錦幄風翻縵春容難續迷紅怨綠漫惟有舊愁相
觸一舸東游何時更約西飛鴻鵠

賦牡丹三犯

前人

畫長人倦正凋紅漲綠懶鶯忙燕解連絲雨濛晴放
珠簾高捲醉蓬神仙笑宴半醒醉綵鸞飛徧雪獅碧
玉闌干青油幢日沉香庭院醉蓬洛陽畫圖舊見向
天香深處猶認嬌面解連霧縠霞綃聞綺羅裁剪醉蓬

居全本本高名
三犯一名月城
春龍洲名四犯
前梅花

居全本本高名

情高意遠怕容易曉風吹散雪獅一笑何妨銀臺

換蠟銅壺催箭醉蓬

月城春壽無為

前人

五雲騰曉望凝香畫戟恍然蓬島解連玉露冰壺照

神仙風表醉蓬詩書坐嘯喚淮楚滿城春好雪獅雨

谷催耕風帘戲鼓家家歡笑醉蓬南湖細吟未了看

金蓮夜直丹鳳飛詔解連鬢影青青辦功名多少醉蓬

蓬持杯滿酌聽千里載歌難老雪獅試問尊前蟠桃

次第紅芳猶小醉蓬

賀聖朝謹詞宣

清夜錄失名

居全本本高名

居全本本高名

太平無事四邊寧靜狼烟杳國泰民安謾說堯舜禹
湯好萬民翹望景龍門上龍燈鳳燭相照只聽得教
坊雜劇喧笑 藝人巧寶錄宮前呪水書符斷妖良
岳傍邊竹林深處勝蓬島笙歌鬧柰吾皇不候等元
宵景色來到只恐後月陰晴未保

宣和七年預借元宵時有此詞淳祐三年京尹趙
節齋與竹清預放元宵十二日十四日諸巷兩橋
道皆編竹為張燈之計臣僚劄子引此詞末二句
為次年五月五日金人入寇之讖十五日早晨遂
去折

轆轤金井

劉改之

翠眉重拂後房深自喚小蠻嬌小綉帶羅垂報道濃

粧繞了堂虛夜悄但依約鼓簫聲鬧一曲梅花樽前
舞徹梨園新調 高陽醉山未倒看鞋飛鳳翼釵褪
微指秋滿東湖更西風涼早桃源路杳記流水泛舟
曾到桂子香濃梧桐影轉月寒天曉

金盞倒垂蓮

依約疎林見盈盈春意幾點霜蕤應是東君試手作
芳菲粉面倚天風微笑是日暖雪已晴時人靜么鳳
翩翩踏碎殘枝 幽香渾無着處甚一般雨露獨占
清竒淡月疎雲何處不相宜陌上報春來也但綠暗
青子離離桃杏應仗先容次第追隨

臨江仙引

柳耆卿 永

夢覺小庭院冷風浙浙疎雨瀟瀟綺窓外秋聲敗葉
狂飄心搖柰寒漏永孤幃悄淚燭空燒無端處是綉
衾鴛枕閑過清宵 蕭條牽情繫恨爭向年少偏饒
覺新來憔悴舊日風標魂銷念歡娛事烟波阻後約
方遙還經歲問怎生柰得如許無聊

居全本得作何

如魚水

京都

前人

輕靄浮空亂峯倒影歛灑十里銀塘繞岸垂楊紅樓
朱閣相望菱荷香雙雙戲鷓鴣鴛鴦乍雨過蘭芷汀
洲望中依約似瀟湘 風淡淡水茫茫動一片晴光

居全本統作遠

画舫相將盈盈紅粉清商紫薇即修禊飲且樂仙鄉
便歸去徧歷鑿坡鳳沼此景也難忘

淒涼犯

張炎

居全本醉作破

蕭疎野柳嘶寒馬蘆深還見遊獵山勢北來甚時曾
到醉魂飛越醉風自咽擁吟鼻征衣暗裂正淒迷天
涯羈旅不似灞橋雪 誰念如今老目極寒波坐分
黃葉空憐斷梗夢依依歲華輕別待擊歌壺怕如意
和冰凍折且行行平沙萬里盡是月

二

西風暗剪荷花碎柔縷不解重緝荒烟斷浦晴暉零

亂半江搖碧悠悠望極忍獨聽秋聲漸急更憐他柳
髮蕭條相為動愁色 老態今如此獨自留連醉筇
遊履不堪瘦影渺天涯儘成行客因甚忘歸謾吹裂
山陽夜笛夢三十六陂流水未曾得

尾犯

一名碧芙蓉

柳耆卿

永

夜雨滴空堦孤館夢回情緒蕭索一片閑愁丹青難
邈秋漸老蛩聲正苦夜將闌燈花旋落最無端處總
把良宵抵恁孤眠却 佳人應怪我別後寡信輕諾
記得當初剪香雲為約甚時向幽閨深處按新調流
霞共酌再同歡笑肯把金玉玳珠博

紅情
荷花

無邊香色記涉江自採錦亭雲窰剪剪紅衣學舞波
心舊曾識一見依然自語流水遠幾回空憶看倒影
窺粧玉潤露痕濕 閑立翠屏側愛向人弄芳背酣
斜日料應太液三十六宮土花碧清興陵風更爽無
數滿汀如昔泛片葉烟浪裏卧橫紫笛

徵招

彭元遜

和煥甫秋聲君有遠遊之興為道行路難
以感之

人間無欠秋風處偏到霜痕月杪風雨船蓬日夜風

波未了忽潮生海立又天濶江清欲曉孤迥幽深激
揚悲壯浮沉浩渺行路古來難貂裘敝匹馬關山
人老錦字未成寒到君邊書到夢倚門回首兒女燈
前嬉笑早斟酌萬里封侯寶鏡遲霜照

荅仇山村寄

張叔夏

可憐張緒門前柳相看頓非年少三逕已荒涼更如
今懷抱薄遊渾未減滿烟水東風殘照古調誰彈古
音誰賞歲華空老京洛染緇塵悠悠意獨對南山
一笑只在此山中甚相逢不早瘦吟心共苦知幾度
剪燈窓小何時更聽雨巴山賦草池春曉

滿江紅

退寓南都

杜衍言行錄

無名無利無榮無辱無煩無惱夜燈前獨歌獨酌獨
吟獨笑又值群山初雪滿又兼明月交光好便假饒
百歲擬如何從他老知富貴誰能保知功業何時
了笑簞瓢金玉所爭多少一瞬光陰何足道但思行
樂常不早待春來携酒殢東風眠芳草

桐川

柳耆卿

暮雨初收長川靜征帆夜落臨島嶼蓼煙疎淡葦風
蕭索幾許漁人橫短艇盡將燈火歸村落遣行客到
此念回程傷漂泊桐江好煙漠漠波似染山如削

遠嚴陵灘畔鷺飛魚躍遊宦區區成底事平生况有
雲泉約歸去來一曲仲宣吟從軍樂

張子野

飄盡寒梅笑粉蝶遊蜂未覺漸迤邐水明山秀暖生
簾幕過雨小桃紅未透舞烟新柳青猶弱記画橋深
處水邊亭曾偷約 多少恨今猶昨愁和悶都忘却
拚從前爛醉被花迷着晴鴿試鈴風力軟雛鶯弄舌
春寒薄但只愁錦綉闌粧時東風惡

黃州上東坡

李嬰

荆楚風煙寂寞近中秋時候露下冷蘭英將謝葦花

初秀歸燕殷勤辭巷陌鳴蛩淒楚來窓牖又誰念江
邊有神仙飄零久 橫琴膝携筇手曠望眼闕吟口
抵紛紛萬事到頭何有君不見凌煙冠劍客何人氣
貌長依舊歸去來一曲為君吟為君壽

春暮

東坡晁無咎

居金本南城作
城南

東武南城新堤固漣漪初溢隱隱遍長林高阜卧紅
堆碧枝上殘花吹盡也與君試向江邊覓問向前猶
有幾多春三之一 官裏事何時畢風雨外無多日
相將泛曲水滿城争出君不見蘭亭修禊事當時座
上皆豪逸到如今修竹滿山陰空陳迹

春閨

周美成 邦彥

晝日移陰攬衣起春牕睡足臨寶鑑綠雲縹亂未收
粧束蝶粉蜂黃都過了枕痕一線紅生玉背盡攔脉
脉悄無言尋棋局 重會面何時卜無限事縈心曲
想秦箏依舊尚鳴金屋芳草連天迷遠望寶香薰被
成孤宿最苦是蝴蝶滿園飛無心撲

秋望

趙元積 鼎

慘結秋陰西風送絲絲雨濕凝望眼征鴻幾字暮投
沙磧欲往鄉閩何處是水雲浩蕩連南北但修眉一
抹有無中遙山色 天涯路江上客腸已斷頭應白

空搔首興嘆莫年離隔欲待忘憂除是酒柰酒行欲
盡愁無極便挽將江水入樽壘澆膏臆

程正伯 孩

門掩垂楊寶香度翠簾重疊春寒在羅衣初試素肌
猶怯薄靄籠花天欲暮小風送角聲初咽但獨衾幽
愧悄無言傷初別 衣上雨眉間月滴不盡顰空切
羨栖梁歸燕入簾雙蝶愁緒多於花絮亂柔腸過似
丁香結問甚時重理錦囊書從頭說

前人

水遠山明秋容淡不禁搖落况樓臺高處晚涼猶薄

居金本况字下有正是二字

月衣裳風在袖冰生枕簟香生幙笑四時佳處是
清秋須行樂東籬下西窓角尋舊菊催新酌笑廣
平何事對秋消索搖葉聲聲深院宇折荷寸寸閑池
閣待歸來閑把木犀花重薰却

晁無咎補之

華髮春風長歌罷傷今感昨春正好瑤墀已歎侍臣
冥寞牙帳塵昏餘劔戟翠幃月冷虛絃索記往歲龍
坂誤曾登今飄泊賢人命從來薄流年竟赴誰託
繞南枝身似未眠飛鵲射虎山邊追舊迹騎鯨海上
尋前約便與世江湖永相忘還堪樂

居金本流年二
句作流水意如
誰託

詠雨

張安國考科

斗帳高眠寒窓靜蕭蕭雨意南樓近更移三鼓漏傳
一水點點不離楊柳外聲聲只在芭蕉裏也不管滴
破故鄉心愁人耳無似有遊絲細聚復散真珠碎
天應分付與別離滋味破我一床蝴蝶夢輸他雙枕
鴛鴦睡向此際別有好思量人千里

二
懷秋

秋滿灘源瘴雲淨曉山如簇動遠思空江小艇高丘
喬木策策西風雙鬢底暉暉斜日朱闌曲試側身回
首望京華迷南北思歸夢天邊鷓遊宦事蕉中鹿

想一年好處砌紅堆綠羅帕分柑霜落齒冰盤剥芡
珠盈掬借春纖綾繪搗香壘新蕩熟

三

千古淒涼興亡事但悲陳迹凝望眼吳波不動楚山
空碧巴滇綠駿追風遠武昌雲旆連天赤笑老姦遺
臭到如今留空壁 邊書靜烽烟息通軺傳銷鋒鏑
仰太平天子聖明無敵感踏揚州開帝里渡江天馬
龍為匹看東南佳氣鬱葱葱傳千億

梅

程觀過 觀

春欲來時長是與江梅有約還又向竹林疎處一枝

開却對酒漸驚身老大看花應念人離索但十分沉
醉祝東君長如昨 芳草渡孤舟泊山斂黛天垂幕
黯銷魂無柰暮雲殘角便好折來和雪戴莫教酒醒
隨風落待殷勤留此寄相思誰堪託

蔣竹山 捷

秋本無愁柰客裏秋偏岑寂身老大吹敲秦缶懶移
陶甕萬恨曾因疎處起一間且向貧中覓笑新來多
事是征鴻聲嘹唳 雙戶掩孤燈剔書束架琴懸壁
笑人間無此小窓幽閒浪遠微聽葭葉響雨殘細數
梧梢滴正依稀夢到故人家誰橫笛

毛棊

潑火初收秋千外輕烟漠漠春漸遠綠楊芳草燕飛
池閣已著單衣寒食後夜來還是東風惡對空山寂
寂杜鵑啼梨花落 傷別恨閑情作十載事驚如昨
向花前月下共誰行樂飛蓋低迷南苑路前袞悵望
東城約但老來憔悴惜春心年年覺

幽居

呂居仁

東里先生家何在山陰溪曲對一川平野數椽茅屋
昨夜岡頭新雨過門前流水清如玉抱小橋回合柳
參天搖新綠 踈籬下叢叢菊虛簷外簫簫竹嘆古

居金本蕭：作
蕭：點作荒

今得失是非榮辱須信人生歸去好世間萬事何時
足問此春春醞酒何時今朝熟

僧晦庵

擾擾勞生待足何時是足據見定隨家豐儉便堪龜
縮得意濃時休進步須防世事多番覆枉教人白了
少年頭空碌碌 誰不願黃金屋誰不愛千鍾粟柰
五行不是這般題目枉使心機空計較兒孫自有兒
孫福又不須採藥訪蓬萊但寡慾

杜鵑

康伯可

惱殺行人東風裏為誰啼血正青春未老流鶯方歇

蝴蝶枕前顛倒夢杏花枝上朦朧月問天涯何事苦
閑情思離別聲一喚腸千結闕嶺外江南陌正長
堤揚柳翠條堪折鎮日叮嚀千百遍只將一句頻頻
說道不如歸去不如歸傷情切

寫懷

岳飛

怒髮衝冠凭欄處瀟瀟雨歇擡望眼仰天長嘯壯懷
激烈三十功名塵與土八千里路雲和月莫等閑白
了少年頭空悲切靖康耻猶未雪臣子恨何時滅
駕長車踏破賀闌山缺壯志饑殮胡虜肉笑談渴飲
匈奴血待從頭收拾舊山河朝金闕

居全本壯志二
句作壯志肯忘
飛食肉談笑飲
灑盃腔血

旅思

張仲宗 元幹

春水連天桃花浪幾番風惡雲乍起遠山遮盡晚風
還作綠遍芳洲生杜若楚帆帶雨煙中落認向來沙
觜共停橈傷飄泊寒猶在衾偏薄腸欲斷愁難着
倚蓬窓無寐引盃孤酌寒食清明都過了可憐孤負
年時約小樓日日望歸舟人如削

上夔帥樂秘閣生日

李居厚 廷忠

玉帳西來道前是綉衣使者游覽處秋風鼓吹自天
而下湘水得霜清可鑒巫峯過雨森如画有神仙佳
致在胸襟真瀟洒荆州寶元無價夔門政長多暇

居全本夔作揆
遠作選

聽談兵樽俎百川傾瀉此日壽觴容我勸它年樞柄
遠公把趣桂花時節去朝天香隨馬

游子明次公

一舸歸來何太晚鬢絲如織謾嘆息淒涼往事盡成
陳迹山迫暮烟浮紫翠溪搖寒浪翻金碧看長虹渴
飲下青冥危欄濕誰可住烟蘿側俗士駕當回勒
伴岩扃須是碧雲仙客風月已供無盡藏溪山更行
清涼國恨謫仙蘇二不曾來無人說

春晚

劉叔擬

着意留春留不住春歸難戀最苦是梅天烟雨麥秋

庭院嫩竹陰濃鶯出谷柔桑剪盡蚕成繭柰沈腰寬
盡有誰知難消遣幽閣恨雙眉斂香牋寄飛鴻遠
向風簾羞見一雙歸燕翠被閑將情做夢青樓賺得
思成怨對尊前莫惜喚瓊姬持盃勸

暮春

辛幼安

點火櫻桃照一架荼蘼如雪春正好見龍孫穿破紫
苔蒼壁乳燕引雛飛力弱流鶯喚友嬌聲怯問春歸
不肯帶愁歸腸千結層樓望春山疊家何在烟波
隔把古今遺恨向他誰說蝴蝶不傳千里夢子規叫
斷三更月聽聲聲枕上勸人歸歸難得

史邦卿 遠祖

緩轡西風歎三宿遲遲行客桑梓外鋤耒漸入柳坊
花陌雙闕遠騰龍鳳影九門空鎖鴛鴦翼更無人擬
笛傍宮牆苔花碧 天相漢民離國天厭虜臣離德
赴建瓴一舉再收鰲極老子豈無經世術詩人不預
平戎策辦一襟風月看升平吟春色

劉潛夫 克莊

金甲凋戈記當日轅門初立磨盾鼻一揮千帝龍蛇
猶濕鐵馬曉嘶營壁冷樓船夜渡風濤急有誰憐後
臂故將軍無功級 平戎策從軍什零落盡慵收拾

把茶經香傳時時溫習生怕客談揄塞事且教兒誦
花間集歎臣之壯也不如人今何及

赤壁懷古

戴式之 復古

赤壁磯頭一番過一番懷古想當時周郎年少氣吞
區宇萬騎臨江貔虎噪千艘烈焰魚龍怒卷長波一
鼓困曹瞞今如許 江上渡江邊路形勝地興亡處
覽遺蹤勝讀史書言語幾度東風吹世換千年往事
隨潮去問道旁楊柳為誰春搖金縷

齊雲月酌

盧申之 祖暉

樓倚晴空炎雲淨晚來風力滄海外等閑吹上滿輪

寒壁河漢低垂天欲近乾坤浩蕩秋無極凭欄干衣
袂拂青冥知何夕登眺地追疇昔吳越事皆陳迹
對清光祇有醉吟消得萬古悠悠惟月在浮生袞袞
空頭白自騎鯨仙去有誰知遙相憶

秋感

宋謙父自避

舉扇西風又十載重遊秋浦對舊日江山錯愕鬢絲
如許世事興亡空感慨男兒事業誰堪數被老天開
眼看人忙成今古江上路喧輦鼓山中地紛豺虎
謾乾坤許大着身何處名利等成狂夢寐文章亦是
閒言語賴雙投酒熟蟹螯肥忘羈旅

送李御帶珙

吳毅甫潛

紅玉階前問何事翩然引去湖海上一汀鷗鷺半帆
煙雨報國無門空自怨濟時有策從誰吐過垂虹亭
下繫扁舟鱸堪煮拚一醉留君住歌一曲送君路
遍江南江北欲歸何處世事悠悠渾未了年光冉冉
今如許試舉頭一笑問青天天無語

風泉峽觀泉

劉圻父

雲壑飛泉蒲根下懸流陸續堪愛處石池湛湛一方
寒玉暑際直當磐石坐渴來自引懸瓢掬聽冷冷清
響瀉淙琤勝絲竹寒照膽消炎燠質徹骨無塵俗

笑幽人忻翫滯留空谷靜坐時看松鼠飲醉眠不礙
山禽浴喚仙人伴我酌瓊瑤餐秋菊

趙介之 師俠

去去春光留不住情懷索寞那堪是日長人困雨餘
寒薄葉底青青梅勝豆枝頭顆顆花留萼歎流年空
有惜春心憑春酌歌共酒誰酌酢非與是忘今昨
且隨時隨分強歡尋樂世事燕鴻南北去人生烏兔
東西落問故園不負送春期明年約

郭承禧 應祥

五十頭顱早已覺飛騰景暮愁眼看蜂黃蝶粉草煙

花露莫做陽臺雲雨夢休懷渭北春天樹悵城闌多
少踏青人紅塵路懷古恨憑書訴傾國貌障羞妬
記山陰陳迹群賢星聚對景裁詩真謾興看花不飲
成虛負問落紅千點總隨流歸何處

春雨

汪紫巖 宗臣

檢點春光陰雨過三分之一從頭數元宵燈夕都無
晴日不碍郊原肥草綠但漫丘壑沉雲黑那東君忒
煞沒網維春無力燕忙甚泥渾濕蜂愁甚脾無蜜
更兩旬又是梨花寒食薦杏殷桃吾不較豈堪浸爛
連疇麥望前村白鷺觀霞紅探晴色

吳履齋

潛

柳帶榆錢又還過清明寒食天一笑滿園羅綺滿城
簫笛花樹得晴紅欲染遠山過雨清如滴問江南池
館有誰來江南客烏衣巷今猶昔烏衣事今誰覓
但年年燕子晚煙斜日抖擻一春塵土債悲涼萬古
英雄迹且芳樽隨分趁芳時休虛擲

秋興

元遺山 好問

老樹荒臺秋興動悠然獨酌秋老江山憔悴鬢華先
覺人到中年元易感眼看華屋歸零落笑世間惟有
醉鄉民平生樂 凌浩蕩觀寥廓月為燭雲為幄盡

百川都釀不供杯杓身外虛名將底用古來已錯今
尤錯喚野猿山鳥一時歌休休莫

二

天上飛鳥阿誰遣東生西沒明鏡裏朝為青髮暮為
華髮弱水蓬萊三萬里夢魂不到金銀闕更幾人能
有謝家山飛仙骨 山鳥啜林花發玉盃冷秋雲滑
彭殤共一醉不爭毫末鞭石何年滄海過三山只是
尊中物暫放教老子據胡床邀明月

三

江上窪尊人道有浮休遺跡尊俎地江山如畫百年

居金本髮作鬢
胡作匡

岑寂白鶴重來城郭在山花山鳥渾相識任與君載
酒半山亭追疇昔 人易老時難得歡未減悲還及
笑身前身後杳無終極一笑何須留故事千年誰復
知今日持醉來橫卧龍頭雲林間石

段克己

欲把長繩維白日暫留春住親友面一回相見一回
非舊擾擾膠膠塵世事不如人意十常九向斜陽無
語倚危樓空搔首 活國手談天口都付與尊中酒
這情懷又是去年時候風外絲絲飛絮亂柳邊湛湛
長江去問老來還有幾多愁愁如許

侯彥周 真

困頓春眠無情思夢魂飄泊簷外雨霏霏冉冉乍晴
還落山黛四圍頻入眼柳絲一縷低縈閣念沈郎多
感更傷春腰如削 風入戶香穿箔花似舊人非昨
任遊蜂雙燕經營拂掠海濶錦魚傳不到洞深紫鳳
期難約謾綵牋牙管倚西窓題紅葉

括盧仝有所思

林政大

為憶當時沉醉裏青樓弄月閑想像綉幃珠箔翳飛
心折羞向姮娥談舊事幾經三五盈還缺望翠眉蟬

居全本絕字下
空一格未註出

髮一天涯傷離別 尋昨夢巫雲結流別淚湘江咽
對花深兩岸摠成悲切試與含愁彈綠綺知音不遇
絃空絕窓前一夜寄相思梅花發

壽大山兄

小山 晏幾

居全本書作眼
變作霜

七十人稀嘗記得少陵舊語誰知道五園庵主壽今
如許書底青瞳如月樣鏡中黑鬢無雙處與人間世
味不相投神仙侶 文漢史詩唐句字晉帖碑周鼓
這千年勲業一年一部擘擘紫芝商隱皓猗猗綠竹
淇瞻武問先生何處更高歌凭椿樹

段成已

料峭東風吹醉面向人如舊凝竚立野禽聲裡無言
搔首庭下梅花開盡也春痕已到江邊柳待人間事
了覓清懽身先朽 菟裘計何時有林下約床頭酒
怕流年不覺鬢邊還透往事不堪重記省舊愁未斷
新愁又把春光分付少年場從今後

別大名親舊

許魯齋 衡

河上徘徊未分袂孤懷先怯中年後此般憔悴怎禁
離別淚苦滴成襟畔濕愁多擁就心頭結倚東風搔
首謔無聊情難說 黃卷內消白日青鏡裏增華髮

念歲寒交友故山烟月虛道人生歸去好誰知美事
雙難得計從今佳會幾何時長相憶

牡丹

彭異吾

元英

翠袖餘寒早添得銖衣幾重何須怪妍華都謝更為
誰容嚼盡吳花成鹿苑人間不恨雨和風便一枝流
落到人家清淚紅山霧濕倚熏籠垂匄葉鬢酥融
恨宮雲一朵飛過空同白日長閑青鳥在楊家花落
白蘋中問故人忍更負東風尊酒空

金陵懷古

薩天錫

都判

六代豪華春去也更無消息空悵望山川形勝已非

疇昔王謝堂前雙燕子烏衣巷口曾相識聽夜深寂
寞打孤城春潮急思往事愁如織懷故國空陳迹
但荒烟衰草亂鴉斜日玉樹訶殘秋霞冷胭脂井壞
寒蟬泣到如今只有蔣山青秦淮碧

燈花

胡惠齋

狀元黃
由夔

暝靄黃昏燈檠上熒熒初炙銀焰裊孤光分夜寸心
凝碧留照嬌顏歡笑偶上元慶賞嬉遊夕笑聚螢積
雪與偷光寒儒憶蝶眷戀成何得花傳喜知何日
聽鄰家昨夜扣閣誰覓焰短始知新月上搖紅孤館
因風急恨那人別後不成眠時時別

居金本黃作王
雙作妻

南京夷山驛

丙子之變宮城多北遷

王昭儀

清忠

太液芙蓉渾不似舊時顏色
曾記得恩承雨露玉樓
金闕名播蘭簪妃后裡
暈潮蓮臉君王側
忽一朝輦鼓揭天來
繁華歇
龍虎散風雲
滅千古恨憑誰說
對山河百二
泪霑襟血
驛館夜驚塵
土夢宮車晚碾
閑山月問嫦娥
相顧肯相容
隨圓缺

佩楚軒客談昭儀下張瓊英題

梅子黃時雨

病子思歸

張叔夏

炎

流水孤村愛塵事
頓消來訪深隱
向醉裏誰扶滿身
花影鷗鷺驚
相比瘦
近來不是傷春病
嗟流景竹外
野橋猶整烟艇
誰引斜川歸興
便啼鶻總少無柰

時聽待棹擊空明
魚波千頃彈斷琵琶
留不住愁人
最是黃昏近
江風緊
一行柳陰吹暝

雪明鵲夜

道君

宋徽宗

望五雲多處春
探開闌苑別就蓬島
正梅雪韻清桂
月光皎鳳帳
龍簾縈嫩風
御座深翠金
間綵半天中
香泛千花燈
掛百寶
聖時觀風重臘
有簫鼓沸空
錦繡匝道
競呼盧氣貫彫
歡笑袖裏金錢
擲下來侍
宴歌太平
蒼藻願年年
此際迎春不老

雪梅香

秋思

柳耆卿

永

景蕭索危樓獨倚
面晴空動悲繩
情緒當時宋玉
磨

同漁市孤煙裊寒碧水村殘葉舞愁紅楚天濶浪浸
斜陽千里溶溶 臨風想佳麗別後愁顏鎮斂眉峯
可惜當年頓乖雨跡雲蹤媚態妍姿正歡洽落花流
水忽西東無限恨相思意盡分付征鴻

一枝春

除夕除

楊守齋

續

竹爆驚春競喧闐夜起千門簫鼓流蘇帳暖翠鼎緩
騰香霧停杯未舉柰剛要送年詩句磨自賞歌字清
圓未誇上林鶯語 從它歲窮日暮縱開愁怎減劉
郎風度屠蘇辨了迤邐柳忻梅妬宮壺未曉早驕馬
繡車盈路還又把月夕花朝自今細數

居金本辨作辨

六么令

小山

晏幾道

日高春睡喚起懶裝束年年落花時候慣得嬌眠足
學唱宮梅便好更暖銀笙逐黛娥低綠堪教人恨却
似江南舊時曲 常記東樓夜雪翠幕遮紅燭還是
芳酒盃中一醉光陰促曾笑陽臺夢短無計怜香玉
此歡難續乞求歌罷借取歸雲畫堂宿

二

雪殘風信悠颺春消息天涯倚樓新恨揚柳幾絲碧
還是南雲鴈少錦字無端的寶釵瑤席彩絃聲裡拚
作尊前未歸客 遙想疎梅此際月底香英密別後

誰遶前溪手揀繁枝摘莫道傷高懷遠付與臨風笛
儘堪愁寂花時往事更有多情箇人憶

柳耆卿 水

居金本探作染

澹烟殘照搖拽溪光碧溪邊殘桃深杏迤邐探春色
昨夜扁舟泊處枕展當難磧波聲漁笛驚回好夢夢
裡欲歸歸不得展轉翻成無寐因此傷行役思念
多媚多嬌咫尺千山隔都為深情密愛不忍輕離拆
好天良夕鴛鴦寂靜笑得也應暗思憶

重九

周美成 邦彥

快風收雨亭館清殘燠池光靜橫秋影岸柳如新沐

聞道宜城酒美昨日新醅熟輕鑿相逐衝泥策馬來
折東籬半開菊華堂花艷對列一一驚郎目歌韻
巧共泉聲間雜琮琤玉惆悵周郎已老莫唱當時曲
幽歡難卜明年誰健更把茱萸再三囑

賀方回 鑄

暮雲消散簾捲畫堂曉殘薰燼蠟隱映綺席金壺倒
塵送行鞭裊裊醉指長安道波平天杳蘭舟欲上回
首離愁滿芳草身外浮名擾擾已負狂年少無柰
風月多情此去應相笑心記歌聲縹緲翻是相思調
明年春早宛溪楊柳依舊青青為誰好

京中清明

李琳

淡烟疎雨香逕渺啼鳩新晴畫簾閑捲燕外寒猶力
依約天涯芳草染得春風碧人間陳迹斜陽今古幾
縷游絲趁飛蝶 柳向尊前起舞又覺春如客翠袖
折取嫣紅笑與簪華髮回首青山一點簷外寒雲疊
梨花淡白柳花飛絮夢繞闌干一株雪

應天長

重陽

柳耆卿

永

殘蟬聲漸絕傍碧砌脩梧敗葉微脫風露淒清正是
登高時節東籬霜乍結綻金盞嫩香堪折聚宴處落
帽風流未饒前哲 把酒與君說恁好景佳辰怎忍

居金本便作使

虛設休效牛山空對江天凝咽塵勞無暫歇遇良會
剩偷歡悅歌未闋盃興方濃莫便中輟

葉夢得

松陵秋已老正柳岸田家酒醅初熟鱸膾尊羹萬里
水天相續扁舟凌浩渺寄一葉暮濤吞沃青蒻笠西
塞山前自翻新曲 來往未應足便細雨斜風有誰
拘束陶寫中年何待更須絲竹鴟夷千古意笑入手
比來尤速最好是千點雲峯半篙澄綠

留別

詞話

失名

雕鞍成謾駐望斷也不歸院深天暮倚遍舊日曾共

憑肩門戶踏青何處所想醉拍春衫歌舞征旆舉一
步紅塵一步回顧行行愁獨語想媚容今宵怨即
不住來為相思却又空將愁去人生無定據嘆後會
不知何處愁萬縷憑仗東風和淚吹與

駐馬廳亦名應天長

柳耆卿永

鳳枕鴛幃二三載如魚似水相知良天好景深憐多
愛無非盡意依隨柰何伊恣性靈忒照些兒無事孜
煎萬回千度怎免分離而今漸行漸遠漸覺雖悔
難追謾恁寄消息終久奚為也擬重論繾綣爭柰
翻覆思惟縱再會只恐恩情難似當時

居金本無第二
寄字

玉漏遲

宋子京祁

杏香消散盡須知自昔都門春早燕子來時綉陌亂
鋪芳草蕙圃妖桃過雨弄笑臉紅篩碧沼深院悄綠
楊巷陌鶯聲爭巧蚤是賦得多情更遇酒臨花鎮
辜歡笑教曲欄干故國謾勞疑眺漢外微雲盡處亂
峯鎖一竿脩竹間琅玕東風淚零多少

韓魏公子都尉嘉彦才質清秀頗有豪氣因言語
間與公主參商安置鄧州洎春來感懷作此詞都
下盛傳因教池開公主出遊教池李師師獻此詞
以侑觴聲韻悽惋公主問辭之所由師師具道其
意公主因緣感疾帝乃遣使速召嘉彦還都

程正伯瑛

一春渾不見那堪又是花飛時節忍對危欄數曲暮
雲千疊門外星星柳眼看誰似當時風月愁萬結憑
誰為我慙慙低說不是慣却春心柰新燕傳情舊
鶯饒舌冷篆餘香莫放等閑消歇縱使繁紅褪盡猶
有酴醿堪折魂夢切如今不柰飛來蝴蝶

滿庭芳

秋思

晏叔原

幾道

南苑吹花西樓題葉故園懽事重重凭欄秋思閑記
舊相逢幾處歌雲夢雨可憐便流水西東別來久淺
情未有錦字繫征鴻年光還少味開殘檻菊落盡
溪桐謾留得樽前淡月淒風此恨誰堪說與清愁付

綠酒杯中佳期在歸時待把香袖看啼紅

警悟

東坡

蝸角虛名蠅頭微利笑來着甚干忙事皆前定誰弱
又誰強且趁閑身未老儘教我些子疎狂百年裏渾
教是醉三萬六千場思量能幾許憂愁風雨一半
相妨又何須抵死說短論長幸對清風皓月苔榻展
雲幙高張江南好千鍾美酒一曲滿庭芳

二

歸去來兮吾歸何處萬里家在岷峨百年強半來日
苦無多坐見黃州載閨兒童盡楚語吳歌山中友鷄

豚社飲相勸老東坡 云何當此際人生底事來往
如梭待閑看秋風洛水清波好在堂前細柳應念我
莫剪柔柯仍傳語江南父老時與睽漁簑

三

歸去來兮清溪無底上有千仞差我畫樓東畔天遠
夕陽多老去君恩未報空回首彈鋏悲歌船頭轉長
風萬里歸馬駐平坡 無何何處是銀潢盡處天女
停梭問人間何事久戲風波顧謂同來穉子應爛汝
腰下長柯青衫破群仙笑我千縷掛煙簑

余居黃五年將赴臨汝作滿庭芳一篇別
黃州既至南都蒙恩放歸陽羨復作一篇

春景

少游

晚兔雲開春隨人意驟雨纔過還晴古臺芳榭飛燕
蹴紅英舞困榆錢自落鞦韆外綠水橋平東風裏朱
門映柳低按小秦箏 多情行樂處珠鈿翠蓋金轡
紅纓漸酒空醺醖花困蓬瀛豆蔻梢頭舊恨十年夢
屈指堪驚凭欄久踈烟淡月微映百層城

二

山抹微雲天連衰草畫角聲斷譙門暫停征棹聊共
引離尊多少蓬萊舊事空回首煙靄紛紛斜陽外寒
鴉數點流水繞孤村 銷魂當此際香囊暗解羅帶

輕分謾贏得青樓薄倖名存此去何時見也襟袖上
空惹啼痕傷情處高城望斷燈火已黃昏

三

紅蓼花繁黃蘆葉亂夜深玉露初零霽天空濶雲淡
楚江清獨棹孤篷小艇悠悠過烟渚沙汀金鉤細絲
綸慢捲牽動一潭星 時時橫短笛清風皓月相與
忘形任人笑生涯泛梗飄萍飲罷不妨醉卧塵勞事
有耳誰聽江風靜日高未起枕上酒微醒

四

碧水驚秋黃雲凝暮敗葉零亂空堦洞房人靜斜月

照徘徊又是重陽近也幾處處砧杵聲催西窓下風
搖翠竹疑是故人來 傷懷增悵望新歡易失往事
難猜問籬邊黃菊知為誰開謾道愁須殢酒酒未醒
愁已先回憑闌久金波漸轉白露點蒼苔

山谷

初綰雲鬟才勝羅綺便嫌柳巷花街占春才子容易
託行媒其柰風流債負煙花部不免差排劉郎恨桃
花片片流水惹塵埃 風流賢太守能籠翠羽宜醉
金釵且留取垂楊掩映廳堦直待朱轡去後從伊便
窄襪弓鞋知恩否朝雲暮雨還向夢中來

夏景

周美成 邦彥

風老鶯雛雨肥梅子午陰嘉樹清圓地早山近衣潤
費爐烟人靜鳥鳶自樂小橋外新綠濺濺凭闌久黃
蘆苦竹擬泛九江船 年年如社燕飄流瀚海來寄
脩椽且莫思身外長近樽前憔悴江南倦客不堪聽
急管繁絃歌筵畔先安枕簟容我醉時眠

李西美 邦彥

一種江梅偷傳春信夜來先綻南枝嫩苞寒萼粧點
綴胭脂雪裏渾迷素質明月下惟有香肌山村路人
家舍窄低亞水邊籬 偏宜壽陽女新粧淡淡粉面

曾施更胡笛羌管塞曲爭吹陌上行人暫聽香風動
都入愁眉音書杳天涯望斷折寄擬憑誰

和左丞范致虛

宋徽宗 詞話

寰宇清夷元宵遊豫為開臨御端門暖風搖曳香氣
靄輕氛十萬鈎陳燦爛鈎臺外羅綺繽紛歡聲裏燭
龍銜耀黼藻太平春 靈鰲擎綵油冰輪遠駕初上
祥雲照萬宇嬉遊一視同仁更起維垣大第通宵燕
調燮良臣從茲慶都俞賡載千載樂昌辰

陳瑩中 璣

擾擾忽忽紅塵滿袖自然心在溪山尋思百計真箇

不如閑浮世紛華夢影囂塵路來往循環江湖手長
安障日何似把魚竿 盤旋那忍去他邦縱好終異
鄉關向七峯回首清淚班班西望煙波萬里扁舟去
何日東還分携處相期痛飲莫放酒盃慳

二

淮葉繽紛江煙濃淡別樽同倒寒暉未逢春信霜露
惹征衣往事元無是處何須待回首知非春鶻語從
來勸我常道不如歸 家山何處近江樓簾棟夕卷
朝飛問西江筍蕨何似鱸肥且置華胥舊夢忘言處
千古同時君知我平生心事相契古來稀

三
跛子劉

槁木形骸浮雲蹤跡一年兩到京華又還乘興往看
洛陽花聞道鞋紅最好春歸後終委塵沙忘言處花
開花謝不似我生涯 年華留不住飢食困寢觸處
為家這一輪明月本自無瑕隨分冬裘夏葛都不會
赤水黃芽誰知我春風一拐談笑有丹砂

跛子年來形容何似儼然一部髭鬚世間許大拐上
做工夫選甚南州北縣逢着處酒滿葫蘆熏熏醉不
知明日何處度明晡 洛陽花看了歸來帝里一事

全無又還與瓠羹再作門徒驀地思量下水浪網上
蘆蓆橫鋪呵呵笑睂陽門外有箇大南湖上

舒信道賈

紅葉飄零寒煙疎淡樓臺半在雲間望中風景圖畫
也應難又是重陽過了東籬下黃菊闌珊陶潛病風
流載酒秋意與人閒霞冠歌倒處瑤臺唱罷如夢
中還但醉裏贏得滿眼青山華髮看看滿也留不住
當日朱顏平生事從頭話了獨自却凭欄

趙德麟今時

玉枕生涼金缸傳晚敗葉飛破新秋雨餘翻浪渺渺

阻行舟暫繫汀洲側畔風夜起荻葉添愁銀屏遠龍
香漸盡還似夢揚州更籌何太永當年情事今日
堪酬最苦恨紅樓笑我飄浮為寄相思細字教字字
愁感眉頭淒涼久漁人唱曉隨月過橫溝

晁次膺瑞禮

綠遠群峯紅搖千柄夜來暑雨初收共君乘興輕舫
信悠悠且盡一樽別酒荷香裏滿酌輕謳明朝去征
帆夜落何處好汀洲風流吾小阮朝辭東觀夕向
南州况聖時爭教賈傅淹留若過潯陽亭上琵琶淚
莫灑清秋堤邊柳從今愛惜留待繫歸舟

木犀

向伯恭子謹

月窟蟠根雲巖分種絕知不是塵凡琉璃剪葉金粟
綴花繁黃菊周旋避舍友蘭蕙羞殺山樊清香遠秋
風十里鼻觀已先參 酒闌聽我語平生半世江北
江南經行處無窮淥水青山常被此花相惱思共老
結屋中間不因尔薜林底事游戲到人寰

沈會宗

疎木藏鍾輕煙籠角幾家簾幕燈光暮砧聲斷空壁
鎖寒螢入袂西風陣陣徹醉骨都不勝涼攔干外依
稀嫩菊月色冷如霜 仙鄉何處是雲深路杳不念
劉郎但畫橋流水依舊垂楊要見時時便見一向價
只作尋常爭知道愁腸淚眼獨自箇重陽

無名氏

五斗相逢千鍾一飲古今樂事無過香生銀瓮浮蟻
浴春波潑艷光凝醖面輕風皺淺碧宮羅乘歡處傾
壘痛飲珠貫引清歌 云何君不飲良辰美景聚少
離多忍怎放春風容易蹉跎但願一樽常共花陰下
急景如梭須沉醉彫鞍歸去爭看醉顏酡

戴樂府雅詞

與周熟仁試賜茶甘露寺 米元章

雅燕飛觴清譚揮坐使君高會群賢密雲雙鳳初破

縷金團窗外爐煙自動開瓶試二品香泉輕淘起香
生玉塵雪濺紫甌圓 嬌鬟宜美盼雙擎翠袖穩步
紅蓮坐中客翻愁酒醒歌闌點上紗籠畫燭花驄弄
月影當軒頻相顧餘歡未盡欲去且留連

古今詞話

風急霜濃天低雲淡過來孤鴈聲切鴈兒且住畧聽
自家說你為離群到此我共箇人人才別松江岸黃
蘆叢裡天更待飛雪 聲聲腸欲斷和我也點點珠
淚成血這一江流水流也嗚咽告你高飛遠舉前程
事永無磨折休煩惱飄零散聚終有見時節

臨安晚登臨

程正伯

南月驚烏西風破鴈又還是秋滿平湖採蓮人盡寒
色戰菰蒲舊信江南好景一萬里輕覓尊鮪誰知道
吳儂未識蜀客已情孤 憑高增悵望湘雲盡處都
是平蕪問故鄉何日重見吾廬縱有荷紉芰製終不
似菊短籬踈歸情遠三更雨夢依舊遶庭梧

吉席

胡浩然

瀟灑佳人風流才子天然分付成雙蘭堂綺席燭影
搖熒煌數幅紅羅繡帳寶粧篆金鴨焚香分明是美
渠浪裏一對浴鴛鴦 歡娛當此際山盟海誓地久

天長願五男二女七子成行男作公卿將相女須嫁
君宰侯王從茲去榮華富貴福祿壽無疆

和胡明仲桂花詞

劉彥冲子暈

秋入微陰涼生平遠小山愁絕天南似聞還斷飛策
遍千岩葉底輕黃萼惱人是微裂芳絨脩然勝清
真冷淡無艷寄塵凡澄潭歆兩岸波光搖動碧影
相參任西風十里吹度松杉我自寒灰槁木凝神處
不覺醺酣歸來晚飛花無迹明月滿空函

王民瞻庭珪

宿雨初收晚風微度萬家簾捲青煙暗塵隨馬人物

居金本蘆作簷

似神仙試問天公借月天須放明月教圓應移下廣
寒宮殿燈火接星躔盧川元古郡當時太守賓從
俱賢到如今萬井歌吹喧闐花下紅粧賣酒時相遇
曲水橋邊誰知道山城父老重見中興年

促織兒

張功甫鉉

月洗高梧露溥幽草實釵樓外秋深土花沿翠螢火
墜墻陰靜聽寒聲斷續微韻轉淒曠悲沉爭求侶殷
勤勸織促破曉機心兒時曾記得呼燈灌穴斂步
隨音任滿身花影猶自追尋携向華堂戲闌亭臺小
籠巧粧金今休說從渠牀下涼夜聽孤吟

居金本史作使

送張守漢卿赴召

李子召注

麥秀連雲桑枝重綠史君佳政流傳鳳銜丹詔來自
九重天千里歡騰祖帳棠陰外多少攀轅津亭路統
如五鼓難駐鄧侯船 光華家世事門中列戟圯上
遺編况建炎勲業畫凌烟此去朝端濟美看平步
兩两台躔須知道中興盛治主聖賴臣賢

留別

劉伯寵哀

柳裊金絲梨鋪香雪一年春事方中燭前一見花艷
覺羞紅枕臂香痕未落舟橫岸作計匆匆明朝去暮
天平水雙槳碧雲東 隔離歌一闋琵琶聲斷燕子

居金本作作歸

樓空歎陽臺夢杳行雨無蹤後會芙蓉未老從今去
日望歸鴻愁如織斷腸啼鴉饒舌訴東風

元夕上邵武王守子文

戴式之復古

草木生春樓臺不夜團團月上雲霄太平官府民物
共逍遙指點江梅一笑幾番負雨秀風嬌今年好花
邊把酒歌舞醉元宵 風流賢太守青雲志氣玉樹
半標是神仙班裏舊日王喬出奉版輿行樂金蓮照
十里笙簫收燈後看看丹詔催入聖明朝

春感

吳毅甫潛

漠漠春陰踈踈春雨鶉鳩喚起春眠小園人靜獨自

倚秋千又見飄紅墮雪芳徑裏都是花鈿年年事閑
愁閑悶挂在綠楊邊 尋思都遍了功名竹帛富貴
貂蟬但身為利鎖心被名牽爭似依山傍水數椽外
二頃良田無縈絆炊粳釀秫長是好花天

懷舊

吳益恭 傲

宿雨滋蘭輕風颭柳新來隨處和融幽蘭曲逕花氣
巧相通燕子繞飛又語帶芹泥時點芳叢微中酒日
長睡起心事在眉峯 年年春好處聯鑣蕩槳拾翠
按紅任金貂醉脫不放杯空誰信風流一別當時事
已逐飛鴻雲山晚闌干罷倚烟寺起踈鍾

李善薩十月牡丹

汴京遇仙樓

元裕之 好問梅淵詩話

天上殷韓解羈官府爛遊舞榭歌樓開花讓酒來看
帝王州常見牡丹開後獨占斷穀雨風流仙家好霜
天槁葉穠艷破春柔 狂僧誰借手一杯喚起綠怨
紅愁天香國艷梅菊背人羞盡揭紗籠護日容光動
玉葦瓊舟都人士女年年十月常記遇仙樓

殘梅

李易安 清照

小閣藏春閑窓鎖畫畫堂無限深幽篆香燒盡日影
下簾鈎手種江梅漸好又何必臨水登樓無人到寂
寥恰似何遜在揚州 從來知韻勝難堪雨藉不耐

風揉更誰家橫笛吹動濃愁莫恨香銷雪減須信道
掃跡情留難言處良宵淡月疎影尚風流

僧兒 唐漢 營妓

團菊包金叢蘭減翠畫成秋暮風烟使君歸去千里
倍潸然兩度朱幡鴈水全勝得陶侃當年如何見一
時盛事都在送行篇 愁煩梳洗懶尋思陪宴花月
湖邊有多少風流往事縈牽聞道霓旌羽駕看看是
玉局神仙應相許冲雲被霧一到洞中天

唐漢營妓僧兒秀外惠中善填詞有戴公兩作漢
守寵之既而得請玉局之筭以歸僧兒作此見意

天香 冬景 王通叟 觀

霜瓦鴛鴦風簾翡翠今年較是寒早矮釘明窓側開
朱戶斷莫亂教人到重陰未解雲共雪商量未了青
帳垂氈要密紅爐圍炭宜小 呵梅弄粧試巧繡羅
衣瑞雲芝草伴我語時同語笑時同笑已被金樽勸
酒又唱新詞故相惱盡道窮冬元來恁好

對梅花懷王侍御龜齡 劉方叔 鎮

漠漠江臯迢迢驛路天教為春傳信萬木叢邊百花
頭上不管雪飛風緊尋交訪舊惟翠竹寒松相認不
意牽詩動興何心襯粧添暈 孤標最甘冷落不許
蝶親蜂近直自從來潔白箇中清韻儘做重聞塞管

也何害香銷粉痕盡待到和羹絕明底蘊

水調歌頭

東坡

明月幾時有把酒問青天不知天上宮闕今夕是何年我欲乘風歸去唯恐瓊樓玉宇高處不勝寒起舞弄清影何似在人間轉朱閣低綺戶照無眠不應有恨何事長向別時圓人有悲歡離合月有陰晴圓缺此事古難全但願人長久千里共嬋娟

熙寧丙辰中秋東坡居士飲達旦大醉作水調歌頭兼懷子由元豐間都下傳唱此詞神宗問侍因得上塵乙覽讀至又恐瓊樓玉宇高處不勝寒之句上曰蘇軾終是愛君乃命量移汝州

快哉亭

蘇子瞻

落日繡簾捲亭下水連空知君為我新作窓戶濕青紅長記平山堂上歌枕江南煙雨杳杳沒孤鴻認得醉翁語山色有無中一千頃都鏡淨倒碧峯忽然浪起掀舞一葉白頭翁堪笑蘭臺公子未解莊生天籟剛道有雌雄一點浩然氣千里快哉風

春行

山谷

瑤草一何碧春入武陵溪溪上桃花無數花上有黃鸝我欲穿花尋路直入白雲深處浩氣展虹霓祇恐花深裏紅露濕人衣坐白石歌玉枕拂金徽謫仙何處無人伴我白螺盃我為靈芝仙草不為朱唇丹

居金本歌作歌

臉長嘯亦何為醉舞下山去明月逐人歸

夷堅支志云此詞舊傳黃魯直所作王晦叔願堂集云蜀人石者翁言此莫將少虛壯年詞也歸道其詳少虛又有浣溪沙一闋云寶釧湘上玉梯雲重應悵翠雲低愁同芳草兩萋萋又一詞云歸夢悠揚未見真繡衾恰有異香薰五更分得楚臺春皆造語工新但晚歲醉心富貴不復事文章今人所作者

滄浪亭

蘇子美

瀟洒大湖岸淡矜洞庭山魚龍隱處烟霧深鎖渺瀰
間方念陶朱張翰忽有扁舟急棹撒浪載鱸還落日
暴風兩歸路遠汀灣 丈夫志當景盛耻踈閑壯年
何事憔悴華髮改朱顏擬借寒潭垂釣又恐鷗鳥相

居金本兩作雨
景作時

猜不肯傍青綸刺棹穿蘆荻無語看波瀾

劉仲方

落日塞垣路風勁憂貂裘翩翩數騎閑獵深入黑山
頭極目平沙千里惟見琯弓白羽鐵面駭驂騮隱隱
望青冢特地起閑愁 漢天子方鼎盛四百州玉顏
皓齒深鎖三十六宮秋堂有經綸賢相邊有縱橫謀
將不作翠蛾羞戎虜和樂也聖主永無憂

重陽

韓無咎 元吉

今日我重九莫負菊花開試尋高處携手躡屐上崔
嵬放目蒼崖萬仞雲護曉霜成陣知我與君來古寺

倚脩竹飛檻絕纖埃 笑談間風滿座酒盈盃仙人
躋海休問隨處是蓬萊落日平原西望鼓角秋深悲
壯戲馬但荒臺細把茱萸看一醉且徘徊

詠月

韓子蒼 詞

江山自雄麗風露與高寒寄聲月姊借我玉鑑此中
看幽壑魚龍悲嘯倒影星辰搖動海氣夜漫漫擁起
白銀闕危駐紫金山 表獨立飛玉佩整雲冠漱水
濯雪眇視萬里一毫端回首三山何處聞道群仙笑
我邀我欲俱還揮手從此去翳鳳更驂鳶

葉夢得

居金本湘作澗
晚作曉

何處難忘酒朱夏日偏長湖山地勝瀟湘十里芰荷
香柳外新蟬驚晚樓上疎簾垂翠簟枕晚生涼紈扇
搖霜月曲水泛流觴 流年去今古夢幾千場虛名
浮利輸却幾許好時光幸有碧雲深處存取朱顏綠
鬢流落又何妨莫厭人間世頻入醉中鄉

凱歌寄湖南安撫劉舍人

張安國 孝祥

猩鬼嘯篁竹玉帳夜分弓少年荆楚劒客突騎錦襜
千里風飛雷厲四校星流彗掃蕭斧挫春蔥談笑青
油幕日奏捷書同 詩書帥黃閣老黑頭公家傳鴻
寶秘畧小試不言功聞道璽書頻下看即沙堤歸去

惟幄日從容君王自神武一舉朔庭空

建炎庚戌題吳江

中吳紀聞

無名氏

平生太湖上短棹幾經過如今重到何事愁與水雲
多擬把匣中長劍換取扁舟一葉歸去老漁蓑銀艾
非吾事丘壑已蹉跎 繪新鱸斟美酒起悲歌太平
生長豈謂今日識干戈欲馮三江雪浪淨洗胡塵千
里不挽天河回首望霄漢雙淚墮清波

武昌南樓落成次王漕韻

李居厚

廷忠

撫景幾今古遺恨比江山百年形勝但見幽草雜枯
管多少名流登覽賴有神扶壞棟詩墨尚斑斑風月

要磨洗願我已衰顏 擎天手携玉斧到江干一新
竒觀領客觴詠有餘閑烟草半川開霽城郭兩州相
望都在畫屏間便擬騎黃鵠直上扣雲關

旅思

劉德脩

光祖

客夢一回醒三度碧梧秋仰看今夕天上河漢又西
流早晚涼風過鴈驚落空塔一葉急雨鬧清溝歸計
休令暮宵露浥征裘 古來今生老病許多愁那堪
更說無限功業鏡中羞只有青山高致對此還論世
事舉白與君浮送我一盃酒誰起舞涼州

春半

劉改之

過

春事能幾許，密葉著青梅。日高花困，海棠風暖，想都
開。不惜春衣典盡，只怕春光歸去，片片點蒼苔。能得
幾時好，追賞莫徘徊。雨飄紅，風換翠，苦相催。人生
行樂且須痛飲，莫辭杯。坐則高談，風月醉則恣眠，芳
草醒後亦佳哉。湖上新亭好，何事不曾來。

朱元晦

富貴有餘樂，貧賤不堪憂。那知天路幽險，倚伏互相
酬。請看東門黃犬，更聽華亭清淚，千古恨難收。何侶
鴟夷子，散髮弄扁舟。鴟夷子，成霸業，有餘謀。收身
千乘卿相，歸把釣魚鉤。春晝五湖煙浪，秋夜一天雲

月此外儘悠悠，永棄人間事，吾道付滄洲。

孫清州生日

魏華父

九十九峯下，百二十年州。西風吹起，客夢月滿，驛南
樓影入天河。左界辰在壽星，向上還是去年秋。要和
木蘭曲，載酒壽君侯。天邊信，雲外步，去難留。壽觴
庭院依舊，已帶別離愁。離合鍾情，未免富貴，閑人何
事浪白世間頭。將相時來，身健百無憂。

劉靜甫

殘臘捲愁去，春至莫閑愁。榮枯會有成，說無處着機
謀。身世石中敲火，富貴草頭垂露，何用苦貪求。三尺

布衣劔千載赤松遊 憶親朋方外角摠白頭羊腸
世路巖嶮莫莫且休休選甚范侯高爵遮莫陶公鉅
產爭似五湖舟萬事付蝸角止坎謾乘流

傅公謀 大詢

草草三間屋愛竹旋添栽碧紗窗戶眼前都是翠雲
堆一月山翁高卧踏雪水村清冷木落遠山開唯有
平安竹留得伴寒梅 家童開門看有誰來客來一
笑清話煮茗更傳杯有酒只愁無客有客又愁無酒
酒熟且徘徊明日人間事天自有安排

辛幼安 葉茂

居金本家字上
有命字

落日古城角把酒勸君留長安路遠何事風雪弊貂
裘散盡黃金身世不管秦樓人怨歸計狎沙鷗明夜
扁舟去和月載離愁 功名事身未老幾時休詩書
萬卷致身須到古伊周莫學班超投筆縱得封侯萬
里憔悴老邊州何處依劉客寂寞賦登樓

劍閣

崔與之

萬里雲間戍立馬劔門關亂山極目無際直北是長
安人苦百年塗炭鬼哭三邊鋒鏑天道久應還手寫
留屯奏炯炯寸心丹 對青燈搔白髮漏聲殘老來
勛業未就妨却一身閑梅嶺綠陰青子蒲澗清泉白

石怪我舊盟寒烽火長安報歸夢到家山

獻田都統

劉之翰 支丙

涼露洗金井一葉下梧桐謫仙浪游何事華髮作詩
翁烏帽蕭蕭一幅坐對清泉白石矯首撫長松獨鶴
歸來晚聲在碧霄中 神仙宅留玉節駐金狨黔南

一道十萬貌虎控雕弓笑折碧荷倒影自唱采蓮新

曲詞句滿秋風劍佩八千歲長入大明宮

田世輔為金州都統制荆南人劉之翰者待峽州
遠安主簿闕作此詞獻之田覽之大喜致書約來
金城欲厚加資給之翰遂亡明年田出閱武見之
翰立道左泣曰人鬼殊途公能恤吾家亦足表踐
言之義忽不見其田大驚
異函送千緡與其孤

懷長江二友

頤堂 王灼

長江飛鳥外明月衆星中今來古往如此人事幾般
風又對團團紅樹獨跨寒驢歸去山水澹羊容遠色
動愁思不見兩詩翁 酒如澆談如綺氣如虹當時
痛飲狂醉只許賞心同響絕光沉休問俛仰之間陳
迹我亦老飄蓬望久碧雲晚一鴈度寒空

時方旱祈雨大作

胡幼黃

有喜君初度風雨作秋聲連旬烈日稻畦麥壠欲揚
塵好是天瓢在手笑把群龍呵叱四野注如傾勃勃
生意滿翠浪湧縱橫 君知否仁者壽壽斯仁自從

三代而下民命寄蒼旻滿目桑麻各粟滿目簿書期
會試說與仁人小試作霖手蘇醒永新民

譚秋堂方

富貴在何許五十已平頭人生得失且笑休遣兩眉
愁管甚輪雲世變管甚風波世態沙渚且盟鷗止即
儘教止流即儘教流田可秫山可藪又何求問天
只覓窮健遊戲八千秋好對梅花如粉細剪燭花如
豆不改舊時遊翠袖更能舞騎鶴上揚州

游龍門

元遺山好問

灘聲蕩高壁秋氣靜雲林迴頭洛陽城闕塵土一何
深前日神光牛背今日春風馬耳因見古人心一笑
青山底未受二毛侵問龍門何所似似山陰平生
夢想佳處留眼更登臨我有一卮芳酒喚取山花山
鳥伴我醉時吟何必絲與竹山水有清音

賀人新娶集曲名

哀長吉

紫陌風光好繡閣綺羅香相將人月圓夜早慶賀新
郎先自少年心意為惜殢人嬌態久俟願成雙此夕
于飛樂共學燕歸梁索酒子迎仙客醉紅妝訴衷
情處此兒好語意難忘但願千秋歲裏結取萬年歡
會恩愛應天長行喜長春宅蘭玉滿庭芳

清湖三塔記

名失

屏間金孔雀褥隱綉芙蓉洞房花燭夜玳筵席藹香
風盈耳笙歌繚繞滿眼綺羅交錯銀燭影搖紅佳期
今夕裡談笑畫堂中 皓齒歌細腰舞樂無窮朱簾
高捲金爐香噴瑞烟濃仙子將臨鳳閣玉女下離蓬
島同會蓋珠宮門闌多喜色女壻近乘龍

和李泰發尚書泊舟嚴陵 劉行簡

一止

千古嚴陵瀨清夜月荒涼水明沙淨波面一葉弄孤
光北望旄頭天際殺氣遙昏楚甸雲樹失青蒼愁絕
未歸客衰髮點吳霜 聽江邊鳴寶瑟想英皇騎鯨

仙裔高韻清絕勝風篁醉入無何境界卻笑昔人底
事遠慕白雲鄉不見咸陽道烟草茂陵荒

送吳叔永文昌

吳潛

才惜季方去又更別元方驚心天上雙鳳接翅下高
岡萬里瞿塘烟浪一片昭亭雲月渺渺正相望夜雨
連風壑此意獨淒涼 杜鵑聲猶不住攬離腸黃雞
白酒吾亦歸興動家鄉人事紛紛難料世事悠悠難
說何事問穹蒼肯落兒曹淚一笑付滄浪

薄媚 西子詞

董穎

入破第一

六韋集編 卷九
翠香裙搖漢佩步步香風起歛雙蛾論時事蘭心巧
會君意殊珍異寶猶自朝臣未與妾何人被此隆恩
雖令効死奉嚴旨 隱約龍姿欣悅重把甘言說辭
俊雅質娉婷天教汝眾美兼備聞吳重色憑汝和親
應為靖遠邊陲將別金門俄揮粉淚靚妝洗

第二虛催

飛雲駛香車故國難回睇芳心漸搖逸遷吳都繁麗
忠臣子胥預知道為邦崇諫言先啓願勿容其至周
亡褒姒商傾妲已 吳王却嫌胥逆耳纔經眼便深
恩愛東風暗綻嬌藥綵鸞雛妒伊得取次于飛共戲

補鈔評花仙館校本

金屋看承它宮盡廢

第三哀遍

華宴夕燈搖醉粉齒苗籠蟾桂揚翠袖含風舞輕妙
慶驚鴻態分明是瑤臺瓊榭閨苑蓬壺景盡移此地
花繞仙步鶯隨管吹寶帳暖留春百和馥郁融鴛被
銀漏永楚雲濃三竿日猶褪霞衣宿醒輕腕嗅宮花
雙帶繫合心時波下比目深憐到底

第四催拍

耳盈絲竹眼搖珠翠迷樂事宮闈內爭知漸國勢陵
夷姦臣獻佞轉恣奢淫天譴歲屢饑從此萬姓離心

解體 越遣使陰窺虛實蚤夜營邊備兵未動子胥
存雖堪伐尚畏忠義斯人既戮又且嚴兵卷土赴黃
池觀釁種蠱方云可矣

第五哀遍

機有神征輦一鼓萬馬襟喉地庭喋血誅留守憐屈
服歛兵還元如此當除禍本重結人心爭柰竟荒迷
戰骨方埋靈旗又指 勢連敗柔羨携泣不忍相拖
棄身在兮心先死宵奔兮兵已前圖謀窮計盡啖鶴
啼猿聞處分外悲丹縱近誰容再歸

第六歇拍

哀誠屢吐再東分賜垂暮日置荒隅心知愧寶鏑紅
委鸞存鳳去辜負恩憐情不似虞姬尚望論功榮還
故里 降令曰吳亡赦汝越與吳何異吳尚怨越方
疑從公論合去妖類娥眉宛轉竟殞鮫綃香骨委塵
泥渺渺姑蘇蕪荒鹿戲

第七煞袞

王公子青春更才美風流慕連理耶溪一日悠悠回
首凝思雲鬟煙鬢玉佩霞裾依約露妍姿送目驚喜
俄迂玉趾 同仙騎洞府歸去簾櫳窈窕戲魚水正
一點犀通遽別恨何已媚魂千載教人屬意况當時

居金本神征作
征神抱作拋

金殿裏

排遍第八

怒潮卷雪巍岫布雲越襟吳帶如斯有客經游月伴
風隨值盛世觀此江山美合放懷何事卻興悲不為
回頭舊谷天涯為想前君事越王嫁禍獻西施吳即
中深機 闔廬死有遺誓勾踐必誅夷吳未干戈出
境倉卒越兵投怒夫差鼎沸鯨鯢越遭勅敵可憐無
幾脫重圍歸路茫然城郭邱墟飄泊積山裏旅魂暗
逐戰塵飛天日慘無輝

排遍第九

補鈔評花仙館校本

自念平生英氣凌雲凜然萬里宣威那知此際熊虎
塗窮來伴麋鹿卑棲既甘臣妾猶不許何為計爭若
都燔寶器盡誅吾妻子徑將死戰決雌雄天意恐憐
之 偶聞太宰正擅權貪賂市恩私因將寶玩獻誠
雖脫霜戈石室囚繫憂嗟又經時恨不如巢燕自由
歸殘月朦朦寒雨蕭蕭有血都成淚備嘗險厄返邦
畿寃憤刻肝脾

第十擷

種陳謀謂吳兵正熾越勇難施破吳策惟妖姬有傾
城妙麗名稱西子歲方笄笑夫差惑此須致顛危范

蟲微行珠貝為香餌芋蘿不釣釣深閨吞餌果殊姿
素肌纖弱不勝羅綺寫鏡畔粉面淡勻梨花一朵瓊
壺裏嫣然意態嬌春寸眸剪水斜鬟鬆翠人無雙宜
名動君王繡履容易來登玉陛

樂府雅詞載此詞于卷首以排通第八第九第十
居前而入破第一以後者次之余以其字句參差
無所附麗且詠西施事無
分析也因照首章入此云

瀟湘夜雨

竹坡詞 周紫芝

曉色凝暎霜痕猶淺九天春意將回隔年花信先已
到江梅沉水煙濃如霧金波滿紅袖雙垂仙翁醉問
春何在春處玉東西 瑤臺人不老遠從赤壁來步

原全本處作在
易作春

天墀且細看八磚花影遲遲會見朱顏綠鬢家長近
咫尺天威君知否天教雨露常滿歲寒枝

和潘都漕九日詞

江繞淮城雲昏楚觀一枝烟笛堆橫曉風吹帽霜日
照人明暗惱潘郎舊恨應誰念菊老殘英秋空晚菜
萸細撚鄙淥為誰傾 人間真夢境新愁未了綠鬢
星星問明年此會誰寄幽情倚盡一樓殘照何妨更
月到簾旌憑闌久歌君妙曲誰是米嘉榮

居全本堆作誰
誰伴遠

三 二妙堂作

楚尾江橫斗南山秀輞川誰画新圖幾時天際平地

出方壺應念江南倦客家在飄泊江湖天教共銀
濤翠壁相伴老人娛長淮看不盡風帆落處天在
平蕪笑人間此地豈是窮途好與婆婆盡日應須待
月到金樞山中飲從教笑我白首醉模糊

玉梅香慢

寒色猶高春力尚怯微律先催梅拆曉日輕烘清風
煩觸凝散數枝殘雪嫩英妬粉嗟素艷有蜂蝶全歇
人人向我依然頓成離缺徘徊寸腸萬結又因花
暗成凝咽撚盞伶香不禁恨深難絕若是芳心解語
應共把此情細細說淚滿闌干無言強折

掃花遊

周邦彥

曉陰翳日正霧靄烟橫遠迷平楚暗黃萬縷聽鳴禽
按曲小腰欲舞細遶回隄駐馬河橋避雨信流去想
一葉怨題今在何處春事能幾許任占地持盃掃
花尋路淚珠濺俎嘆將愁度日病傷幽素恨入金徽
見說文君更苦黯凝竚掩重關遍城鐘鼓

楊无咎

乳鶯轉午正好夢初醒小軒清楚水沉細縷趁游絲
落絮緩隨風舞冒起春心又是愁雲怨雨玉人去徧
徒倚舊時曾竝肩處相望知幾許縱遠隔雲山不

遮愁路捧盃薦俎記低歌麗曲共論心素薄恨斜陽
不道離情最苦正凝竚向譙門又催笳鼓

白雪

楊元咎

檐收雨脚雲乍斂依然又滿長空紋蠟燭低薰爐燼
冷寒衾擁盡重重隔簾攏聽撩亂撲漉青蟲曉來見
玉樓疎殿恍若在蟾宮長愛越水泛舟藍關立馬
畫圖中悵望幾多詩思無句可形容誰與問已經三
白忒是報年豐未應真箇情多老卻天公

小聖樂

俗名驟雨打新荷

元好問

綠葉陰濃偏池亭水閣偏趁涼多梅榴初綻朶朶威

補鈔評花仙館校本

紅羅乳燕雛鶯弄語對高柳鳴蟬相和驟雨過似瓊
珠亂撒打遍新荷人生百年有幾念良辰美景休
放虛過富貧前定何用苦張羅命友邀賓宴賞飲芳
醕淺斟低歌且酌酌從教二輪來往如梭

塞孤

柳耆卿

一聲鷄又報殘更歇秣馬巾車催發草草生人燈下
別山路險新霜滑瑤珂響起栖烏金鞵冷敲殘月漸
西風緊襟袖淒裂遙指白玉京望斷黃金闕遠道
何時行徹笑得佳人凝恨切應念念歸時節相見了
執柔羨幽會處恨香雪免鴛衾兩恁虛設

朱雍

雪江明練靜波聲歇
玉浦梅英初發
隱隱瑤林堪乍
別瓊路冷雲堦滑
寒枝晚已黃昏
鋪碎影留新月
向亭臯一任風冽
歌起郢曲時目斷
秦城聞遠道
水車清徹追念酥粧
凝望切淡佇迎佳節
應暗想日邊人
聊寄與同懽悅
勸清樽忍負盟設

夢揚州

少游

晚雲收正柳塘煙雨初休
燕子未歸惻惻輕寒如秋
小欄外東風軟透繡幃
花密香稠江南遠人何處
鷓鴣啼破春愁
長記曾陪燕遊
酌妙舞清歌麗錦纏

頭帶酒困花十載
因誰淹留醉鞭拂面
歸來晚望翠樓
簾捲金鈎佳會阻
離情正亂頻
夢揚州

芭蕉雨

梅

晏壁

角聲高吹夢斷
月痕尚桂林稍萬葉千花似掃
綠避紅桃讓與寒梅
獨殿還壯元宰相
當消恁了却殘年
教人媿殺離騷
富貴等鴻毛紛紛侍春穠
李妖桃自是冰魂欲解
謾倩并力只道乾坤閉氣
怎知他雪雲風餐睡起
望北斗闌干人間翠羽嘈嘈

玉女迎春慢

元

彭元遜

異

淺入新年逢人日
拂拂淡煙無雨
葉底妖禽自語
小

居金本桂作桂
力作刀闕作間

啄幽香還吐東風辛苦便怕有踏青人誤清明寒食
消得渡江黃翠千縷 看臨小帖宜春填輕暈濕碧
花生霧為說釵頭裊裊繫着輕盈不住問郎留否似
昨夜教成鸚鵡走馬章臺憶得畫眉歸去

燭影搖紅

春恨

王晉卿 說

香臉輕勻黛眉巧畫宮粧淺風流天付與精神全在
嬌波轉早是縈心可慣更那堪頻頻顧盼幾回得見
見了還休爭如不見 燭影搖紅夜闌飲散春宵短
當時誰解唱陽關離恨天涯遠無柰雲收雨散凭欄
千東風淚眼海棠開後燕子來時黃昏庭院

安陸浮雲樓

廖世美

靄靄春空畫樓森聳凌雲渚紫薇登覽最閑情絕妙
誇能賦惆悵相思遲暮記當日朱欄共語塞鴻難問
岸柳何窮別愁芬絮 催促年光舊來流水知何處
斷腸何必更殘陽極目傷平楚晚霽波聲帶雨悄無
人舟橫野渡數峯江上芳草天涯參差煙樹

上元

上晁道

吳大年 億

樓雪初消麗譙吹罷單于晚使君千炬起班春歌吹
香風暖十里珠簾盡捲正人在蓬壺闈苑賣新買酒
立馬傳觴昇平重見 誰識遨頭去年曾侍傳柑宴

不章和韻 卷九
至今衣袖帶天香行處氤氳滿已是春宵苦短且莫
遣歡遊意懶細聽歸路壁月光中玉簫聲遠

梅苑 夫名

點點飛香見梅知道春心透怕寒不捲玉樓簾羞與
花同瘦手撚青枝頻嗅諒冷落薔薇金斗翻驚綠鬢
不似芳姿年年依舊 纔破凝酥滿園桃李看看又
江南幽夢了無啼痕暈殘襟袖鴛被有誰溫綉怎敢
更十分帶酒伴君獨自幾箇黃昏月明時候

上元有懷

張材甫 檢

雙闕中天鳳樓十二春寒淺去年元夜奉宸游曾侍

瑤池宴玉殿珠簾盡捲擁群仙蓬壺閭苑五雲深處
萬燭光中揭天絲管 馳隙流年恍如一瞬星霜換
今宵誰念泣孤臣回首長安遠可是塵緣未斷謾惆
悵華胥夢短滿懷幽恨數點寒燈幾聲歸鴈

盱江有懷

趙文鼎 善扛

桃李牆頭向人都作他年意舞絲千丈颺晴光駘蕩
春無際花氣薰然自醉傍垂楊行行緩轡倦游無奈
回首雲山歸期猶未 孟鎖樓空鳥啼花外東風起
少年恩怨付波流臨望朱闌倚冉冉塵生客袂對尊
前高情暫寄洞天一笑仙馭乘空姑峯凝翠

閨情

孫夫人

居金本批作潮

乳燕穿簾亂鶯啼樹清明近隔簾時度柳花飛猶覺
寒成陣長記眉峯偷隱臉桃紅難藏酒暈背人微笑
半鞦韆輕籠蟬鬢別久啼多眼應不似當年俊
滿園珠翠逞春嬌沒箇他風韻若見賓鴻試問待相
將綵牋寄恨幾時得見鬪草歸來雙鴛微潤

侑舒信道中丞

懶堂女子

綠淨湖光淺寒先到芙蓉島謝池幽夢屬才郎幾度
生春草塵世多情易老更那堪秋風嫋嫋晚來羞對
香芷汀洲枯荷池沼恨鎖橫波遠山淺黛無心掃

湘江人去嘆無依此意從誰表喜趁良宵月皎况難
逢人間兩好莫辭沉醉醉入屏山吳歌天曉

熙州慢送迷

張子野先

居金本無倚字

武林鄉占第一湖山詠画爭巧鷺石飛來倚翠樓烟
靄清猿啼曉况值禁垣師帥惠政流入歌謠朝暮萬
景寒潮弄月亂峯迴照天使尋春不早併行樂免
有花愁花笑持酒更聽紅兒肉聲長調瀟湘故人未
歸但目送游雲孤鳥際天杪離情盡寄芳草

望雲間代州南樓

趙獻之可

居金本間作閣

雲朔南陲全趙寶符河山襟帶名藩有朱樓縹緲千

雉回旋雲度飛狐絕險天圍紫塞高寒弔興亡遺跡
咫尺西陵煙樹蒼然時移事改極目春心不堪獨
倚危欄惟是年年飛鴈霜雪知還樓上四時長好人
生一世誰閑故人有酒一尊高興不減東山

卓牌兒

萬俟雅言

東風綠揚天如畫出清明院宇玉豔淡薄梨花帶月
燕支冷落海棠經雨單衣怯黃昏人正在珠簾笑語
相並戲蹴秋千共携手同倚闌干暗香時度翠
繡戶路繚繞潛通幽處斷魂凝佇嗟不似飛絮間
閑愁難消遣此日年年意緒無據柰酒醒春去

早梅香

北帝收威又探得早梅漏春消息粉蕊瓊苞擬將
脂輕染顏色素質盈盈終不許雪霜欺得柰化工
偏宜賦與壽陽粧飾獨自逞冰姿比天桃繁杏殊
別為報山翁逢此有花樽前且須攀折醉賞吟戀
莫辜負好天風月恐笛聲悲紛紛便似亂飛香雪

塞垣春

秋怨

周美成

邦彥

暮色分平野傍葦岸征帆卸烟村極浦樹藏孤館秋
景如畫漸別離氣味難禁也更物象供瀟灑念多才
渾衰減一懷幽恨難寫追念綺窓人天然自風韻

媚雅竟夕起相思謾嗟怨遙夜又還將兩袖珠淚沉
吟向寂寞寒燈下玉骨為多感瘦來無一把

步月

史達祖

剪柳章臺問梅東閣醉中携手初歸逗香簾下璀璨
鏤金衣正依約冰絲射眼更在葦蟾玉西飛輕塵外
雙鴛細感誰賦洛濱妃 霏霏紅霧繞步搖共鬢影
吹入花園莞絃將散人靜燭籠稀泥私語香櫻乍破
怕夜寒羅襪先知歸來也相偎未肯入重幃

漢宮春

晁叔用 冲之

黯黯離懷向東門繫馬南浦移舟薰風亂飛燕子時

下輕鷗無情渭水問誰教日日東流常是送行人去
後煙波一向離愁 回首舊游如夢記踏青帶飲拾
翠狂遊無端綵雲易散覆水難收風流未老拚千金
重入揚州應又似當年載酒依前名占青樓

康伯可 與之

雲海沉沉峭寒收建章雪殘鳩鵲華燈照夜萬井禁
城行樂春隨鬢影映參差柳絲梅萼丹禁杏鰲峯對
聳三山上通寥廓 春衫綉羅香薄步金蓮影下三
千綽約冰輪挂滿皓色冷浸樓閣霓裳帝樂奏昇平
天風吹落留鳳輦通宵宴賞莫放漏聲閑却

梅花

李漢老

潇洒江梅向竹梢
踈處橫兩三枝
東君也不愛惜雪
壓霜欺無情燕子
怕春寒輕失花期
惟是有南來塞
鴈年年長見開時
清淺小溪如練
問玉堂何似茅
舍踈籬傷心故人
去後冷落新詩
微雲淡月對孤芳
分付它誰空自倚
清香未減風流不
在人知

沈會宗

別酒初醒似一番
夢覺屈指堪驚
猶疑送消寄息
遇着人聽當初喚
作據眼前畧畧看
承及去了從頭想
伊心下始覺寧寧
黃昏畫角重城
更傷高念遠懷
抱何勝良時好景
美來半為愁生
幽期暫阻便就中
月白風清千萬計
年年斷除不得是
這些情

上元前一日立春

京仲遠

暖律初回又燒燈
市井賣酒樓臺
誰將星移萬點
月滿千街輕車細
馬隘通衢蹴起香
埃今歲好土牛作
伴挽留春色同來
不是天公省事要
一時壯觀特地安
排何妨絲樓鼓吹
綺席樽壘良宵勝
景語邦人莫惜徘徊
休笑我痴頑不去
年年爛醉金釵

梅苑

失名

梅萼知春見南枝
向暖一朵初芳
冰清玉麗自然賦

得幽香烟庭水榭更無花爭染春光休謾說桃夭杏
冶年年蝶鬧蜂忙立馬竚凝情久念美人自別鱗
羽茫茫臨歧記伊尚帶宿酒殘粧雲踈雨濶怎知千
里思量除是託多情驛使殷勤折寄仙鄉

失名

點點江梅對寒威強出一弄新奇零珠碎玉為誰密
上南枝幽香冷艷縱孤高却遣誰知惟只有江頭驛
伴征鞍獨為遲遲聊撚粉香重問問春來甚日春
去何時移將院落萸應未肯頭低無人共折傍溪橋
雪壓霜欺君不見長安陌上只誇桃李芳菲

張子野先

紅粉苔牆透新春消息梅粉先芳奇葩異卉漢家宮
額塗黃何人鬪巧運紫檀剪出蜂房應為是中央正
色東君別與清香仙姿自稱霓裳更孤標俊格非
雪凌霜黃昏院落為誰密解羅囊銀鏹注水浸數枝
小閣幽窓春睡起纖條在手厭厭宿酒殘粧

失名

玉減香銷被嬋娟誤我臨鏡粧慵無聊強開強解戲
破眉峯憑高望遠但斷腸殘月初鍾須信道承恩不
在貌如何教妾為容風煖鳥聲和碎更日高院靜

居全本巧運作
草草非作霏

居金本節作叩

花影重重愁來待只殢酒酒薄愁濃長門怨感恨無
金買賦臨筇翻動念年年伴女越溪共採芙蓉

仙詞或云洞賓

居金本來作半

橫笛聲沉倚危樓紅日江轉天斜黃塵邊火頰洞何
處吾家胎禽怨夜來乘風玄露丹霞先生笑飛空一
劍東風猶自天涯 情知道山中好早翠鴛含隱瑤
草新芽青溪故人信斷夢颺車乾坤星火歸來了煮
石煎沙回首處幅巾蒲帳雲邊獨是桃花

見庶菴老學叢談

陽臺路

旅情

柳耆卿永

居金本區作驅

楚天晚墜冷風敗葉踈紅零亂冒征塵匹馬驅區愁

見水遙山遠追念年時正恁鳳幃倚香偎暖嬉遊慣
又豈知前懽雲雨分散 此際空勞回首望帝里難
收淚眼暮煙衰草萋暗鎖路岐無限今宵又依前寄
宿甚處葦村山館寒燈半夜耿耿憑何消遣

暗香

姜白石變

居金本奇字下有與字

舊年月色笑幾番照我梅邊吹笛喚起玉人不管清
寒與攀摘何遜而今漸老都忘却春風詞筆但怪得
竹外疎花香冷入瑤席 江國正寂寂嘆寄路遙夜
雪初積翠樽易泣紅萼無言耿相憶長記曾攜手處
千樹壓西湖寒碧又片片吹盡也幾時見得

羽音寂寞恠虛簾晝悄近來無鵲水葉吹寒極目凝
思倚江閣不信相如便老猶未減當時遊樂但趁他
鬪草籌花終是帶離索憶昨更情惡謾認着梅花
是君還錯石牀冷落閑掃松陰與誰酌一自飄零去
輕誤了燈前深約從到此歸未得幾曾忘却

張叔夏

西子粧

張炎

白浪搖天青陰漲地一片野情幽意揚花點點是春
心替風前萬華吹泪遙岑寸碧有誰看朝來清氣自
沉吟甚流光輕把繁華如此斜陽外隱約孤村隔

塢閑門閉漁舟何似莫歸來想桃源路通人世危橋
靜千年事都消一醉謾依依愁落鵲聲萬里

黃鶯兒

柳耆卿

園林晴晝春誰主暖律潛催幽谷暄和黃鸝翩翩乍
遷芳樹觀露濕縷金衣葉映如簧語曉來枝上綿蠻
似把芳心深意低訴無據乍出煖烟來又趁遊蜂
去恣狂踪跡兩兩相呼黃昏霧吟風舞當上苑柳濃
時別館花深處此際海燕偏饒都把韶光與

王晉卿

多情春意芳時節北圃人來傳道江梅依稀芳姿數

枝新發誇嫩臉着胭脂膩骨凝香雪問伊還記年時
正好相看因甚輕別情切往事散浮雲舊恨成華
髮笑知空對綺檻雕闌孜孜望人攀折愁未見苦思
量待見重端疊願與永劬高唐雲雨芳菲月

鳳凰臺上憶吹簫

晁無咎

補之

千里相思况無百里何妨暮往朝還又正是梅初淡
佇鶯未綿蠻陌上相逢緩轡風細細雲日斑斑新晴
好得意未妨行盡春山應携後房小妓來為我盈
盈對舞花間便拚却松醪翠滿密炬紅殘須信征鞍
射虎清世裏曾有人閑都休說簾外夜久春寒

張臺卿

長天霞散遠浦潮平危闌注目江臯長記年年榮遇
同是今朝金盞兩回命相對清光頻許揮毫雍容久
正茶盃初賜香袖時飄歸去玉堂深夜泥封罷金
蓮一寸才燒帝語丁寧曾被華袞親褒如今謾勞夢
想嘆塵踪杳隔仙鰲無聊意強當歌對酒怎消

梅

侯彥周

真

浴雪精神倚風情態百端邀勒春還記舊隱溪橋日
暮驛路泥乾曾伴先生蕙帳香細細粉瘦瓊闌傷半
落一夜夢回腸斷家山空教映溪帶月供遊客無

居金本霞作霜
消作清

倩折滿雕鞍便忘了明窓靜几筆硯同歡莫向高樓
噴笛花似我蓬鬢霜斑都休說今夜倍覺清寒

李易安 清照

香冷金猊被翻紅浪起來慵自梳頭任寶奩塵滿日
上簾鈎生怕離懷別苦多少事欲說還休新來瘦非
干病酒不是悲秋 休休這回去也千萬遍陽關也
則難留念武陵人遠烟鎖秦樓惟有樓前流水應念
我終日凝眸凝眸處從今又添一段新愁

國香 蘭花

張炎

空谷幽人曳冰簪霧帶古意生春結根倦隨蕭艾獨

抱孤真自分生涯淡薄隱蓬蒿甘老山林風烟共憔悴
冷落吳宮草暗花深 霽痕消蕙雲向崖陰飲露
應是知心所思何處滿楚水湘雲肯信遺芳千古依
依澤畔行吟香魂幾成夢短操誰彈月冷瑤琴

醉蓬萊 慶老人
星現

柳耆卿 永

漸亭臯葉下隴首雲飛素秋新霽華闕中天鎖蔥蔥
佳氣嫩菊黃深拒霜紅淺近寶階香砌玉宇無塵金
莖有露碧天如水 正值昇平萬機多暇夜色澄鮮
漏聲迢遞南極星中有老人呈瑞此際宸遊鳳輦何
處度管絃聲脆太液波翻披香簾捲月明風細

永為屯田負外郎會太史奏老人星見時秋霽宴
禁中仁宗命左右詞臣為樂章內侍屬柳應制柳
方冀進用作此詞奏呈上見首有漸字色若不憚
讀至宸遊鳳輦何處乃與御製真宗挽詞暗合上
波澄投之於地自此不復擢用

上巳日有懷

葉少蘊夢得

問春風何事斷送繁紅便拚歸去牢落征途笑行人
羈旅一曲陽關斷雲殘靄做渭城朝雨欲寄離愁綠
陰千轉黃鸝空語遙想湖邊浪搖空翠絃管風高
亂花飛絮曲水流觴有山翁行處翠袖朱欄故人應
也弄畫舫烟浦會寫相思尊前為我重番新句

中秋

謝幼槃邁

望晴峯染黛暮靄澄空碧天無漢圓鏡高飛又一年
秋半皓色誰同歸心暗折聽唳雲孤鴈向月停盃錦
袍何處一尊無伴好生南隣詩盟酒社刻燭爭成
引觴愁緩今夕樓中繼阿連清玩飲劇狂歌歌終起
舞醉冷光零亂樂事難窮踈星易曉又成浩歎

萬俟雅言

正波泛銀漢漏滴銅壺上元佳致絳燭銀燈若繁星
連綴明月逐人暗塵隨馬盡五陵豪貴鬢惹烏雲裙
拖湘水誰家姝麗金闕南邊綵山北面接地羅綺
沸天歌吹六曲屏開擁三千珠翠帝樂深鳳爐煙

居全本生作在

居全本泛作浮
爐作鶯

噴望舜顏瞻禮太平無事君臣宴樂黎民歡醉

壽參政

劉圻父

正霜浮菊淺露染楓深
九秋佳景梅報南枝一點和
羨信峻嶽生申太山瞻魯瑞
啓千年運飛帛奎文儀
皇韶祉明良相慶
歲值豐登道方開
泰塞騎塵收
海鯨波靜幾斗璿
樞仰三階平正保定乾坤親扶日
月萬宇同歌詠比壽彭聃侔
勳周召致君克舜

壽郁梅楚

梅城

倚東風笑問落紅啼鳩
清明來未小雨弄晴做輕寒
天氣南極光中五雲深
處人慶千秋歲翡翠屏間玩

居全本泰作泰

瑤簾下綵衣明媚
九老風流五侯家數如此乾坤
有人如此天正煩君作江南一瑞
世上今泰山中古
晉儘不經吾意但要牡丹年年今日
伴人沉醉

趙德莊

彥端

向蓬萊雲渺姑射山深
有春長好香滿枝南笑人間
驚早試問寒柯鏤冰裁
玉費化工多少東閣詩成西
湖夢覺幾番清曉
好是羅幃麝温屏暖却恨煙村
雨愁風惱一一清芬為東君
傾倒待得明年翠陰青
子蔭鳳凰池沼更把陽和從頭
付與繁花芳草

呂聖求

渭老

任落梅鋪綴鴈齒斜橋裙腰芳草門伴遊絲過曉園
庭沼廝近清明雨晴風軟稱少年尋討碧縷牆頭紅
雲水面柳堤花島 誰信而今怕愁憎酒對着花枝
自踈歌笑鶯語丁寧問甚時重到夢筆題詩帕綾封
淚向鳳簫人道處處傷心年年遠念惜春人老

壽史令人

篁粟 劉坤

正花深繡閣帶拂流蘇暖簾初試窈窕笙歌擁新鮮
珠翠艷菊留金早梅催粉趁得瑤池會畫館凝香仙
家正住芙蓉城裏 楊寢開祥玉枝祝壽列院歡娛
滿堂佳瑞福壽雙星現碧霄雲際京兆時妝如臯樂

居金本妝作收

事占世間榮貴象服魚軒疏封大國齊眉千歲

碧牡丹

李致遠

破鏡重圓分釵合鈿重尋綉戶珠箔說與從前不是
我情薄都緣利役名牽飄蓬無定翻成輕負別後情
懷有萬千牢落 經時最苦分携都為伊甘心寂寞
縱滿眼閑花媚柳終是強歡不樂待憑鱗羽說與相
思水遠天長又難托而今幸以再逢把輕離斷却

聲聲慢

夏景

劉巨濟 溼

梅黃金重雨細絲輕園林霧烟如織殿閣風微簾外
燕喧鶯寐池塘彩鴛戲水露荷翻千點珠滴間畫永

居金本特作時
以作已

稱瀟湘竿叟爛柯仙客 日午槐陰低轉茶甌罷清
風頓生雙腋碾玉盞深朱李靜沉寒碧朋儕閑歌白
雪卸巾紗樽俎狼籍有皓月照黃昏眠又未得

宋徽宗

宮梅粉淡岸柳金勻皇州乍慶春迴鳳闕端門鰲山
彩締蓬萊沉沉洞天向晚寶輿還花滿釣臺輕烟裏
笑誰將金蓮陸地齊開 是處笙歌鼎沸雕鞍趁金
輪隱隱輕雷萬家羅幕千步錦繡相挨銀蟾夜色如
晝共乘歡爭忍歸來踈鐘斷聽行歌猶在禁街

御製

欺寒衝暖占早爭先江梅又報南枝暗香浮動偏宜
映月臨池天然素肌瑩骨笑等閑桃李芳菲勞夢想
似玉人羞懶弄粉粧遲 常恐行歌聲斷猶堪恨無
情塞管輕吹寄遠丁寧折贈隴首雲飛前村夜來雪
裏帶東君須索饒伊爛熳也笑百花猶自未知

石孝友

花前月下好景良辰厮守日許多時正美之間何事
便有輕離無端珠泪暗款染征衫點點紅滋最苦是
慇懃密約做造相思 伊啞櫓聲離岸鳧斷處高城
隱隱天涯萬水千山一去定失花期東君鬪來無賴

散春紅點破梅枝病成也到而今着箇甚醫

和吳夢窓賦梅

吳毅甫 潛

挨晴撥暖載酒呼朋夷猶東圃西園綠萼枝頭兩三
初破輕寒平生自甘寂寞占冷妝不為人妍林逋去
問影踈香暗誰賦其間 空想故山奇事正煙橫嶺
曲月浸溪灣杏錯桃訛那時青子都圓惟曉夢窓知
處對翠禽依約神仙休引角怕征人淚落塞邊

曹元寵 組

重簷飛峻麗絲橫空繁華壯觀都城雲母屏開八面
人在青冥憑欄瑞烟深處 望皇居遙識蓬瀛回環

道五花相鬪壓盡旗亭 歌酒長春不疲金翠照羅
綺笑語盈盈陸海人山輻輳萬國歡聲登臨四時總
好况花朝月白風清豐年樂歲熙熙且醉太平

秋聲

蔣竹山 掇

黃花深巷紅葉低窓淒涼一片秋聲逗雨深聲來中
間夾帶風聲踈踈二十五點麗譙門不鎖更聲故人
遠問誰搖珮簷低鈴聲 彩角聲吹月望漸連營馬
動四起笳聲閃爍鄰燈燈前尚有砧聲知他訴愁到
曉碎嚶嚶多少巷聲訴未了把一半分與鴈聲

閨重九飲郭園

吳君特 文英

居全本堂作墮
巷作蛩

居金本秋作愁

檀栾金碧婀娜蓬萊游雲不醮芳洲露柳霜蓮十分
點綴殘秋新鸞畫眉未穩似含羞低度墻頭秋送遠
駐西臺車馬共惜臨流知道池亭多宴掩庭花長
是驚落秦謳膩粉闌干猶聞凭袖香留輸他翠連拍
甃瞰新粧終日凝眸簾半捲帶黃花人在小樓

元遺山 好問

林間鷄犬江上村墟扁舟處處經過袖裏新詩買斷
古木滄波山中一花一草也留教老子婆婆任人笑
風雲氣少兒女情多不待求田問舍被朝吟暮醉
慣得蹉跎百尺高樓更問平地如何朝來斜風細雨

喜紅塵不到漁簑一尊酒喚元龍來聽浩歌

元夕

高賓王 觀國

壺天不夜寶炬生香光風蕩搖金碧月艷冰痕花外
峭寒無力歌傳翠簾盡捲誤驚回瑤臺仙跡禁漏促
擠千金一刻未耐佳夕捲地香塵不斷最得意輸
它玉陵狂客楚柳吳梅無限眼邊春色鮫綃暗中寄
與待重尋行雲消息乍醉醒怕南樓吹斷曉笛

李易安 清照

尋尋覓覓冷冷清清悽悽慘慘戚戚乍暖還寒時候
正難將息三盃兩盃淡酒怎敵他晚來風急鴈過也

縱傷心却是舊時相識 滿地黃花堆積憔悴損如
今有誰忺摘守着窓兒獨自怎生得黑梧桐更兼細
雨到黃昏點點滴滴這次第怎一箇愁字子得

八聲甘州

旅情

柳耆卿 永

居金本閩作閩

對瀟瀟暮雨洒江天一番洗清秋漸霜風淒緊閨河
冷落殘照當樓是處紅衰綠減苒苒物華休惟有長
江水無語東流 不忍登高臨遠望故鄉渺渺歸思
難收嘆年來蹤跡何事苦淹留想佳人妝樓凝望誤
幾回天際識歸舟爭知我倚闌干處正恁凝愁

送參寥子

蘇東坡

有情風萬里捲潮來無情送潮歸問錢塘江上西河
浦口幾度斜暉不用思量今古俯仰昔人非誰似東
坡老白首忘機 記取西湖西畔正暮山好處空翠
烟霏箕詩人相得如我與君稀約他年東還海道願
謝公雅志莫相遠西州路不應回首為我沾衣

追和東坡韻

晁無咎 補之

謂東坡未老賦歸來天未遣公歸向西湖西處秋波
一種飛靄澄暉又擁竹西歌吹僧老木蘭非一笑千
秋事浮世危機 莫倚平山欄檻是醉翁飲處江雨
霏霏送孤鴻揮手相接眼中稀念平生相從江海任

居金本雅志作
志雅

飄蓬不遣此心違登臨事更何須惜吹帽淋衣

中秋夜作

張功甫 錄

歎流光迅景百年間能醉幾中秋正淒蛩鳴砌驚鳥
翻樹烟淡蘋洲誰喚金輪出海不帶一雲浮繞上青
林頂低轉朱樓人老歡情宜減料素娥信我不為
閑愁念幾番清夢常是故鄉留情風前教聲橫管叫
玉鶯騎向碧空遊誰能顧黍炊榮利蟻戰怨讐

程正伯 錄

問東君既解遣花開不合放花飛念春風枝上一分
花減一半春歸忍見千紅萬翠容易漲挑溪花自隨

流水無計追隨不忍憑高南望記舊時行處芳意
菲菲數年來春減花與故人非縱使梁園賦在柰長
卿老去亦何為搔首亂雲堆裡立盡斜暉

朱雍

聽琤琤漏永洗銀林梅英半寒收正蟾輝舒粉雲容
綾色切近粧樓人在東風竚立悄悄獨凝眸多少橫
斜影縈繞江流只有清香暗度墮髻簪珥玉曾賦
清游認瑤車水輒佳致肯延留指蓬山丹砂初轉望
滄溟羽佩一同舟仙娥許酒澠與我消盡春愁

留客住

柳耆卿 永

偶登眺凭小樓艷陽時節乍晴天氣是處閑花芳草
遙山萬疊雲散漲海千里潮平波浩渺煙村院落是
誰家綠樹數聲啼鳥 旅情悄遠信沉沉離魂杳杳
對景傷懷度日無言誰表惆悵舊懽何處後約難憑
看看春又老盈盈淚眼望仙鄉隱隱斷霞殘照

雪月交光

劉行簡 一止

正五雲飛杖縞練織裳亂空交舞拂石歸來向玉堦
微步欲喚冰娥暫憑風使為掃氛驅霧漸見停輪人
間未識高空真侶 千里無塵地連天向倦客西來
路迷江樹故國烟深想溪橋何處雲鬢分行翠眉縈

曲對夜寒樽俎清影徘徊端應坐有風流能賦

慶千秋

歐慶嗣 翰

點檢堯堯自元宵過了兩莢初飛葱葱鬱鬱佳氣喜
溢庭闈唯知降月裏姮娥欣對良時但見婺里騰瑞
彩年年輝映南箕 好是庭階蘭玉伴一枝丹桂戲
舞萊衣椒觴迭將捧獻歌曲吟詩如王母款對群仙
同宴瑤池萱草茂長春不老百千祝壽無期

居金本唯作誰



花草粹編卷之九終

國家圖書館, NATIONAL CENTRAL LIBRARY, TAIPEI, R.O.C.

花草粹編 卷九
終

花草粹編十卷目錄

長調

- | | | |
|----------------------|------------------------|---------------------|
| 慶清朝 <small>三</small> | 倦尋芳 <small>四</small> | 玉簫涼 |
| 燕春臺 | 夏初臨 | 逍遙樂 |
| 迷神引 <small>二</small> | 長亭怨慢 | 黃鸝遠碧樹 |
| 帝臺春 | 瑤臺第一層 <small>二</small> | 碧芙蓉 |
| 晝夜樂 <small>三</small> | 春草碧 | 飛龍宴 |
| 夏日燕鸞堂 | 十月桃 | 十月梅 |
| 芰荷香 | 並蒂芙蓉 | 水晶簾 |
| 福壽千春 | 雨中花慢 <small>七</small> | 孤鶯 <small>二</small> |

雙雙燕 八節長歡 四

奪錦標 應天長慢 二十

繡停針 瓊瓏四犯 三

月華清 三 玉蝴蝶 八

三姝媚 三 鎖寒窓 四

紫玉簫 三部樂 三

丁香結 貽龍謠 二

月下笛 垂楊 鴈過粧樓

大有 陌上花 蠟梅香 二

秋宵吟 東風第一枝 三 錦堂春

換巢鸞鳳 春夏兩相期 高陽臺 三

石州引 慶長春 琵琶仙

舜韶新 四代好 雙頭蓮 二

御帶花 萬年歡 四 解語花 二

杏花天 惜寒梅 慶春澤

壽樓春 逸佛閣 傳枝花

引駕行 渡江雲 三 絳都春 六

夜合花 壺中天 即念奴嬌 念奴嬌 一名大

江東去 赤壁詞 百字 無俗念 二

湘月 鳳簫吟 長壽仙

CENTRAL



NATIONAL CENTRAL LIBRARY, TAIWAN, R.O.C.

丹鳳吟 燕歸慢 瑤臺聚八仙

丹鳳吟

燕歸慢

瑤臺聚八仙

花草粹編十卷目錄終

花草粹編卷之十

長調

慶清朝踏青

王通叟觀

朗陵外方陳耀文晦伯甫篋

調雨為酥催冰做水東風分付春還何人便將輕暖
點破殘寒結伴踏青去好平頭鞋子小雙鸞烟柳外
望中秀色如有無間晴則箇陰則箇餽得天氣
有許多般須教撩花撥柳爭要先看道吳綾繡襪
香泥斜沁幾行班東風巧盡收翠綠吹在眉山

上樓大參

李居厚廷忠



花草粹編 卷十

天啓重光地鍾上瑞有人起自東山當年謝傅幾曾
鶴髮貂冠不似文章雋老重來鳴步斗樞間洪鈞轉
五原草綠太白兵閑 運慶今朝初度正日添紋線
月掛冰盤恩重御壺宣勸喜溢天顏聽取沙隄好語
金科紅篆押千官春長在調元鼎裏不假還丹

李易安 清照

禁幄低張彤欄巧護就中獨占殘春容華淡竚綽約
俱見天真待得群花過後一番風露曉粧新妖嬈艷
態妬風笑月長端東君 東城邊南陌上正日烘池
館竟走香輪綺筵散日誰人可繼芳塵更好明光宮

殿幾枝先近日邊勻金樽倒拚了盡燭不管黃昏

倦尋芳 春景

王元澤 粵

露晞向曉簾幙風輕小院閑晝翠逕鶯來驚下亂紅
鋪繡倚危樓登高榭海棠着雨胭脂透萋韶華又因
循過了清明時候 倦遊燕風光滿目好景良辰誰
共携手恨被榆錢買斷兩眉長鬪憶得高陽人散後
落花流水仍依舊這情懷對東風盡成消瘦

春閨

潘元質 一作蘇養直

獸鑲半掩鴛鴦無塵庭院瀟灑樹色沉沉春盡燕嬌
鶯姹夢草池塘青漸滿海棠軒檻紅相亞聽簫聲記

秦樓夜約彩鸞齊跨 漸迤邐更催銀箭何處貪歡
猶繫嬌馬旋剪燈花兩點翠眉誰畫香滅羞回空帳
裏月高猶在重簾下恨踈狂待歸來碎揉花打

春思

盧申之 祖阜

香泥壘燕密葉巢鶯春暗寒淺花徑風柔着地舞裊
紅軟鬪草煙欺羅袂薄秋千影落春遊倦醉歸來記
寶帳歌慵錦屏香爇 別來悵光陰容易還又荼蘼
牡丹開徧妬恨踈狂那更柳花迎面鴻羽難憑芳信
短長安猶近歸期遠倚危樓但鎮日綉簾高捲

餞周糾定夫

吳君特 文英

暮帆挂雨冰岸飛梅春思零亂送客將歸偏是故宮
離苑醉酒曾同涼月舞尋芳還隔紅塵面去難留悵
芙蓉路窄綠楊天遠 便繫馬鶯邊清曉煙草晴花
沙潤香軟爛錦年華誰念故人遊倦寒食相思隄上
路行雲應在孤山畔寄新吟莫空回五湖春鴈

玉簫涼

史邦卿 遠祖

秋是愁鄉自錦瑟斷絃有淚如江平生花裡語柰舊
夢難忘藍橋雲樹正綠料抱月幾夜眠香河漢阻但
鳳音傳恨攔影敲涼 新妝蓮嬌試曉梅瘦破春因
甚却扇臨窓紅巾銜翠翼早弱水茫茫柔情各自未

剪問此去莫負王昌芳信準更敢尋紅杏西廂

燕春臺

張子野先

麗日千門紫烟雙闕瓊林又報春回殿閣風微當時
去燕還來五侯池館屏開探芳菲走馬天街重簾人
語鞦韆車憶遠近輕雷 雕觴霞滌醉幙雲飛楚腰
舞柳宮面粧梅金猊夜煖羅衣暗裏香煤洞府人歸
笙歌燈火樓臺下蓬萊猶有花上月清影徘徊

夏初臨

夏初

劉巨濟

溼

泛水新荷舞風輕燕園林夏日初長庭樹陰濃雛鶯
學美新簧小橋飛入橫塘跨青蘋綠藻幽香朱欄斜

倚霜紈未搵衣袂先涼 歌歡稀遇怨別多同路遙
水遠煙淡梅黃輕衫短帽相携洞府流觴况有紅粧
醉歸來寶蠟成行拂牙床紗厨半開月在回廊

道遙樂

黃魯直

庭堅

春意漸歸芳草故國佳人千里信沉音杳雨潤烟光
晚景澄明極目危闌斜照亭當年少對尊前上客鄒
枚小鬟燕趙共舞雪歌塵醉裏談笑 花色枝枝爭
好鬢絲年年漸老如今遇風景空瘦損向誰道東君
幸賜天幕翠遮紅透休休醉鄉岐路華胥蓬島

迷神引

述懷

柳耆卿

永

一葉扁舟輕帆捲暫泊楚江南岸孤城暮角引胡笳
怨水茫茫平沙鴈旋驚散煙斂寒林簇画屏展天際
遙山小黛眉淺 舊賞輕拋到此成遊宦覺客程勞
年光晚異鄉風物忍蕭索當愁眼帝城賒秦樓阻旅
魂亂芳草連空闊殘照滿佳人無消息斷雲遠

朱雍

居全本滿字下
有遠字

白玉樓高雲光繞望極新蟾同照前村暮雪霽梅林
道間風平波聲渺喜登眺踈影寒枝裊太春早臨水
凝清淺靚粧巧 瘦體傷離向此縈懷抱覺璧華輕
冰痕小倦聽塞管轉嗚咽令人老素光回長亭靜無

居全本高字下
有遠字

塵到煙鎖橫塘暖香徑悄飛英難拘束任春曉

長亭怨慢

姜堯章

漸吹盡枝頭香絮是處人家綠深門戶遠浦縈回暮
帆零亂向何許閱人多矣誰得侶長亭樹樹若有情
時不會得青青如此日暮 望高城不見只見亂山
無數常即去也怎忘得玉環分付第一是早早歸來
怕紅萼無人為主算只有并刀難剪離愁千縷

黃鸝遶碧樹

周美成

邦彥

雙闕籠嘉氣寒威日晚歲華將暮小院閑庭對寒梅
照雪淡烟凝素忍當迅景動無限傷春情緒猶賴是

居全本日暮二
字在下半闕

才草手錄 卷一
上苑風光漸好芳容將煦 草莢蘭芽漸吐且尋芳
更休思慮這浮世甚驅馳利祿奔競塵土縱有魏珠
照乘未買得流年住爭如盛飲流霞醉偎瓊樹

帝臺春

恨春

李景元

甲

芳草碧色萋萋遍南陌飛絮亂紅也似知人春愁無力憶得盈盈拾翠侶共攜賞鳳城寒食到今來海角
逢春天涯行客 愁旋釋還似織淚暗拭又偷滴謾
倚遍危闌儘黃昏也只是暮雲凝碧拚則而今已拚
了忘則怎生便忘得又還問鱗鴻試重尋消息

瑤臺第一層

上元扈
墨莊漫錄

宋宗室仲御

嶰管聲催人報道嫦娥步月來鳳燈鳶炬寒輕簾箔
光泛樓臺萬年正春未老更傍那日月蓬萊從仙仗
看星河銀界錦繡天街 歡陪千官萬騎九霄人在
五雲堆赭袍光裏星毬宛轉花影徘徊未央宮漏永
散異香龍闈崔嵬翠輿回奏仙韶歌吹寶殿尊壘

賢良朱雍

西母池邊宴罷贈南真步玉霄緒風和扇冰華發秀
雪質孤高漢波澄練影問是誰獨立江臯便凝望認
壺中圭璧天上瓊瑤 清標曾陪勝賞坐忘愁斛醉
使塵銷况雙成與乳丹點深都付香梢壽糝酥冷郢

韻珮舉麝捲雲綃樂遙道鳳皇臺畔憶取吹簫

碧芙蓉

亦名尾犯

柳耆卿

永

晴煙暮暮漸東郊芳草染成輕碧野塘風暖遊魚動
觸水漸微坼幾行斷鴈旋次第歸霜磧詠新詩手撚
江梅故人贈我春色 以此光陰催逼念浮生不滿
百雖照人軒冕潤屋金珠於身何益一種芳心力圖
利祿殆非長策除是恁點檢笙歌訪尋羅綺銷得

晝夜樂

柳耆卿

洞房記得初相遇便只合長相聚何期小會幽懽變
作別離情緒况值闌珊春色暮對滿目亂花狂絮直

恐好風光盡隨伊歸去 一場寂寞憑誰訴笑前言
揔輕負早知恁地難拚悔不當初留住其柰風流端
正外更別有繫人心處一日不思量也攢眉千度

二

秀香家住桃花徑算神仙才堪並層波細剪明眸賦
玉圓搓素頸愛把歌喉當筵逞過天邊亂雲愁凝言
語似嬌鶯一聲聲堪聽 洞房飲散簾幃靜擁香衾
懽心稱金爐麝裊青烟鳳帳燭搖紅影無限狂心乘
酒興這歡娛漸入嘉境猶自怨隣鷄道秋宵不永

山谷

黃庭堅

夜深記得臨岐語說花時歸來去教人每日思量到
處與誰分付其柰冤家無定據約雲朝又還雨暮將
淚入鴛衾揔不成行步 元來也解知思慮一封書
深相許情知玉帳堪歡為向金門進取直待腰金拖
紫後有夫人縣君相與爭柰會分踈沒嫌伊門路

春草碧

俗呼中管高

萬俟雅言

又隨芳緒生看翠連霽空愁遍征路東風裏誰望斷
西塞恨迷南浦天涯地角意不盡消沉萬古曾是送
別長亭下細綠暗煙雨 何處亂紅鋪繡茵有醉眠
蕩子拾翠遊女王孫遠柳外共殘照斷雲無語池塘

夢生謝公後還能繼否獸上画樓春山暝鴈飛去

飛龍宴

蘇小娘

吳七郡王姬

炎炎暑氣時流光閃爍間高深院水閣涼亭半開簾
幙遙觀灼灼榴花吐艷細雨洒小荷香淺封陰竹影
清涼滿洒枕簟搖紈扇 堪嘆浮世忙如箭對良辰
歡樂莫辭頻勸遇酒逢歌恣情遂意迷戀須信人生
聚柰區區利率名絆少年未倦良天皓月金樽滿

夏日燕黌堂

雅詞拾遺

日初長正園林換葉瓜李飄香簾外雨過送一霎微
涼萍蕪逕曲凝珠顆襯汀沙細簇蜂房被晚風輕颭

圓荷翻水潑覺鴛鴦 此景最難忘稱芳樽泛蟻筠
簞鋪湘蘭舟棹穩倚何處垂楊豈能文字成狂飲更
紅裙間也何妨任醉歸明月蝦鬚簾篩幾線餘霜

十月桃

樂府雅詞

東籬菊盡徧園林敗葉滿地寒夢露井平明破香籠
粉初開佳人共喜芳意呵手剪密插鴛釵無言有艷
不避繁霜變作春媒 問武陵溪上誰栽分付與南
國舞榭歌臺恰似凝酥襯玉點綴裝裁東君自是為
主先煖信律管飛灰從今雪裏一番花休話江梅

十月梅

梅苑

千林凋盡一陽未報已綻南枝獨對霜天冒寒先占
花期清香映月浮動臨淺水踈影斜欹孤標不似綠
李夭桃取次成蹊 縱壽陽粧臉偏宜應未笑天然
雅態冰肌寄語高樓凭欄羌管休吹東君自是為主
調鼎鼎終付他時從今點綴百草千花須待春歸

菱荷香

萬俟雅言

小瀟湘正天影倒碧波面容光水仙朝罷間列綠蓋
紅幢吹風細雨蕩十頃浥浥清香人在水精中央霜
綃霧敷襟袂收涼 欸放輕舟闌紅裏有蜻蜓點水
交頸鴛鴦翠陰密處曾覓相並青房晚霞散綺泛遠

淨一葉鳴榔擬去儘促凋觴歌雲未斷月上飛梁

朱希真 敦儒

遠尋花正風亭霽雨煙浦移沙緩提金勒路擁桃葉
香車憑高悵飲照羽觴晚日橫斜六朝浪語繁華山
圍故國綺散餘霞 無柰尊前萬里客歎人今何在
身老天涯壯心零落怕聽疊鼓柁檣江浮醉眼望浩
渺空想靈槎曲終淚濕琵琶誰扶上馬不省還家

並蒂芙蓉

晁端履 能改齋漫錄

大液波澄向鑑中照影芙蓉同蒂千柄綠荷深竝丹
臉爭媚天心眷臨聖日殿宇分明啟嘉瑞弄香嗅蕊

願君王壽與南山齊比 池邊屢面翠輦擁群仙醉
賞憑欄凝思萼綠攬飛瓊共波上遊戲西風又看露
下更結雙雙新蓮子闔裝兢羨問鴛鴦向誰留意

水晶簾 上定齋

東軒

誰道秋期遠更旬浹雙星相見雨足西簾正玉井蓮
開壽筵初展麈尾呼風祛暑淨那更着綸巾羽扇
清歌不記杯行任深任淺 湖邊小池苑漸苔痕竹
色青青如染辨橘中荷屋晚芳自占蝸角虛名身外
事付骰子紛紛戲選喜時平公道開明話頭正轉

福壽千秋 慶黃排岸

梅坡

柳暗三眠冀翻七莢稟昂蕭生時叶信道鳳毛池上
種却勝河東鸞鷲篤志典墳經旨素得歐陽學妙文
章赴飛黃姓名即登鴈塔 要成發軔勲業便先教
濟川整頓舟楫兆朕于今須從此超遷榮膺異渥它
日趨裝事待還鄉權洽頌椒觴祝遐筭壽同龜鶴

雨中花慢

張安國 孝祥

一葉凌波十里御風烟鬢雨鬢蕭蕭認得江臯玉珮
水館冰綃秋淨明霞乍吐曙涼宿靄初消恨微顰不
語欲進還休凝竚超遙 神交冉冉愁思盈盈斷菟
欲遣誰招還似待青鸞傳信烏鵲成橋悵望胎仙琴

居金本超作逆

疊羞看翡翠蘭苕夢回人遠紅雲一片天際笙簫

牡丹菊

東坡

今歲花時深院盡日東風蕩颺茶煙但有綠苔芳草
柳絮榆錢聞道城西長廊古寺甲第名園有國艷帶
酒天香染袂為我留連 清明過了殘紅無處對此
淚洒樽前秋向晚一枝何事向我依然高會聊追短
景清商不假餘妍不如留取十分春態付與明年

吳子和 禮之

春濃恩重長離永別憑誰為返香魂憶湘裙霞袖杏
臉櫻唇眉掃春山淡淡眼裁秋水盈盈便如何忘得

溫柔情態恬靜天真 凭闌念及夕陽西下暮煙四起江村漸入夜疎星映柳新月籠雲醞造一生清瘦能消幾箇黃昏斷腸時候簾垂深院人掩重門

春日旅况

劉伯寵

縹蒂細枝玉葉翡翠百梢爭趁春忙正雨後蜂粘落絮燕撲晴香遺策誰家蕩子唾花何處新粧想流紅有恨拾翠無心往事淒涼 春愁如海客思翻空帶圍只看東陽更那堪玉笙度曲翠羽傳觴紅淚不勝閨怨白雲應老他鄉夢回羈枕風驚庭樹月在西廂

張才翁

萬縷青青初眠官柳向人猶未成陰擬征鞍無語擁鼻微吟遠宦情懷誰問空勞壯志銷凝好花時節山城留滯又負歸心 別離萬里飄蓬無定誰念會合難憑相聚裏莫辭金盞酒淺還深欲把春愁抖擻春愁轉更難禁亂山高處凭欄垂袖聊寄登臨

才翁風韻不羈初任臨邛秋官張公庠待之不厚會妓楊皎曰老子到彼必有詩詞可速寄來公庠既到白鶴便留題曰初眠官柳未成陰馬上聊為擁鼻吟遠宦情懷銷壯志好花時節負歸心別離長恨人南北會合休論酒淺深欲把春愁開抖擻亂山高處一登臨皎歌於公庠之側公庠問之皎前寄皎公庠再坐皎歌於公庠之側公庠問之皎前稟曰張公庠再坐皎歌於公庠之側公庠問之皎前獻曰張公庠再坐皎歌於公庠之側公庠問之皎前

任昉

事往人離還似暮峽歸雲壠上流泉柰向分圓鏡已
斷么絃長記酒闌歌罷難忘月夕花前相携手處瑤
樓珠戶觸目依然 從來慣共綉幃羅帳鎮效比翼
文鴛誰念我而今清夜常是孤眠入戶不如飛絮傍
懷爭及爐烟這回休也 一生心事為你縈牽

玉照新志云此得廉宣仲有所記謂饒州舉
子張生事也或云即知常之子功素也

辛幼安 葉疾

馬上三年醉帽吟鞍錦囊詩卷長留悵溪山舊管風
月新收明便關河杳杳去應日月悠悠笑千篇索價

未抵蒲桃五斗涼州 停雲老子有酒盈尊琴書端
可消憂渾未解傾身一飽浙米矛頭心似傷弓塞鴈
身如喘月吳牛曉天涼夜月明誰伴吹笛南樓

孤鷺 春早

馬莊父

沙堤香軟正宿雨初收落梅飄滿可柰東風暗逐馬
蹄輕捲湖波又還漲綠粉墻陰日融烟煖驀地刺桐
枝上有一聲春喚 任酒帘飛動画樓晚便指教燒
燈時節非遠陌上叫聲好是賣花行院玉梅對粧雪
柳開蛾兒象生嬌顛歸去爭先戴取倚寶釵雙燕

早梅

朱希真 敦儒

屈金本叫作歌

天然標格是小萼堆紅芳姿凝白淡竚新粧淺點壽
陽宮額東君想留厚意倩年年與傳消息昨日前村
雪裏有一枝先拆念故人何處水雲隔縱駟使相
逢難寄春色試問丹青手是怎生描得曉來一番雨
過更那堪數聲羗笛歸去和羨未晚勸行人休摘

雙雙燕

史邦卿遠祖

過春社了度簾幕中間去年塵冷差池欲住試入舊
巢相並還相雕梁藻井又軟語商量不定飄然快拂
花梢翠尾分開紅影芳徑芹泥雨潤愛貼地爭飛
競誇輕俊紅樓歸晚看足柳昏花暝應自樓香正穩

居金本樓作樓

便忘了天涯芳信愁損翠黛雙蛾日日画欄獨凭

黃河清慢應制

晁次膺端禮

居金本沈作沈

晴景初升風細細雲收天淡如沈望外鳳皇城闕葱
蔥佳氣朝罷香烟滿袖侍臣報天顏有喜夜來連得
封章奏大河徹底清泚君王壽與天齊馨香動上
穹頻降祥瑞大晟奏功六樂初調宮徵合殿薰風乍
轉萬花覆千官盡醉內家傳詔重開宴未央宮裏

鐵圍山叢談云宣和初燕樂初成八音告備因作
徵招角招有曲名黃河清壽香明二者音調極韶
美次膺作此詞時天下無問邇小大雖偉男鬢
女皆爭唱之又有一曲曰深院鎖春風俏無人桃
李自笑亦歌之

八節長歡

送孫守公素

毛澤民

滄

名滿人間記黃金殿舊賜清閑才高鸚鵡賦風凜惠
文冠濤波何處試蛟鱗到白頭猶守溪山且做龔黃
樣度留與人看 桃蹊柳曲陰圓雖唱斷旌旗却捲
春還襦袴寄餘溫雙石畔唯聞吏膽長寒詩翁去誰
細遶屈曲欄干從今後南來幽夢應隨月度雲端

登高詞

前人

澤國秋深綉楹天近坐久竟清溪山遶樽酒雲霧浥
衣襟餘霞孤鴈送愁眼寄寒閨一點離心杜陵老兩
峯秀處短髮踈巾 佳人為拆寒英羅袖濕真珠露

冷金鈿幽艷為誰妍東籬下却教醉倒淵明君但飲
莫覩他落日蕪城從教夜龍山明月端的解留人

奪錦標

送李景山

應滕賓

越嶠志

老氣盤空牙名照萬里西風行色人物朝中第一司
馬題橋班超投筆記承流宣化早威聲先馳殊域看
吟鞭笑指關河歷當年曾識 自古人心忠義百水
朝東衆星拱極銅柱無端隔斷天南天北念瞻丹闕
捧紅雲金泥香調屑明年歸對西山細說安邊策

應天長慢

寒食

周美成

邦彥

條風布暖霏霧弄晴池塘遍滿春色正是夜堂無月

居金本牙作才

沉沉暗寒食梁間燕前社客似笑我閉門愁寂亂花
過隔院芸香滿地狼籍長記那回時邂逅相逢郊
外駐油壁又見漢宮傳燭飛煙五侯宅青青草迷路
陌強載酒細尋前跡市橋遠柳下人家猶自相識

閨情

康伯可與之

管絃綉陌燈火畫橋塵香舊時歸路腸斷蕭娘舊日
風簾映朱戶鶯能舞花解語念後約頓成輕負緩雕
轡獨自歸來凭闌情緒楚岫在何處香夢悠悠花
月更誰主惆悵後期空有鱗鴻寄紈素枕前淚窓外
雨翠幙冷夜涼虛度未應信此度相思寸腸千縷

蘇堤春曉

西湖十景

張矩

曙林帶暝晴靄弄霏鶯花未認遊客草色舊迎雕輦
蒙茸暗香陌秋千架閒曉索正露濕綉駕痕窄費人
省隔夜濃歡醒處先覺重過湧金樓畫舫紅旌催
向斷橋泊又怕晚天無準東風妬芳約垂楊岸今勝
昨水院近占春光酌恁時候不道歸來香斷燈落

平湖秋月

候蛩探暝書鴈寄寒西風暗剪綃織報道鳳城催鑰
笙歌散無跡冰輪駕天緯逼漸欸引素娥遊歷夜粧
靚獸展菱花淡絢秋色人在湧金樓漏迴繩低光

居金本舊作舊

重袖香滴笑語又驚栖鵲南飛傍林闌孤山影波共
碧向此際隱逋如識夢仙遊倚遍霓裳何處聞笛

斷橋殘雪

梵澌涸曉篙水漲漪孤山漸捲雲簇又見岸容舒臘
菱花照新沐橫斜樹香未北倩點綴數梢疎玉斷腸
處日影輕消休怨霜竹 簾上湧金樓酒艷酥融金
縷試春曲最好半殘鳩鵲登臨快心目瑤臺夢春未
足更看取灑窓填屋灞橋外柳下吟鞭歸趁游燭

雷峯落照

磬圓樹杪舟亂柳津斜陽又滿東角可是暮情堪翦

平分付烟郭西風影吹易落認滿眼脆紅先爍笑惟
有塔起半輪千載如昨 誰信湧金樓此際憑闌人
共楚天約準擬換樽陪月繒空捲塵幙飛鴻倦低未
泊鬪倒指数來還錯笑聲裏立盡黃昏剛道愁惡

麴院風荷

換橋渡舫添柳護堤坡僂舊欠今續四面水窓如染
香波釀春麴田田處成暗綠正萬羽背風斜轟亂鷗
去不信雙鴛午睡猶熟 還記湧金樓共撫雕闌低
度浣沙曲自與故人輕別榮枯換涼燠亭亭影驚艷
目忍到手又成輕觸悄無語獨捩花鬢心事曾卜

花港觀魚

岬容浣錦波影墮紅纖鱗巧避鳧唼禹浪未成頭角
吞舟膽猶怯湖山水江海匝怕自有暗泉流接楚天
遠尺素無期枉語停楫 回望湧金樓帶草蠻烟縹
緲際城堞漸見暮榔敲月輕舫亂如葉濠梁興歸未
愜記舊伴袖携留插指魚水總是心期休怨三疊

南屏晚鐘

翠屏對晚烏榜占隄鐘聲又斂春色幾度半空敲月
山南應山北歡娛地空浪迹謾記省五更聞得洞天
曉夾柳橋踈穗縱香勒 前度湧金樓嘯傲東風鷗

居金本裁作裁

鷺半相識暗數院僧歸盡長虹卧深碧花間恨猶記
憶正素手暗裁輕折夜深後不道人來燈細窓隙

柳浪聞鶯

翠迷倦舞紅駐老粧流鶯怕與春別過了禁煙寒食
東風顫環鐵遊人恨柔帶結更喚醒羽喉宮舌画船
遠不認綿蠻晚棹空歇 争似湧金樓燕燕歸來鈎
轉暮簾揭對語畫梁消息香泥砌花屑昆明事休更
說費夢繞建章宮闕曉啼處穩繫金狨雙鐙籠月

三潭印月

挂輪逼彩菱沼漾金潛虬暗動鮫室水路乍疑霜雪

明眸洗春色年時事還記憶對萬頃封痕龜折舊遊
處不認三潭此際曾識今度湧金樓素練縈窓頻
照庾侯席自與影娥人約移舟弄空碧宵風悄籤漏
滴早未許睡魔相覓有時恨月被雲妨天也拚得

兩峯挿雲

暮屏翠冷秋樹赭踈雙峯對起南北好與霽天相接
浮圖現西極茗荒處雲共碧謾費盡少年游屐故鄉
遠一望空遙水斷煙隔閒凭湧金樓激艷波心如
洗夢淹筆喚起睡龍蒼角盤空壯商邑西湖路成倦
客待倩寫素鱣千尺便歸去酒底花邊猶自看得

雲僊引

桂花

紫鳳臺高紅鴛鏡裏緋緋幾度秋馨黃金重綠雲輕
丹砂鬢邊滴粟翠葉玲瓏烟剪成含笑出簾月香滿
袖天霧縈身年時花下逢迎有遊女翩翩如五雲
亂擲芳英為簪斜朶事事關心長向金風一枝在手
嗅藥悲歌雙黛嚔遠臨溪樹對初弦月露下更深

馮偉壽

艾子

繡停針

陸務觀

游

歎半紀跨萬里秦吳頓覺衰謝回首鷓行英俊並遊
咫尺玉堂金馬氣凌高華負壯畧縱橫王霸夢經洛
浦梁園覺來淚流如瀉山林定去也却自恐說著

少年時話靜院焚香閑倚素屏今古總成虛假起時
婚嫁幸自有湖邊茅舍燕歸應笑客中又還過社

瓊瓏四犯

春思

周美成

邦彥

穠李夭桃是舊日潘郎親試春艷自別河陽長負露
房煙臉憔悴鬢點吳霜念想夢魂飛亂嘆畫欄玉砌
都換總始有緣重見夜深偷展香羅薦暗牕前醉
眠葱蒨浮花浪藥都相識誰更曾擗眼休問舊色舊
香但認取芳心一點又片時一陣風雨惡吹分散

京口寄所思

史達祖

居金本江南二

閨甚吳天頓放得離緒江南多少一雨為秋涼氣小

字在離緒二字
上客作空

窓先到輕夢聽徹風蒲又散入楚客清曉問世間愁
在何處不離澹烟芳草簾紋獨浸芙蓉影想淒淒
欠郎偎抱即今卧得雲衣冷山月仍相照方悔翠袖
易分難聚有玉香花笑待鴈來先寄新詞歸去且教
知道

越中歲暮聞簫鼓感懷

姜克章

夔

疊鼓夜寒垂燈春淺匆匆時事如許倦遊歡意少俛
仰悲今古江淹又吟恨賦記當時送君南浦萬里乾
坤百年身世惟有此情苦揚州柳垂官路有輕盈
喚馬端正窺戶酒醒明月下夢逐潮聲去文章信美

知何用謾贏得天涯羈旅教說與春來要尋花伴侶

金菊對芙蓉

東坡

花則一名種分三色嫩紅妖白嬌黃正新秋佳景雨
霽風涼郊墟十里飄蘭麝瀟灑處旖旎非常自然風
韻開時不惹蜂亂蜂狂 携酒獨揖蟾光問花神何
屬離兌中央引騷人乘興廣賦詩章幾多才子爭攀
折嫦娥道三種清香狀元紅是黃為榜眼白探花郎

秋怨

康伯可與之

梧葉飄黃萬山空翠斷霞流水爭輝正金風西起海
燕東歸凭欄不見南來鴈望故人消息遲遲木樨開

後不應悞我好景良時 只念獨守孤幃把枕前祝
付一旦分飛上秦樓遊賞酒殢花迷誰知別後相思
苦悄為伊瘦損香肌花前月下黃昏院落珠淚偷垂

劉靜甫

清夫

淺拂春山慢橫秋水玉纖閑理絲桐按清冷繁露淡
竚悲風素絃瑤軫調新韻顫翠翹金簇芙蓉疊蠲重
鎖輕挑慢摘特地情濃 泛商刻羽無窮似和鳴鳶
鳳律應雌雄問高山流水此意誰同箇中只詩知音
聽有茂陵車馬雍容畫簾人靜琴心三疊時倒金鐘

居全本詩作許

月華清

別憶

馬莊父

瑟瑟秋聲蕭蕭天籟滿庭搖落空翠數遍丹楓不見
葉間題字人何處千里婵娟愁不斷一江流水遙睇
見征鴻幾點碧天無際 悵望月中仙桂問竊藥佳
人誰與同歲把鏡當空照盡別離情意心裏恨莫結
丁香琴上曲休彈秋思怕裏又悲來老却蘭臺公子

春夜對月

洪叔瑱

花影搖春虫聲吟暮九霄雲幕初捲誰駕水蟾擁出
桂輪天半素魄映青瑣窓前皓彩散画欄干畔凝睇
見金波晃漾分輝鵲殿 况是風柔夜暖正燕子新
來海棠微綻不似秋光只照離人腸斷恨無柰利鎖

名韉誰為喚舞裙歌扇吟玩怕銅壺催曉玉繩低轉

梨花

朱淑真

雪壓庭春香浮花月攬衣還怯單薄欹枕徘徊又聽
一聲乾鵲粉淚共宿雨闌干清夢與寒雲寂寞除却
是江梅曾許詩人吟作 長恨曉風漂泊且莫遣香
肌瘦減如削深杏夭桃端的為誰零落况天氣粧點
清明對美景不妨行樂拚着向花時取一杯獨酌

玉蝴蝶

柳耆卿

漸覺芳郊明媚夜來膏雨一洗塵埃滿目淺桃深杏
露染烟裁銀塘靜魚鱗簾展烟岫翠龜甲屏開殷晴

雷雲中鼓吹遊徧蓬萊 徘徊隼旗前後三千珠履
十二金釵雅俗熙熙下車成宴盡春臺好雍容東山
妓女堪笑傲北海樽壘且追陪鳳池歸去那更重來

秋思

前人

望處雲收雨斷凭欄悄悄目送秋光晚景蕭疎堪動
宋玉悲涼水風輕蘋花漸老月露冷梧葉飄黃遣情
傷故人何在烟水茫茫 難忘文期酒會幾辜風月
屢變星霜海濶山遙未知何處是瀟湘念雙燕難憑
遠信指暮天空識歸航黯相望斷鴻聲裏立盡斜陽

重陽

前人

淡蕩素商行暮遠空雨歇平野煙收滿目江山堪助
楚客冥搜素光動雲濤漲晚紫翠冷霜歟橫秋景清
幽渚蘭香謝汀樹紅愁 良儔西風吹帽東籬携酒
共結懽遊淺酌低吟坐中俱是飲家流對殘暉登臨
休嘆賞令節酌酹方酌且相留眼前尤物盞裡忘憂

春思

晁叔用

沖之

目斷江南千里灞橋一望烟水微茫畫鎖重門人去
暗惜流光雨輕輕梨花院落風淡淡楊柳池塘恨偏
長佩沉湘浦雲散高唐 清狂重來一夢手搓梅子
煮酒新嘗寂寞經春小橋依舊燕飛忙玉鈎欄凭多

漸煖金縷枕別久猶香最難忘看花南陌待月西廂

秋思

高賓王 觀國

喚起一襟涼思未成晚雨先做秋陰楚客悲殘誰解
此意登臨古臺荒斷霞斜照新夢黯微月踈砧總難
禁盡將幽恨分付孤斟 從今倦看青鏡既遲勳業
可負煙林斷梗無憑歲華搖落又驚心想尊汀水雲
愁凝閑蕙帳猿鶴悲吟信沉沉故園歸計休更侵尋

史達祖

晚雨未催宮樹可憐間葉猶抱涼蟬短景歸秋吟思
又接愁邊漏初長夢魂難禁人漸老風月俱寒想幽

歡土花庭甃蟲網闌干 無端啼蛄攪夜恨隨團扇
苦近秋蓮一笛當樓謝娘懸淚立風前故園晚強留
詩酒新鴈遠不致寒暄隔蒼烟楚香羅袖誰伴婢娟

王忠州家席上作

陸務觀 游

倦客平生行處墜鞭京洛解佩瀟湘此夕何年來賦
宋玉高堂繡簾開香塵乍起蓮步穩銀燭分行暗端
相燕羞鶯妬蝶遶蜂忙 難忘芳樽頻勸峭寒新退
玉漏猶長幾許幽情只愁歌罷月侵廊欲歸時司空
笑悶微近處丞相嗔狂斷人腸假饒相送上馬何妨

和維陽晁侍郎寄強伯

葛信齋 鄭

憶昨茗溪慣弄五亭月
笛四水烟蓑何事毗檀門外
馬駐長坡野花中亂紅香靄
小橋外疊翠嵯峨且顏
醜但存長袖舞到婆娑
云何立盟蕙政春行五馬
月皎千波贏得賞僚聽隔牆
無事高歌悵烟寒瑞麟
影墮蘆霧細寶鴨香多試蹉
跎一枰落日又送樵柯

燕山亭

宋 趙鼎

宋徽宗

裁翦冰綃輕疊數重冷淡燕脂
勻注新樣靚粧艷溢
香融羞殺蕊珠宮女易得凋零
更多少無情風雨愁
苦開院落淒涼幾番春暮
憑寄離恨重重這雙燕
何曾會人言語天遙地遠萬
水千山知他故宮何處

怎不思量除夢裡有時曾去無
據和夢也新來不做

中秋諸王席上作

曾純甫

觀

河漢風清庭戶夜涼皓月澄秋
時候冰鑑乍開跨海
飛來光掩滿天星斗四捲珠簾
漸移影寶階鴛甃還
又看歲歲嬋娟向人依舊
朱邸高宴簪纓正歌吹
瑤臺舞翻宮袖銀管競酌棣萼
相輝風流古來誰有
玉笛橫空更聽徹霓裳三奏難
偶拚醉倒參橫曉漏

三姝媚

史邦卿

達祖

烟光搖縹瓦望晴簷多風柳花
如洒錦瑟橫床想淚
痕塵影鳳絃常下倦出犀帷頻
夢見王孫驕馬諱道

想思偷理綃裙自驚腰袂 惆悵南樓遙夜記翠箔
張燈枕肩歌罷又入銅駝過舊家門巷首詢聲價可
惜東風將恨與閑花俱謝記取崔徽模樣歸來暗寫

古衛舟人謂曾載錢塘人

天將唐玉

一蓬兒別苦是誰家花天月地兒女紫曲藏嬌慣錦
窠金翠玉璫鍾呂綺席傳宣笑聲裏龍樓三鼓歌扇
題詩舞袖籠香幾曾塵土 因甚番春不住怎知道
人間匆匆今古金屋銀屏被西風將換夢汀蘋渚如
此江山應悔却西湖歌舞載取斷雲何處江南烟雨

次周公謹故京送別韻

王沂孫

蘭缸花半吐正西窓淒淒斷螢新鴈別久逢稀謾相
看華髮共成銷黯總是飄零更休賦梨花秋苑何況
如今離思難禁俊才都減 今夜山高江淺又月落
帆空酒醒人遠綵袖烏紗解愁人惟有斷歌幽婉一
信東風再約看紅腮青眼只恐扁舟西去蘋花弄晚

鎖寒窓

寒食

周美成

邦彥

暗柳啼鴉單衣竚立小簾朱戶桐花半畝靜瑣一庭
愁雨洒空堦更闌未休故人剪燭西窓語似楚江暝
宿風燈零亂少年羈旅 遲暮嬉遊處正店舍無烟
禁城百五旗亭喚酒付與高陽儔侶想東園桃李自

春小唇秀靨今在否到歸時定有殘英待客携樽俎

揚補之 无登

柳暗藏鴉花深見蝶物華如綉情多思遠又是一番
清瘦憶前回庭榭未春箇人預約同携手恨遲留載
酒期程孤負踏青時候搔首雙眉暗開况無似今
年一春晴晝風儂雨憊直得迤逗想開窓針線倦拈
寂寞細撚醪釀嗅待還家定自寬人淚粉盈襟袖

有感

程先 傳之宋 休寧人

雨洗紅塵雲迷翠麓小車難去淒涼感慨未有今年
春暮想曲江水邊麗人影沉香歇誰為主但免葵燕

麥風前搖蕩徑花成土空被多情苦慶會難逢少
年幾許紛紛涕昂負了青陽凡五待何時重享太平
典衣貫酒相尔汝笑蘭亭有此歡娛又却悲今古

蕭允之

細雨收塵輕陰弄日柳絲掠道桃邊杏處猶記玉驄
曾到對東風回首舊游香消艷歇無音耗悵佳人有
約難來綠遍滿庭芳草愁抱沉吟久問翠珥金鈿
為何人好回文細字塵暗當年織縞倚闌干斜陽又
西歡期易失春易老待何時再覓珍叢共把清尊倒

五福降中天慢 梅詠

沈約之

居金本眼作帳

月朧煙淡霜溪滑孤宿暮林荒驛遶樹微吟巡簷索
笑自分平生相得水池半釋正節物驚心淚痕沾臆
流水濺濺照影古寺滿春色 沈歎今年未識暗香
微動人初寂酷愛芳姿最憐幽韻來款禪房深窅他
時悵悵却月凌風信音難的雪底幽期為誰還露立

紫玉簫

韓相家
姬輕盈

晁無咎

補之

居金本輕作御

羅綺叢中笙歌筵裏眼狂初認輕盈無花解比似一
鈎新月雲際初生笑不虛得都占與第一佳名輕歸
去那知有人別後牽情 襄王自是春夢休謾說東
牆事更難憑誰教慕宋要題詩曾倚寶柱低聲似瑤

臺曉空暗想衆裏飛瓊餘香冷猶在小窓一到魂驚

三部樂

周美成

邦彥

居金本知作如

浮玉霏瓊向邃館靜軒倍增清絕夜窓垂練何用交
光明月近聞道官閣多梅趣暗香未遠凍蕊初發倩
誰摘取寄贈情人桃葉 迴文近傳錦字道為君瘦
損是人都說沃知染紅着手膠梳粘髮轉思量鎮長
隳睫都只為情深意切欲報消息無一句堪愈愁結

七月送丘宗卿使虜

陳同父

亮

居金本其作共
間作開

小窟穹廬但三滿三平其勞均佚人中龍虎本為明
時而出只合是端坐王朝看指揮整辦掃蕩飄忽也

持漢節聊過舊家宮室 西風又還帶暑把征衫著
上有時披拂休將看花淚眼間弦 骨對遺民有如
皎日行萬里依然故物入奏幾策天下禮終定于一

芳草

古鳳
蕭吟

韓玉汝

鎮

鑱離愁連綿無際來時陌上初熏繡幃人念遠暗垂
珠露泣送征輪長行長在眼更重重遠水孤雲但望
極樓高盡日目斷王孫 消菟池塘別後曾行處綠
如輕裙恁時携素手亂花飛絮裏緩步香裊朱顏空
自改向年年芳意長新遍綠野嬉遊醉眼莫負青春

丁香結

周美成

邦彥

唐金本起作記

蒼蘚沁堦冷螢粘屋庭樹望秋先隕漸雨淒風迅澹
暮色倍覺園林清潤漢姬紈扇在重吟翫棄擲未忍
登山臨水此恨自古消磨不盡 牽引起試酒歸時
映月同看鴈陣寶幄香纓薰爐象尺夜寒燈暈誰念
留滯故園舊事勞方寸唯丹青相伴那更塵昏蠹損

聒龍謠

朱希真

敦儒

肩拍洪崖手攜子晉夢裏整辭塵宇高步層宵俯人
間如許萋蝸戰多少功名問蟻聚幾回今古度銀潢
展盡參旗桂華淡月飛去 天風緊玉樓斜舞萬女
霓袖光搖金縷明廷燕闕倚青冥回顧過瑤池重借

雙成就楚岫更邀巫女轉雲車指點虛無引蓬萊路

二

憑月攜簫遡空秉羽夢踏絳霄仙去花冷街榆悄中
天風露並真官藥珮芬芳望帝所紫雲容與享鈞天
九奏傳觴聽龍嘯看鸞舞驚塵世悔平生歎萬感
千恨誰憐深素群仙念我好人間難住勸阿母偏與
金桃教酒醒賸斟瓊醕醉歸時手授丹經指長生路

閨怨無悶

程正伯

天與多才不合更與殢柳憐花情分甚總為才情惱
人方寸早是春殘花褪也不料一春都成病自失笑

居全本憐作惜

因甚腰圍半減淚珠頻搵難省也怨天也自恨怎
免千般思忖倩人說與又却不忍拚了一生愁悶又
只恐愁多無人問到這裡天也憐人看他穩也不穩

雪意

王沂孫

陰積龍荒寒度鴈門西北高樓獨倚悵短景無多亂
山如此欲喚飛瓊起舞怕攪碎紛紛銀河水凍雲一
片藏花護玉未教輕墜清致悄無似有照水一枝
已撓春意誤幾度憑欄莫愁凝睇應是梨花夢好未
肯放東風來人世待翠管吹破蒼茫看取玉壺天地

月下笛

次韻

曾允元

居全本自作是

又老揚花浮萍點點一溪春色閑尋舊迹認溪頭浣
沙磧柔條折盡成輕別向空外搖簪一擲美無情更
苦鶯巢暗葉題破幽寂 凝立闌干側記露飲東園
聯鑣西陌容銷鬢減相逢應自難識東風吹得愁似
海漫點染空塔自碧獨歸晚解說心中事月下短笛

垂楊

懷古

陳允衡

銀屏夢覺漸淺黃嫩綠一聲鶯小細雨輕塵建章初
閉東風悄依然千樹長安道翠雲鎖玉窓深窈斷橋
人空倚斜陽帶舊愁多少 還是清明過了任烟縷
露條碧纖青嫋恨隔天涯幾回惆悵蘇堤曉飛花滿

地誰為掃甚薄倖隨波縹緲啼鴉不喚春歸人自老

鴈過粧樓

已巳菊日寓漂陽聞張炎鴈聲因動鵲鵲之感

偏插茱萸人何處客裏頓懶携壺鴈影涵秋絕似暮
雨相呼料得曾留堤上月舊家伴侶有書無謾嗟吁
數聲怨抑翻致無書 一笑飄零萬里更可憐倦翼
同此江湖飲啄關心知是近日何如陶潛謾存逕菊
最堪羨松風陶隱居沙汀冷揀寒枝不似烟水寒蘆

大有

九日

漁庄潘希白

戲馬臺前採花籬下問歲華還是重九恰歸來南山
翠色依舊簾櫳昨夜聽風雨都不似登臨時候一片

宋玉情懷十分衛郎清瘦 紅萸佩空對酒砧杵動
微寒暗欺羅袖秋已無多早是敗荷衰柳強整帽簷
歌側曾經向天涯搔首幾回憶故國尊鱸霜前鴈後

陌上花

使歸
有懷

張仲舉翁

關山夢裏歸來還又歲華催晚馬影鷄聲諳盡倦郵
荒館綠牋密記多情事一看一回腸斷待殷勤寄與
舊遊鶯燕水流雲散 滿羅衫是酒香痕凝處唾碧
啼紅相半只恐梅花瘦倚夜寒誰暖不成便沒相逢
日重整釵鵲爭鴈但何郎縱有春風詞筆病懷渾嬾

蠟梅香

吳師孟

錦里陽和看萬木凋時早梅獨秀珎館瓊樓正絳
初吐穠華將茂國艷天葩真淡佇雪肌清瘦似廣寒
宮鉛華未御自然粧就 凝睇倚朱欄噴清香暗度
易襲襟袖好與花為主宜秉燭頻觀泛湘酌莫待南
枝隨樂府新聲吹後對賞心人良辰好景須信難偶

喻明仲

愛日初長正園林纔見萬木凋黃檻外朝來已見數
枝復欲掩映回廊賜與東皇付芳信粧點江鄉想玉
樓中誰家艷質試學新粧 桃杏苦尋芳縱成蹊豈
能似恁清香素艷妖嬈應是盡夜曾與明月風光瑞

雪水霜渾疑是粉蝶輕狂待拚吟賞休聽畫樓橫管
悲傷

秋宵吟

越調

姜白石

古簾空墜月皎坐久西窓人悄蛩吟苦漸漏永丁丁
箭壺催曉引涼颼動翠葆露脚斜飛雲表因嗟念侶
去國情懷暮帆烟草帶眼銷磨為近日愁多頓老
衛娘何在宋玉歸來兩地暗縈繞搖落江楓早嫩約
無憑幽夢又杳但盈盈泪洒單衣今夕何夕恨未了

東風第一枝

春雪

史達祖

巧冰蘭心偷黏草甲東風欲障新暖謾凝碧瓦難留

居金本永結心
梳作批

信知暮寒較淺行天入鏡做弄出輕鬆纖軟料故園
不捲重簾悞了乍來雙燕青未了柳回白眼紅欲
斷杏開素面舊遊憶著山陰厚盟遂妨上苑寒爐重
暖便放慢春衫針線恐鳳靴桃菜歸來萬一灞橋相
見

二

壬戌開臘望雨中立
亥春興高賓玉同賦

草脚愁蘇花心夢醒鞭香拂散牛土舊歌空憶珠簾
絲筆倦題繡戶粘鷄貼燕想立斷東風來處暗惹起
一掬相思亂若翠盤紅縷今夜覓夢池秀句明日
動探花芳緒寄聲沽酒人家預約俊遊伴侶恰它梅

柳怎忍後天街酥雨待過了一月燈期日日醉扶歸去

三元夕

酒館歌雲燈街舞綉笑聲喧似簫鼓太平京國多歡
大酺綺羅幾處東風不動照花影一天春聚耀翠光
金縷相交冉冉細吹香霧 羞醉玉少年丰度懷豔
雪舊家伴侶閉門明月關心倚窗小梅索句吟情欲
斷念嬌俊知人無據想袖寒珠絡藏香夜久帶愁歸
去

錦堂春

司馬光 青箱雜記

紅日遲遲虛廊轉影槐陰迤邐西斜彩筆工夫難狀
晚景煙霞蝶尚不知春去謾遠幽砌尋花柰猛風過
後縱有殘紅飛向誰家 始知青春無價笑飄蓬宦
路荏苒年華今日笙歌叢裏特地咨嗟席上青衫濕
透笑感舊何止琵琶怎不教易老多少離愁散在天
涯

再會

柳耆卿 永

墜髻慵梳愁蛾懶畫心緒是事闌珊覺新來憔悴金
縷衣寬認得這疎狂意下向人誚譬如閑把芳容整
頓恁地輕辜爭忍心安 依前過了舊約甚當初賺

我偷剪雲鬟幾時得歸來香閣深閑待伊要尤雲殢
雨纏綉衾不與同惟儘更深款款問伊今後敢更無
端

雪梅

梅苑

失名

臘雪初晴冰銷凝泮尋幽開賞名園向長亭登眺倚
遍朱欄拂面嚴風凍薄滿階前霜葉聲乾竟小臺深
處數葉江梅漏泄春權 百花休恨開晚柰韶華瞬
息常放教先非是東君私語和煦恩偏欲寄江南音
耗念故人隔濶雲烟一枝贈春色待把金刀剪倩人
傳

唐金本初作

換巢鸞鳳

春情

史邦卿

遠祖

人若梅嬌正愁橫斷塢夢繞溪橋倚風融漢粉坐月
怨秦簫相思因甚到纖腰定知我今無覓可銷佳期
晚謾幾度淚痕相照 人悄天渺渺花外語香時透
郎懷抱暗握莢苗乍嘗櫻顆猶恨侵階芳草天念玉
昌忒多情換巢鸞鳳教偕老溫柔鄉醉芙蓉一帳春
曉

春夏兩相期

壽謝令人

蔣捷

聽深深謝家庭館東風對語雙燕似說朝來天上婺
星光現金栽花誥紫泥香綉褱藤輿紅茵軟散臘宮

居全本王作五

輝行鱗厨品至今人羨 西湖萬柳如線料月仙當
此小停颺輦付與長年教見海心波淺縈雲玉佩玉
侯門洗雪華桐三春苑慢拍調鶯急鼓催鷺翠陰笙
院

高陽臺 送翠英

蔣捷

燕捲晴絲蜂粘落絮天教綰住閒愁閑裏清明匆匆
粉澀紅羞燈搖縹暈茸窓冷語未闌娥影分收好傷
情春也難留人也難留 芳塵滿目悠悠為問縈雲
佩響還繞誰樓別酒總斟從前心事都休飛鷺縱有
風吹轉柰舊家苑已成秋莫思量楊柳灣西且擢吟

舟

張叔夏 炎

居全本馬作鬚

古木迷鴉虛堂起燕歡遊轉眼驚心南圃東窓酸風
掃盡芳塵鬢貂飛入平原草寂可憐渾是秋陰夜沉
沉不信歸魂不到花深 吹簫踏葉尋幽去任船依
斷石袖褰寒雲老桂懸香珊瑚碎擊無聲故園已是
愁如許撫殘碑却又傷今更閑情秋水人家斜照西
林 慶樂園即蕪平原南園戊寅歲過之有碑石在荆
棘中惟存古桂百餘故末句有今之視昔之感

春思

僧皎如晦

紅入桃腮青回柳眼韶華已破三分人不歸來空教

草怨王孫平明幾點催花雨夢半闌欹枕初聞問東
君因甚將春老却閑人東郊十里香塵軟旋安排
玉勒整頓雕輪趁取芳時去尋島上紅雲朱衣引馬
黃金帶笑到頭總是虛名莫閑愁一半悲秋一半傷
春

石州引別恨

謝勉仲懋

日脚斜明秋色半陰人意淒楚飛雲特地凝愁做弄
晚來微雨誰家別院舞困幾葉霜紅西風送客聞砧
杵鞭馬出都門正潮平洲渚無語匆匆短棹滿載
離愁片帆高舉京洛紅塵因念幾年羈旅淺顰輕笑

風月逢迎別來誰畫雙眉嫵回首一銷凝望歸鴻容
與

慶長春壽戴一軒

鐵筆翁翰

有酒如澗便開懷痛飲我歌君拍世事輪雲都莫問
祇要顏紅鬢黑鷓鴣燕風清鴛鴦水暖打當生申節薰
風來也幾人感戴翁德好是駕海胷襟屠龍手段
一笑乾坤窄門外塵濤三百尺不博剡溪一雪綠幙
紅圍妙歌細舞且醉三千客問翁年紀廣成千有二
百

琵琶仙吳興感遇

姜堯章

雙槳來時有人侶舊曲桃根桃葉歌扇輕約飛花蛾
眉正竒絕春漸遠汀洲自綠更添了幾聲啼鳩十里
揚州三生杜牧前事休說 又還是宮燭分煙柰愁
裏匆匆換時節都把一襟芳思與空階榆莢千萬縷
藏鴉細柳為玉尊起舞回雪想見西出陽關故人初
別

舜韶新

郭子正

香滿西風催歲晚東籬黃花爭吐嫩英細蕊金艷繁
粧點高秋偏富寒地花媒少笑自結多情煙雨粧面
每年年謝他拒霜相顧 寶馬王孫休笑孤芳陶令

居全本結作給

因誰便思歸去負春何事此恨唯才子登高能賦千
古風流在占定泛重陽芳醕堪吟醉賞何須杏園深
處

四代好

程正伯

翠幙東風早蘭窓夢又被鶯聲驚覺起來空對平堦
綿絮滿庭芳草厭厭來愀懷抱託柳外人家曾到凭
畫闌那更春好酒好人好 春好尚恐闌珊花好又
怕飄零難保直饒酒好如澠來抵意中人好相逢盡
拚醉倒况人與才情未老又豈閑春去春來花愁花
惱

居全本託作記

雙頭蓮

陸務觀游

華髮星星驚壯志成虛此身如寄蕭條病驥向暗裏
消盡當年豪氣夢斷故國山川隔重重烟水身萬里
舊凋零青門俊遊誰記 盡道錦里繁華歎官閑晝
永柴荆添睡清愁自醉念此際付與何人心事縱有
楚施吳檣知何時東逝空悵望繪美菰香秋風又起

二

風卷征塵堪嘆處青驄正搖金轡容襟貯淚漫萬點
如血憑誰持寄佇想艷態幽情壓江南佳麗春正媚
怎忍長亭匆匆頓分連理 目斷淡日平蕪烟濃樹

遠微茫如薺悲歡夢裏柰倦客又是閔河千里最苦
唱徹驪歌遲留無計何限事待與丁寧行時已醉

御帶花

永叔

青春何處風光好帝里偏愛元夕萬重繒綵構一屏
峯嶺半空金碧寶檠銀缸耀絳幕龍虎騰擲沙堤遠
雕輪綉轂爭走五王宅 雍容熙熙作畫會樂府神
姬海洞仙客拽香搖翠稱執手行歌錦街天陌月淡
寒輕漸向曉漏聲寂寂當年少狂心未已不醉怎歸
得

萬年歡

元宵

胡浩然

燈月交光漸輕風布暖先到南國羅綺嬌容十里絳
紗籠燭花艷驚郎醉目有多少佳人如玉春衫袂整
整齊齊內家新樣粧束 歡情未足更闌謾勾牽舊
恨縈亂心曲悵望歸期應是紫姑頻卜暗想雙眉對
蹙斷絃待鴛膠重續休迷戀野草閑花鳳簫人在金
谷

春思

史邦卿 連祖

兩袖梅風謝橋邊岸痕猶帶陰雪過了匆匆燈市草
根青發燕子春愁未醒悞幾處芳音遼絕煙谿上采
綠人歸定應愁沁花骨 非干厚情易歇柰燕臺句

老難道離別小徑吹衣曾記故里風物多少驚心舊
事第一是侵階羅襪如今但柳髮晞春夜來和露梳
月

梅苑

天氣嚴凝乍寒梅教枝嶺上開拆傅粉凝脂疑是素
娥粧拭先報陽和信息更雪月交光一色因追念往
日歡遊共君携手同摘 別來又經歲隔柰高樓夢
斷無計尋覓冷艷寒容啼雨恨烟愁濕似向人前淚
滴怎不使伊家思憶惟只恐寂寞空枝又隨昨夜卷
笛

王和父 安禮

雅出群芳占春前
信息臘後風光野岸
郵亭繁似萬點輕霜
清淺溪流倒影更黯
淡月色籠香渾疑是
姑射冰姿壽陽粉面
初粧多情對景易感
况淮天庾嶺迢遞相
望愁聽龍吟悽絕畫
角悲涼念昔因誰醉
賞向此際空惱危腸
終須待結實恁時佳
味堪嘗

解語花 元宵

周美成 邦彥

風銷焰蠟露浥烘爐
花市光相射桂華流
瓦纖雲散耿耿素娥
欲下衣裳淡雅看楚
女纖腰一把蕭鼓喧
人影參差滿路飄香
麝因念都城放夜望
千門如

畫嬉笑遊冶鈿車羅
帕相逢處自有暗塵
隨馬年光是也惟只
見舊情衰謝清漏移
飛蓋歸來從舞休歌
罷

失名

行歌趁月喚酒延秋
多買鸚鵡笑盡枝嬌
小渾無柰一掬醉鄉
懷抱籌花鬪草幾曾
放好春開了芳意闌
可惜香心一夜酸風
掃海上仙山縹緲問
玉環何事苦無分曉
舊愁空杳藍橋路深
掩半庭斜照餘情暗
惱都緣是那時年少
驚回夢懶說相思畢
竟如何老

居全本洪爐作
紅蓮畫作畫

杏花天

三月二十
七姪壽姑

梅坡

婺星呈瑞對春餘，幾許日臨三九。正屬我姑初度，且
悅設當年門右。綠鬢猶新，紅顏未改，真月宮仙友。拍
舟節義富而榮貴，長守况有詵桂，青春潛心黃卷。
指日功名就，女郎乘龍全四德，未老得閑仁壽。天命
方知歲飢常賑，陰德還多有麻姑、王母年年同宴春
酒。

惜寒梅

復雅歌詞

看盡千花愛寒梅，暗與雪期霜約。雅態香肌迥有天
然淡泊，五侯園囿恣遊樂。凭欄處重開綉幕，秦娥粧

罷遙相縱艷

洛

天涯再見素萼似凝然，向人

玉容寂寞江上飄零，怎把芳心付託。那堪風雨夜來
惡，便減動一分瘦削。直須沉醉尤香，瑞雲莫待改落

慶春澤

劉叔安鎮

燈火烘春樓臺浸月，良宵一刻千金。錦步承蓮彩雲
簇，伏難尋。蓬壺影動，星毬轉映，兩行寶珥瑤簪。恣嬉
遊玉漏聲催未歇，芳心笙歌十里誇張。地記年時
行樂，憔悴而今客裏，情懷伴人閑笑。開吟小桃未靜
劉郎老把相思細寫，瑤琴怕歸來紅紫欺風，三徑成

居全本腰作服

陰

壽樓春

尋春腰感念

史邦卿

遠祖

裁春衫尋芳記金刀素手同在晴窓幾度因風殘絮
照舞斜陽誰念我今無腸自少年消磨疎狂但聽雨
挑燈歌床病酒多夢睡時粧 飛花去良宵長有絲
攔舊曲金譜新腔最恨湘雲人散楚蘭魂傷身是客
愁為鄉弄玉簫猶逢常郎近寒食家相思未忘蘋藻
香

遠佛閣

周美成

邦彥

暗塵四歛樓觀迥出高映孤館清漏將短厭聞夜久

簾聲動書幔桂華又滿閑步露草偏愛幽遠花氣清
婉望中迤邐城陰渡河岸 倦客最蕭索醉倚斜橋
穿柳線還似汴堤虹梁橫水面看浪颭春燈舟下如
箭此行重見歎故友難逢羈思空亂兩眉愁向誰舒
展

傳枝花

峭巧

柳耆卿

永

平生自負風流才調口兒裡道知張鄭趙唱新詞改
難令揔知顛倒解刷扮能俛嗽表裏都峭每遇着飲
席歌筵人人盡道可惜許老了 闍羅大伯 原缺五
字 但不須煩惱遇良辰當美景追歡買笑剩活取

居全本惱作悶

百十年只恁厮好若限滿鬼使來追待倩箇掩通着
到

引駕行秋恨

柳耆卿永

虹收殘雨蟬嘶敗柳長堤暮背都門動銷黯西風片
帆輕舉愁靄泛画鷁翩翩靈龜隱隱下前浦忍回首
佳人漸遠想高城隔烟樹幾許秦樓永晝謝閣連
宵哥遇笑贈笑千金酌歌百琲盡成輕負南顧念吳
邦越國風煙蕭索在何處獨自箇千山萬水指天涯
路

渡江雲春景

周美成邦彥

晴嵐低楚甸暖回鴈翼陣勢起平沙驟驚春在眼借
問何時委曲到山家塗香暈色盛粉飾爭作妍華千
萬絲陌頭楊柳漸漸可藏鴉堪嗟清江東注畫舸
西流指長安日下愁宴蘭風翻旗尾潮濺烏紗今朝
正對初弦月傍水驛深艤蕙葭沉恨處時時自剔燈
花

賦荷花

盧申之祖昇

錦雲香滿鏡岸巾橫笛浮醉一舟輕別愁縈短鬢晚
涼池閣此地忽逢迎柄圓歌綠倚風流還恁娉婷凭
畫闌嫣然輸笑無語寄心情盈盈露華勻玉日影

醉紅記晚粧慵整還暗驚人間離合羞對池萍三年
一覺西湖夢又等閑金井秋聲銷魂久夜深月冷風
清

集曲名

陳夢協翰

瑞雲濃縹緲弦月當庭天香滿院玉女傳言把真珠
簾捲擁鵲橋仙引江城子擬醉蓬萊宴吹紫玉簫唱
黃金縷按拍聲聲慢 畫錦堂前傾盃為壽祝快活
年應天長遠喜似娘兒解稱人心願夢蘭蕙芳種宜
男草丹鳳吟非晚更步蟾宮宴瓊林日漢宮春晚

絳都春上元

丁仙現

融和又報乍瑞靄霽色皇州春早翠幃競飛玉勒爭
馳都門道鰲山結綵蓬萊島向晚色雙龍嘶照絳綃
樓上彤芝蓋底仰瞻天表 縹緲風傳帝樂慶三殿
共賞群仙同到迤邐御香飄滿人間聞嬉笑須臾一
點星毬小漸隱隱鳴梢聲杳遊人月下歸來洞天未
曉

蔣竹山捷

春愁怎畫正鷺背帶綠醑醺花謝細雨院深淡月廊
斜重簾掛歸時記約燒燈夜早拆盡秋千紅架縱然
歸近風光又是翠陰初夏 姹姪顰青泣白恨玉佩

花華和編 卷十
四十五
罷舞芳塵疑榭幾擬倩人付與香蘭秋羅帕知他墮
策斜攏馬在底處垂楊樓下無言暗擁嬌鬟鳳釵溜
也

別張子儀

趙德莊 彦端

平生相遇笑未有笑語閩山佳處舊日文章如今風
味渾如許眼前都是蓬萊路但莫道有人曾住異時
天上種種風流待君如故 此自君家舊物看九萬
清風為君掀舉舉上青雲却憶梅花如舊否故人衰
病今無緒只種得梅花盈圃待君一過山家共斟酌

為清華內子壽

吳君特 文英

香深霧暖正人在錦瑟年華深院舊日漢宮分得紅
蘭滋吳苑臨池羞落梅花片弄水月初勻粧面紫煙
籠處雙鷺共跨洞簫低按 歌筵紅圍翠袖凍雲外
似覺東風先轉繡畔晝遲花底天寬春無限仙郎嬌
馬瓊林宴待捲上珠簾教看更傳鶯入新年寶釵夢
燕

清明

劉叔安 鎮

和風乍扇又還是去年清明重到喜見燕子巧說千
般如人道墻頭陌上青梅小是處有閑花芳草偶然

思想前歡醉賞牡丹時候 當此三春媚景好連宵
恣樂情懷歌曲縱有珠珍難買紅顏長年少從他鳥
免茫茫走更莫待花殘鶯老恁時歡笑休把萬金換
了

梅花

朱淑真

寒陰漸曉報驛使探春南枝開早粉蕊弄香芳臉凝
酥瓊枝小雪天分外精神好向白玉堂前應到化工
不管朱門閉也暗傳音耗 輕渺盈盈笑靨稱嬌面
愛學宮粧新巧幾度醉吟獨倚欄干黃昏後月籠疎
影橫斜照更莫待單于吹老便須折取歸來膽餅揀

了

夜合花

賦

史邦卿 遠祖

冷截龍腰偷擘鴛瓜楚山長鎖秋雲梅華未落年年
怨入江城千嶂碧一聲清杜人間兒女簫笙共滄涼
處琵琶湓浦長嘯蘇門 當時低度西鄰天澹闌干
欲暮曾賦高情子期老矣不堪滯酒重聽纖手靜七
星明有新聲應更魂驚夢回人世寥寥夜月空照天
津

二

柳鎖鶯魂花翻蝶夢自知愁染潘郎輕衫未攬猶將

居金本清作情
醉扶人作人扶

淚點偷藏念前事怯流光早春窺酥雨池塘向銷凝
裡梅開半面清滿徐妝風絲一寸柔腸曾在歌邊
惹恨燭底縈香芳機瑞錦如何未織鴛鴦醉扶人月
依牆是當初誰敢踈狂把閑言語花房夜久各自思
量

壺中天

壽陳碧山

錦溪

騎鯨直上問姮娥何日天生英傑笑下瓊樓還報道
甫近迎長佳節萬里無雲一天如水擁出新團月正
當此夜文星飛下天闕蟾苑元有高枝至今猶待
自是無心折只愛林泉供笑傲吟出陽春白雪冠玉

精神希夷仙種秘受長生訣蓬壺不老待看蘭玉英
發

壬寅自壽

劉後村

克莊

比如去歲前年今朝差覺門庭靜玉軸錦標無一首
知道先生遠佞假使文殊攜諸菩薩來問維摩病無
花堪散亦無香積齋觀回首雪浪驚心黃茅過頂
瘴毒如炊甑山鬼海神俱長者饒得書生窮命不慕
飛仙不貪成佛不要鑽天今年年今日白頭母家慶

念奴嬌

一名西江月大江東去赤壁詞百字今百字謠

東坡

大江東去浪淘盡千古風流人物故壘西邊人道是

三國周郎赤壁亂石穿空驚濤拍岸捲起千堆雪江
山如畫一時多少豪傑 遙想公瑾當年小喬初嫁
了雄姿英發羽扇綸巾談笑間檣櫓灰飛烟滅故國
神遊多情應笑我早生華髮人生如夢一樽還酹江
月

東坡赤壁懷古之詞曾經御覽重加數賞賜名爵
江月見苕溪漁隱我吹劍續錄云東坡在玉堂日
有幕士善歌因問我此柳耆卿詞何如對曰柳
郎中詞只好處十七八兒女詞按執紅牙拍歌楊柳
岸曉風殘月學士詞須關西大漢執鐵綽板唱大
江東去公為之絕倒故如錄云大江東去則可二
江三人國之二生二處他字不可代雖重無害
他人固不可然語意到其
也令人看先且指點重字
大體如何先且指點重字

二秋中

憑高眺遠見長空萬里雲無留迹桂魄飛來光射處
冷浸一天秋碧玉宇瓊樓乘鸞來去人在清涼國江
山如畫望中煙樹歷歷我醉拍手狂歌舉盃邀月
對影成三客起舞徘徊風露下今夕不知何夕便欲
乘風翻然歸去何用騎鵬翼水晶宮裏一聲吹斷橫
笛

黃魯直 庭堅

斷虹霽雨淨秋空山染脩眉新綠桂影扶疎誰便道
今夕清輝不足萬里青天嫦娥何處駕此一輪玉寒

光零亂為誰偏照醺醑 年少隨我追涼晚尋幽徑
遶張園森木醉倒金荷家萬里難得樽前相屬老子
平生江南江北最愛臨風笛孫郎微笑坐來聲噴霜
竹

雅詞御製

雅懷素態向閑中天與風流標格綠鑲窓前湘簟展
終日風清人寂玉子聲乾紋楸色靜星點連還直跳
丸日月美應局上銷得 全似洛浦斜暉寒鷗游鷺
亂點沙汀漬妙筭神機須信道國手都無勅敵玳席
歡餘芸堂香暖羸取專良夕桃源歸路爛柯應笑兀

客

送王長卿赴河間司錄

趙承之

鼎臣

舊遊何處記金湯形勝蓬瀛佳麗綠水芙蓉元帥與
賓僚風流濟濟萬柳亭邊雅歌堂上醉倒春風裏十
年一夢覺來烟水千里 惆悵送子重遊南樓依舊
否朱欄誰倚要識當時惟是有明月曾陪珠履量減
盃中雪添頭上甚矣吾衰矣酒徒相問為言憔悴如
此

春恨

沈公述

杏花過雨漸殘紅零落胭脂顏色流水飄香人漸遠

難託春心脉脉恨別王孫墻陰目斷手把青梅摘金
鞍何處綠楊依舊南陌 消散雲雨須臾多情因甚
有輕離輕折燕語千般爭解說些子伊家消息厚約
深盟除非重見見了方端的而今無柰寸腸千恨堆
積

中秋燕客

葉少蘊 夢得

洞庭波冷望冰輪初轉滄海沉沉萬頃孤光雲陣卷
長笛吹破層陰洶湧三江銀濤無際遙帶五湖深酒
闌歌罷至今鼉怒龍吟 回首江海平生漂流容易
散佳會難尋縹緲高城風露爽獨倚危檻重臨醉倒

居金本除作奈

清樽常娥應笑猶有向來心廣寒宮殿為余聊借瓊
林

程書舟 垓

秋風秋雨正黃昏供斷一窓愁絕帶減衣寬誰念我
難忍重城離別轉枕寒幃挑燈整被總是相思切知
他別後負人多少風月 不是怨極愁濃只愁重見
了相思難說料得朝來魂夢不管飛來蝴蝶排悶人
間寄愁天上終有歸時節如今無柰亂雲依舊千疊

秋月

李漢老 柳

素光練淨映秋山隱隱脩眉橫綠鳩鵲樓高天似水

居金本夢字下有裏字

碧瓦寒生銀粟萬丈斜暉奔雲湧霧飛過盧仝屋更
無塵氣滿庭風碎梧竹 誰念鶴髮仙翁當年曾共
賞紫巖飛瀑對影三人聊痛飲一洗離愁千斛斗轉
參橫翩然歸去萬里騎黃鵠滿天霜曉叫雲吹斷橫
玉

曾公袞

紆

居金本消作先

片帆暮落正前村梅蘂愁人如雪東陌西溪長記得
踈影橫斜時節六出冰姿玉人微步笑裏輕輕折蘭
房同醉暗香曾共私竊 回頭萬水千山一枝重見
處離腸千結料想臨鵲消瘦損時把啼紅偷浥怎得

伊來許多幽恨共撚青梢說如今千里斷腸空對明
月

賞芍藥

曾純甫

觀

人生行樂笑一春歡賞都來幾日綠暗紅稀春已去
贏得星星頭白醉裏狂歌花前起舞拚罰金盃百淋
漓宮錦忍辜妖艷姿色 須信殿得春光祇愁花謝
又作經年別嫩紫嬌紅還解語應為主人留客月落
烏啼酒闌燭暗離緒傷吳越竹西歌吹不堪老去重
憶

送淮漕錢處和

曾宏父

憶

居金本朝作翻

繡衣直指問凌風一笑翩然何許詔出層霄持漢節
千里秋風淮浦鑑遠江山竹西歌吹曾被腥膻汚須
君椽筆為渠一洗塵土 休厭共倒金荷翠眉重為
唱渭城朝雨看即揚鞭歸騎穩還指鬱葱深處寶帶
兼金華韉新綉直上雲霄去回頭莫忘玉霄今夜風
露

梅花

朱希真 敦儒

見梅驚笑問經年何處收香藏白似語如愁却問我
何苦紅塵久客觀裏栽桃仙家種杏到處成踈隔千
林無伴淡然獨傲霜雪 且與管領春回孤標爭肯

接雄蜂雌蝶豈是無情知受了多少淒涼風月寄驛
人遙和羨心在忍使芳塵歇東風寂寞可人誰為攀
折

邵公濟 博

天然瀟洒盡人間無物堪齊標格只與姮娥為伴侶
方顯一家顏色好是多情一年一度首作東君客竹
籬茅舍典刑別是清白 惆悵玉杵無憑藍橋人去
空鎖神仙宅今日天涯慙馬上忽見輕盈冰魄恰似
當年溫柔鄉裏曉看新粧額臨風三嗅挽條不忍空
摘

和東坡韻

茗溪漁隱

胡仔

炎精中否歎人材委靡都無英物戎馬長驅三犯闕
誰作長城堅壁萬里奔騰兩宮幽隔此恨何時雪草
蘆三顧豈無高卧賢傑 天心眷我中興吾皇神武
踵曾孫周發海嶽封疆俱效順狂虜會湏灰滅翠羽
南巡叩閣無路徒有衝冠髮孤忠耿耿劍芒冷浸秋
月

野史云有称中興野人和東坡詞題吳江橋上車
駕巡師江表過而觀之詔物色其人不可復見矣

觀潮

陸永仲

維之

遠山一帶遡晴空極目天涯浮白楓落鴉翻談笑處

不覺雲濤橫席酒病方蘇睡魔猶帶一掃無留蹟吳
帆越棹恍然飛上空碧 長記草賦梁園凌雲筆勢
倒三江秋色對此驚心空悵望老作紅塵閑客別浦
煙平小樓人散回首千波寂西風歸路為君重噴霜
笛 高祖見之嘉賞
召見辭不赴

中秋月

范元卿

端臣

尋常三五問今夕何夕嬋娟都勝天濶雲收崩浪靜
深碧琉璃千頃銀漢無聲水輪直上桂湿扶疎影綸
巾玉塵庾樓無限清興 誰念江海飄零不堪回首
鷺鵲南枝冷萬點蒼山何處是脩竹吾廬三徑香霧

居金本塵作塵

雲鬟清輝玉臂醉了愁重醒參橫斗轉轆轤聲斷金井

項王廟

鮑魚腥斷楚將軍鞭虎驅龍而起空費咸陽三月火
鑄就金刀神器垓下兵稀陰陵道狹月暗雲如壘楚
歌哄發山川都姓劉矣 悲泣呼醒虞姬為伊死別
血刃飛花碎霸業休休離不逝英氣烏江流水古廟
頽垣斜陽紅樹遺恨鴉聲裏興亡休問高陵秋草空
翠

月

韓子蒼

駒

居金本哄作閑

居金本本作水
編作班

海天向晚漸霞收餘綺波澄微綠木落山高真箇是
一雨秋容新沐喚起嫦娥撩雲撥霧駕此一輪玉桂
華疎淡廣寒誰伴幽獨 不見美玉吹簫尊前空對
此清光堪掬霧鬢風鬟何處問雲雨巫山六六珠斗
瀾編銀河清淺影轉西樓曲此情誰會倚風三弄橫
竹

石孝友

悶紅頻翠惜流年忍對艷陽時節白玉樓成人去後
兩地音塵都絕寫鑑分飛夢雲零亂愜意今衰颯墨
痕黯淡憶曾題遍紅葉 須知後約難憑臂啣鬢剪

居金本雲作魂

也。只成虛設滿眼淒涼無限事付與丁香愁結欲語
情酸臨歧步懶悵望蘭舟發出門誰伴淚昏一片孤
月

丙午螺川

趙介之師俠

飄流蹤跡趁春來還趁春光歸去九十韶華能幾許
着意留他不住趨春催花摧紅長翠多少風和雨蜂
閑蝶怨盡憑枝上鶯語歸權去去難留桃花浪暖
綠漲迷津浦回首重城天樣遠人在重城深處惜別
愁分凝眸有淚揔寄陽關句不堪腸斷恨隨江水東
注

和李漢老

陸子逸者舊續聞

黃橙紫蠟映金壺潑灑新醅浮綠共賞西樓今夜月
極目雲無一粟揮塵高談倚欄長嘯下視鱗鱗屋轟
然何處瑞龍聲噴蘄竹何況露白風清銀河澈漢
髣髴如懸瀑此景古今如有價豈惜明珠千斛灑氣
盈襟冷風入袖只欲騎鴻鵠廣寒宮殿看人顏似冰
玉

秋思

張仲宗元幹

江天雨霽正露荷擎翠風槐搖綠試問秦樓今夜裏
秋到闌干幾曲笑撚黃花重題紅葉無柰歸期促暮

雲千里桂華初綻寒玉 有誰伴我淒涼除非分付
與杯中醞醑水本無情山又遠回首煙波雲木夢繞
西園魂飛南浦自古情難足舊遊何處落霞空映孤
鶩

離思

張安國 考祥

星沙初下望重湖遠水長雲漠漠一葉扁舟誰念我
今日天涯飄泊平楚南來大江東去處處風波惡吳
中何地滿懷俱是離索 長記送我行時綠波亭上
泣透青羅薄檣燕低飛人去後依舊湘城簾幕不盡
山川無窮烟浪辜負秦樓約漁歌聲斷為君雙淚傾

落

揚廷秀 萬里

老夫歸去有三徑足可長拖衫袖一道官銜清徹骨
別有監臨主守主守清風監臨明月兼管栽花柳登
山臨水作詩三首兩首 休說白日昇天莫誇金印
斗大懸雙肘且說廬陵新盛事三箇閑人眉壽揀罷
軍負歸農押錄致政誠在叟只愁醉殺螺江門外私
酒

張功甫 鑑

東吳名勝有高楼直在浮雲齊處十二闌干邀遠望

居金本陸作墮

歷歷斜陽烟樹香徑人稀
歷歷廊山逸往事今何許
一天和氣為誰吹散疎雨
知是蘭省星郎朱輪森戟
與風光為主暇日登携多雅
致容我追隨臨賦小宴
重開晚寒初勁還下危梯
去燭華紅墜瑞堂猶按歌
舞

春恨

辛幼安棄疾

野棠花落又匆匆過了清明時節
剗地東風欺客夢
一枕銀屏寒怯曲岸持觴垂楊立馬
此地曾經別樓
空人去舊遊飛燕能說
聞道綺陌東頭行人曾見
簾低纖纖月舊恨春江流不盡
新恨雲山千疊料得

明朝尊前重見鏡裏花難折也應驚問
近來多少華髮

戊午生日作

鄭中卿域

嗟來吐去被天公把做小兒調戲
蹀雪龍庭歸未久
還促炎州行李不半年間北胡南越
一萬三千里征衫着破着衫人可知矣
休問海角天涯黃蕉丹荔
自足供甘旨泛綠依紅無箇事時舞
斑衣而已救蟻藤橋養魚盆沼是亦
經綸耳伊周安在且須學老萊子

居金本胡作轅
越作轍

中秋呈徐叔至

謝勉仲懋

霽天湛碧正新涼風露冰壺清徹河漢無聲光練練
湧出銀蟾孤絕岩桂香飄井梧影轉冷浸宮袍潔西
廂往事一簾輕夢悽切腸斷楚峽雲歸尊前無緒
知有愁如髮此夕常娥應也恨冷落瓊樓金闕禁漏
迢迢邊鴻杳杳幽意憑誰決闌干星斗落梅三弄初
闕

曉起觀落梅

李子大洪

麗譙吹角漸踈星明澹簾篩殘月嫋嫋霜飈欺翠袖
飛下一庭香雪半面粉粧新迴風舞困此况真奇絕桃
柳林裏蘇仙偏感華髮休怨時暫飄零玉堂清夢

不惹閑蜂蝶好似王家叢竹畔乘興山陰時節剪水
無情閨風歸去忍使芳心歇和羨有待恁時身到天
闕

吳興荷花

姜堯章夔

開紅一舸記來時長與鴛鴦為侶三十六陂人未到
水佩風裳無數翠葉吹涼玉容銷酒更洒菰蒲雨媽
然搖動冷香飛上詩句日暮青蓋亭亭情人不見
爭忍凌波去只恐舞衣寒易落愁入西風南浦高柳
垂陰老魚吹浪留我花間住田田多少幾回沙際歸
路

菊花

劉潛夫

老夫白首尚兒嬉，廢圃一番料理飡。
飲落英并墜露，重把離騷拈起。
冷艷幽香，輕黃淡白，占斷西風裏。
飛來雙蝶，遠叢欲去，還止。嘗試銓次，群芳梅花差可。
伯仲之間耳。佛說諸天金色界，未必莊嚴如此。尚友靈均，定交元亮，結好天隨子。
籬邊坡下一杯聊泛霜。

藥

茉莉

劉叔安

調冰弄雪，想花神清夢，徘徊南土。
一夏天香收不起，付與藥仙無語。
秀入精神，涼生肌骨，銷盡人間暑。稼

軒愁絕，惜花還勝兒女。長記歌酒闌珊，開時向晚。
笑浥金莖，露月浸闌干。天似水，誰伴秋娘，窻戶困殢雲鬢。
醉歌風帽，總是牽情處。返魂何在，玉川風味，如許。

梅花

吳毅甫

曉來窓外正南枝，初放兩花三藥。
千古春風頭上立，羞退穠桃繁李。
姑射神遊，壽陽粧褪，色界塵都洗。
竹扉松戶，平生所寄，聊耳。堪笑強說和羹，此君心事指高山。
流水隴驛，淒涼却怕被哀角，城頭吹起。此處閑情，為它凝佇。
淡月清霜裏，巡簷何事，歲寒相誓而。

已

武夷詠梅

清夫
劉靜甫
武夷山志

亂山深處見寒梅一朶皎然如雪的
樂妍姿羞半吐
斜映小窓幽絕玉染香腮酥凝冷艷容態天然別故
人雖遠對花誰肯輕折
疑是姑射神仙幔亭宴罷
迤邐停瑤節愛此溪山供秀潤飽翫洞天風月萬石
叢中百花頭上誰與爭高潔
麝桃俗李不須連夜催
發

送張明之赴京西幕

劉叔擬

餘艗東下望西江千里蒼茫烟水試問襄州何處是

雉堞連雲天際叔子殘碑卧龍陳迹遺恨斜陽裏後
來人物如君瓌偉能幾
其肯為我來耶河陽下士
正自強人意勿謂時平無事也便以言兵為諱眼底
山河樓頭鼓角都是英雄淚功名機會要須閑暇先
備

二感懷呈
洪守

吳山青處悵長安路斷黃塵如霧荆楚西來行壘遠
北過淮壘嚴扈九塞貔貅三閔虎豹空作陪京固天
高難叫若為得訢忠語
追念江左英雄中興事業
枉被姦臣誤不見翠華移蹕處枉負吾皇神武擊楫

憑誰問籌無計何日寬憂願倚筇長嘆滿懷清淚如
雨

三長沙趙帥
席上作

西風何事為行人掃蕩煩襟如洗垂漲蒸瀾都卷盡
一片瀟湘清泚酒病驚秋詩愁入鬢對景人千里楚
宮故事一時分付流水江上買取扁舟排雲湧浪
直過金泥尾歸去江南丘壑處不用來尋月姊風露
盃深芙蓉裳冷笑傲烟霞裏草廬如舊卧龍知為誰
起

趙龍圖

彦端

吾今老矣好歸來了取青山活計甲子一周餘年紀
諳盡人間物理婚嫁隨緣田園粗給知足寧慚愧心
田安逸自然綽有餘地還是初度來臨葛巾野服
不減貂蟬貴門外煙波風浪惡我已收心無累弟勸
兄酌兒歌女舞樂得醺醺醉滿堂一笑大家百二十
歲

江潮

吳琚

玉虹遙挂望青山隱隱如一抹忽覺天風吹海立好
似春霆初發白馬凌空瓊鬣駕水日夜朝天闕飛龍
舞鳳鬱葱環拱吳越此景天下應無東南形勝偉

居金本如字上
有有字

觀真奇絕好是吳兒飛彩幟
起一江秋雪黃屋天
臨水犀雲擁看擊中流楫
晚來波靜海門飛上明月

金陵

杜伯高

詞

江山如此是天開
萬古東南王氣一自髯孫橫
短策坐使英雄鵲起
玉樹聲消金蓮影散
多少傷心事千年遼鶴
併疑城郭非是
當日萬駟雲屯
潮生潮落處石頭孤峙
人笑褚淵今齒冷
只有袁公不死斜日
荒烟神州何在
欲墮新亭淚元龍老矣
世間何限餘子

菊

王雙溪

小粧朱檻護秋英
千點金鈿如簇黃
葉白蘋朝露冷
只有孤芳幽馥
華髮蒼頭宦情羈
思來伴花幽獨
巡簷無語
清愁何啻千斛
因念愛酒淵明
東籬雅意千載無人續
身在花邊
須一醉小覆盃中醺
醪過了重陽
稔枝嗅藥休嘆年華
速明年春到陳根
更有新綠

雪

文及翁

沒巴沒鼻霎時間
做出漫天漫地
不論高低并小大
平白都教一例鼓
弄滕六招邀
巽二一恁施威
勢識他
不破至今道是祥瑞
最是鵝鴨池邊
三更半夜

誤了吳元濟東郭先生都不管挨上門兒穩睡一夜
東風三竿紅日萬事隨流水東皇笑道山河元是我
的草木子云此譏賈似道之狹量也錢塘遺事作陳藏一

金主亮亮完顏

天丁震怒掀翻銀海散亂珠箔六出奇花飛滾滾平
填了山中丘壑皓虎顛狂素麟猖獗掣斷真珠索玉
龍酣戰鱗甲滿天飄落誰念萬里関山征夫僵立
縞帶沾旗脚色映戈矛光搖劍戟殺氣橫戎幕貔虎
英雄偏裨真勇非與談兵畧須拚一醉看取碧空寥
廓水滸傳三卷

居全本麟甲二
字在滿天二字
下

都城元夜

金劉雲震

景龍天氣正餘寒料峭簾幙萬斛金蓮光不夜香滿
雲間樓閣金銓頻敲綉簾高揭應為黃昏約霜娥無
恙喚人依舊飄泊却恨免烏無情把人青鬢白恁
星星却千古繁華行樂地誰笑誰歌誰酌北山尊壘
東山絲竹夢裏揚州鶴客窓無味故人誰念蕭索

張孝純朝野遺記

居全本寫作蕭
山作海

居全本嫁作稼

踈眉秀目依舊是宣和裝束飛步盈盈姿媚巧舉止
知非凡俗宋室宗姬秦王幼女曾嫁欽慈族干戈浩
蕩事隨天地翻覆一笑邂逅相逢勸人滿飲旋旋

吹橫竹流落天涯俱是客何必平生相熟舊日榮華
如今憔悴付與盃中醪興亡休問為伊且盡船玉

和陳元載中秋小集

劉正

燕臺暮集對秋容淒緊松陰暮暮徒倚欄邊臨翠壑
千頃風烟橫出坐待冰輪天空雲散一色如蒼壁姮
娥有意為誰來赴今夕身世如許飄流佳時輕過
了他年空憶我輩情鍾端未媿昔日蘭亭陳迹坐上
何人驪歌淒斷語別還應惜有心紅燭替人珠淚頻
滴

諸葛廟

姚卞

小舟橫櫂看雲峯高擁千重蒼碧白帝城中冠蓋換
田野猶談玄德三顧頻煩兩朝開濟何處尋遺跡江
堆石陣至今神擁沙磧追憶當年諸葛幅巾高卧
抱圖王竒策見說廟堂今尚在中有參天松柏據蜀
英豪吞吳遺恨俯仰成今昔空令豪俊浩歌揮涕橫
臆

驛中言別友人

文天祥

水天空濶恨東風不借世間英物蜀鳥吳花殘照裏
忍見荒城頽壁銅雀春情金人秋淚此恨憑誰說堂
堂劍氣斗牛空認竒傑那信江海餘生南行萬里

扁舟齊發正為鷗盟留醉眼細看濤生雲滅睨柱吞
羸回旗走懿千古衝冠髮伴人無寐秦淮應是孤月

德祐乙亥

時事已非太學諸生為此詞以嘆世意各有所屬

太學生

半堤花雨對芳辰消遣無柰情緒春色尚堪描畫在

萬紫千紅塵土

衆宮女行

鶻促歸期

朝士去

鶯收佞舌

燕作留人語

太學書

遠闌紅藥韶華留此孤主

只陳宜中在

真箇恨殺東風

賈似道

幾番過了不似今番苦樂事

賞心磨滅盡忽見飛書傳羽

北軍至

湖水湖煙峯南峯

北總是堪傷處新塘楊柳

賈妾名

小腰猶自歌舞湖海新聞

春夢

梁隆吉棟

一場春夢待從頭說與傍人聽著晝盡溪山紅錦幃
舞燕歌鶯臺閣碧海傾春黃金買夜猶道看承薄雕
香剪玉今生今世盟約 須信歡樂過情閑嗔冷妬
一陣東風惡韻白嬌紅消瘦盡江北江南零落骨朽
心存恩深緣淺忍把羅衣着蓬萊何處雲濤天際冥
漠

滕王閣

高信卿

閑登高閣嘆興亡滿目風煙塵土盡棟朱簾當日事
不見朝雲暮雨秋水長天落霞孤鶩千載名如故長
空淡淡去鴻嘹唳誰教 遙憶才子當年如椽健筆

坐上新科
卷一
古
悠悠昔人安在何處尋歌舞
長江東注為誰流
盡今古

武昌懷古

漢江北瀉下長淮
洗盡胸中今古樓櫓橫波征鴈遠
誰見魚龍夜舞鸚鵡洲雲鳳凰池月付與沙頭鷺
功名何處年年惟見春絮
非不豪似周瑜壯如黃祖
亦隨秋風度野草開花無限
數渺在西山南浦黃鶴
接人赤烏年事江漢亭前路
浮萍無據水天幾度朝
暮

登石頭城

薩天錫

石頭城上望天低
吳楚眼空無物指點六朝形勝地
惟有青山如壁蔽日旌旗連雲
檣白骨紛如雪一
江南北消磨多少豪傑
寂寞避暑離宮東風輦路
芳草年年發落日無人松逕
裏鬼火高低明滅歌舞
尊前繁華鏡裏暗換青青髮
傷心千古秦淮一片明
月

夏日避暑

僧仲殊

揮

故園避暑愛繁陰
翳日流霞供酌竹影篩金泉漱玉
紅映薇花簾箔素質生風香肌無汗
繡扇長閑却雙

鷺栖處綠雲時下風籜。吹斷舞影歌聲陽臺人去。
有當年池閣佩結蘭英凝念久言語精神依約燕別
雕梁鴻歸紫塞音信憑誰託爭知好景為君長是蕭
索

荷花

前人

水楓葉下乍湖光清淺涼生商素西帝宸遊羅翠蓋
擁出三千宮女絳綵嬌春鉛華掩畫占斷鴛鴦浦歌
聲搖曳浣沙人在何處 別岸孤裊一枝廣寒宮殿
冷落棲愁苦雪艷冰肌羞淡泊偷把胭脂勻注媚臉
籠霞芳心泣露不肯為雲雨金波影裏為誰長恁凝

佇

重陽

僧仲璋

消磨九日笑年年惟有黃花白酒把酒簪花能有幾
七十光陰回首人恨難期酒盃有限花色應如舊花
濃酒醞問君著甚消受 彭澤千古英雄有花能折
有酒能傾否萬事悠悠輸一醉花酒休教離手明月
西風闌珊酒盡憔悴花枝瘦酒腸花眼正宜年少時
候

春情

李易安 清照

蕭條庭院有斜風細雨重門須閉寵柳嬌花寒食近

種種惱人天氣險韻詩成扶頭酒醒別是閑滋味征
鴻過盡萬千心事難寄 樓上幾日春寒簾垂四面
玉欄干慵倚被冷香銷新夢覺不許愁人不起清露
晨流新桐初引多少遊春意日高烟斂更看今日晴
未

雪

朱淑真

鵝毛細剪縱輕拋密洒一時堆積斜倚東風渾漫漫
頃刻也須盈尺玉作樓臺鉛鎔天地不見遙岑碧佳
人作戲碎揉些子相擲 爭奈好景難留風儻雨恁
打碎光凝色縱有十分輕妙態誰似舊時憐惜擔閣

益 梁吟寂寞楚舞笑捩獅兒隻梅花依舊歲寒松竹三

醉江月

括東坡
赤壁賦

林正大

泛舟赤壁正風徐波靜舉尊屬客渺渺予懷天一望
萬頃憑虛獨立桂槳空明洞簫聲徹怨慕還悽惻星
稀月淡江山依舊陳迹 因念醜酒臨江賦詩橫槊
好在今安適謾寄蜉蝣天地爾瞬目盈虛消息江上
清風山間明月與子歡無極翻然一笑不知東方既
白

居金本風徐作
東風

括後赤壁賦

前人

雪堂閑步過臨臯霜靜晚林木落月白風清如此夜
與客行歌相答網舉松鱸手携斗酒赤壁重尋約悲
歌長哨劃然聲動寥廓 試問日月幾何江流山色
今日應如昨履遍峴岩風露冷水涌怒濤驚躍一葉
中流聽其所止適有孤飛鶴橫江東下問予赤壁遊
樂

范成大

浮生有幾嘆歡娛常少憂愁相屬富貴功名皆由命
何必區區僕僕燕蝠塵中鷄虫影裏見了還追逐山
間林下幾人真箇幽獨 誰似當日嚴君故人龍袞

獨抱羊裘宿試把漁竿都棹了百種千般拘束兩岸
烟林半溪山影此處無榮辱荒臺遺像至今嗟咏不
足

賀揚誠齋

羅永年

橋

郎星錦帳忽翩然歸訪南溪孤鷺前日登高誰信道
壽酒重浮茱萸風露盃寒芙蓉帳冷笑受長生錄廣
寒宮殿桂華應已新續 不用翠倚紅圍舞裙歌袖
共理稱觴曲只把文章千古事留伴平生幽獨但使
明年鬢青長在萱草春風綠諸郎如許轉頭百事都
足

沈剛孫

我來訪古把塵襟都付一聲鳴櫓笑把瑤觴波浩蕩
却憶長鯨吞吐坐挹高風骨清毛冷不作囂塵語客
星何在謾留遺像江渚 試問澤畔羊裘當時何事
笑禹弁宮武金印貂蟬誰不愛只為汗顏巢許幸有
高臺較他箕穎未肯輕輸與酒酣長嘯翩然誰共飛
舉

大江西上曲

寄李實夫提刑

戴式之復古

大江西上鬱孤臺八境人間圖畫地湧千峯搖翠浪
兩派玉虹如瀉彈壓江山品題風月四海今王謝風

流人物如公一世雄也 一片憂國丹心彈絲吹笛
未必能陶寫西北風塵方瀕洞宰相閑歸綠野月斧
爭鳴風斤運巧不用脩亭榭紫樞黃閣要公整頓天
下

壺中天

即念奴嬌

曾覲

素颺漾碧看天衢穩送一輪明月翠水瀛壺人不到
比似世間秋別玉手瑤笙一時同色小按霓裳疊天
津橋上有人偷記新閱 當日誰幻銀橋阿瞞兒戲
一笑成痴絕肯信群仙高宴處移下水晶宮闕雲海
塵清山河影滿桂冷吹香雪何勞玉斧金甌千古無

缺

請太上太后遊聚景園

淳熙六年張掄

洞天深處賞嬌紅
輕玉高張雲幕國
艷天香相競秀
瓊苑風光如昨露
洗妖妍風傳馥郁
雲雨巫山約
春光濃如酒五雲
臺榭樓閣聖代道
洽功成一塵不動
四境無鳴柝屢有
豐年天助順基業
增隆山岳兩世明
君千秋萬歲永享
昇平樂東堂呈瑞
更無一片花落

無俗念

同念奴嬌

丘長春

處機

春遊浩蕩是年年
寒食梨花時節白
錦無紋香爛熳

玉樹瓊苞堆雪靜
夜沉沉浮光靄靄
冷浸溶溶月人間
天上爛銀霞照通
徹渾似姑射真人
天姿靈秀意氣殊
高潔萬化參差誰
信道不與群芳同
列浩氣清英仙材
卓犖下土難分別
瑤臺歸去洞天方
看清絕

謔悟

虞集

十年牕下見古今
成敗幾多豪傑誰
會誰能誰不濟故
紙數行明滅亂葉
西風遊絲春夢轉
轉無休歇為它憔悴
不知有甚干涉
寥寥無住閑身
盡虛空界一片中
宵月雲去雲來無
定相月亦本無圓
缺非色

非空非心非佛教我如何說不妨跬步蟾蜍飛上銀闕

湘月

雙調即念奴嬌之鬲指聲也

姜克章

五湖舊約問經年底事長負清景暝入西山漸喚我一葉夷猶乘興倦網都收歸禽時度月上汀洲冷中流容與画橈不點清鏡誰解喚起湘靈煙鬟霧鬢理哀絃鴻陣玉塵談玄嘆坐客多少風流名勝暗柳蕭蕭飛星冉冉夜久知秋信鱸魚應好舊家樂事誰省

鳳簫吟

和彥時兄重九

相山

王之

雨溟濛年年今日農夫共卜期豐登高隨處好銀瓶突兀南峙對三公真珠溥露菊更芙蓉照水勻紅但華髮衰顏不堪頻鑑青銅相逢行藏休借問且徘徊目送飛鴻十年湖海千里雲山幾番殘照淒風蟹螯麕似臂金英碎琥珀濃香清細讀離騷為君一飲千鍾

長壽仙

聖節

趙子昂

五韻

瑞日當天對絳闕蓬萊非霧非烟翠光覆禁苑正淑

景芳妍綵伏和風細轉御香飄滿黃金殿喜萬國會
朝千官拜舞億兆同歡 福祉如山如川應玉者流
虹璇樞飛電八音奏舜韶慶玉燭調元歲歲龍輿鳳
輦九重春醉蟠桃宴天下太平祝吾皇壽與天地齊
年

丹鳳吟

鳳

張翥

蓬萊花鳥記並宿苔枝雙雙嬌小海上仙姝喚起綠
衣歌笑芳叢有時遣探聽東風教聲啼曉月下人歸
淒涼夢醒悵別多歡少 念故巢猶在瘴雲杪甚閉
入雕籠庭院深悄信斷羈雌遠鎮怨情縈繞翠衿近

來漸短看梅花又還開了縱解收香寄與柰羅浮春
杳

燕歸慢

上巳雨

梁寅

花逕蕭條恰桃霞已盡梨雪初飄雲靈噴麗景風雨
妬佳朝山中行樂本寥寥那更值年荒酒價高諸生
共高詠只閑靜勝嬉遊 千嶂暝故人遠寧妨馬水
平橋象筵寶瑟何由見與誰共羽觴浮蘭亭遺跡長
蓬蒿怎能勾山陰棹小舟對景度新曲獨堪向故人
求

瑤臺聚八仙

張叔夏

楚竹間桃千日酒樂意稍稍漁樵那回輕散飛夢便
覺迢遙似隔夫容無路到如何共此可憐宵舊愁消
故人念我來問寂寥 登臨試開笑口看垂垂短髮
破帽輕飄款語微吟清風損掃花妖明朝柳岸醉醒
又知在烟波第幾橋懷人處任滿身風露躡月吹簫

花草粹編卷之十終

張輯

短髯懷古更文游臺上秋生吟興聞說坡仙來把酒
月底頻留清影極目平蕪孤城四水畫角西風勁曲
闌猶在十分心事誰領 詞卷空落人間黃樓何處
回首愁深省斜照寒鴉知幾度夢想當年名勝只有
曾窺翰墨彷彿 舊游休問柳花淮甸春冷

答楊生彥衡

段成己

暮年懷抱對水光林影欣然忘食推手功名非我事
閒處聊為閒客世故多虞人生如寄一榻容安息鬢
絲千丈誰家機杼堪織 三徑松菊猶存誅茅雜穢

時借鄰翁力酒滿芳尊山滿眼此意無今無昔平地
風波東華塵土不到幽人席興來獨往溪南還又溪
北

過淮陰廟

薩都刺

短衣瘦馬望楚天空闊碧雲林杪野水孤城斜照裏
猶憶那回曾到古木啼鴉紙灰風起飛入淮陰廟推
牛醜酒英雄千古誰弔何處漂母荒墳清明寒食
腸斷王孫草烏盡弓藏成底事百計不如歸好半夜
鐘聲五更鷄唱南北行人老道傍楊柳青春又來
了

補鈔評花仙館校本

以上三首原刻列曹組十二時下以其不類更列
於此韻仙記



補鈔評花仙館校本

補鈔評花仙館校本

花草粹編十一卷目錄

長調

玉燭新三

莊椿歲

桂枝香二

疎簾淡月

喜朝天

滿朝歡二

月中仙

千秋歲二

翠樓吟

曲江秋二

彩雲歸

豐年瑞

真珠簾二

鳳歸雲

月當廳

柳色黃

梅香慢

馬家春慢

映山紅慢

木蘭花慢

二十
四
瑞雲濃慢

曲遊春

瑤華慢二

臺城路二

拜星月

情久長二

望春回

憶舊遊二

石州慢二

畫錦堂三

鼓笛慢

瑞鶴仙十

安公子二

昇平樂

小樓連苑

戀芳春慢

水龍吟三十

花犯二

金盞子二

齊天樂三十

龍吟曲二

花發元紅慢

喜遷鶯六十

西平樂二

山亭宴

慶春宮二

宴清都四

上林春二

氏州第一二

南浦

一捻紅

霓裳中序第一

探春慢

惜餘歡

雨霖鈴二

竹馬子二

憶瑤姬

還京樂

西湖月

歸朝歡五

瀟湘逢人慢

向湖邊二

長相思二

春雲怨

綺羅香

堯上鞋兒

瀟湘靜

雙聲子

春從天上來二

西河三

看花回二

月中桂二

迎新春

安平樂慢

古陽關

眉嫵一名百

湘江靜

烘春桃李

西江月慢

送入我門來

陽春二

賞南枝

望南雲慢

花草粹編十一卷目錄

綺寮怨 二

傾盃樂

合懽帶 二

望明河

早梅芳

曲玉管

解連環 一

花心動 四

春霽

花發沁園春 二

夢橫塘

期夜月

別瑤姬慢

杏梁燕

永遇樂 十

秋霽 三

西吳曲

定風波

南浦 二

二郎神 三

尉遲盃 二

花草粹編十一卷目錄終

花草粹編卷之十一

朗陵外方陳耀文晦伯甫纂

長調

玉燭新梅

周美成

溪源新臘後見數朵江梅剪裁初就暈酥破玉芳英
嫩故把春心輕漏前村昨夜想弄月黃昏時候孤岸
峭踈影橫斜濃香暗沾襟袖 尊前賦與多才向嶺
外風光故人知否壽陽謾闕終不似照水一枝清瘦
風嬌雨秀好亂插繁花盈首須信道羞管無情看
又奏

居全本向作問

國家圖書館 NATIONAL CENTRAL LIBRARY, TAIWAN R.O.C.

史梅溪 建祖

踈雲縈碧岫帶晚日搖光半江寒皺越溪近遠空頻
向過鴈風邊回首酸心一縷念水北尋芳歸後輕醉
醒隄月籠鞍沙鬆寶輪飛驟秦樓屢約芳春記扇
背題詩帕羅沾酒瘦愁易就因驚斷夢裡桃源難又
臨風話舊想日暮梅花孤瘦還靜倚脩竹相思盈盈
翠袖

青山 趙又

梅花新霽後正錦樣華堂一時妝就洞房花燭深深
處慢轉銅壺銀漏新妝未了柰浩蕩春心相候香篆

裏簇簇笙歌微寒半侵羅袖侵晨淺捧蘭湯問堂
上萱花夜來安否功名浪闊謾贏得萬里相思清瘦
藍袍俊秀便勝却登科龍首春晝永簾幙重重簫聲
緩奏

莊椿歲 壽趙丞相

方味道 翰

綸巾少駐家山北窓睡覺南薰起黃庭細看長生秘
訣神仙竒趣柰此蒼生願蘇炎熱仰為霖雨起丹心
未老將整頓乾坤手為經理好是今年慶事抱竒
孫一門佳氣蓬山振佩麟符重錫褒綸新美玉樹參
庭桂枝分種香浮蘭芷看他年接武三槐長是伴莊

椿歲

桂枝香

金陵懷古

王介甫

安石

登臨送目正故國晚秋天氣初肅
瀟灑澄江似練翠峯如簇
征帆去棹殘陽裏背西風酒旗斜
矗綠舟雲淡星河鷺起圖畫難足
念自昔豪華競逐恨門外樓頭
悲恨相續千古憑高對此謾嗟
榮辱六朝舊事隨流水但寒煙衰
草凝綠至今商女時時尚歌後庭
遺曲

觀木犀有感寄呂郎中

陳同父

亮

天高氣肅正月色分明秋容新
沐桂子初收三十六

宮都足不辭散落人間去怕群
花自嫌凡俗向他秋晚喚回春
意幾曾幽獨是天生餘香賸馥
恠一樹春風十里相續坐對花
傍但見色浮金粟芙蓉只解添
秋思况東籬淒涼黃菊入時太
淺背時太遠愛尋高躅

疎簾淡月

即桂枝香

張宗瑞

輯

梧桐雨細漸滴作秋聲被風驚
碎潤逼衣篝線裊蕙爐沉水悠
悠歲月天涯醉一分秋一分憔悴
紫簫吹斷素牋恨切夜寒鴻起
又何苦淒涼客裡草堂春綠竹
溪空翠落葉西風吹老幾番塵
世從前諳盡江

湖味聽商歌歸興千里露侵宿酒踈簾淡月照人無寐

喜朝天

清暑堂贈
蔡君謨

張子野

晚雲開睨仙館凌虛步入蓬萊玉宇瓊甃對青林近
歸鳥徘徊風月從今清暑野山帶江山助詩才簫鼓
宴璇題寶字浮動持盃天多送目無際識渡舟帆
小時見潮迴故國千里共十萬室日日春臺睢社廟
京非遠正和羨民口渴益梅佳景在吳儂還望分閫
重來

滿朝歡

柳耆卿

花隔銅壺露晞金掌都門十二清曉帝里光風爛熳
偏愛春杪煙輕晝永引鶯轉上林魚遊靈沼巷陌乍
晴香塵染惹垂楊芳草因念秦樓彩鳳楚館朝雲
往昔曾迷歌笑別來歲久偶憶歡盟重到人面桃花
未知何處但掩朱門悄悄盡日竚立無言贏得淒涼
懷抱

壽韓尚書出守

梅亭

一點箕星近天邊光彩輝耀南極竹馬兒童盡道使
君生日元是鳳池仙客曾曳履持荷簪筆稱觴處晚
節花香月周猶待五夕誰道久拘禁掖任雙旌五

馬暫從遊逸九棘三槐都是等閑親植見說玉皇側
席但早晚促歸調燮功成了笑傲南山壽如南山松
栢

月中仙聖節應制道宮

趙子昂五韻

春滿皇州見祥烟擁日初照龍樓宮苑柳映仙仗
雲移金鼎香浮寶光生玉斧聽鳴鳳簫韶樂奏德與
和氣游天生聖人千載希有祥瑞電繞虹流有雲
成色芝生三秀四海太平致民物雍熙朝野歌謳千
官齊拜舞玉杯進長生春酒願皇慶萬年天子與天
同壽

千秋歲姪壽叔

游文仲

今年為壽都道是不比尋常時節預慶我公年八袞
來獻新詞一闋笑得年時恰當尚父入相周西伯親
逢盛事宗孫也五十八一門富貴榮華盈牀牙笏
何待拈來說且上祝龜齡鶴筭從此千千百百笑道
兒時風流丹篆寫向龍駒額更將綵筆十字頭上添
一ノ

夫壽妻

毛東堂

記當初歸家似德耀嫁梁鴻筭三十年間艱難歷徧
甘苦相同新來有孫可抱也添此喜色到眉峯今日

又逢生日不妨杯酒從容 老翁只是一村儂欠你
孺人封幸兒漸知耕婦能知織莫問窮通君看世間
富貴比浮雲縹緲過晴空何似大家清健玉林歲歲
春風

翠樓吟

雙調武昌安遠樓成

姜白石

月冷龍沙塵青虎落今年漢酺初賜新翻胡部曲聽
氈幕元戎歌吹層樓高峙看檻曲縈紅簷牙飛翠人
姝麗粉香吹下夜寒風細 此地宜有詞仙擁素雲
黃鶴與君遊戲玉梯凝望久嘆芳草萋萋千里天涯
情味伏酒被清愁花嬌英氣西山外晚來還捲一簾

秋霽

曲江秋

揚補之

元谷

前山雨歇愛竹樹低除軒自無熱珠箔半垂清風細
繞蕭蕭吹華髮珍簾聚枕說珊瑚瘦瑠璃滑永日歌
枕知誰是伴舊書重揭 清絕輕雲淡月夢同泛滄
波萬疊杯盤狼籍處相扶就枕歡笑歌翻雪轉掉小
溪灣人家燈火斷明滅正携手無端驚回檻外數聲
鶉鴉

二

鳴鳩怨歇對急雨且雲暗風吹熱漠漠稻田差差柳

岸新深青絲髮樓上素琴况愛流水隨絃滑深炷龍
津濃熏絳緯博山頻揭 超絕遙岑吐月照蒼蒼重
重疊叠恍然身在處疑同泛花舫波噴雪滉漾醉魂
醒驚呼不是漚生滅竚望久空嘆無才可賦厭聽鶉
鳩

彩雲歸

恨別

柳耆卿

蘅臯向晚艤輕航卸雲帆水驛魚鄉當暮天霽色如
晴晝江練靜皎月飛光那堪聽遠村羌管引離人斷
腸此際恨浪萍風梗度歲茫茫 堪傷朝歡暮散被
多情賦與淒涼別來最苦襟袖依約尚有餘香笑得

伊鴛衾鳳枕夜永爭不思量牽情處惟有臨歧一句
難忘

豐年瑞

魯觀

紫皇高宴仙臺變成戲擊璫苞碎何人為把銀河水
剪甲兵都洗玉樣乾坤八荒同色了無塵翳喜冰消
太液煖融鳩鵲端門曉班初退 聖主憂民深意轉
鴻鈞滿天和氣太平有象三宮二聖萬年千歲雙玉
盃深五雲樓迥不妨頻醉看來不是飛花片片是豐
年瑞

真珠簾

陸務觀

山村水館參差路，感羈遊正似殘春。風絮掠地穿簾，知是竟歸何處。鏡裏新霜空自憫，問幾時、寫臺鰲巽。遲暮謾憑高懷遠，書空獨語。自古儒冠多誤，悔當年早不扁舟歸去。醉下白蘋洲，看夕陽鷗鷺。菰菜鱸魚都棄了，只換得青衫塵土。休顧早收身，江上一簑烟雨。

二

燈前月下嬉遊處，向笙歌錦綉叢中相遇。彼此知名，纔見便論心素。淺黛嬌蟬風調，別最動人時時偷顧。歸去想，閑窓深院，調絃促柱。樂府初翻，新譜漫裁。

紅點翠，閑題金縷。燕子入簾時，又一番春暮。側帽脰脂坡下過料也，記前年崔護。休訴待從今，須與好花為主。

鳳歸雲

興遣

柳耆卿

永

向深秋，雨餘爽氣肅西郊。陌上夜闌襟袖起涼颼。天末殘星流電未滅，閃閃隔林梢。又是曉鷄聲斷，陽烏光動，漸分山路迢迢。駸駸行役，冉冉光陰，蠅頭利祿蝸角功名，畢竟成何事。謾相高拋擲，雲泉狎玩塵土。壯節等閑銷。幸有五湖煙浪，一般風月，會須歸老漁樵。

月當廳

史邦卿 建祖

居全本聲作深

白壁舊帶秦樓夢因誰拜下楊柳樓心正是夜分魚
鑰不動香聲時有露螢自照占風裳可喜影趁金坐
來久都将涼意盡付沉吟 殘雲事緒無人拾恨恣
恣藥娥歸去難尋綴取霧窓曾唱幾拍清音猶有老
來印愁處冷光應念雪翻簪空獨對西風緊弄一非
桐陰

柳色黃

賀方回 靖

薄雨催寒斜照弄晴春意空濶長亭柳色綠黃遠客

一枝先折煙橫水映帶幾點歸鴻東風銷盡龍沙雪
還記出關來恰而今時節 將發畫樓芳酒紅淚清
歌便成輕別已是經年杳杳音塵都絕欲知方寸共
有幾許清愁芭蕉不展丁香結望斷一天涯兩厭厭
風月

梅香慢

高閣寒輕映萬朵芳梅亂堆香雪未待江南早冠百
花先占一陽佳節剪綵凝酥無處學天然奇絕便壽
陽粧工夫費盡艷姿終別 風裏弄輕盈掩珠英明
瑩射臘飄烈莫放芳菲歇剩永宵歡賞酒酣吟折倒

居全本射作膚

玉何妨且聽取鐃前新闋怕笛聲長行雲散盡謾悲
風月

馬家春慢

珠箔風輕綉簾浪捲乍入人間蓬島聞玉闌干漸庭
館薰籠春曉天許奇葩貴品異繁杏夭桃輕巧命化
工傾國風流與一枝纖妙樽前五陵年少縱丹青
異格難別顏貌惹露凝烟困紅嬌額微顰低笑須信
濃香易歇更莫惜醉攀吟逸待舞蝶遊蜂細把芳心
都告

映山紅慢

元厚之

穀雨風前占淑景名花獨秀露國色僊姿品流第一
春工成就羅幃護日金泥皺映霞腮動擅痕潘長記
得天上瑤池閨苑曾有千匝遠紅玉闌干愁只恐
朝雲難久須款折繡囊刺戴細把蜂須頻嗅佳人再
拜擡嬌面歛紅巾捧金杯酒獻千千壽願長恁天香
滿袖

木蘭花慢

惜別

柳耆卿

倚危樓竚立乍蕭索晚晴初漸素景衰殘風砧韻冷
霜樹紅踈雲衢見新鴈過柰佳人自別阻音書空邊
悲秋念遠寸腸萬恨縈紆皇都暗想歡遊成往事

此詞本遺作道
皇都二字在下
半闕

動歛歎念對酒當歌低幃並枕翻恁輕辜歸途縱凝
望處但斜陽暮靄滿平蕪贏得無言悄悄凭欄盡日
踟躕

程正伯

該

居全本填作異

倩嬌鶯婉燕說不盡此時情正小院春闌芳園畫鎖
人去花零憑高試回望眼柰遙山遠水隔重雲誰遣
風狂雨橫便教無計留春情知鴈杳與鴻嗔自難
寄丁寧縱竹院顰深桃門笑在知屬何人衣篝幾回
忘了柰殘香猶有舊時薰空使風頭捲絮為他飄蕩
花城

呂聖求

渭老

石榴花謝了正荷葉蓋平池試瑪瑙杯深琅玕簾冷
臨水簾帷知他故人甚處曉霞明斷浦柳枝垂唯有
松風水月向日長似當時依依望斷水窮雲起處
是天涯柰燕子樓高江南夢斷虛費相思新愁暗生
舊恨更流螢弄月入紗衣除却幽花軟草此情未許
人知

重陽

京仲遠

鐘

萸秋來景物皆勝賞况重陽正露冷欲霜輕烟不雨
玉宇開張蜀人從來好事遇良辰不肯負時光藥市

家家簾幙酒樓處處絲簧
婆婆老子興難忘聊復
與平章也隨分登高茱萸綴
席菊蕊浮觴明年未知
健否笑杜陵底事獨淒涼
不道頻開笑口年年落帽
何妨

張安國

送歸雲去鴈淡寒彩滿溪樓
正佩解湘腰釵孤楚鬢
鵝鑑分收凝情望行處路
但踈烟遠樹織離憂只有
樓前溪水伴人清淚長流
霜華夜永逼衾裯喚誰
護衣篝念粉館重來芳塵
未掃爭見嬉遊情知悶來
殢酒柰回腸不醉只添愁
脉脉無言竟日斷魂雙鷺

南州

三

紫簫吹散後恨燕子只空樓
念璧月長虧玉簪中折
覆水難收青鵞送碧雲
句道霞扃霧鎖不堪憂情與
文梭共織怨隨宮葉同流
人間天上兩悠悠暗淚
洒燈篝記谷口園林當時驛
舍夢裏曾遊銀屏低聞
笑語但夢時冉冉醒時愁
擬把菱花一半試尋高價
皇州

送陳石泉南歸

陳叅政

北歸人未老喜依舊著南冠
正雪暗滹沱雲迷芒碭

夢繞邯鄲鄉心促日行萬里幸此身生入玉門閑多
少秦烟隴霧西湖淨洗征衫 燕山望不見吳山回
首一歸鞍慨故宮離黍故家喬木那忍重看鈞天紫
微何處問瑤池八駿幾時還誰在天津橋上杜鵑聲
裡闌干

中秋

吳彥高 液

敞千門戶瞰蒼海爛銀盤對沆瀣樓高儲胥鴈過墜
露生寒闌干眺河漢外送浮雲盡出衆星乾丹桂霓
裳縹緲似聞襟佩珊珊 長安底處高城人不見路
漫漫歎舊日心情如今容鬢瘦沈愁潘幽歡縱容易

得動是隔年看歸去江湖一葉浩然對影垂竿

社日有懷

嚴次山 仁

東風吹霧雨更吹起袂衣寒正莽莽叢林潭潭伐鼓
鬱鬱焚蘭闌干曲多少意看青烟如篆遠溪灣桑柘
綠陰猶薄杏桃紅雨初翻 飛花片片走潺湲問何
日西還嘆擾擾人生紛紛離合渺渺悲歡想雲輶何
處也對芳時應只在人間惆悵回紋錦字斷腸斜日
雲山

戴式之 復古

鶯啼啼不盡憑燕語語難通這一點芳心十年不斷

居全本門字下
有萬字暇作暇

惱亂東風重來故人何處但依前流水小橋東記得
同題粉壁而今壁破無蹤 蘭皋空漲綠溶溶流恨
落花紅念着破衫當時送別燈下裁縫相思謾令
自苦嘆雲煙過眼揔成空落日楚天無際凭欄目送
歸鴻

七夕

盧申之 祖阜

汀蓮凋晚豔又蘋末起秋風漫搔首徐吟微雲河漢
踈雨梧桐飄零倦尋酒醜記那回歌管小樓中玉果
蛛絲暗卜鈿釵蟬鬢輕籠 吳雲別後重重涼宴幾
時同縱人間信有屏靈鵲喜密意難通雙星分攜最

苦念經年猶有一相逢寂寞橋邊舊月可堪頻照西
東

秋意

李耘叟 芸子

占西風早處一番雨一番秋記故國斜陽去年今日
落葉林幽悲歡幾回激烈寄踈狂酒令與詩籌遺恨
清商易改多情紫燕難留 嗟休觸緒蠶絲抽舊事
續何由柰予懷渺渺羈愁鬱鬱歸夢悠悠生平不如
老杜便如它飄泊也風流寄語庭柯徑菊甚時得棹
孤舟

劉後村 克莊

瀛洲真學士為底事在紅塵為語觸宮闈沉香亭裏
嗔謫仙人為親近君側者見萬言策了甚劉賁為是
尚方請劔漢廷多憚朱雲君言往事勿重陳且闢
酒邊身也不會區區笑他甲子記甚庚寅尔曹譬如
朝菌又安知老柏與靈椿世上榮華難保古來名節
如新

黃玉林

問春春不語謾新綠滿芳洲記歷歷前遊看花南陌
命酒西樓東風翠紅圍繞把功名一笑付糟丘醉裏
了忘身世吟邊自負風流風流莫莫復休休白髮

漸盈頭悵十載重來畧無歡意惟有閑愁多情向人
似舊但小桃婀娜柳纖柔望斷殘霞落日水天拍拍
飛鷗

題馮雲月玉連環詞

前人

自沉香亭斷風雨外失餘春悵袍錦淋漓金盞論奏
四海無人蛾眉古來見妬柰昭陽飛燕亦成塵惟有
空梁落月至今能為傳神神遊八表跨長鯨誰是
再來身愛雲月溪頭玉環一曲筆力千鈞人間不堪
着眼但香名百世尚如新乞我九霞蜚珮梯空共上
秋旻

亦草未終

和荅玉林韻

馮偉壽 艾子

酒醒人世換碧桃靚海山春任青鳥沈沈紫鱗杳杳
有玉林人宮袍棹頭未愛愛荷衣不染市朝塵仙樣
蓬萊翰墨雲間寫鳳精神 笑呼銀漢入金鯨瓊苑
自由身羨咳唾成章香薰花霧音和韶鈞六丁夜來
捧去便天人也自嘆尖新那得金牋飛洒浩歌飛步
蒼旻

賀第二娶

彭虛寮

仙家春不老誰說到牡丹休笑蠻柳樊櫻怎生了得
白傳風流枝頭標梅實好奈綠陰庭戶不禁愁幸有

琴中鳳語能通鏡裏鴛求 鏘瓊雜佩下瀛洲寶篋

紫煙浮望蘭情紅盼三生曾識一見如羞綢繆從今

偕老似柳郎無負碧雲秋莫倚回文妙手放教遠覓

封侯 昔柳毅為牧羊女傳書碧雲杯酒意即相
屬後柳三娶崔氏乃牧羊女之化身也

遺山 元好問

擁岩岩雙闕龍虎氣鬱崢嶸想暮雨珠簾秋香桂樹
指顧臺城臺城為誰西望但哀絃淒斷似平生只道
江山如畫爭教天地無情 風雲奔走十年兵慘淡
入經營問對酒當歌曹侯墓上何用虛名青青故都
喬木悵西陵遺恨幾時平安得忝軍健筆為君重賦

龍草碎編

卷十一

七

蕪城

二

渺漲流東下流不盡古今情記海上三山雲間雙闕
當日南城黃星幾年飛去淡春陰平野草青青水井
猶殘石甃露盤已失金莖風流千古短歌行慷慨
缺壺聲想醜酒臨江賦詩鞍馬詞氣縱橫飄零舊家
王粲似南飛烏鵲月三更笑殺西園賦客壯懷無復
平生

題亳州武津閔

張弘範

憶譙都風物飛一夢過千年羨百里溪程兩行堤柳

數萬人烟傷心舊家遺跡謾斜陽流水接長天冷落
故祠香火白雲淚眼潸然行藏好向故人傳椽筆
舞蠻箋總糾糾貌貅秋風江上高卧南邊功名談笑
罇俎向錦江何必上樓船他日玉津閔下春風驕馬
金鞭

憶吳姬

鄭禧春夢錄

任東風老去吹不斷淚盈盈春淺春深春寒春暖春
雨春晴都來助詩人興更落花無定攪春情芳草猶
迷舞蝶綠揚空悞流鶯玄霜著意搗初成回首失
雲英但如醉如痴如狂如舞如夢如驚香魂至今迷

戀問真仙消息最分明幾夜相逢何處清風明月蓬

瀛攬原
作挽

再和鄭禧

吳氏

看紅牋寫恨人醉倚夕陽樓故里梅花絕傳春信先
認儒流此生料應緣淺綺窓下雨怨共雲愁如今杏
花嬌艷珠簾懶上銀鈎絲羅喬樹欲依投此景兩
悠悠恐鶯老花殘翠媽紅減辜負春遊蜂媒問人情
思揔無言應只低頭夢斷東風路遠柔情猶為遲留

彭城懷古

薩天錫剡都

古徐州形勝消磨盡幾英雄想鉄甲重瞳烏騅汗血

玉帳連空楚誥八千兵散料夢魂應不到江東空有
黃河如帶亂山起伏如龍漢家陵闕秋風禾黍滿
闕中更戲馬臺荒畫眉人遠燕子樓空人生百年寄
耳且開懷一飲盡千鍾回首荒城斜日倚闌目送飛
鴻

西湖送春

梁貢父魯

問花花不語為誰落為誰開算春色三分半隨流水
半入塵埃人生能幾歡笑但相逢樽酒莫相推千古
幕天席地一春翠繞珠圍彩雲回首暗高臺煙樹
渺吟懷拚一醉留春留春不住醉裏春歸西樓半簾

斜日怪銜春燕子却飛來一枕青樓好夢又教風雨
驚回

瑞雲濃慢

六月十一日
壽羅春伯

陳同父

蔗漿酪粉玉壺冰醕朝罷更聞宣賜去天咫尺下拜
再三幸今有母可遺年年此日共道月入懷中最貴
向暑天正風雲會遇有恁嘉瑞鶴冲霄魚得水一
超便直入神仙地值根江表開拓兩河做得黑頭公
未騎鯨赤手問何如長鞭尺箠向來王謝風流只今
管是

曲遊春

趙功可

千樹隴芳草正蒲風微過梅雨新霽客裏幽窓笑無
春可到和愁都閉萬種人生計應不似午天閑睡起
來踏碎松陰肅肅欲動疑水借問歸舟歸未望柳
色煙光何處明媚抖擻人間除離情別恨乾坤餘幾
一笑晴鳧起酒醒後闌干獨倚時見雙燕飛來斜陽
滿地

瑤華慢

雪

仇仁近

遠

踈踈密密漠漠紛紛乍舞風無力殘磚斷礎轉眼化
作方圭圓壁非花非絮似逞巧先投窓隙立小樓不
見青山萬里鳥飛無迹休憐凍梗冰苔但飛入平

林都是春色年華婉婉誰信道老却梁園詞客踏青
近也且二白何須三白把一白分與梅花要點壽陽
宮額

次仇山村韻

張伯雨

篩冰為霧屑玉成塵借阿夷風力千岩競秀怎一夜
換作連城之壁先生閉戶恠短日寒催駒隙想平沙
鴻爪成行似醉時書迹未隨埋沒雙尖便淡掃蛾
眉與鬪顏色裁詩白戰驢背上馱取灞橋吟客撚鬚
自笑儘未讓諸峯頭白看洗出宮柳梢頭已借淡黃
塗額

臺城路送周方之吳

張叔夏

朗吟未了西湖酒驚心又歌南浦折柳官橋呼船野
渡還聽垂虹風雨漂流最苦况如此江山此時情緒
怕有鴟夷笑人何事載詩去荒臺祇今在否登臨
休望遠都是愁處暗草埋沙明波洗月誰念天涯羈
旅荷陰未暑快料理歸程再盟鷗鷺只有空山近來
無杜宇

二

十年前事翻疑夢重逢可憐俱老水國春山空城歲
晚無語相看一笑荷衣換了任京洛風塵冷凝紗帽

居全本空字在
小字上風塵作
塵沙妙作風甚
字下有時字

見說吟情近來不見謝池草
歡遊曾步翠窈亂花
迷紫曲芳意今少舞扇招香歌撓換玉猶憶錢塘蘇
小無端暗惱又幾度留連燕昏鶯晚回首粧樓甚歸
去好

拜星月

周美成

夜色催更清塵收露小曲幽坊月暗竹檻燈窓識秋
娘庭院笑相遇似覺瓊枝玉樹暖日明霞光爛水盼
蘭情總平生稀見
畫堂中舊識春風面誰知道自
到瑤臺畔春戀雨潤雲濕苦驚風吹散念荒寒寄宿
無人館重門閉敗壁秋蟲嘆怎奈何一縷相思隔溪

山不斷

韓琮集云吳魚嶺鴈無消息水盼蘭情別來久

昇平樂

吳奕

水閣層臺短亭深院依稀萬木籠陰飛暑無涯行雲
有勢晚來細雨回情庭槐轉影紗厨兩兩蟬鳴幽夢
斷枕金猊旋熟蘭炷微薰
堪命俊才儔侶對華筵
坐列朱履紅裙檀板輕敲金樽滿泛縱交畏日西沉
金絲玉管間歌喉時奏清音唐虞景儘陶陶沉醉且
樂昇平

西平樂

春暮

柳耆卿

永

盡日憑高寓目脉脉春情緒嘉景清明漸近時節輕

寒乍暖天氣才晴又雨煙光澹蕩裝點平蕪遠樹黯
凝竚 臺榭好鶯燕語正是和風麗日幾許繁紅嫩
綠雅稱嬉遊去柰阻隔尋芳伴侶秦樓鳳吹楚館雲
約空悵望在何處寂寞韶光暗度可堪向晚村落聲
聲杜宇

朱雍

夜色娟娟皎月梅玉供春緒不使鉛華點綴超出精
神淡竚休妬殘英如雨清香眷戀只恐隨風滿路散
無數 江亭暮鳴佩語正值忽忽乍別天遠瑤池編
轂好趁飛瓊去忍負瑤臺伴侶瓊肌瘦盡庾嶺零落

空悵望動情處畫角哀時暗度參橫向曉吹入深沉
院宇

情久長

呂聖求

渭老

瑣窓夜無聊盡作傷心句甚近日帶紅移眼黎臉沾
雨春心償未足怎忍聽啼血催歸杜宇暮帆掛沉沉
暝色滾滾長江流不盡來無據 點檢風光歲月今
如許趁此際浦花汀草一棹東去雲窓霧閣洞天曉
同作煙霞伴侶笑誰見梅簾醉夢柳陌晴遊應未許
春知處

二

水梁跨水沉霽色遮千里怎向我小舟孤楫天外飄
逐夜寒侵短髮睡不穩窓外寒風漸起歲華暮蟾光
射雪碧瓦飄霜塵不動寒無際 鷄咽荒郊夢也無
歸計擁綉枕斷魂殘魄清吟無味想伊睡起又念遠
樓閣橫枝對倚待歸去西窓剪燭小閣凝香深翠幙
饒春睡

小樓連苑

梅

楊樵雲

一枝斜墮墻腰向人顫裊如相媚是誰剪取斷雲零
玉輕輕粧綴不是幽人如何能到水邊沙際又匆匆
過了春風半面儘長把重門閉 只管相思成夢道

無情又關鄉意蒼苔半畝如今已是鹿胎田地甚欲
追陪却嫌花下翠環解語待何時月轉幽房醉了不
教歸去

山亭宴

有美堂贈
彦猷主人

張子野

宴堂永晝喧簫鼓倚青空畫欄紅柱玉瑩紫薇人藹
和氣春融日照故宮池館更樓臺約風月今宵何處
湖水動鮮衣競拾翠湖邊路 落花蕩漾怨空樹曉
山靜數聲杜宇天意送芳菲正黯淡疎煙短雨新歡
寧似舊歡長此會散幾時還聚試為挹飛雲問解寄
相思否

望春回

李景元 甲

霽霞散曉射水村漸明漁火方絕灘露夜潮痕注凍
瀨淒咽征鴻來時應負書見疎柳更憶伊同折異鄉
憔悴那堪更逢歲窮時節 東風暗回煖力莫折遍
江梅消盡崑雪唯有這愁腸也依舊千結私言竊語
些誓約便眠思夢想無休歇這些離恨除非對着說
似明月

戀芳春慢

寒食前進

万俟雅言

蜂藥分香燕泥破潤暫寒天氣清新帝里繁華昨夜
細雨初勻萬品花藏四苑望一帶柳接重津寒食近

蹴鞠秋千又是無限遊人 紅粧趁戲綺羅夾道青
帘賣酒臺榭侵雲處處笙歌不負治世良辰共見西
城路好翠華定將出嚴宸誰知道仁主祈祥為民非
事行春

慶春宮

秋怨

周美成

邦彥

雲接平岡山圍寒野路回漸轉孤城衰柳啼鴉驚風
驅鴈動人一片秋聲倦途休駕淡烟裏微芒見星塵
埃憔悴生怕黃昏離思牽縈 華堂舊日逢迎花艷
參差香霧飄零管絃當頭偏憐嬌鳳夜深黃暖笙清
眼波傳意恨密約匆匆未成許多煩惱只為當時一

餉留情

陳允衡

斜日明霞殘虹分雨軟風淺掠蘋波聲冷瑤笙情踈
寶扇酒醒無柰秋何彩雲輕散漫敲缺銅壺浩歌眉
痕留怨依約遠峯學飲雙蛾銀床露洗涼柯屏掩
香銷忍掃裊羅楚驛梅邊吳江楓畔庾郎從此愁多
草蛩喧砌料催織迴文鳳梭相思遙遠簾捲翠樓月
冷星河

憶舊遊

周邦彥

記愁橫淺黛淚洗紅鈿門掩秋宵墜葉驚離思聽寒

螢夜泣亂雨瀟瀟鳳釵半脫雲鬢窓影燭花搖漸暗
竹敲涼踈螢照曉兩地魂銷迢迢問音信道徑底
花陰時認鳴鑣也擬臨朱戶嘆因郎憔悴羞見郎招
舊巢更有新燕楊柳拂河橋但滿眼京塵東風竟日
吹露桃

別黃澹翁

吳君特

送人猶未苦苦送春隨人去天涯片紅都飛盡陰陰
潤綠暗裏啼鴉賦情頓雪雙鬢飛夢逐塵沙歎病渴
淒涼分香瘦減兩地看花西湖斷橋路想繫馬垂
楊依舊欹斜葵麥迷煙處問離巢孤燕飛過誰家故

居全本詞羅作
烟蘿

人為寫深怨空壁掃秋蛇但醉上吳臺殘陽草色歸
思賒

水龍吟詠

東坡

楚山脩竹如雲異材秀出千林表龍鬚半翦鳳膺微
漲玉肌勻繞木落淮南雨晴雲夢月明風裊自中郎
不見桓伊去後知辜負秋多少 聞道嶺南太守後
堂深綠珠嬌小綺窓學弄梁州初遍霓裳未了嚼徵
含宮泛商流羽一聲雲杪為使君洗盡蠻風瘴雨作
霜天曉

楊花

前人

似花還似非花也無人惜從教墮拋家傍路思量却
似無情有思縈損柔腸困酣嬌眼欲開還閉夢隨風
萬里尋郎去處又還被鶯呼起 不恨此花飛盡恨
西園落紅難綴曉來雨過遺蹤何在一池萍碎春色
三分二分塵土一分流水細看來不是楊花點點是
離人淚

楊花

章質夫案

燕忙鶯懶芳殘正堤上柳花飄墜輕飛亂舞點畫青
林全無才思閑趁遊絲靜臨深院日長門閉傍珠簾
散漫垂垂欲下依前被風扶起 蘭帳玉人睡覺恹

春衣雪霑瓊綴繡床漸滿香毬無數
綉圓却碎時見蜂兒仰粘輕粉魚吞池水
望章臺路香金鞍遊蕩有盈盈淚

秦少游 觀

小樓連苑橫空下窺綉轂雕鞍驟踈簾半捲單衣初
試清明時候破暖輕風弄晴微雨欲無還有賣花聲
過盡垂楊院宇紅成陣飛鴛鴦 玉佩丁東別後悵
佳期參差難又名韁利鎖天還知道和天也瘦花下
重門柳邊深巷不堪回首念多情但有當時皓月照
人依舊

早春

晁次膺 端禮

倦遊京洛風塵夜來病酒無人問九衢雪小千門月
淡元宵燈近香散梅梢凍消池面一番春信記南樓
醉裏西城宴闕都不管人春困 屈指流年未幾早
驚人潘郎雙鬢當時體態而今情緒多應瘦損馬上
墻頭縱教瞥見也難相認凭闌干但有盈盈淚眼把
羅襟搵

梅花

梅堯作
鼓笛慢

前人

夜來深雪前村路應是早梅初綻故人念我江頭春
信南枝向暖踈影橫斜暗香浮動月明清淺向亭邊

花草詩集 卷十一
驛畔行人立馬頻回首空腸斷 別有玉溪仙館壽
陽人宮粧粉面天教占了百花頭上和羨未晚最是
傷情處高樓上一聲羌管伏何人向道爭如留取倚
闌干看

曾覲

楚天千里無雲露華洗出秋容淨銀蟾臺榭玉壺天
地參差桂影鴛瓦寒生畫簷光射碧梧金井聽韶華
半夜江梅三弄風嫋嫋良宵永 携手西園宴罷下
瑤臺醉魂初醒吹簫仙子驂鸞歸路一襟清興鳩鵲
樓高建章門迥星河耿耿看滄江潮上丹楓葉落浸

閔山冷

梅花

魯逸仲

歲窮風雪飄零望迷萬里雲垂凍紅綃碎剪凝酥繁
綴煙深霜重踈影沈波暗香和月橫斜浮動悵別來
欲把芳菲寄遠還羌管吹三弄 寂寞玉人睡起浣
殘粧不勝嬌鳳盈盈山館紛紛江路相思誰共才與
風流賦稱清艷多情唯宋筭襄王在被梨花瘦損又
成春夢

梨花

周美成

素肌應怯餘寒艷陽占盡青蕪地樊川照日靈關遮

居全本無得字

路殘紅歛避傳火樓臺妬花風雨長門深閉亞簾籠
半濕一枝在手偏勾引得黃昏淡 別有風前月底
布繁英滿園歌吹朱鉛退盡潘妃却酒昭君乍起雪
浪翻空粉黛縞夜不成春意恨玉容不見瓊英謾好
與何人比

程正伯

夜來風雨匆匆故園定是花無幾愁多愁極等閑辜
負一年芳意柳困桃慵杏青梅小對人容易美好春
長在好花長見元只是人憔悴 回首池南舊事恨
星星不堪重記如今但有霜花老眼傷情清泪不怕

逢花瘦只愁怕老來風味待繁紅亂處留雲借月也
須拚醉

紹興甲子上元有懷京師 向伯恭

華燈明月光中綺羅絃管春風路龍如駿馬車如流
水軟紅成霧太子池邊葆真宮裏玉樓珠樹見飛瓊
伴侶霓裳縹緲星回眼蓮微步 笑入綵雲深處更
宮宮一簾花雨金鈿細落寶釵斜墜乘鷺歸去醉失
桃源夢回蓬島滿身風露到而今江上愁山萬疊鬢
絲千縷

居全本無得字

春日遊摩訶池

陸務觀

摩訶池上追遊路紅綠參差春晚韶光妍媚海棠如
醉桃花欲暖挑菜初開禁烟將近一城絲管看金鞍
爭道香車飛蓋爭先占新亭館惆悵年華暗換黯
銷魂雨收雲散鏡奩掩月釵梁折鳳秦箏斜鴈身在
天涯亂山孤壘危樓飛觀歎春來只有楊花和恨向
東風滿

二榮南
作

樽前花底尋春處堪嘆心情全減一身萍寄酒徒雲
散佳人天遠那更今年瘴煙蠻雨夜即江畔漫倚樓
橫笛臨牕看鏡時揮涕驚流轉花落月明庭院悄

無言魂消腸斷憑肩携手當時曾効畫梁栖燕見說
新來網縈塵暗舞衫歌扇料也羞憔悴慵行芳徑怕
鶯兒見

壽韓南澗

辛幼安

渡江天馬南來幾人真是經綸手長安父老新亭風
景可憐依舊夷甫諸人神州沈陸幾曾回首笑平戎
萬里功名本是真儒事君知否况有文章山斗對
桐陰滿庭清畫當年墮地而今試看風雲奔走綠野
風烟平泉草木東山歌酒待他年整頓乾坤事了為
先生壽

春恨

陳同甫

鬧花深處層樓畫，
簾半捲，東風軟。
春歸翠陌平莎草，
嫩垂楊，金淺遲日，
催花淡雲閣雨，
輕寒輕暖，恨芳菲
世界，游人未賞，都付與鶯和燕。
寂寞憑高念遠，向
南樓一聲歸鴈，金釵鬪草青絲勒馬，
風流雲散，羅綬分香翠綃封淚，
幾多幽怨，正銷魂，又是踈烟淡月，
子規聲斷。

丙子立春懷內

劉叔安

三山臘雪才消，夜來誰轉回寅斗。
試燈簾幕，送寒幡勝，暗香携手。
少日歡娛，舊遊零落，異鄉歌酒。
到而今

生怕春來大早，空贏得兩眉皺。
春到蘭湖，少住肯殷勤訪梅尋柳，
相思人遠，帶圍寬減，粉痕消瘦。
雙燕無憑尺書難表，甚時回首，
想畫欄倚遍，東風閑負却桃花呪。

庚寅寄遠

老來慣與春相識，
長記傷春如故，
去年今日，
舊愁新恨，
送將風絮，
粉淚羞紅黛，
眉顰翠推愁不去，
任瑣窓深閉，
屏山半掩，
還別有愁來路。
回首畫橋烟水，
念故人匆匆，
何處客情懷遠，
雲迷北樹，
草連南浦，
離合悲歡去留，
遲還問春無語，
笑劉郎不道無桃可種，
苦

留春住

丙戌清明和章質夫韻

弄晴臺館收煙候時有燕泥香墜宿醒未解單衣初
試騰騰春思前度桃花去年人面重門深閉記彩鸞
別後青驄歸去長亭路芳塵起 十二屏山遍倚任
蒼苔點紅如綴黃昏人靜煖香吹月一簾花碎芳意
婆婆綠陰風雨畫橋煙水笑多情司馬留春無計濕
青衫淚

夷陵雪中作

管鑑

曉來密雪如篩望中瑩徹還如洗梅花過了東風未

放滿城桃李碎剪瓊英高林低樹巧粧勻綴更江山
秀發田疇清潤滿眼是豐年意 誰念危樓獨倚共
飄零茫茫天外毫端句澁盃中酒減歡情難寄天為
淒涼暫時遮盡荒茅白蕘但神州目斷珠宮玉闕縵
三千里

賦荼蘼

盧申之

祖暉

蕩紅流水無聲暮烟細草粘天遠低回倦蝶往來忙
燕芳期頓懶綠霧迷墻翠虬騰架雪明香煖笑依依
欲挽春風教住還疑是相逢晚 不似梅粧瘦減占
人間羊神簫散攀條弄藥天涯猶記曲闌小院老去

情懷酒邊風味有時重見對枕幃空想東窓舊夢帶
將離恨山谷詩云名字因

追和晁次膺

洪叔璵

經年不見書來後期杳杳從誰問梅英蠟小柳枝金
嫩艷陽春近羅幕風柔泛紅浮綠連朝花信念平生
多少情條恨葉鎮長使芳心困 可是風流薄命鏡
臺前鬆鬆蟬鬢茜桃凝粉薰蘭漲膩翠愁紅損縱使
歸來燈前月下恐難相認卷重簾憔悴殘粧淚洗把
羅襟搵

李屏山

老學叢談

幾番冷笑三閭笑來枉向江心墮和光混俗隨機達
變有何不可清濁隨他醉醒由已分明識破待用時
却進舍時便退無福亦無禍 你試回頭覷我怕不
待崢嶸則箇功名半紙風波千丈圖此甚麼雲棧揚
鞭海濤搖棹爭如閑坐但尊中有酒心頭無事葫蘆
提過

唐玉潜

正

淡妝人更嬋娟晚奩淨洗鉛華膩泠泠月色蕭蕭風
度嬌紅斂避太液池空霓裳舞倦不堪重記嘆冰魂
猶在翠輿難駐玉簪為誰輕墜 別有凌空一葉泛

清寒素波千里珠房淚濕明璫恨遠舊遊夢裏羽扇
生秋瑠樓不夜尚遺仙意柰香雲易散綃衣半脫露
涼如水

宴清都

春閨

何籀

細草沿階軟紅日薄蕙風輕藹微暖東君靳惜桃英
尚小柳芽猶短羅幃綉幙高捲早已是歌慵笑嬾凭
畫樓那更天遠山遠水遠人遠 堪怨傅粉踈狂竊
香俊雅無計拘管青絲絆馬紅裙歡酒甚處迷戀無
言淚珠零亂翠袖儘重重漬遍故要得別後思量歸
時覩見

居全本歡作動

秋思

周美成

邦彥

地僻無鐘鼓殘燈滅夜長人倦難度寒吹斷梗風翻
暗雨洒窓填戶賓鴻謾說傳書笑過盡千儔萬侶始
信得庾信愁多江淹恨極須賦 淒涼病損文園微
絃乍拂音韻先苦淮水夜月金城暮草夢覓飛去秋
霜半入青鏡嘆帶眼都移舊處更久長不見文君歸
待認否

居全本待作時

趙文鼎

善扛

踈柳無情緒都不管渡頭行客欲去猶依賴得玉光
萬頃為人留住相從歲月如驚歎回首離歌又賦更

舉目斜照沈沈西風剪剪秋墅 君行定憶南池歌
筵舞地花晨月午八磚步日三雍奏樂送君雲路別
情未祇遺愛試聽取湖山共語便可能無意同傾一
尊露醕

初春

盧申之 祖華

春訊飛瓊管風日薄度墻啼鳥聲亂江城次第笙歌
翠合綺羅香煖溶溶澗綠冰泮醉夢裏年華暗換料
黛眉重鎖隋堤芳心還動梁苑 新來鴈濶雲音鳶
分鑑影無計重見啼春細雨籠愁澹月恁時庭院離
腸未語先斷笑猶有凭高望眼更那堪芳草連天飛

梅弄晚

石州慢 感舊

張仲宗 元幹

寒水依痕春意漸回沙際煙闊溪梅清照生香冷藥
數枝爭發天涯舊恨試看幾許消魂長亭門外山重
疊不盡眼中青怕黃昏時節 情切畫樓深閉想見
東風暗消肌雪辜負枕前雲雨樽前花月心期切處
更有多少淒涼殷勤留與歸時說到得再相逢恰經
年離別

高麗妓館

蔡伯堅 松年歸潛

雲海蓬萊風霧鬢髮不假梳掠仙衣卷盡霓裳方見

宮腰纖弱心期得處世間言語非真海犀一點通寥
廓無物被情濃與無情相搏 離索晚來一枕餘香
酒病賴花醫却潑灑金尊收拾新愁重酌半帆雲影
載得無際閑山夢魂應被楊花覺梅子雨絲絲滿江
千樓閣

花犯

周美成

邦秀

粉牆低梅花照眼依然舊風味露痕輕綴疑淨洗鉛
華無限佳期去年勝賞曾孤倚冰盤共宴喜更可惜
雪中高樹香篝薰素被 今年對花最匆匆相逢似
有恨依依愁悴凝望久青苔上旋看飛墜相將見脆

居金本期作麗

圓薦酒人正在空江煙浪裏但夢想一枝瀟洒黃昏
斜照水

賀後溪劉再娶

青山

趙文

綉簾深劉郎一笑風流勝前度戟香門戶還別有祥
雲簷外飛舞洞房燭下應低語晨妝須帶曙待獻了
堂前羅襪雙雙交祝付 從前舊桃與楊枝如今便
合遜梅花為主行樂處西溪上柳汀花嶼封侯事看
人謾苦誰能向黃河風雪路且對取錦屏金幙雙蛾
新樣嫵

上林春

曾公衮

紆

東苑梅繁豪健放樂醉倒花前狂客靚粧微步攀條
弄粉凌波遍尋青陌暗香墮靨更飄近霧鬟蟬額倒
金荷念流光易失幽姿堪惜惜花心未甘鬢白南
枝上又見尋芳消息舊游回首前懽如夢誰知等閑
拋擲稠紅亂葢漫開遍楚江南北獨銷魂念誰寄故
園春色

元宵

晁叔用續說

帽落宮花衣惹御香鳳輦晚來初過鶴降詔飛龍擎
燭戲端門萬枝燈火滿城車馬對明月有誰間坐任
狂游更許傍禁街不扃金鎖玉樓人暗中擲果珠

簾下笑着春衫裊娜素娥遶釵輕蟬撲鬢垂垂柳絲
梅朶夜闌飲散但贏得翠翹雙鞦醉歸來又重向曉
窓梳裹

畫錦堂閨情

周美成邦彥

雨洗桃花風飄柳絮日日飛滿雕簷懊恨一春幽恨
盡屬眉尖愁聞雙飛新燕語更堪孤枕宿醒吹雲鬢
亂獨步畫堂輕風暗觸珠簾多厭晴晝永瓊戶悄
香銷金獸慵添自與蕭郎別後事事俱嫌短歌新曲
無心理鳳簫龍管不曾拈空惆悵長是每年三月病
酒懨懨

荷花

蔣勝欲 捷

居金本寄字下有語字

染柳煙消敲菰雨斷歷歷猶寄斜陽掩冉玉妃芳袂
擁出靄場情他鴛鴦來寄駐君舴艋亦何妨漁郎靜
獨奏擢歌邀妃試酌清觴 湖上雲漸暝秋浩蕩鮮
風支盡蟬糧贈我非環非珮萬斛生香半蝸茅屋歸
吹影數螺苔石壓波光鴛鴦咲何似且留雙楫翠隱
紅藏

上李真州

壺山 宋 自 遊

荷葉龜遊庭臯鶴舞應是秋滿淮涯昨夜將星明處
彷彿峨眉干戈已淨銀河淡塵沙不動翠煙微邦人

道半月中秋當歌不飲何為 誰知心事遠但感慨
登臨白羽頻揮恨不明朝出塞獵獵旌旗文南一矢
澶淵勁夔門三箭武閔竒挑燈看龍吼傳家舊劔曾
斬吳曦

金盞子 秋 思

蔣健 捷

居金本清作清
懶作嫩剪字字
上有但字無盡
字

練月縈窓夢乍醒黃花翠竹庭館心字夜香清人孤
另雙鷓被他羞看擬待告訴天公減秋聲一半無情
鴈正用恁時飛來叫雲尋伴 猶記杏攏煖銀燭下
織影卸佩鸞春渦暈紅豆小鶯衣嬾珠痕澹印芳汗
自從信誤青驪想籠鸚停喚風刀快剪盡蒼梧桐怎

剪愁斷

史達祖

槩綠催紅仰一番膏雨始張春色未踏畫橋烟江南
岸應是草穠花密尚憶濺裙蘋溪覺詩愁相覓光風
外除是倩鶯煩燕謾通消息 梨花夜來白相思夢
空攔一抹月深深柳枝巷陌難重遇弓彎兩袖雲碧
見說倦理簫箏怯春葱無力空遺恨當時秀句蒼苔
壺壁

氏州第一

思秋

周美成

邦彥

波落寒汀村渡向晚遙看數點帆小亂葉翻鴉驚風

破鴈天角孤雲縹緲官柳蕭疎甚上掛微微殘照景
物閑情川途換日頓來催老 漸解狂朋歡意少柰
猶被思牽情繞座上琴心機中錦字覺最縈懷抱也
知人懸望久薔薇謝歸來一笑欲夢高唐未成眠霜
空已曉

壽劉府教

趙青山

文

風雨山城天意欲雪梅花照影清峭綵燕飛春祥麟
綏旦當日文星高照天地無情向十載風埃吹老蓋
世科名經邦事業白衣蒼狗 不是貪名求分表謾
獵較逢場一笑野外朝儀城中馬隊且暫淹才調為

斯文爭一脉斯文在乾坤未了爛醉金尊夜何其東
方漸曉

鼓笛慢

壽意

呂聖求

涓老

拍肩笑別洪崖共看紫海還清淺蓬壺舊約人間舒
笑挑紅千遍去歲爭春今年逼臘滿空飄霰漸橫枝
照水清絲弄日都點綴江南岸 須吸百川為壽捲
恩波已傾銀漢戎袍擁戟萬釘圍帶天孫新眷十里
塵香五更弦月未收絃管正秦箏續譜宮簫定拍候
來重按

齊天樂

午端

踈踈幾點黃梅雨佳時又逢重午角黍包金香蒲切
王風物依然荆楚衫裁艾虎更釵裊朱符臂纏紅綉
撲粉香綿喚風綾扇小窻午 沉湘人去已遠勸君
休對景感時懷古謔轉鶯喉輕敲象板勝讀離騷章
句荷香暗度漸引入醕醕醉鄉深處卧聽江頭畫船
喧韻鼓

秋

周美成

邦彥

綠蕪凋盡臺城路殊鄉又逢秋晚暮雨生寒鳴蛩勸
織深閣時聞裁剪雲窓靜掩嘆重拂羅裯頓踈花簟
尚有練囊露螢清夜照書卷 荆江留滯最久故人

相望處離思何限渭水西風長安亂葉空憶詩情宛
轉凭高眺遠正玉液新筍蟹螯初薦醉倒山翁但愁
斜照歛

姜克章

庾郎先自吟愁賦淒淒更聞私語露濕銅鋪苔侵石
井都是曾聽伊處哀音似訴正思婦無眠起尋機杼
曲曲屏山夜涼獨自甚情緒西窓又吹暗雨為誰
頻斷續相和砧杵候館吟秋離宮吊月別有傷心無
數幽詩謾與笑籬落呼燈世間兒女寫入琴絲一聲
聲更苦

白髮

史達祖

秋風早入潘郎鬢班班遽驚如許暖雪侵梳晴絲拂
領栽滿愁城深處瑤簪謾妬便羞插宮花自憐衰暮
尚思春情舊吟淒斷茂陵女人間公道惟此嘆朱
顏也任容易墮去涅不重緇搔來便短方悔風流相
誤即潛幾縷漸疎了銅駝俊遊儔侶縱有點點柰何
詩思苦

湖上即席分韻得羽字 前人

鴛鴦拂破蘋花影低低趁涼飛去畫裏移舟詩邊就
夢葉葉碧雲分雨芳游自許過柳影間波水花平渚

居全本鬢作鬢

居金本搖作搗

見說西風為人吹恨上瑤樹
闌干斜照未滿杏墻
應望斷春翠偷聚淺約按香深盟
搖月誰是窓間青
羽孤箏幾柱問因甚參差
整成離阻夜色空庭待歸
聽俊語

張宗瑞 輯

西風揚子江頭路扁舟雨晴呼渡岸
隔瓜洲津橫蒜
石搖盡波聲千古詩仙一去但對峙
金焦斷磯青樹
欲下斜陽長淮渺渺正愁予
中流笑與客語把貂
裘為浣半生塵土品水烹茶看碑憶
鶴恍似舊曾遊
處聊憑陸誼問八極神遊肯重來
否如此江山更蒼

煙白鷺

壽史滄洲

劉圻父

雅歌堂下新堤路柳外行人相語
碧藕開花金挑結
子三見使君初度樓臺北渚似畫
出西湖水雲深處
綵鷁雙飛水亭開宴近重午
溪蒲堪薦綠醕幔亭
何惜為曾孫留住碧水吟哦滄洲
夢想未放舟橫野
渡維申及甫正夾輔中興擎天作
柱願祝高高歲添
長命縷

和楚客賦蘆

方岳

孤蓬夜傍低叢宿蕭蕭雨聲悲切
一岸霜痕半江烟

色愁到沙頭枯葉淡雲沒滅黯西風吹老滿汀新雪
天豈無情離騷點點送歸客 歸去來兮怎得儘露
翹鷗倚乍寒時節秋晚山川夕陽浦淑羸得別腸千
結濤翻浪疊那得似西來一筇橫絕搔首江南鴈銜
千里月

左縣道中

陸務觀

游

居金本塞作寒
無兩酒字

角殘鐘晚閉山路行人乍依孤店塞月征塵鞭絲帽
影常把流年虛占藏鴉柳暗歎輕負鶯花謾勞書劍
事往閑情悄然頻動壯遊念 孤懷誰與強遣市壚
沽酒酒薄怎當愁釀倚瑟妍詞調鈿妙筆那寫柔情

芳艷征途自厭况煙斂蕪痕雨稀萍點最是眠時枕
寒門半掩

壽賈

奚倬然

齊東
野語

金飈吹淨人間暑連朝弄涼新雨萬寶功成無人解
得秋入天機深處間中自數幾心酌乾坤手斟霜露
護了山河共看元影在銀兔 而今神仙正好向清
空覓箇冲澹襟宇帝念群生如何便肯從我乘風歸
去夷猶洞府把月杼雲機教他兒女水逸山明此情
天付與

慶湖北漕知鄂州李樓峯 文山

文天
祥

南樓月轉銀河曙玉簫又吹梅早鷓鴣沙晴蒲萄水
暖一縷燕香清裊瑤池春透想桃露霏霞菊波沁曉
袍錦風流御仙花帶瑞虹繞 玉閨人正未老喚磯
頭黃鶴岸巾談笑劍拂淮青槩橫楚黛雨洗一川烟
草印黃似斗看半硯薔薇滿鞍楊柳沙路歸來金貂
蟬翼小

初秋

王月山

夜來踈雨鳴金井一葉舞風紅淺蓮渚生香蘭臯浮
爽涼思損欺班扇秋光冉冉任老却蘆花西風不管
清興難磨幾回有句到詩卷 長安故人別後料征

鴻聲裏畫闌凭遍橫竹吹商踈砧點月好夢又隨雲
遠閑情似線共繫損柔腸不堪裁剪聽着鳴蛩一夜
聲聲是怨

唐珣

蛻痕初染仙莖露新聲又移涼影珮玉流空綃衣剪
霧幾度槐昏柳暝幽窓睡醒柰欲斷還連不堪重聽
怨結齊姬故宮煙樹翠陰冷 當時舊情在否晚粧
清鏡裏猶記嬌鬢亂咽頻驚餘悲漸杳搖曳風枝未
定秋期話盡又抱葉淒淒暮寒山靜付與孤蛩苦吟
清夜永

南浦

况旅

魯逸仲

風悲畫角聽單于三弄落譙門投宿駸駸征騎飛雪
滿孤村酒市漸開燈火正敲窓亂葉舞紛紛送教聲
驚鴈下離烟水嘹唳度寒雲好在半隴溪月到如
今無處不銷魂故國梅花歸夢愁損綠羅裙為問暗
香閑艷也相思萬點付啼痕美翠屏應是兩眉餘恨
倚黃昏

瑞鶴仙

上元

康伯可

與之

瑞烟浮禁苑正絳闕春回新正方半冰輪桂華滿溢
花衢歌市芙蓉開遍龍樓兩觀見銀燭星毬有爛捲

珠簾盡日笙歌盛集寶釵金釧堪羨綺羅叢裏蘭
麝香中正宜遊翫風柔夜煖花影亂笑聲喧鬧蛾兒
滿路成團打塊簇着冠兒闔轉喜皇都舊日風光太
平再見

二

薄寒羅袖怯教小玉添香被翻宮額蘭缸半明滅聽
幾聲歸鴈一簾微月情波恨葉索新詞猶自怨別夢
回時雪煖酥凝掠鬢寶鴛釵折淒切紋窓描綉舊
譜尋棊便成虛設同心對結重來是甚時節悵姑蘇
臺上征帆何許隱隱遙山萬疊袖紅綃獨立無言偷

彈淚血

春游

周美成

悄郊原帶郭行路永客去車塵漠漠斜陽映山落斂
餘紅猶戀孤城欄角凌波步弱過短亭何用素約有
沉鶯勸我重解繡鞍緩引春酌不記歸時早暮上
馬誰扶醒眠朱閣驚颺動幕扶殘醉遠紅藥嘆西園
已是花深無地東風何事又惡任流光過却猶喜洞
天自樂

玉照新志云美成以待制提舉南京鴻慶宮自杭
徙居睦州夢中作此一閱既覺猶能全記了不詳
其所謂也未幾青溪賊方臘起方還杭人蒼黃奔避
道路兵戈已滿始入錢塘門但見杭人蒼黃奔避

居全本往作住

視落日半在鼓角樓簷門即詞中所謂斜陽映山
落落餘霞猶戀孤城欄角凌波步弱過短亭何用素約有
沉鶯勸我重解繡鞍緩引春酌不記歸時早暮上
馬誰扶醒眠朱閣驚颺動幕扶殘醉遠紅藥嘆西園
已是花深無地東風何事又惡任流光過却猶喜洞
天自樂
久而狂是日無處得食甚忽于酒家成有呼待
不可往者視之鄉人侍也入酒家成有呼待
制何往者視之鄉人侍也入酒家成有呼待
間連飲數盃散去乃詞中所謂入酒家成有呼待
句驗矣飲罷獨微醉惶惑去謂北江云春酌之
士女已盈滿獨微醉惶惑去謂北江云春酌之
詞中所謂馬誰扶醒眠朱閣驚颺動幕扶殘醉遠
絕自計揚州傳聞方已盡二應涉江而奔避
因謂念西園已疾卒任地乃携家往馬則詞中
所謂念西園已疾卒任地乃携家往馬則詞中
至鴻慶未幾以疾卒任地乃携家往馬則詞中
樂又應于身後矣美成平生好作樂府將死之際
夢中得句而後字字偶然哉
章又驗于身後豈偶然哉

送張丞罷

歸柯山

侯彥周

楚山無際碧湛一溪晴綠四郊寒色霜華弄初日看

楚山無際碧湛一溪晴綠四郊寒色霜華弄初日看

侯彥周

玉明遙草金鋪平磧天涯倦翼更何堪臨歧送客念
飛蓬斷梗無蹤把酒後期難覓 愁寂梅花憔悴芳
舍蕭疎倍添悽惻維舟岸側留君飲醉休惜想柯山
春晚還家應對菊老松堅舊宅嘆宦游索寞情懷甚
時去得

春情

陸子逸

崧

臉霞紅印枕睡覺來冠兒還是不整屏間麝煤冷但
眉山壓翠淚珠彈粉堂深畫永燕交飛風簾露井恨
無人與說相思近日帶圍寬盡 重省殘燈朱幌淡
月紗窓那時風景陽臺路遠雲雨夢便無準待歸來

先指花梢教看却把心期細問問因循過了青春怎
生意穩

趙德莊

彥瑞

攬垂楊細折有別情遺愛與君都說文首帶凋軛是
行春來處去年阡陌柔柔半葉轉光風輕颺秀麥正
人家共約耕相借牛社相留客 清絕溪山猶記脫
帽吟風倚樓招月東君何事將春至放春歇道從今
江上一花一柳皆想油幢瑞節縱離愁瘦減腰圍帶
金正暉

秋思

吳子和

禮之

風傳秋信至顛葉葉庭梧飄零堦砌年華迅流水况
榮枯翻手存亡彈指誰編故紙論古往英雄鬪智在
當時喚做功名到此盡成閑氣 何謂生為行客死
乃歸人世同驛邸十步九計空擄攘漫見戲忍都將
有限光陰縈絆趁逐無窮天地我直須跳出樊籠做
箇俏底

史達祖

杏烟嬌濕鬢過杜若汀州楚衣香潤回頭翠接近指
鴛鴦沙上暗藏春恨歸鞭隱隱便不念芳盟未穩自
簫聲吹落雲東再數故園花信 誰問聽歌窓罨倚

月鉤攔舊家輕俊芳心一寸相思後總灰盡奈春風
多事吹花搖柳也把幽情喚醒對南溪桃萼翻紅又
成瘦損

賦紅梅

前人

館娃春睡起為發妝酒煖臉霞輕膩冰霜一生裏厭
從來冷澹粉腮重洗胭脂暗試便無限芳穠氣味向
黃昏竹外寒深醉裏為誰偷倚 嬌媚春風模樣霜
月心腸瘦來肌體孤香細細吹夢到杏花被高樓橫
莞一聲鶯斷却對南枝灑淚謾相思桃葉桃根舊家
姊妹

梅

辛幼安 棄疾

鴈霜寒透幙正護月雲輕嫩冰猶薄溪奩照梳掠想
含香弄粉艷粧難學玉肌瘦弱更重重龍銷襯着倚
東風一笑嫣然轉盼萬花羞落寂寞家山何在雪
後園林水邊樓閣瑤池舊約鄰翁更伏誰托粉蝶兒
只尋桃覓柳開遍南枝未覺但傷心冷落黃昏數聲
畫角

離筵代意

洪叔璵 璿

聽梅花吹動涼夜何其明星有爛相看淚如霰問而
今去也何時會面匆匆聚散恐便作秋鴻社燕最傷

情夜來枕上斷雲零雨何限因念人生萬事回首
悲涼都成夢幻芳心繾綣空惆悵巫陽館况船頭一
轉三千餘里隱隱高城不見恨無情春水連天片帆
似箭

龍吟曲 問梅 劉寺

史邦卿 達祖

夜寒幽夢飛來小梅影下東風曉蝶魂未冷吾身良
是悠然一笑竹杖敲苔布鞋踏凍歲常先到傍蒼林
却恨儲風養月須我輩新詩吊永以南枝為好怕
從今逢花漸老愁消秀句寒回斗酒春心多少之子
迹空伊人邈世又還驚覺但歸來對月高情耿耿寄

白雪抄

雪

夢回虛白初生便疑冷月通窓戶不知夜久都無人
見玉妃起舞銀界回天瓊田易地晃然非故想兒童
健意生愁霽色情頻在窺簷處 一片樵林釣浦是
天教王維畫取未知授簡先將高興收歸妙句江路
梅愁灞陵人老又騎驢去過章臺不記春風乍見倚
簾吹絮

一捻紅

紫姑夷堅

靚嬌紅細捻是西子當日留心千葉西都競裁接賞

園林臺榭何妨日涉輕羅慢褶費多少陽和調燮向
曉來露浥芳苞一點醉紅潮頰 雙靨姚黃國艷魏
紫天香倚風羞怯雲鬟試挿引動狂蜂浪蝶况東君
開宴賞心樂事莫惜獻酬頻疊看相將紅藥翻階尚
餘侍妾沈延年邀致者

安公子

陸務觀游

風雨初經社子規聲裏春光謝最是無情零落盡薔
薇一架况我今年憔悴幽窓下人盡怪詩酒消聲價
向藥爐經卷忘却鶯牕柳榭 萬事收心也粉痕猶
在香羅帕恨月愁花爭信道如今都罷空憶前身便

面章臺馬因自來禁得心腸怕縱遇歌逢舞但說京
都舊話

旅情

柳耆卿

遠岸收殘雨雨殘稍覺江天暮拾翠汀洲人寂靜立
雙雙鷗鷺望幾點漁燈隱映蕪葭浦停畫橈兩兩舟
人語道去程今夜遙指前村煙樹 游宦成羈旅短
檣吟倚閉凝竚萬水千山迷遠近想鄉閔何處自別
處風亭月榭辜歡聚剛斷腸惹得離情苦聽杜鵑聲
聲勸人不如歸去

花發狀元紅慢

劉伯壽

三春向暮萬卉成陰有嘉艷方折嬌姿嫩質冠群品
共賞傾城傾國上苑晴晝暄千素萬紅猶竒特綺筵
開會詠歌才子壓倒元白 別有芳幽苞小步帳華
絲綺軒油壁與紫鴛鴦素蛺蝶自清且往往連夕巧
鶯喧脆管嬌燕語雕梁留客武陵人念夢後意濃堪
遣情溺

居全本猶作无

右劉元紅為一時之冠樂工花日新能為新聲
曰狀元紅為一時之冠樂工花日新能為新聲
妓部以色著秘監致仕劉伯壽尤精音律熙寧
中凡有謂為高遠者部懿第即蔡奴之填詞以
定之入與部六道生定而部六死定不之知也
王荆公為宰相擢用李定而部六死定不之知也
為母死不服為用此蔡奴亦以色著云

霓裳中序第一

詹可大玉

一規古蟾魄瞥過宣和幾春色知那箇柳鬆花怯曾
磋玉團香塗雲抹月龍章鳳刻是如何兒女消得便
孤了翠鸞何限人更在天北 磨滅古今離別幸相
從薊門仙客蕭然林下秋葉對雲淡星疎眉青影白
佳人已傾國贏得癡銅舊畫興亡事道人知否見了
也華髮

至元間監醮長春宮偶見羽士丈室古鏡狀
似秋葉背有金刻宣和御寶四字有感因賦

應法孫

愁雲翠萬疊露柳殘蟬空抱葉簾捲流酥寶結乍庭

戶嫩涼闌干微月玉纖勝雪委素紈塵鎖香篋思前
事鶯期燕約寂寞向誰說 悲切漏籤聲咽漸寒地
蘭缸未滅良宵長是間別恨酒凝紅綃粉浣瑤玦鏡
盟鸞影缺吹怨笛西風數閱無言久和衣成夢睡損
縷金蝶

喜遷鶯

蔡子正星客
揮犀

霜天秋曉正紫塞故壘黃雲衰草漢馬嘶風邊鴻叫
月隴上鐵衣寒早劒歌騎曲悲壯盡道君恩須報塞
垣樂盡秦鞵錦領山西年少 談笑刀斗靜烽火一
把時報平安耗聖主憂邊威懷遐遠驕虜尚寬天討

歲華向晚愁思誰念玉閨人老太平也且歡娛莫惜

金尊頻倒

元豐間挺自西掖出鎮平陽府經數載意欲歸作此詞詞播中都遂徹聖聽上因語呂丞相曰蔡挺欲歸遂以

丞相生日

康伯可與之

臘殘春早正簾幕護寒樓臺清曉寶運當千佳辰餘
五嵩岳誕生元老帝遣阜安宗社人仰雍容廊廟盡
揔道是文章孔孟勲庸周召 師表方眷遇魚水君
臣須信從來少玉帶金魚朱顏綠鬢占斷世間榮耀
篆刻鼎彝將遍整頓乾坤都了願歲歲見柳梢青淺

梅英紅小

秋夜聞鴈

前人

秋寒初勁看雲路鴈來碧天如鏡湘浦煙深衡陽沙
遠風外幾行斜陣回首塞門何處故國閔河重省漢
使老認上林欲下裴回清影 江南煙水暝聲過小
樓燭暗金猊冷送目鳴琴裁詩挑錦此恨此情無盡
夢想洞庭飛下散入雲濤千頃過盡也柰杜陵人遠
玉閨無信

居全本裝作排

立春

胡浩然

譙樓殘月聽畫角曉寒梅花吹徹瑞日祥雲風和解

居全本翻作翻

東青帝乍臨東闕暖向土牛簫鼓天路珠簾高揭最
好是戴綵幡春勝釵頭雙結 奇絕開宴處珠履玳
簪俎豆爭羅列舞袖翩翩歌喉縹渺壓倒柳腰鶯舌
勸我應時納祐還把金爐香爇願歲歲把一卮春酒
長陪佳節

閏元宵

吳子和 禮之

銀蟾光彩喜趁歲閏正元宵還再樂事難并佳時罕
遇依舊試燈何礙花市又移星漢蓮炬重芳人海盡
勾引徧嬉遊寶馬香車喧隘 情快天意教人月更
圓償足風流債媚柳煙濃天桃紅小景物迥然堪愛

巷陌笑聲不斷襟袖餘香仍在待歸也便相期明日
踏青挑菜

端午

梅霖初歇正絳色海榴爭開佳節角黍包金香蒲切
玉是處玳筵羅列鬪巧畫輸年少玉腕彩絲雙結艤
彩舫見龍舟兩兩波心齊發 奇絕難畫處激起浪
花翻作湖間雪畫鼓轟雷紅旗掣電奪罷錦標方徹
望中水天日暮猶自珠簾高揭棹歸晚載荷香十里
一鉤新月

春宴

趙文鼎 善 扛

韶華駘蕩看化工盡力安排春伏薄霧霏煙軟風輕
日物態與人交暢鳥聲弄巧千調樓影垂空十丈亂
花柳粲寶鈿纓絡絲絲帷帳佳賞輝艷冶笑語盈
盈花面交相向歌運長纒酒凝深碧和氣盎然席上
好春易苦風雨人意難逢舒放但拍掌醉陶然一笑
忘形天壤

春感

易彥祥 後

帝城春晝見杏臉桃腮胭脂微透一霎兒晴一霎兒
雨正是催花時候淡烟細柳如画雅稱踏青携手怎
知道那人人獨倚闌干消瘦別後音信斷應是淚

珠滴遍香羅袖記得年時膽瓶兒畔曾把牡丹同嗅
故鄉水遙山遠怎得新歡如舊強消遣把閑愁推入
花前盃酒

秋懷

高賓王 觀國

涼雲歸去再約着晚來西樓風雨水靜簾陰鷗閑菰
影秋到露汀煙浦試省喚回幽恨盡是愁邊新句倦
登眺動悲涼還在殘蟬吟處淒楚空見說香鎖霧
扁心似秋蓮苦寶瑟彈冰玉臺窺月淺黛可憐偷聚
幾時翠溝題葉無復綉簾吹絮鬢華晚念使郎情在
風流誰與

黃鍾元宵曲

史達祖

月波凝滴望玉壺天
 近了無塵隔翠眼圈花
 冰絲織練黃道寶光相直
 自伶詩酒瘦難應接
 許多春色
 無賴是隨香趁燭
 曾伴狂客
 蹤跡謾記憶
 老了杜郎
 忍聽東風笛
 柳院燈疎
 梅廳雪在
 誰與細傾春碧
 舊情拘未定
 猶自學當年
 游歷怕萬一
 悞玉人夜寒
 窓簾隙

居全本窓字下有際字

送韓夷邪驃騎下淮

金主亮程完顏史亮

旌麾初舉正駃騠力
 健嘶風江渚射虎將軍
 落鵬都尉繡帽錦袍
 翹楚怒礫戟鬣爭奮
 捲地一聲鼙鼓笑

居全本且莫作且暮

談頃指長江齊楚六師飛渡
 此去無自墮金印如斗
 獨在功名取斷鎖機謀
 垂鞭方畧人事本無今古
 試展卧龍韜韞果見成功
 且莫問江左想雲霓望切
 玄黃迎路

別內側室

王正之特起歸潛志

玉樓歡宴記遺簪綺席題詩
 羅扇月枕雙歌雲窓同
 夢相伴小花深院舊歡頓成
 陳迹翻作一番新怨
 素秋晚聽陽關三疊一樽相餞
 留戀情繾綣紅淚洗
 粧雨濕梨花面月底閨河馬頭
 星月西去一程程遠
 但願此情如舊天也不違人願
 再相見老生涯分付

藥爐經卷

龍女郝仙廟

汀洲蘋滿記翠籠采采相將鄰媛蒼渚烟生金支光
爛人在霧綃鮫館小鬟頓成雲散羅襪凌波不見翠
鷺遠但清溪如鏡野花留靨情睠驚變現身後神
功綠滿吳蠶繭漢女菱歌湘妃瑤瑟香動倚雲層殿
彤車載花一色醉盡碧桃清燕故山晚歎流年一笑
人間飛電

賀生第三子

古今三絕惟鄭國三良漢家三傑三俊才名三儒文

學更有三君清節爭似一門三秀三子三孫竒特人
總道賽蜀郡三蘇河東三薛慶愜况正是三月風
光盃好傾三百子並三賢孫齊三少俱篤三餘事業
文既三冬足用名即三元高揭親俱慶看寵加三命
禮膺三接

秋望

登山臨水正挂嶺瘴開蘋洲風起玄鶴高翔蒼鷹遠
擊白鷺欲飛還止江上澄波似練沙際行人如蟻目
斷處見遙峯簇翠殘霞浮綺千里閑塞遠鴈陣不
來猶把闌干倚數疊悲笳一行征旆城郭幾番成毀

白塔前朝寢陵青嶂故都營壘念往事但寒烟滿目
愁蟬盈耳

劉行簡 一止

居全本謂作情

晚光催角聽宿鳥未驚鄰鷄先覺迤邐烟村馬嘶人
起殘月尚穿林薄淚痕帶霜微凝酒力衝寒猶弱嘆
倦客諫不禁重染風塵京洛 追念人別後心事萬
重難覓孤鴻託翠幌嬌深曲屏香煖爭念歲寒飄泊
怨月恨花煩惱不是不曾經着這情味望一成消滅
新來還惡

探春慢

姜堯章 夔

居全本數作散
晴作盼

衰草愁烟亂鴉送目飛沙回旋平野拂雪金鞭欺寒
茸帽還記章臺走馬誰念飄零久謾贏得幽懷難寫
故人清眄相逢小窓閑共情話 長恨離多會少重
訪問竹西珠淚盈把鴈磧沙平漁汀人歎老去不堪
遊冶無柰茗溪月又喚我扁舟東下甚日歸來梅花
亂零春夜

惜餘歡

山谷 黃庭堅

四時美景正年少賞心頻啓東閣芳酒載盈車喜朋
侶替合盃觴交飛勸酬獻正酣飲醉主公陳榻坐來
爭柰玉山未頽興尋巫峽 歌闌旋燒絳蠟况漏轉

詞草補編 卷一
銅壺煙斷香鴨猶整醉中花借纖手重插相將扶上
金鞍騷裊碾春焙願少延懽洽未須歸去重尋艷歌
更留時霎

春雲怨 上巳

馮偉壽 父子

春風惡劣把教枝香錦和鶯吹折雨重柳腰嬌困燕
子欲扶扶不得軟日烘烟乾風收霧芍藥荼蘼弄顏
色簾幙輕陰圖書清潤日永篆香絕 盈盈笑靨宮
黃額試紅鴛小扇丁香雙結團鳳眉心倩郎貼教洗
金壘共看西堂醉花前月曲水成空麗人何處往事
暮雲萬葉

安平樂慢

都門池苑應制

万俟雅言

瑞日初遲緒風乍暖千花百草爭香瑤池路穩閨苑
春深雲樹水殿相望柳曲沙平看塵隨青蓋絮惹紅
粧賣酒綠陰傍無人不醉春光 有十里笙歌萬家
羅綺身世疑在仙鄉行樂知無禁五侯半隱少年場
舞妙歌妍空妬得鶯嬌燕忙念芳菲都來幾日不堪
風雨踈狂

雨霖鈴

王介甫 安石

孜孜矻矻向無明裏強作窠窟浮名浮利何濟堪留
戀處輪迴倉卒幸有明空妙覺可彈指超出緣底事

拋了全潮認一浮漚作瀛渤 本源自性天真佛祇
此些妄想中埋沒貪他眼花陽艷誰信道本來無物
一旦茫然終被閻羅老了相屈便縱有千種機籌怎
免伊唐突

秋別

柳耆卿

寒蟬淒切對長亭晚驟雨初歇都門暢飲無緒方留
戀處蘭舟催發執手相看淚眼竟無語凝咽念去去
千里烟波暮靄沉沉楚天闊 多情自古傷離別更
那堪冷落清秋節今宵酒醒何處揚柳岸曉風殘月
此去經年應景良辰好景虛設便縱有千種風情更

與何人說

綺羅香

春雨

史邦卿

遠祖

做冷欺花將煙困柳千里偷催春暮盡日冥迷愁裏
欲飛還住驚粉重蝶宿西園喜泥潤燕歸南浦最妨
它佳約風流鈿車不到杜陵路 沈沈江上望極還
被春潮急難尋官渡隱約遙峯和淚謝娘眉嫵臨斷
岸新綠生時是落紅帶愁流處記當日開掩梨花剪
燈深夜語

漁浦有感

張榘

浦月窺檐松泉漱枕屏裏吳山何處暗粉疎紅依舊

為誰勻注都負了燕約鶯期更閑却柳烟花雨縱十
分春到郵亭賦懷應是斷腸句 青青原上齊麥還
被東風無賴翻成離緒望極天西惟有隴雲江樹斜
照帶一縷新愁盡分付暮朝歸去步閑堦時卜心期
落花空細數

古陽關

詞話

渭城朝雨一霎裏輕塵更洒遍客舍青青弄柔凝千
縷柳色新更洒徧客舍青青千縷柳色新 休煩惱
勸君更盡一杯酒人生會少自古富貴功名有定分
莫遣容儀瘦損休煩惱勸君更盡一杯酒只恐怕西

出陽關舊遊如夢眼前無故人祇恐怕西出陽關眼
前無故人

竹馬子新秋

柳耆卿永

登孤壘荒涼危亭曠望靜臨煙渚對雌霓掛雨雄風
拂檻微收煩暑漸覺一葉驚秋殘蟬噪晚素商時序
覽景想前歡指神京非霧非煙深處 向此成追感
新愁易積故人難聚憑高盡日凝竚贏得銷魂無語
極目霽靄霏微暝鴉零亂蕭索江城暮南樓畫角又
逐殘陽去

葉少蘊夢得

與君記平山堂前細柳幾回同挽又征帆夜落危檻
依舊遙臨雲巘自笑來往忽忽朱顏漸改故人俱遠
橫笛想遺聲但寒松千丈傾崖蒼蘚 世事終何已
田陰縱在歲陰仍晚嵇康老來尤瀨只要尊羹菰飯
却欲便買茅廬短篷輕檝尊酒尤能辦君能過我水
雲聊為伴

堯上鞋兒寄張

鄭雲娘雲娘傳

朦朧月影黯淡花陰獨立等多時只怕冤家乖約又
恐他側畔人知千回作念萬般思想心下暗猜疑驀
地得來厮見風露下語顫聲低 輕移蓮步暗卸羅

衣携手過廊西正是更闌人靜向粉郎恣意矜持片
時雲雨幾多歡愛依舊兩分離報道情郎且住待奴

堯上鞋兒

一作連氏倩
女寄陳彥臣

眉嫵亦名百
宜嬌

姜白石夔

居金本眠作眼

看垂楊連苑杜若吹沙愁損未歸眠信馬青樓去重
簾下娉婷人妙飛燕翠樽共款聽艷歌即意先感便
携手月地雲堦裏愛良夜微煖 無限風流踈散有
暗藏弓屐偷寄香翰明月聞津鼓湘江上催人還解
春纜亂紅萬點悵斷魂煙水遙遠又爭似相携乘一
舸鎮長見

居金本燕作范
廷作遠

百宜嬌

呂聖求

渭老

隙月垂照亂蛩催織秋晚嫩涼房戶燕拂簾旌鼠窺
窓網寂寂飛螢來去金鋪鎮掩漫記得花時南浦約
重陽更糝菊英小樓筵夜歌舞銀燭暗佳期細數
簾幙漸西風半窓秋雨葉底翻紅水面皺碧燈火裁
縫砧杵登高望極正霧鎖官槐歸路定須相將寶馬
鈿車訪吹簫侶

憶瑤姬

支志作
別素質

曹元寵

組詞

雨細雲輕花嬌玉軟於中好箇情性爭柰無緣相見
有分孤零香箋細寫頻相問我一句句兒都聽到如

今不得同歡伏惟與他耐靜此事憑誰執証有樓
前明月窓外花影拚了一生煩惱為伊成病祇恐更
把風流逞便因循悞人無定恁時節若要眼兒厮覷
除非會聖夷堅支志作王
齊叟彦齡詞

瀟湘靜

雅詞拾遺

名失

畫簾微捲香風逗正明月乍圓時候金盤露冷玉爐
篆消漸紅鱗生酒嬌唱倚繁絃瓊枝碎輕迴雲袖風
臺焰短銅壺漏永人欲醉夜如晝因念流年迅景
被浮名暗辜歡偶人生大抵離多會少更相將白首
何似猛尋芳都莫問積金過斗歌闌宴闋雲窓鳳枕

花堂辭編

卷五

釵橫麝透

湘江靜

史邦卿 連祖

暮草堆青雲浸浦記恁恁倦篙曾駐漁榔四起沙鷗
未落怕愁沾詩句碧袖一聲歌石城怨西風隨去滄
波蕩晚菰蒲弄秋還重到斷魂處酒易醒思正苦
想空山桂香懸樹三年夢冷孤吟意短屢烟鐘津鼓
屐齒厭登臨移燈後幾番涼雨潘郎漸老風流頓減
閑居未賦

唐金本燈作橙

還京樂

周美成 邦卿

禁烟近觸處浮香秀色相料理正泥花時候柰何客

唐金本而作如

裏光陰虛費望箭波無際迎風漾日黃雲委任去遠
中有萬點相思清淚到長淮底過當時樓下慙慙
為說春來羈旅况味堪嗟誤約乖期向天涯自看桃
李想而今應恨墨盈牋愁粧照水怎得青鸞翼飛歸
教見憔悴

雙聲子 道

柳耆卿 永

晚天蕭索斷蓬蹤跡乘興蘭棹東遊三吳風景姑蘇
臺榭牢落暮靄初收夫差舊國香徑沒徒有荒丘繁
華處悄無覩惟聞麋鹿呦呦想當年空運籌決勝
圖王取霸無休江山如畫雲濤煙浪翻輸范蠡扁舟

花華集 卷十一
五
驗前經舊史嗟謾載當日風流斜陽暮州茫茫盡成
萬古遺愁

烘春桃李 獻恭
京

江朝宗 漢

昇平無際慶八載相業君臣魚水鎮撫風稜調燮精
神合是聖朝房魏鳳山政好還被畫轂朱輪催起按
錦轡映玉帶金魚都人爭指 丹陛常注意追念裕
陵元佐今無幾綉袞香濃鼎槐風細榮耀滿門朱紫
四方具瞻師表盡道一變足矣運化筆又管領年年
烘春桃李

西湖月

黃子行

湖光冷浸玻璃蕩一餉薰風小舟如葉藕花十丈雲
梳霧洗翠嬌紅怯壺觴圍坐處正酒醒吹波紅映頰
尚記得玉臂生涼不放汗香輕浹 婦人小摘墻榴
為碎指猩紅細認裙褶舊遊如夢新愁侶織淚珠盈
睫秋娘風味在怎得對銀缸生笑靨消瘦沈約詩腰
彷彿堪捻

春從天上來 感
舊

吳彥高 激

海角飄零嘆漢苑秦宮墜露飛螢夢裏天上金屋銀
屏歌吹競舉青冥問當時遺譜有絕藝鼓瑟湘靈促
哀彈似林鶯啞啞山溜泠泠 梨園太平樂府醉幾

度春風髮變星星舞徹中原塵飛滄海風雲萬里龍
庭寫胡笳幽怨人憔悴不似丹青酒微醒一軒涼月
燈火青燐

玉林詞選云彥高名激米元章婿也於會寧府遇
老姬善鼓瑟自言梨園舊籍因有感而賦此後三
山鄭中卿嘗從張貴謨使虜亦聞虜中有歌之者
中州樂府云好問曾見王防禦公王說彥高此詞
句句用琵琶故實引據甚明今忘之矣

武昌秋夜

周伯陽

浩蕩青冥正涼露如洗萬里虛明鼓角悲健秋入重
城彷彿石上三生指蓬萊雲路渺何許月冷風清倚
南樓一聲長笛幾點殘星 西風舊年有約聽候蛩

語夜客裏心驚紅樹山深翠苔門掩想見露草踈螢
便乘風歸去闌干外河漢西傾笑淹留劃然孤嘯雲
白天青

西江月慢

呂聖求 涓老

春風淡淡清晝永落英千尺桃杏散平郊晴蜂來往
妙香飄擲傍畫橋煮酒青帘綠楊風外數聲長笛記
去年紫陌朱門花下舊相識 向寶几裁書憑燕翼
望翠閣煙林似織聞道春衣猶未整過禁烟寒食但
記取角枕情題東窓休悞這些端的更莫待青子綠
陰春事寂

歸朝散

春閨

張子野

先

聲轉轆轤聞露井曉引銀瓶牽素綆西園人語夜來
風叢英飄墮紅成逕寶猊煙未冷蓮臺香蠟殘痕凝
等身金誰能得意買此好光景粉落輕粧紅玉瑩
月枕橫釵雲墜領有情無物不雙栖文禽只合常交
頸晝夜歡豈定爭如翻作春宵永日瞳朧嬌柔懶起
簾壓捲花影

居全本壓作幕

柳耆卿

永

別岸扁舟三兩隻葭蕭蕭風浙浙沙汀宿鴈破煙
飛溪橋殘月和霜白漸漸分曙色路遙川遠多行役

往來人隻輪雙槳盡是利名客一望鄉闕煙水隔
轉覺歸心生羽翼愁雲恨雨兩縈牽新春殘臘相催
逼歲華都瞬息浪萍風梗誠何益問歸期玉樓深處
有箇人相憶

對雪追和東坡

相山

王之道

透隙敲窓風撼撼坐見廣庭霜縞白長安道上正騎
馱蔡州城裏誰堅壁表表風塵物瑤林瓊樹三豪客
對揮毫連珠唱玉競把詩牋擲草草盃盤還促席
痛飲狂歌話胸臆前村昨夜放梅花東鄰休把誇容

色清歡那易得明朝烏轡陞南極帶隨車黃壚咫尺
莫作山河隔

壽蕭禹平知縣

嚴次山

雲表金莖珠璀璨當日投懷驚玉燕文章議論壓西
靡風流姓字翔東觀紫皇嗟見晚祥麟五色留金殿
大江西銅章墨綬暫爾煩君綰 十二金釵扶玉盞
錦瑟摐摐隨急管獸爐烟動彩雲高秋聲拍碎紅牙
板趣君歸翰苑萊衣煥爛潘輿穩任方瞳從今看到
弱水波清淺

春遊

馬莊父

聽得提壺沽美酒人道杏花深處有杏花狼藉鳥啼
風十分春色今無九麝煤銷永晝青烟飛上庭前柳
画堂深不寒不煖正是好時候 團團寶月憑纖手
暫借歌喉招舞袖真珠滴破小槽紅香肌縮盡纖羅
瘦投分湏白首黃金散與親和舊且銜盃壯心未落
風月長相守

西河

金陵懷古

周美成

邦彥

佳麗地南朝盛事誰記山圍故國遠清江髻鬟對起
怒濤寂寞打孤城風檣遙度天際斷崖樹猶倒倚莫

居金本畔作望
市作是

愁艇子曾繫空遺舊跡鬱蒼蒼霧沉半壘夜深月過
女牆來賞心東畔淮水 酒旗戲鼓甚處市想依稀
王謝鄰里燕子不知何世入尋常巷陌人家相對如
說興亡斜陽裏

王子文

天下事問天怎忍如此陵圖誰把獻君王結愁未已
少豪氣槩總成塵空餘白骨黃蒿 千古恨吾老矣
東遊曾吊淮水綉春臺上一迴登一迴搵淚醉歸撫
劍倚西風江濤猶壯人意 只今袖手野色裏望長
淮猶二千里縱有英心誰寄近新來又報胡塵起絕

域張騫歸來未

和王潛齋韻

曹西士

今日事何人弄得如此漫漫白骨蔽川原恨何日已
闕河萬里寂無煙月明空照蘆葦 謾哀痛無及矣
無情莫問江水西風落日慘新亭幾人墮淚戰和何
者是良籌扶危但看天意 只今寂寞數澤裏豈無
人高卧閭里試問安危誰寄定相將有詔催公起須
信前書言猶未

送入我門來

胡浩然

荼壘安扉靈燄掛戶神儼烈竹轟雷動念流光四序

式週回須知今歲今宵盡似頓覺明年明日催向今
夕是處迎春送臘羅綺筵開 今古遍同此夜賢愚
共添一歲貴賤仍偕互祝遐齡山海固難摧石崇富
貴錢鏗壽更潘岳儀容子建才仗東風盡力一齊吹
送入此門來

瀟湘逢故人慢

初夏

王和甫

安禮

薰風微動方榴花弄色萱草成窩翠幃敞輕羅試水
簾初展幾尺湘波踈簷廣厦稱瀟湘一枕南柯引多
少夢魂歸緒洞庭雨掉煙蓑 驚回處閑晝永更時
時燕雛鶯友相過正綠影婆娑况庭有幽花池有新

居金本羸作羸

荷青梅煮酒幸隨分羸取高歌功名事到頭終在歲
華忍負清和

看花回

張守生日

趙德莊

彦端

注目正江湖浩蕩煙雲離屬美人衣蘭佩玉澹秋水
凝神陽春翻曲烹鮮坐嘯清淨五千言自足橫劒氣
南斗光中浩然一醉引雙鹿 回鴈未歸書未續夢
草處舊芳重綠誰憶瀟湘歲晚為喚起長風吹飛黃
鵠功名異時圯上家傳謝寵辱待封留拜公堂下願
授我長生錄

二

端有恨留春無計花飛何速檻外青青翠竹鎮高節
凌雲清陰常足春寒風袂帶雨穿窓如利鏃催處處
燕巧鶯慵幾聲鈎鞦叫雲木 看波面垂楊蘸綠最
好是風梳煙沐陰重熏簾未捲正泛乳新芽香飄清
馥新詩惠我開卷醒然欣再讀嘆辭章過人華麗擲
地勝如金玉

陽春

楊無咎

蕙風輕鶯語巧應喜乍離幽谷飛過此谷前迎晴曉
麗日明透翠幃縠篆臺芬馥初睡起橫斜簪玉因甚
自覺腰肢瘦朝來又寬裙幅 對清鏡無心欣梳裹

居全本此谷作
北宮梳作梳風
水作凡木醒作
醒

誰問着餘醒帶宿尋思前懽往事似驚回好夢難續
花亭徧倚檻曲歌滿眼爭春風水儘顛悴過了清明
候愁紅慘綠

史邦卿 達祖

杏花烟梨花誰與暈開春色坊巷曉悄悄東風斷舊
火銷處近寒食少年踪跡愁暗隔水南山北還是寶
絡雕鞍被鶯聲喚來香陌 記飛蓋西園寒猶凝驚
醉耳誰家夜笛燈前重簾不掛殢華裙粉淚曾拭如
今故書信息賴海燕年時相識柰芳草正鎖江南夢
春衫怨碧

居全本詔作福

向湖邊

江緯讀
書堂

江緯

退處鄉閔幽棲林藪舍宇第須茅蓋翠巘清泉啓軒
窓遙對過等閑隣里過從親朋臨顧草草便成幽會
策杖携壺向湖邊柳外旋買溪魚便斫銀絲鱠誰
復欲痛飲如長鯨吞海共惜醺酣恐歡娛難再矧清
風明月非錢買休追念金馬玉堂心膽碎且鬪尊前
有阿誰身在

張拭

萬里煙堤百花風榭遊女翩翩羽蓋綠掛鞦韆向花
梢嬌對矧門外森立喬松日花爭麗猶若當年文會

廊廟夔龍暫卜隣交外共講真率玉糝金齏膾同
蕭散寄傲樽壘傾北海佳處難忘約追歡須再况風
月不用一錢買但回首七虎堂中心欲碎千里相思
幸前盟猶在

月中桂

送杜微
赴闕

趙德莊

彦瑞

露醕無情送長歌未終已醉離別何如暮雨釀一襟
涼潤來留佳客好山侵坐碧勝昨夜踈星淡月君欲
翩然去人間底許員嶠問帆席詩情病非疇昔賴
親朋對影且慰良夕風流雨散定幾回腸斷能禁頭
白為君煩素手薦碧藕輕絲細雪去去江南路猶應

水雲秋共色

杜壽域 安世

庭遠途程笑萬山千水踏入神京暖日春郊綠柳紅
杏香遲舞燕流鶯客館悄悄閑庭堪惹舊恨深有多
少駢駢驀嶺涉水枉費身心 思想厚利高名謾惹
得憂煩枉度浮生幸有青松白雲深洞清閑且樂昇
平長是宦遊羈思別離淚滿襟望江鄉蹤跡舊遊題
書尚自分明

賞南枝

曾子固 鞏

暮冬天地閑正柔木凍折瑞雪飄飛對景見南嶺梅

居金本調作閑

露幾點清雅容姿丹染萼玉綴枝又豈是一陽有私
大抵化工獨許使占却先時 霜威莫若凌持此花
根性想群卉爭知貴用在和羹三春裏不管綠是紅
非攀賞處宜酒卮醉撚嗅幽香更竒倚欄仗何人去
囑羌管休吹

長相思

少游

鐵甕城高蒜山渡濶千雲十二層樓開罇待月掩箔
披風依然燈火揚州綺陌南頭記歌名宛轉鄉號溫
柔曲檻俯清流想花陰誰繫蘭舟 念淒絕秦絃感
深荆賦相望幾許凝愁勤勤裁尺素素雙魚難渡瓜

洲曉鑑堪羞潘髮點吳霜漸稠幸于飛鴛鴦未老不
應同是悲秋

京妓

柳耆卿

畫鼓喧街蘭燈滿市皎月初照嚴城清都絳闕夜景
風傳銀箭露暖金莖巷陌縱橫過平康款轡緩聽歌
聲鳳燭熒熒那人家未掩香屏 向羅綺叢中認得
依稀舊日雅態輕盈嬌波艷冶巧笑依然有意相迎
墻頭馬上謾遲留難寫深誠又豈知名官拘檢年來
減盡風情

迎新春

前人

嶰管變青律帝里陽和新布晴景回輕照慶嘉節當
三五列華燈千門萬戶遍九陌羅綺香風微度十里
燃絳樹鼉山聳喧喧簫鼓 漸天如水素月當午香
徑裡絕纓擲果無數更闌燭影花陰下少年人往往
竒遇太平時朝野多懽民康阜堪隨分良聚對此爭
忍獨醒歸去

望南雲慢

木芙蓉

沈公述

木葉輕飛乍雨歇亭臯簾卷秋光攔限砌角綻拒霜
幾處蔭深淺紅芳應恨開時晚伴翠菊風前並香曉
來寒露嫩臉低疑似帶啼粧 堪傷記得佳人當時

居金本照作照
漸天如水素月
當于八字在上
半闕

怨別盈腮淚粉行行而今最苦柰千里身心兩處淒涼感物成消黯念舊惟空勞寸腸月斜殘漏夢斷孤幃一枕思量

綺寮怨

周美成 邦彥

上馬人扶殘醉晚風吹未醒映水曲翠瓦朱簷垂楊裏乍見津亭當時曾題敗壁蛛絲罩淡墨苔暈青念去來歲月如流徘徊久嘆息愁思盈去去倦尋路程江陵舊事何曾再問楊瓊舊曲淒清斂愁黛與誰聽尊前故人如在想念我最閔情何須渭城歌聲未盡處先淚零

居金本壁作壁

趙功可

忽忽東風又老冷雲吹晚陰疎簾下茶鼎孤煙斷橋外梅豆千林江南庾郎憔悴睡未醒病酒愁怎禁倚闌干一扇涼風看平地落花如雪深千曲囊中古琴平泉金谷不堪舊事重尋當日登臨都化作夢銷沉元龍丘墳無恙誰喚起共論心哀歌怨吟問何似啼鳥枝上音

花心動

史梅溪 連祖

風約簾波錦機寒難遮海棠烟雨夜酒未蘇春枕猶歌曾是悞成歌舞半褰薇帳雲頭散柰愁味不隨香

去儘沈靜文園更渴有人知否 懶記溫柔舊處偏
只怕臨風見它桃樹綉戶鎖塵錦瑟空絃無復畫眉
心緒待拈銀管書春恨被雙燕替人言語意不盡垂
楊幾千萬縷

臨安新亭

劉叔安 鎮

鳩雨催晴遍園林一番綠嬌紅媚柳外金衣花底香
鬢消得艷陽天氣障泥步錦尋芳路稱來往縱橫珠
翠笑携手旗亭問酒更酌春思 還記東山樂事向
歌雪香中伴春沈醉粉袖帶人彩筆題詩陶寫老來
風味夜深銀燭明如晝待歸去看承花睡夢雲散屏

山半熏沈水

春景

阮逸女

仙苑春濃小桃開枝枝已堪攀折乍雨乍晴輕暖輕
寒漸近賞花時節柳搖臺榭東風軟簾櫳靜幽禽調
舌斷竟遠閑尋翠徑頓成愁結 此恨無人共說還
立盡黃昏寸心空切強整綉衾獨掩朱扉簟枕為誰
鋪設夜長宮漏傳聲遠紗窓映銀缸明滅夢回處梅
梢半籠淡月

憶諸葛章

蟾英 劉元

忽覩菱花這一程減却風流顏色隣姬戲問愧我為

居金本哈哈作
恰恰

羞無語低頭寥寂珠泪紛紜和粉垂襟袂舊痕乾又
濕感起愁懷堆堆積積杜宇催春急 煙籠花柳粉
蝶難尋覓紫燕喃喃黃鶯哈哈對景脂消香灑篆煙
將盡愁未休息若得御溝玻璃碧教紅葉往來傳箇
消息

永遇樂

柳耆卿 永

薰風解愠晝景晴和新霽時候火德流光蘿圖薦祉
累慶金枝秀璇樞統電華渚流虹是日挺生元后續
唐虞垂拱千載應期萬靈敷祐 殊方異域爭貢琛
賁架獻航波奔湊三殿稱觴九儀就列韶濩鏘金奏

藩侯瞻望彤庭親攜僚吏竟歌元首祝堯齡北極齊
尊南山共久

東坡 蘇軾

明月如霜好風如水清景無限曲港跳魚圓荷瀉露
寂寞無人見紈如五鼓錚然一葉黯黯夢雲驚斷夜
茫茫重尋無覓處覺來小園行遍 天涯倦客山中
歸路望斷故園心眼燕子樓空佳人何在空鎖樓中
燕古今如夢何曾夢覺但有舊歡新怨異時對南樓
夜景為徐浩歎 夜登燕子樓夢時作晁無咎曰燕
子樓空三句說盡張建封燕子樓事

春情

解方叔 昉

居全本藏作藏

風煖鶯嬌露濃花重天氣和煦院落煙收垂楊舞困
無柰堆金縷誰家巧縱青樓絃管惹起暮雲情緒憶
當時紋衾粲枕未嘗暫孤鴛侶 芳菲易老故人難
聚到此翻成輕誤閨苑仙遙蠻牋縱寫何計傳深訴
青山綠水古今長在惟有舊歡何處空贏得斜陽暮
草淡烟細雨

京口北固亭懷古

稼軒 辛棄疾

千古江山英雄無覓孫仲謀處舞榭歌臺風流總被
雨打風吹去斜陽草樹尋常巷陌人道寄奴曾住想
當年金戈鉄馬氣吞萬里如虎 元嘉草草封狼居

意贏得倉皇北顧四十三年望中猶記烽火揚州路
可堪回首佛狸祠下一片神鴉社鼓憑誰問庶頗老
矣尚能飯否

春莫有懷

劉叔擬 擬

青幄蔽林白氈鋪徑紅雨迷楚畫閣閑愁風簾捲恨
盡日縈情緒陽臺雲去文園人病寂寞翠尊彫姐惜
韶容匆匆易失芳叢對眼如霧 巾歌潤衰衣寬涼
滲又覺漸回驕暑解籜吹香遺丸薦脆小芰浮鴛浦
画欄如舊依稀猶記佇立一鈎蓮步黯銷魂那堪又
聽杜鵑更苦

居全本畫作畫
姐作姐

次韻吊青樓

高賓王 觀國

淺暈脩蛾脆痕紅粉猶記窺戶香斷奩空塵生砌冷
誰喚青鸞舞春風花信秋宵月約歷歷此心曾許銜
芳恨千年怨結玉骨未應成土 木蘭艇子莫愁何
在謾繫寒江烟樹事逐雲沈情隨佩冷短夢分今古
一杯遙夜孤光難曉多少碎人腸處空淒黯西風細
雨盡吹淚去

送春

洪叔與 春

歌雪徘徊夢雲溶曳欲動春住薄倖楊花無端杜宇
抵死催教去 黍差烟岫千回百匝不解禁春歸路病

厭厭那堪更聽小樓一夜風雨 金釵鬪草玉盤行
菜往事了無憑據合教松兒分香帕子揔是牽情處
小桃朱戶題詩在否尚憶去年崔護綠陰中鶯鶯燕
燕也應解語

雅詞 先名

功名閑事利祿休閒莫繫心上幸有衣食隨緣過得
着甚乾勞攘風前月下三盃兩醖撞着即莫與放且
與箇山莊道友退閑故人來往 新來做得一箇寬
袖布衫着來也暢出戶迎賓入城幹事恰似王保長
我咱快後神歌鬼舞任你萬般毀謗死來後一家一

箇那底怎向

寄所思新第者

詞話失名

孤衾不暖靜聞銀漏歌枕難穩細想多情多才多貌
總是多愁本而今幽會難成佳期頓阻只恁縈方寸
知他莫是今生共伊此歡無分尋思斷腸腸斷珠
淚搵了依前重搵終待臨歧分明說與我這厭厭悶
得伊知後教人成病萬種斷也無恨只恐他恁不分
曉謾勞瘦損

東臯寓居

晁無咎補之

松菊堂深芰荷池小長夏清暑燕引雛還鳩呼婦往

居全本管作管

人靜郊原趣麥天已過薄衣輕扇試起遠園徐步聽
衡宇欣欣童稚共說夜來初語蒼管徑裏紫葳枝
上數點幽花垂露東里催鋤西鄰助餉相戒清晨去
斜川歸興翛然滿目回首帝鄉何處只愁恐輕鞍犯
夜霸陵舊路

傾盃樂

柳耆卿永

木落霜洲鴈橫煙渚分明画出秋色暮雨乍歇小檝
夜泊宿常村山驛何人月下臨風處起一聲羌笛離
愁萬緒聞岸草切切蛩吟如織為憶芳容別後水
遙山遠何計馮鱗翼想繡閣深沉爭知憔悴損天涯

行客楚峽雲歸高陽人散寂寞狂蹤跡望京國空目
斷遠峯凝碧

春霽晴

胡浩然

遲日融和乍雨歇東郊嫩草凝碧紫燕雙飛海棠相
襯粧點上林春色黯然望極困人天氣渾無力又聽
得園苑數聲鶯囀柳陰直當此暗想故國繁華儼
然遊人依舊南陌院深沉梨花亂落那堪如練點衣
白酒量頃寬還量窄笑此情景除非殢酒狂歡恣歌
沉醉有誰知得

秋霽晴

詩餘

虹影侵堦乍雨歇長空萬里凝碧孤鷺高飛落霞相
映遠狀水鄉秋色黯然望極動人無限愁如織又聽
得雲外數聲新鴈正嘹唳當此暗想畫閣輕拋杳
然殊無此箇消息漏聲稀銀屏冷落那堪殘月照窓
白衣帶頓寬猶阻隔笑此情苦除非宋玉風流共懷
傷感有誰知得

史邦卿

江水蒼蒼望倦柳愁荷共感秋色虛閣先涼古簾空
暮鴈程最嫌風力故園信息愛渠入眼南山碧念上
國誰是鱸鱸江漢未歸客還又歲晚瘦骨臨風夜

居金本為作鬢
得作處處作得

聞秋聲吹動岑寂露蛩鳴清燈冷屋翻書愁上鬢毛
白年少俊遊渾斷得但可憐處無柰冉冉魂驚採香
南浦剪梅烟驛

曾公衮

行

居金本評作訊

木落山明莫江碧樓倚太虛寥廓素手飛觴釵頭笑
取金英滿浮桑落鬢雲慢約酒紅拂破香腮薄細細
酌簾外任教月轉盡攔角 當年快意登臨異鄉節
物難禁離索故人遠凌波何在惟有殘英共寂寞愁
到斷腸無處着寄寒香與憑渠問評佳時美粉吹花
為誰梳掠

居金本漸作漸

合懽帶

美人

柳耆卿

永

身材兒早是妖嬈笑風措實難描一箇肌膚渾是玉
更都來占了千嬌妍歌艷舞鶯漸巧舌柳妬纖腰自
相逢便覺韓娥價減飛燕聲銷 桃花零落溪水潺
湲重尋仙徑非遙莫道千金耐一笑便明珠萬斛須
邀檀郎幸有凌雲詞賦擲果風標况當年便好相携
鳳樓深處吹簫

杜壽域

安世

樓臺高下玲瓏闌芳樹綠陰濃芍藥孤栖香艷晚見
櫻桃萬顆初紅巢喧乳燕珠簾鏤曳滿戶香風罩紗

幃象床屏枕畫眠才似朦朧 起來無語更兼慵念
分明往事成空被你厭厭牽繫我恠纖腰繡帶寬鬆
春來早是分飛兩處長恨西東到如今扇移明月簾
鋪寒浪與誰同

花發沁園春

王晉卿說

帝里春歸早先粧點皇家池館園林雛鶯未遷燕子
乍歸時節戲弄晴陰瓊樓珠閣恰正在柳曲花心翠
袖艷衣凭闌干慣聞絃管新音 此際相携宴賞縱
行樂隨處芳樹遙岑桃腮杏臉嫩英萬葉千枝綠淺
紅深輕風絲日泛暗香長滿衣襟洞戶醉歸訪笙歌

晚來雲海沉沉

呈史滄洲

劉圻父

換譜伊京選歌燕趙一番樂事重起花新笑靨柳軟
纖腰濟楚衆芳圍裏年年佳會長是傍清明天氣正
魏紫衣染天香蜀粧紅破春睡 一簇猩羅鳳翠遍
東園西城點檢芳事銓齋吏散畫館人稀幾闋管絃
清脆人生適意流轉共風光遊戲到遇景取次成歡
怎教良夜休醉

西吳曲

懷襄陽

劉改之

說襄陽舊事重省記銅鞮巷陌醉還醒笑鶯花別後

劉郎憔悴萍梗倦客天涯還買箇西風輕艇便欲訪
騎馬山翁問峴首那時風景 楚王城裏知幾度經
過摩挲故宮柳瘦慢吊景冷烟衰草淒迷傷心興廢
賴有陽春古郢乾坤誰望陸百里路中原空老盡英
雄腸斷劍鋒冷

望明河

劉正

華旌耀日報天上使星初辭金闕許國精忠試此日
傳岩濟川舟楫向來鷄林外况傳詠篇章雄絕問人
地真是唐朝第一未論勲業 鯨波霽雲千疊望仙
馭縹緲神仙明滅萬里勤勞也等是壯年繡衣持節

大夫功名事未肯向樽前傷輕別看飛棹歸侍宸遊
宴賞太平風月

夢橫塘

劉正

浪痕經雨鬢影吹寒曉來無限蕭瑟野色分橋剪不
斷溪山風物船繫朱藤路迷烟寺遠鷗浮沒聽疎鐘
斷鼓似近還遙驚心事傷羈客 新醅旋壓鵝黃拚
清愁在眼酒病縈骨綉閣嬌慵爭解說短封傳憶念
誰伴塗妝縮髻嚼藥吹花弄秋色恨對南雲此時淒
斷有何人知得

定風波

旅情

柳耆卿

永

居金本馮作憑

佇立長堤澹蕩晚風起驟雨歇極目蕭疎塞柳萬株
掩映箭波千里走舟車向此人人奔名競利念蕩子
終日駢駢爭覺鄉閔轉迢遞何意繡閣輕拋錦字
難逢等閑度歲柰汎泛旅迹厭厭病緒近來諳盡宦
遊滋味此情懷縱寫香牋馮誰與寄美孟光爭得知
我繼日添憔悴

早梅芳

上孫資政

前人

海霞紅山煙翠故都風景繁華地譙門畫戟下臨萬
井金碧樓臺相倚芰荷浦淑揚柳汀洲映虹橋倒影
蘭舟飛棹遊人聚散一片湖光裡漢元侯自從破

虜征蠻峻陟樞庭貴籌帷厭久盛年畫錦歸來吾鄉
我里黔齋少訟宴館多懽未周星便恐皇家圖任勳
賢又作登庸計羊祜傳有黔齋

期夜月

劉濬

金鈎花綬繫雙月腰肢軟低拆揜皓腕縈綉結輕盈
宛轉妙若鳳鳶飛越無別香檀急扣轉清切翻纖手
飄瞥催畫鼓追脆管鏘洋雅奏尚與衆音為節當
時妙選舞袖慧性雅質名為殊絕滿坐傾心佳目不
甚窺回雪逡巡一曲霓裳徹汗透鮫綃肌潤教人傅
香粉媚容秀發

居金本任作注

濟潞州人有才名樂部中惟杖鼓鮮有能工之者
京師官妓楊素娥最工擘酷愛之作此詞素娥以
此詞名
振京師

南浦

程正伯

金鴨懶薰香向晚來春醒一枕無緒濃綠漲瑤窓東
風外吹盡亂紅飛絮無言佇立斷腸惟有流鶯語碧
雲欲暮空惆悵韶華一時虛度 追思舊日心情記
題葉西樓吹花南浦老去覺歡踈傷春恨都付斷雲
殘雨黃昏院落問誰猶在凭闌處可堪杜宇空只解
聲聲催他春去

史邦卿

遠祖

玉樹曉飛香待倩它和愁點破妝鏡輕嫩一天春平
白地都護雨昏烟暝幽花溼露定應獨把闌干凭謝
屐未蠟安排共文鴛重遊芳逕 年來夢裏揚州怕
事隨歌殘晴趁雲冷嬌盼隔東風無人會鶯燕暗中
心性深盟縱約盡同晴雨全無定海棠夢在相思過
西園秋千紅影

曲玉管

秋思

柳永

隴首雲飛江邊日晚烟波滿目凭闌久立望關河蕭
索千里清秋忍凝眸窅窅神京盈盈仙子別來錦字
終難偶斷鴈無凭冉冉飛下汀州思悠悠 暗想當

初有多少幽懽佳會豈知聚散難期翻成雨恨雲愁
阻追遊悔登山臨水惹起平生心事一場銷黯永日
無言卻下層樓

別瑤姬慢

万俟雅言

可惜香紅又一番驟雨幾陣狂風霎時留不住便夜
來和月飛過簾櫳離愁未了酒病相仍便堪此恨中
片片隨流水斜陽去各自西東 又還是九十春光
誤雙飛戲蝶並採遊蜂人生能幾許細算來何物得
似情濃沈腰暗減潘鬢先秋寸心不易供望暮雲千
里沉沉障翠峯

補鈔評花仙館校本

二郎神

春怨

徐幹臣

仲

悶來彈鵲又攪碎一簾花影謾試着春衫還思纖手
薰徹金爐燼冷動是愁端如何向更怪得新來多病
想舊日沈腰而今潘鬢不堪臨鏡 重省別時淚漬
羅襟猶疑料為我厭厭日高慵起長託春醒未醒鴈
翼不來馬蹄難去門掩一庭芳景空佇立盡日攔干
遍倚畫長人靜

七夕

柳耆卿

永

炎光初謝過暮雨芳塵輕洒乍露冷風清庭戶爽天
如水玉鈎遙掛應是星娥嗟久阻叙舊約颺輪欲駕

居金本莫作笑

極目處微雲暗度耿耿銀河高瀉
閑雅須知此景
古今無價運巧思穿針樓上女搗粉面雲鬟相亞鈿
合金釵私語處笑誰在回廊影下願天上人間占得
歡娛年年今夜

用徐幹臣韻

湯恢

居金本青作春

瑣窓睡起閑竚立海棠花影記翠檝銀塘紅牙金縷
杯泛梨花冷燕子啣來相思字道玉瘦不禁春病應
蝶粉半消鴉雲斜墜暗塵侵鏡
還省香痕碧唾春
衫都凝銷一似荼蘼玉肌翠被消得東風喚醒青杏
單衣楊花小扇閑却晚春風景最苦是蝴蝶盈盈弄

晚一簾風靜

解連環閨情

周美成

邦彥

怨懷難托嗟行人斷絕信音遼邈憶妙手能解連環
似風散雨收霧輕雲薄燕子樓空暗塵鎖一床絃索
想移根換葉盡是舊時手種紅藥
汀洲漸生杜若
料舟移岸曲人在天角記得當日音書把閑語閑言
盡總燒却水驛春回望寄我江南梅萼拚今生對酒
對花為伊淚落

春水

高賓王

觀國

浪搖新綠浸芳洲翠渚雨痕初足蕩霽色流入橫塘

看風外漪漪皺紋如縠藻荇縈迴似留戀鴛飛鷗浴
愛嬌雲蘸色媚日接藍遠迷心目 仙源漾舟岸曲
照芳容幾樹香浮紅玉記那回西洛橋邊濺裙翠傳
情玉纖輕掬三十六陂錦鱗渺芳音難續隔垂楊故
人望斷浸愁千斛

杏梁燕寓解連環

張宗瑞輯

小樓春淺記鈎簾看雪袖粘芳片侶不侶柳絮因風
更細與品題屢呵冰硯宛轉吟情縱真草鳳牋都徧
到燈前笑語酒被峭寒移盡更箭 而今柳陰滿院
却花空雪似人隔春遠歎萬事流水斜陽謾贏得前

詩醉汗團扇脉脉重來算惟有畫欄曾見把千種舊
愁付與杏梁語燕

尉遲盃離情

周美成邦彥

隋堤路漸日晚密靄生深樹陰陰淡月籠沙還宿河
橋深處無情畫舸都不管煙波隔南浦等行人醉擁
重衾載將離恨歸去 因念舊客京華長偎傍疎林
小檻歡聚冶葉倡條俱相識仍慣見珠歌翠舞如今
向漁村水驛夜如歲焚香獨自語有何人念我無慘
夢覓疑想鴛侶

花草粹編 卷之十一
九十
歲云暮歎光陰冉冉能幾許江梅尚怯餘寒長安信
音猶阻春風無據凭欄久欲去還凝竚憶溪邊月底
徘徊暗香疎影庭戶朝來凍解霜消南枝上香英
數點微露把酒看花無言有淚還是那時情緒花依
舊辰粧何處謾贏得花前愁千縷儘高樓畫角頻吹
任教紛紛飛素

花草粹編卷之十一終

花草粹編十二卷目錄

長調

泛清波滴遍

青門飲 三

征部樂

楚宮春慢

望湘人

古傾盃 三

汎清茗

飛雪滿群山

真珠髻

落梅 二

望遠行 三

夜飛鵲 二

傾盃 二

惜黃花慢

一萼紅 五

一寸金 二

傾盃樂 二

望梅 三

內家嬌

望海潮 六

折紅梅 二

菩薩蠻引

薄倖 三

憶瑤姬

卷之五 十二卷目錄

五綵結同心 二 杜常娘 二

綠意 一

解珮環

胥馬索

擊梧桐 二

八寶粧

大聖樂 二

風流子 十

長壽樂

八犯玉交枝

踈影 二

霜葉飛 三

過秦樓 二

江神子慢 二

鬪嬋好

慢捲紉 二

女冠子 七

壽星明

離別難

透碧霄 二

選冠子

一名蘇武

惜餘春慢

玉山枕

洞庭春色 三

丹鳳吟

沁園春

六十二

輪臺子

梅花引 五

紫萸香慢

八歸 二

宣清

賀新郎

六十二

乳燕飛

金縷歌

風瀑竹

摸魚兒 九

雙蓮

邁陂塘

三

瑤臺月

集賢賓

子夜歌

鳳歸雲

吊嚴陵

迷仙引

金明池

夏雲峯

笛家弄

二

送征衣

綠頭鴨

春雪間早梅

翠羽吟

春風裊娜

洞仙歌

白苧 二

蘭陵王 三

十二時

破陣樂 二

浪淘沙慢 二

卷之五 十二卷目錄

CENTRAL

圖書

香

國家圖書館, NATIONAL CENTRAL LIBRARY, TAIWAN, R.O.C.

大酺 二

瑞龍吟 二

玉女搖仙佩

多麗 六

六醜

輪臺子

六州歌頭 四

夜半樂

寶鼎現 二

哨遍

三臺

拋毬樂

哨遍 二

戚氏 二

勝州令

鶯啼序 二

花草粹編十二卷目錄終

花草粹編卷之十二

朗陵外方陳耀文晦伯甫纂

長調

泛清波滴遍

晏叔原 後道

催花雨小着柳風柔都似去年時候好露紅烟綠盡
有狂情鬪春早長安道秋千影裡絲管聲中誰放豔
陽輕過了倦客登臨暗惜花光陰恨多少 楚天渺
歸思正如亂雲短夢未成芳草空把吳霜鬢華自悲
清曉帝城杳雙鳳舊約漸虛孤鴻後期難到且趁朝
花夜月翠尊頻倒

國家圖書館 NATIONAL CENTRAL LIBRARY, TAIWAN, R.O.C.

真珠髻

重重山外冉冉流光又是殘冬時節小園幽徑池邊
樓畔翠木嫩條春別纖葢苞輕粉萼染猩猩鮮血乍
幾日好景和風次第一齊催發天然香艷殊絕比
成雙皎皎倍芳潔去年因遇東歸使指增遠恨意曾
攀折豈謂浮雲始終不放滿枝明月但歎息時飲金
鍾更遶叢叢繁雪

傾盃樂

上元

柳耆卿

禁漏花深繡工日永蕙風布暖變韶景都門十二元
宵三五銀蟾光滿連雲複道凌飛觀聳皇居麗佳氣

瑞烟葱蒨翠華宵幸是處層城閬苑龍鳳燭交光
星漢對咫尺鰲山開雉扇會樂府兩籍神仙梨園四
部絃筦向曉色都人未散盈萬井山呼鰲抃願歲歲
天仗裏常瞻鳳輦

席上賞雪

曾覲

錦帳寒添畫簷雀噪凍雲布野望空際瑤峯微吐瓊
花初綻江山如畫裁冰剪水裝鴛瓦杳旗亭路依稀
管絃臺榭小樓佳興一行珠簾不下隨綉板歌聲
閑暇傍翠袖雲鬟憐艷冶似佯醉不耐嬌羞濃歡旋
學風雅向暝色雙鸞舞罷紅獸暖春生金尊但滯飲

居全本行作行

居全本苞字在
輕字下使字上
首驛字無指字
增作贈

香霧捲壺天不夜

青門飲贈妓

少游

風起雲間鴈橫天末嚴城畫角梅花三奏塞草西風
凍雲籠月窗外曉寒輕透人去香猶在孤衾長閑餘
綉恨與宵長一夜薰爐添盡香獸前事空勞回首
雖夢斷春歸相思依舊湘瑟聲沉庾梅信斷誰念畫
眉人瘦一句難忘處怎忍辜耳邊輕呪任人攀折可
憐又學章臺楊柳

寄寵人

時彥

胡馬嘶風漢旗翻雪彤雲又吐一竿殘照古木連空

亂山無數行盡暮沙衰草星斗橫幽館夜無眠燈花
空老霧穠香鴨冰凝淚燭霜天難曉長記小粧纔
了一盃未盡離懷多少醉裏秋波夢中朝雨都是醒
時煩惱料有牽情處忍思量耳邊曾道甚時躍馬歸
來認得迎門輕笑

曹元寵組

山靜烟沉岸空潮去晴天萬里飛鴻南渡冉冉黃花
翠翹金鈿還是倚風凝露歲歲青門飲盡龍山高陽
儔侶舊賞成空回首舊遊人在何處此際誰怜萍
泛空自感光陰暗傷羈旅醉裏悲歌夜深驚夢無奈

覺來情緒孤館昏還曉厭時聞南樓鐘鼓 淚眼臨
風腸斷望中歸路

落梅

王晉卿說

壽陽粧晚慵勻素臉經宵醉痕堪惜前村雪裏幾枝
初綻冰姿仙格忍被東風亂飄滿地殘英堆積可堪
江上起離愁憑誰說寄腸斷未歸客 沅恨聲傳羌
笛感行人水亭山驛越溪信阻仙鄉路杳但風流塵
跡香艷濃時未多吟賞已成輕擲願身長健且凭欄
明年還放春消息

落梅慢

梅苑 失名

帶烟和雪繁枝淡斝誰將粉融酥滴踈枝冷蓋壓群
芳年年常占春色江路溪橋謾倒裊裊風中無力暗
香浮動冰姿明月裏想無花比高格 爭柰光陰瞬
息動幽怨潛生羌笛新花開巧有天然閑態倚欄堪
惜零亂殘英片片飛上舞筵歌席斷腸忍淚念前期
經歲還有芳容隔

望梅

小春

柳耆卿 永

小寒時節正同雲暮慘勁風朝冽信早梅偏占陽和
向日處凌晨數枝爭發時有香來望明艷遙知非雪
想玲瓏嫩蕊弄粉素英旖旎清絕 仙姿更誰並列

有幽光映水踈影隴月且大家留倚闌干對綠醕飛
觥錦牋吟閱桃李繁華柰彼此芬芳俱別等和羹待
用休把翠條謾折

王聖與

居金本茹作數

畫欄人寂喜輕盈照水犯寒先折裊茹枝雲縷鮫綃
露淺淺塗黃漢宮嬌額剪玉裁冰已占斷江南春色
恨風前素艷雪裏暗香偶成拋擲如今眼穿故國
待拈花嗅盞時話思憶想隴頭依約飄零甚千里芳
心杳無消息粉怯珠愁又只恐吹殘羌笛正斜飛半
窓曉月夢回隴驛

陸務觀

游

壽非金石恨天教老向水程山驛似夢來到南柯這
些子光陰更堪輕擲戍火邊塵又過了一年春色歎
名姬駿馬盡付杜陵苑路豪客長繩漫勞繫日看
人間俛仰俱是陳迹縱自倚英氣凌雲柰回盡鵬程
鍛殘鳶翻終日憑高情不見江東消息箕沙邊也有
斷鴻情誰問得

征部樂

思相

柳耆卿

永

雅愜幽會良夜可惜虛拋擲每追念狂蹤舊跡長祇
恁愁悶朝夕憑誰去花衢覓細說與此中端的道向

居金本夢字下
有裏字東作南

我轉覺厭厭夢後魂勞苦相憶 須知最有風前月
下心事始終難得但願我重重心下把人看待長似
初相識况漸逢春色便是有舉場消息待這回好好
憐伊更不輕離折

望遠行

雪詠

柳耆卿

永

長空降瑞寒風剪淅淅瑤花初下亂飄僧舍密洒歌
樓迤邐漸迷鴛瓦好是漁人披得一蓑歸去江上晚
來堪画滿長安高却旗亭酒價 幽雅乘興最宜訪
戴泛小棹越溪瀟洒皓鶴奪鮮白鷗失素千里廣鋪
寒野須信出蘭歌斷同雲收盡別有瑤臺瓊榭放一

居金本興作典

輪明月交光清夜

相思

前人

繡幃睡起殘粧淺無緒勻紅鋪翠藻井凝塵金梯鋪
鮮寂寞鳳樓十二風絮紛紛煙蕪冉冉永日画欄沉
吟獨倚望遠行南陌春殘悄歸騎 凝睇消遣離愁
無計但暗擲金釵買醉對好景空飲香醪爭柰轉添
珠淚待伊遊冶歸來故故解放翠羽輕裙重繫見纖
腰圍小信人憔悴

梅苑

失名

重陰未解又早是年時梅花爭綻暗香浮動疎影橫

斜月淡水清亭院好是前村雪裏一枝開處昨夜東
風布暖動行人多少離愁腸斷 凝戀天賦自然雅
態似壽陽初勻粉面故人折贈欣逢驛使只恐隴頭
春晚寄與高樓休學龍吟三弄留取瓊花爛熳正有
人同倚闌干爭看

內家嬌

春恨

柳耆卿

永

煦景朝升煙光晝斂疎雨夜來新霽垂楊艷杏絲軟
霞輕繡出芳郊明媚處處踏青闌草人人偎紅倚翠
柰少年自有新愁舊恨消遣無計 帝里風光當此
際正好恁携佳麗阻歸程迢遞柰向好景難留舊懽

頻棄早是傷春情緒那堪困人天氣但贏得獸立高
原斷腸一餉凝睇

楚宮春慢

仲殊

僧揮

輕盈絳雪乍團聚同心千點珠結畫館繡幄低飛融
融香微笑裏精神放縱斷未許年華偷歇信任芳春
都不管浙浙南熏別是一家風月 扁舟去後回望
處娃宮淒涼凝咽身似斷雲零落深心難說不與雕
欄寸地忍覩着漂流離缺盡日厭厭揔無語不及高
唐夢裡相逢時節

夜飛鵲

別情

周美成

邦彥

河橋送人處涼夜何其斜月遠墮餘輝銅盤燭淚已
流盡霏霏涼露露衣相將散離會處探風前津鼓樹
杪參旗華驄會意縱揚鞭亦自行遲 迢遞路回清
野人語漸無聞空帶愁歸何意垂紅滿地遺鈿不見
斜徑都迷免葵燕麥向殘陽欲與人齊但徘徊班草
啼噓酹酒極望天西

別意

盧申之 祖阜

驕嘶破清曉分恨臨期花下恁月明知餘光是處散
離思最憐香靄霏霏牽衣搵彈淚問淒風愁露剗地
東西留鞭換佩怕匆匆已是遲遲 涼怯幾番羅袂

居金本露作霧

還燕別文梁螢點書幃一自秋娘迢遞黃金對酒爭
忍輕揮新來院落燕難尋簾幕長垂怕彫梧敲徑驚
回舊夢應也顰眉

望海潮 京都

柳耆卿 永

東南形勝江湖都會錢塘自古繁華煙柳画橋風簾
翠幙參差十萬人家雲樹遶堤沙怒濤捲霜雪天塹
無涯輪列珠璣戶盈羅綺競豪奢 重湖疊嶽清佳
有三秋桂子十里荷花羌管弄晴菱歌汎夜嬉嬉釣
叟蓮娃千騎擁高牙乘醉聽蕭鼓吟賞煙霞異日圖
將好景歸去鳳池誇

者脚與孫相何為布衣交孫如杭門某甚嚴者脚
欲見之不當作此詞性諸名妓楚楚曰欲見孫相
恨無門路若因府會願借朱唇歌於孫之前若問
誰為此詞但說柳士中秋夜會楚宛轉歌之孫即
日迎著

洛陽懷古

淮海

梅英疎淡水漸溶洩東風暗換年華金谷俊游銅駝
巷陌新晴細履平沙長記誤隨車正絮翻蝶舞芳思
交加柳下桃蹊亂分春色到人家 西園夜飲鳴笳
有華燈礙月飛蓋妨花蘭苑未空行人漸老重來是
事堪嗟煙暝酒旗斜但倚樓極目時見棲鴉無柰歸
心暗隨流水到天涯

別意

前人

奴如飛絮郎如流水相沾便肯相隨微月戶庭殘燈
簾幙忽忽共惜佳期絕話暫分携早抱人嬌咽雙淚
紅垂畫舸難停翠幃輕別兩依依 別來怎表相思
有分香帕子合數松兒紅粉脆痕青牋嫩約丁寧莫
遣人知成病也因誰更自言秋杪親去無疑但恐生
時注著合有分于飛

贊賀

沈公述

山光凝翠川容如画名都自古并州簫鼓沸天弓刀
似水連營十萬貔貅金騎走長楸少年人一一錦帶

吳鈞路入榆關，鴈飛汾水，正宜秋。追思昔日風流，有儒將醉吟才子，狂遊松偃，舊亭城高，故國空餘舞榭歌樓。方面倚賢侯，便恐為霖，雨歸去難留，好向西溪恣携絃管，宴蘭舟。

石孝友

離情冰泮，歸心雲擾，黯然凝竚。江臯柳色，搖金梅香，弄粉依稀滿眼。春嬌常記，極遊遨更與持玉笋，因解金貂，即去瞿塘妾家，巫峽水迢迢。別來暗減風標，柰碧雲暗斷，翠被香銷。春草生池，芳塵凝榭，淒涼月夕。花朝千里，夢魂勞，但鳥啼渡口，猿響山椒，擬把無

窮幽恨，萬疊寫霜綃。

呂聖求

渭老

側寒斜雨，微燈薄霧，匆匆過了元宵。蕙影護風，盆池見日，青青柳葉柔條。碧草皺裙腰。正晝長烟煖，蜂困鶯嬌。望處淒迷，半篙綠水斜橋。孫郎病酒無聊記。烏絲醉語，碧玉風標，新燕又雙。蘭心漸吐，佳期趁取花朝。心事轉迢迢。但夢隨人遠，心與山遙。誤了芳音，小窓斜日到芭蕉。

望湘人

春思

賀方回

鑄

厭鶯聲到枕，花氣動簾，醉裏愁夢相半。被惜餘薰帶

驚刺眼幾許傷春春晚淚竹痕鮮佩蘭香老湘天濃
暖記小江風月佳時屢約非烟遊伴 須信鳶絃易
斷柰雲和再鼓曲終人遠認羅襪無蹤舊處弄波清
淺青翰棹艤白蘋洲畔儘目臨臯飛觀不解寄一字
相思幸有歸來雙燕

傾盃

送別

柳耆卿

永

離讌慙懃蘭舟凝滯看看送行南浦情知道世上難
使皓月長圓彩雲鎮聚美人生悲莫悲於輕別最苦
正懽悞便分鴛侶淚流瓊臉梨花一枝春帶雨 慘
黛蛾盈盈無緒共黯然消魂重携纖手話別臨行再

三問道君須去頻耳畔低語知多少他日深盟平生
丹素從今盡把憑鱗羽

張子野

先

居金本座作塵

飛雲過盡明河淺天無畔草色栖霞霜華清暑輕颺
弄袂澄瀾拍岸宴玉塵談賓倚瓊枝秀挹雕觴滿午
夜中秋十分圓月香槽撥鳳朱絃軋鴈 正是欲醒
還醉臨空悵遠壺更疊換對東西數里回塘恨零落
芙蓉春不管籠燈待散誰知道座有離人目斷雙歌
伴烟江艇子歸來晚

折紅梅

吳感

喜輕澌初泮微和漸入芳郊時節春消息夜來陡覺
紅梅數枝爭發玉溪仙館不是箇尋常標格化工別
與一種風情似勻點胭脂染成香雪 重吟細閱此
繁杏夭桃品流真別只愁共彩雲易散冷落謝池風
月憑誰向說三弄處龍吟休咽大家留取倚闌干聞
有花堪折勸君須折

二

覩南翔征鴈踈林敗葉凋霜零亂獨紅梅自守歲寒
天教最後開綻盈盈水伴踈影蘸橫斜清淺化工似
把深色胭脂恠姑射冰姿剩與紅間 誰人寵眷待

金鎖不開凭欄先看曾飛落壽陽粉額粧成漢宮傳
徧江南風暖春信喜一枝清遠對酒便好折取奇苞
揅清香重嗅舉杯重勸

古傾盃

商林鐘

柳耆卿

永

凍冰消痕曉風生暖春滿東郊道遲遲淋景煙和露
潤偏染長堤芳草斷鴻隱隱歸飛江天杳杳遙山變
色粧眉淡掃目極千里閑倚危檣迥眺 動幾許傷
春懷抱念何處韶陽偏早想帝里看看名園芳榭爛
熳鶯花好追思往昔年少繼日恁把酒聽歌量金買
笑別後暗負光陰多少

黃鍾調

水鄉天氣洒蕪葭露結寒生早客館更堪秋杪空堦
下木葉飄零颯颯聲乾狂風亂掃當無緒人靜酒初
醒天外征鴻知送誰家歸信穿雲悲叫蛩響幽窓
風窺寒硯一點銀缸閑照夢枕頻驚愁衾半擁萬里
歸心悄悄往事追思多少贏得空使方寸攪斷不成
眠此夜厭厭就中難曉

大石調

金風淡蕩漸秋光老清宵永小院新晴天氣輕煙乍
斂皓月當軒練淨對千里寒光念幽期阻當殘景早

是多愁多病那堪細把舊約前歡重省最苦碧雲
信斷仙鄉路杳歸鴻難倩每高歌強遣離懷奈悵咽
翻成心耿耿漏淺露冷空贏得悄悄無言愁緒終難
整又是立盡梧桐清影

惜黃花慢

楊無咎

霽空如水襯落木墜紅遙山堆翠獨立閑堦數聲笛
度風前幾點鴈橫雲際已涼天氣未寒時問好處一
年誰記笑聲裡摘得半又金纍來至橫斜為插烏
紗更碎揉汎入金樽瓊螳滿酌霞觴願人壽百千可
奈此時情味牛山何必獨沾衣對佳節惟應懽醉看

睡起曉蝶也花愁懶戲

菩薩蠻引

曉鶯催起問當年秀色為誰料理
悵別後屏掩吳山
便接燕月寒鬢
蟬雲委錦字無憑
付銀燭盡燒千紙
對寒泓淨碧又把去鴻
往恨都洗
桃花自貪結子
道東風有意吹送
流水謾記得當日心
嫁卿卿是日
暮天寒翠袖堪倚
扇月乘鳶儘夢隔
嬋娟千里到
嗔人從今不信
畫簷鵲喜

居全本送作送

綠淨無痕過曉霽
清茗鏡裏遊人
紅粧巧綵船穩當

汎清茗

正月十四日與公擇吳興汎舟

張子野

元

居全本送作送

筵主秘館詞臣吳娃勸飲
韓娥唱競艷容
左右偕春學為行
雨傍画槳從教水
滅羅裙
溪烟混月黃昏
漸樓臺上下火影
星分飛檻倚斗牛
近響簫鼓遠破
重雲歸軒未至
千家待掩半粧
翠箔朱門衣香拂面
扶醉卸簪花滿袖
餘燼一名感皇恩

一萼紅

外日長沙登定王臺

姜堯章

夔

居全本送作人

古城陰有官梅
幾許紅萼未宜
簪池面冰膠
墻腰雪老雲意還
又沉沉翠藤共
閑穿徑竹漸笑
語驚起卧沙禽
野老林泉故玉
臺榭呼喚登臨
南去北來何事
蕩湘雲楚水目
極傷心朱戶粘
鷄金盤簇燕空
嘆

居全本送作人

居全本送作人

時序侵尋記曾共西樓雅集想垂柳還裊萬絲金待
得歸鞍到時只怕春深

雅詞

斷雲漏日青陽布漸入融和天氣糝綴天桃金綻垂
楊粧點亭臺佳致曉露染風裁雨暈是牡丹偏稱化
工美向此際會未教一萼紅開鮮藥 迤邐漸成春
意放秀色妖艷天真難比粉惹蝶翅香上蜂須忍把
芳心縈碎爭似便移歸深院將綠蓋青幃護風日恁
時節占斷與偎紅倚翠

寄弁陽翁

李商隱

過薔薇正風喧雲澹春去未多時古岸停橈單衣試
酒滿眼芳草斜暉故人老經年賦別燈暈裏相對夜
何其泛剡清愁買花芳事一卷新詩 流水孤航漸
遠想家山猿鶴喜見重歸北阜尋幽青津問釣多情
楊柳依依最難忘吟邊舊語教菖蒲老是來期幾夕
相思夢蝶飛遶蘋溪

登蓬萊閣有感

周公謹

步深幽正雲黃天淡雪意未全休鑑曲寒沙茂陵烟
草俛仰今古悠悠歲華晚漂零漸遠誰念我同載五
湖舟磴古松斜厓陰苔老一片清愁 回首天涯歸

居金本本篇係
姜夔一萼紅第
二首誤作嬌

夢幾魂飛西浦淚洒東州故國山川故園心眼還似
王粲登樓最負他秦鬟粧鏡好江山何事此時遊為
喚狂吟老監共賦銷憂

夜聞南婦哭北

劉天迪

擁孤衾正朔風淒緊攣帳夜驚寒春夢無憑秋期又
誤迢遞烟水雲山斷腸處黃茅瘴雨恨驄馬憔悴只
空還揉碎盟孤啼紅怨切暗老朱顏 堪嘆揚州十
載甚倡條冶葉不省春殘蔡琰悲茄昭君怨曲何預
當日悲歡謾贏得西隣倦客空惆悵今古上眉端夢
破梅花角聲又報更闌

薄倖

春情

賀方回

鑄

淡粧多態更的的頻回眄睐便認得琴心先許與綰
合歡雙帶記畫堂風月逢迎輕顰淺笑嬌無奈向睡
鴨爐邊翔鴛屏裡羞把香羅偷解 自過了收燈後
都不見踏青挑菜幾回憑雙燕丁寧深意往來翻恨
重簾礙約何時再正春濃酒煖人閑晝永無聊賴慙
慙睡起猶有花梢日在

送安伯弟

韓南澗

元吉

送君南浦對烟柳青青萬縷更滿眼殘紅吹盡葉底
黃鸝自語甚動人多少離情樓頭水閣山無教記竹

裏題詩花邊載酒魂斷江干春暮 都莫問功名事
白髮星星如許任鷄鳴起舞鄉閔何在憑高目盡孤
鴻去漫留君住趁醑釀香煖持盃且醉瑤臺路相思
記取愁絕西窓夜雨

呂聖求 消老

青樓春晚晝寂寂梳勻又懶怎聽得鴉啼鶯弄惹起
新愁無限記年時偷擲春心花間隔霧遙相見便角
枕題詩寶釵貫酒共醉青苔深苑 怎忘得回廊下
携手處花明月滿如今但暮雨蜂愁蝶恨小窓閑對
芭蕉展却誰拘管儘無言閑品箏箏淚滿參差鴈腰

肢漸小心與楊花共遠

飛雪滿群山

蔡仲道 仲

冰結金壺寒生羅幙夜闌霜月侵門翠筠敲竹疎梅
弄影數聲鴈過南雲酒醒歌粲枕愴然猶有殘粧淚
痕繡被孤擁餘香未減猶是那時熏 長記得扁舟
尋舊約聽小窓風雨燈火黃昏錦裯綉展瓊籤報曙
寶釵又是輕分黯然攜手處倚朱箔愁凝黛顰夢回
雲散山遙水遠空斷魂

一寸金 上蜀
刺史

柳耆卿 永

井絡天開劍嶺橫雲控西夏地勝異錦里風光蚕市

繁華簇簇歌臺舞榭雅俗多游賞輕裘俊靚粧艷冶
當春晝摸石池邊浣花溪上景如畫 夢應三刀橋
名萬里中和政多暇伏漢節攬轡澄清高掩武侯勲
業文翁風化台鼎思賢久方鎮靜又還命駕空遺愛
兩蜀山川異日成佳話

周美成 邦方

州夾蒼崖下枕江山是城郭望海霞接日紅翻水面
晴風吹草青搖山脚波暖鳧鷖作沙痕退夜潮正落
疎林外一點炊煙渡口參差正寥廓 自嘆勞生經
年何事京華信漂泊念者蒲汀柳空歸閑夢風輪雨

檄終辜前約情景牽心眼留連處利名易薄回頭謝
冶葉倡條便入漁釣樂

憶瑤姬 騎省之悼也

史邦卿 達祖

嬌月籠烟下楚領春分兩朶湘雲花房漸密時弄杏
牋初會歌袖殷懃沉沉夜久西窓屢隔蘭燈慢影昏
自綵鸞飛入芳巢繡屏羅薦粉光新 十年未始輕
分念此飛花可憐柔脆銷春空餘雙淚眼到舊家時
節謾染愁巾神仙說道凌虛一夜相思玉樣人但起
來梅發窓前哽噎疑是君

五綵結同心

珠簾垂戶金索懸窓家接浣沙溪路相見桐陰下一
鈎月恰在鳳凰栖處素瓊撚就宮腰小花枝裊盈盈
嬌步新粧淺滿腮紅雪綽約片雲欲度塵寰豈能
留住唯只愁化作綵雲飛去蟬翼衫兒薄冰肌瑩輕
罩一團香霧彩牋巧綴相思苦脉脉動憐才心緒好
作今秦樓活計吹簫伴侶

為澗卿壽

趙彥端

人間塵斷雨外風回涼波自泛仙槎非郭還非楚閑
鶯燕時傍笑語清佳銅壺花漏長如線金鋪碎香煖
簷牙誰知道東園五畝種成國艷天葩主人漢家

龍種正翩翩迥立雪紉烏紗歌舞承平舊圖紅袖詩
興自寫春華未知三斗朝天去定何似鴻寶丹砂且
一醉朱顏相慶共看玉井浮花

杜常娘

杜壽域 安世

居金本間作問

暮春天氣鶯老燕子忙如織間嫩葉題詩哨梅小乍
遍水新萍圓碧初牡丹謝了秋千搭起垂楊暗鎖深
深陌暖風輕盡日閑把榆錢亂擲恨寂寂芳容衰
減頓歌玳枕困無力為少年狂蕩恩情薄尚未有歸
來消息想當初鳳侶鴛鴦喚作平生更不輕離拆倚
朱扉淚眼滴損紅綃數尺

樂府雅詞

名失

華堂深院霜籠月采生寒暈度翠幄風觸梅香噴漸
歲晚春光將近惹離恨萬種多情易感歡難聚少愁
成陣擁紅爐鳳枕慵歌銀燈挑盡 當此際爭忍前
期後約度歲無憑準對好景空積相思恨但自覺厭
厭方寸擬蠻牋象管丹青妙手寫出寄與伊教信儘
千工萬巧唯有心期難問

綠意

荷

張炎

唐金本沙作鈔

碧圓自潔向淺洲遠浦亭亭清絕猶有遺簪不展秋
心能倦幾多炎熱鴛鴦密語同傾蓋且莫與浣沙人

帕作怕錫作歌

說怨歌忽斷花風碎却翠雲千疊 回省當年漢舞
帕飛去謾縷留仙裙摺戀戀青衫猶染枯香還笑鬢
絲飄雪盤心清露如鉛水又一夜西風聽折喜淨看
匹練秋光倒瀉半湖明月

解珮環

彭元異

元

江空不渡恨靡蕪杜若零落無數遠道荒寒婉婉流
年望望美人遲暮風煙雨雪陰晴晚更何須春風千
樹盡孤城落木蕭蕭日夜江聲流去 日晏山深聞
笛恐他年流落與子同賦事濶心遠交淡媒勞蔓草
沾衣多露汀洲窈窕餘醒寐遺珮浮沉澧浦有白漚

淡月微波寄語道遙容與

賢馬索

曉窓明庭外寒梅向殘月吳溪瘦嶺一枝偷把陽和
洩冰姿素艷自然天賦品格真香殊常別柰北人不
識南枝喚作臘前杏先發 奇絕照溪臨水素禽飛
下玉羽瓊芳鬪清潔懊恨春工來何晚傷憐媚眉先
折多情立馬待得黃昏踈影斜斜微酸結恨馬融一
聲羗笛起處紛紛落如雪

擊梧桐

別西湖社友

李珣

元暉

楓葉濃於染秋正老江上征衫寒淺又是秦鴻過霽

烟外寫出離愁幾點年來歲去朝生暮落人似吳潮
展轉怕聽陽關曲柰短笛喚起天涯情遠 雙屐行
春扁舟嘯晚憶着鷗湖鶯苑小着梅花屋雪月後記
把山扉牢掩惆悵明朝何處故人相望但碧雲半歛
定蘇堤重來時候芳草如剪

李景元

甲

居金本着作小
上仍有小字

杳杳春江潤收細雨風感波聲無歇鴈去汀洲暖岸
蕪靜翠染遙山一抹群鷗聚散征航來去隔水相望
楚越對此凝情久念徃歲上國嬉遊時節 闌草園
林賣花巷陌觸處風光奇絕正恁濃歡裏悄不意頓

有天涯離別看即梅生翠實柳飄狂絮沒箇人共折
把而今愁煩滋味教向誰說

八寶粧

門掩黃昏畫堂人寂暮雨乍收殘暑簾捲疎星庭戶
悄隱隱嚴城鐘鼓空街煙暝半開斜月朦朧銀河澄
淡風淒楚還是鳳樓人遠桃源無路 惆悵夜久星
繁碧雲望斷玉簫聲在何處念誰伴苗裙翠袖共携
手瑤臺歸去對修行森森院宇曲屏香暖凝沉炷問
對酒當歌情懷記得劉郎否

大聖樂

夏初

康伯可

與之

居金本職作蟻

千朶奇峯半軒微雨曉來初過漸燕子引教雛飛
菡暗薰芳草池面涼多淺斟瓊卮浮綠醴展湘簾雙
紋生細波輕紈舉動圓團素月仙桂婆娑 臨風對
月恣樂便好把千金邀艷娥幸太平無事擊壤鼓腹
携酒高歌富貴安居功名天賦爭柰皆由時命呵休
眉鎖問朱顏去了還更來麼

陶成之生日

蔣勝欲

挽

笙月涼邊翠翹雙舞壽仙曲破更聽得艷拍流星慢
唱壽詞初了群唱蓮歌主翁樓中披鶴氅展一笑微
微紅透渦襟懷好縱炎官駐散長是春和 千年鼻

居金本散作織
餘作醉

祖事業記曾趁雷聲飛快梭但也曾三徑撫松採菊
隨分吟哦富貴浮雲榮華風過淡處還他滋味多休
辭餘有碧荷貯酒深似金荷

風流子

初春

少游 秦觀

東風吹碧草年華換行客老滄洲見梅吐蕋英柳搖
新綠惱人春色還上枝頭寸心亂北隨雲黯黯東逐
水悠悠斜日半山暝烟兩岸數聲橫笛一葉扁舟
青門同携手前歡記渾似夢裏揚州誰念斷腸南陌
回首西樓笑天長地久有時有盡柰何綿綿此恨無
休擬待倩人說與生怕伊愁

秋思

張文潛 未

亭臯木葉下重陽近又是搥衣秋柰愁入庾腸老侵
潘鬢謾簪黃菊花也應羞楚天晚白蘋烟盡處紅蓼
水邊頭芳草有情夕陽無語鴈橫南浦人倚西樓
玉容知安否香箋共錦字兩處悠悠空恨碧雲離合
青鳥沉浮向風前懊惱芳心一點寸眉兩葉禁甚閑
愁情到不堪言處分付東流

秋怨

周美成 邦彥

楓林凋晚葉關河迥楚客慘將歸望一川暝靄鴈聲
哀怨半規涼月人影參差酒醒後淚花銷鳳蠟風幕

唐金本研作砧

捲金泥砑杵韻高喚回殘夢綺羅香減牽起餘悲
亭臯分襟地難拚處偏是掩面牽衣何況愁懷長結
重見無期想寄恨書中銀鈎空滿斷腸聲裏玉筋還
垂多少暗愁密意惟有天知

風情

前人

新綠小池塘風簾動碎影舞斜陽羨金屋去來舊時
巢燕土花繚繞前度莓牆繡閣鳳帏深幾許聽得理
絲簧欲說又休慮乖芳信未歌先咽愁近清觴 遙
知新粧了開朱戶應自待月西廂最苦夢魂今宵不
到伊行問甚時說與佳音密耗寄將秦鏡偷換韓香

天便教人霎時厮見何妨

雅詞

夫名

淑景皇州滿和風漸催促柳花飛過清明驟雨五侯
臺榭散入青煙新火開時繡簾外傍人飛燕子映葉
語黃鸝鞦韆畫永綺羅人散笑隔花陰紅粉墻低
青鳥多行樂尋芳處何計強逐輕肥空對舊遊滿目
誰共開眉遇有時繫馬垂楊影下佇立風前惆悵佳
期回望故園桃李應待人歸

和魏桐城

相山

王之

扁舟南浦岸分携處鳴珮憶珊珊見十五里長堤數

居金本青煙二
字在散入二字
上花陰二字在
笑隔二字上鳥
作門風前二字
在佇立二字上

居金本於作標

聲啼鳩至今清淚衿袖爛斑誰信道沈腰成瘦損潘
鬢就衰殘謾把酒臨風看花對月不言柱笏無緒憑
欄相逢還相感但凝情秋水送恨春山應念馬催
行色泥濺征衫况芳菲將過紅英婉婉追隨正樂黃
鳥間關爭得此心無著渾似雲間

和楚客維揚燈夕

方秋崖

小樓簾不捲花正開燈火競元宵想舊日何郎飛金
叵羅三生杜牧醉董嬌姚香塵路雲鬆鵲髻翳月襯
馬蹄驕彷彿神仙劉安鷄犬分明富貴子晉笙簫
人生行樂爾君不見迷樓春綠迢迢二十四經行處

居金本驕作嬌

舊月今橋但索笑梅花酒消新雪縱情詩草筆捲春
潮俯仰人間陳迹莫惜金貂

燕山驛壁間詞

吳激

庚溪詩話

書劍憶游梁當時事低處不堪傷念蘭茗嫩葉向吳
南浦杏花微雨窺宋東墻鳳城外燕隨青步障絲惹
紫游韁曲水古今禁煙前後暮雲樓閣春草地塘
回首斷人腸年芳但如霧鏡髮已成霜獨有蟻尊陶
寫蝶夢悠颺聽出塞琵琶風沙浙瀝寄書鴻雁烟月
微茫不似海門潮信猶到潯陽

居金本春作青

史達祖

紅樓橫落日蕭郎去幾度碧雲飛記窓眼遮香玉臺
粧罷馬蹄敲月沙路人歸如今但流鶯通信息雙燕
說相思入耳舊歌怕聽琴縷斷腸新句羞染烏絲
相逢南溪上桃花嫩嬌樣淺澹羅衣恰是怨深腮赤
愁重聲遲悵東風巷陌草迷春恨軟塵庭戶花誤幽
期多少寄來芳字都待還伊

憶別

方千里

河梁携手別臨歧語共約踏青歸自雙燕再來斷無
音信海棠開了還又參差料此際笑隨花便面醉騁
錦障泥不憶故園粉愁香怨忍教華屋綠慘紅悲

萬家歌舞地生疎久塵暗鳳縷羅衣何限可憐心事
難訴歡期但兩點愁蛾才開重斂幾行清淚欲制還
垂爭表為郎憔悴相見方知

孫花翁

作信

居全本作作心
應恨一句作應
任恨蛾疑黛

三疊古陽關輕寒噤清月滿征鞍記玉笋攬衣翠囊
親贈繡巾搵臉金柳初攀自回首燕臺雲掩冉鳳閣
雨闌珊天有盡頭水無西注鬢難留黑帶易成寬
啼粧東風悄菱花在擬倩錦字封還應恨忍蛾眉凝
黛慵髻堆鬟柰情逐事遷心隨春老夢和香冷歡與
花殘閑煞煙茸窓閣十二屏山

長壽樂

柳耆卿

永

繁紅嫩翠艷陽景粧點神州明媚是處樓臺朱門院
落絃管新聲騰沸恣遊人無限馳驟嬌馬如水竟尋
芳選臆也歸來向晚起通衢近遠香塵細細 太平
世少年時忍把韶光輕棄况有紅粧楚艷一笑千金
何啻向尊前舞袖飄雪歌響行雲止願長繩且把飛
鳥繫任好從容痛飲誰能惜醉

八犯玉交枝

招寶山
觀月上

仇遠

滄島雲連綠瀛秋入暮景却沉洲嶼無浪無風天地
白聽得潮生人語擊空孤柱翠倚高閣憑虛中流蒼

居全未與作清

碧迷煙霧惟見廣寒門外青無重數 不知是水不
知是山是樹漫漫知是何處倩誰問凌波輕步謾凝
睇乘鸞秦女想庭曲霓裳正舞莫須長笛吹愁去怕
喚起魚龍三更噴作前山雨

疎影

仙呂

姜堯章

變

苔枝綴玉有翠禽小小枝上同宿客裏相逢籬角黃
昏無言自倚脩竹昭君不慣胡沙遠但暗憶江南江
北想珮環月夜歸來化作此花幽獨 猶記深宮舊
事那人正睡裏飛近蛾綠莫侶春風不管盈盈早與
安排金屋還教一片隨波去又却怨玉龍哀曲等恁

時重覓幽香已入小窓橫幅

梅影

張叔夏

黃昏片月似滿地碎陰還更清絕枝北枝南疑有疑
無幾度燈前難折依稀舊女離魂處緩步出前村時
節看夜深竹橫斜應妬過雲明滅 窺鏡娥眉淡掃
為容不在貌獨抱孤潔莫是花光描取春痕不怕麗
譙吹徹還驚海上燃犀去照水底珊瑚如活做弄得
酒醉天寒空對一庭香雪

霜葉飛

秋夜

周美成

邦彥

露迷衰草踈星掛涼蟾低下林表素娥青女鬪嬋娟

正倍添悽悄漸颯颯丹楓撼曉橫天雲浪魚鱗小見
皓月相看又透入清輝半餉特地留照 迢遞望極
關山波穿千里度日如歲難到鳳樓今夜聽西風柰
五更愁抱想玉匣哀絃閉了無心重理相思調念故
人牽離恨屏掩孤顰淚流多少

沈唐

霜林凋晚危樓迥登臨無限秋思望中間想洞庭波
面亂紅初墜更蕭索風吹渭水長安飛舞千門裏變
景摧芳榭唯有蘭衰暮叢菊殘餘藥 念花滿堂時
自美人一去鎮掩香閨經歲又觀珠露碎點蒼苔敗

梧飄砌謾贏得相思淚
眼東君早作歸來計
便莫惜丹青手
重與芳菲萬紅千翠

失名

故宮秋晚餘芳盡
輕陰閑淡池閣鳳泥銀
暗玳紋花卷斷腸
簾幕漸砌菊遺金
謝却芙蓉綵共清霜約半
弄藥冰綃波淺拂胭脂
翠瓊連並彫萼應是曾倚
東君縱艷姿輕盈映損丹杏紅
藥旋成深妬判與西風
任從開落况衰晚
淵明意薄重陽羞對吟酌待說
與江梅早傅粉勻香慰伊蕭索

過秦樓

周美成

水浴清蟾葉喧涼
吹巷陌馬聲初斷
閑依露井笑撲流螢
惹破畫羅輕扇
人靜夜久凭欄愁不歸
眠立殘更箭嘆年華一瞬
人今千里夢沉書遠
空見說鬢怯瓊梳
容銷金鏡漸懶趁時勻
染梅風地溽紅雨苔滋
一架舞紅都變誰信無
謬為伊才減江淹情傷荀
舊但明河影下還看
稀星數點

春晚

李景元

甲

賣酒壚邊尋芳原上
亂花飛絮悠悠已蝶稀
鶯散便擬把長繩繫日
無由謾道草忘憂也
徒將酒解開愁正江南
春盡行人千里蘋滿汀洲
有翠紅徑裏盈

居全本借作借

居全本壚作墟

盈侶簇芳首，禊飲時笑。時謳當暖風，遲景任相將。永日爛熳狂遊，誰信盛狂中有離情。忽到心頭，向尊前擬問雙燕來時，曾過秦樓。

江神子慢

呂聖求 渭老

新枝媚斜日，花徑霽晚碧。汎紅滴近寒食，蜂蝶亂點，檢一城春色。倦游客門外，昏鴉啼夢破，春心似遊絲。飛遠碧燕子，又語斜簷行雲自沒消息。當時烏絲夜語約桃花時候，同醉瑤瑟甚端的。看看是榆莢揚花飛擲，怎忘得斜倚紅樓，回淚眼天如水。沉沉連翠壁，想伊不整啼妝影，簾側。

瑞香

蔡伯堅 松年

紫雲點楓葉，崖樹小。娑娑歲寒節，占高潔。纖苞煖釀出，梅魂蘭魄，照濃碧。茗盃添春花氣重，共窓晚濛濛。浮霽月小，眠鼻觀先通。廬山舊夢清絕。蕭閑平生，淡泊獨芳溫。一念猶未衰，歇種種陳迹。而今老但覓茶煙禪榻，寄閑寂。風外天花無夢也，鴛鴦債從渠。千萬劫夜寒，回施幽香與春愁客。

鬪嬋娟

張炎

舊家池館，尋芳處從教飛燕頻。繞一灣柳護水房春。看鏡裏窺曉暈，宿粉雙蛾淡掃。羅襦飄帶腰圍小。盡

醉方歸去又暗約明朝鬪草誰解先到 心緒亂若
晴絲那回遊處墜紅爭戀斜照近來歡事漸無多尚
被鶯聲惱便白髮如今縱少情懷不似前時好謾重
省燕臺句愁極還醒背花一笑

慢捲綉

相思

柳耆卿

永

閒窓燭暗孤幃夜永歌枕難成寐細屈指尋思舊事
前歡都來未盡平生深意到得如今萬般追悔空祇
添憔悴對好景良宵皺着眉兒成甚滋味 紅茵翠
被當時事一一堪垂淚怎生得依前似恁偎香倚暖
抱着日高猶睡笑得伊家也應隨分煩惱心兒裏又
爭似從前澹澹相看免恁縈繫

李景元

甲

絕羽沉鱗埋香奩玉杳杳悲前事對一盞寒燈數點
沉螢悄悄畫屏巫山十二瞬臉星眸蕙情蘭性一旦
成流水便縱有甘泉妙手洪都方士何濟 香閨寶
砌臨粧處迤邐苔痕翠更不忍看伊繡殘鴛侶而今
尚有啼紅粉漬好夢不來斷雲飛去黯黯情無際謾
飲盡香醪柰向愁腸消遣無計

女冠子

元夕

蔣勝欲

擬

蕙花香也雪晴池館如畫春風飛到寶釵樓上一片

笙簫琉璃光射而今銓謾掛不是暗塵明月那時元
夜况年來心嬾意怯羞與蛾兒爭耍 江城人悄初
更打問繁華誰解再向天公借剔殘紅地但夢裏隱
隱鈿車羅帕吳牋銀粉呀待把舊家風景寫成閒話
笑綠鬟鄰女倚窓猶唱夕陽西下

二競渡

電旂飛舞雙龍還又爭渡湘灘雲外獨醒何在翠筠
紅蘅芳菲如故深衷全未悟不似素車白馬卷潮起
怒但悄然千載舊跡時有人來吊古 生平慣受椒
蘭苦甚魄沉寒波更被饒蛟妬結瓊紉珞料貝闕隱

居金本筠作筠
波作浪珞作珞
第一第二暮字
空格

隱騎鯨烟霧楚妃花倚 暮暮玉簫吹了泝波同步
待月明洲渚小留旌節朗吟騷賦

上元

李漢老

帝城三五燈光花市盈路天街遊處此時方信鳳闕
都民奢華豪富紗籠綵過處喝道轉身一壁小來且
住見許多才子艷質携手並肩低語 東來西住誰
家女買玉梅爭戴緩步香風度北觀南顧見畫燭影
裏神仙無數引人魂似醉不如趁早步月歸去這一
雙情眼怎生禁得許多胡覷

柳耆卿

斷煙殘雨洒微涼生軒戶動清籟蕭蕭庭樹銀河濃
淡華星明滅輕雲時度莎階寂靜無覩幽蛩切切秋
吟苦踈篁一徑流螢幾點飛來又去對月臨風空
恁無眠耿耿暗想舊日牽情處綺羅叢裡有人那
回飲散畧畧曾諧鴛侶因循忍便睽阻相思不得長
相聚好天良夜無端惹起千愁萬緒

二

淡煙飄薄鶯花謝清和院落樹陰翠密葉成幄麥秋
霽景夏雲忽變竒峯倚寥廓波暖銀塘漲新萍綠魚
躍想端憂多暇陳王是日嫩苔生閣正鑠石天高

流金晝永楚榭光風轉蕙披襟處波翻翠幕以文會
友沉李浮瓜忍輕諾別館清閑避炎蒸豈須河朔但
樽前隨分雅歌艷舞盡成歡樂

三

火雲初布遲遲永日炎暑濃陰高樹黃鸝葉底羽毛
學整方調嬌語薰風時漸動峻閣池塘芰荷爭吐畫
梁紫燕對對銜泥飛來又去想佳期容易成辜負
共人人同上畫樓斟香醕恨花無主卧象床犀枕成
何情緒有時寃夢斷半窓殘月透簾穿戶去年今夜
扇兒搨我情人何處

唐金本前作情
人作之

雪景

周美成

同雲密布撒梨花柳絮飛舞樓臺
閣院宇深沉廣排筵會聽笙歌
猶未徹漸覺輕寒透
簾穿戶亂飄僧舍密洒歌樓酒
帘如故想樵人山
徑迷蹤路料漁人收綸罷釣
歸南浦路無伴侶見孤
村寂寞招颭酒旗斜慶南軒
孤鴈過嗹嗹聲聲人無
書度見臘梅枝上嫩蕊兩兩
三三微吐

壽星明

慶黃宰
秋滿

梅亭

玉露迎寒金風薦冷正蘭桂香
覺秋光過半日臨三
九葱葱佳氣靄靄琴堂見說
當年申生穀旦夢叶長

唐金本叶作江

庚天降祥文章伯英聲早着騰
踏飛黃雙鳧暫駐
東陽已種得春陰千種棠有無
邊風月幾多事業安
排青瑣入與平章百里民歌一
樽春酒爭勸殷勤稱
壽觴願此去龜齡難老長侍君
王

離別難

柳耆卿

花謝水流倏忽嗟年少光陰有
天然蕙質蘭心美韶
容何啻直千金便因甚翠弱紅
衰纏綿香體都不勝
任笑神仙五色靈丹無驗中路
委瓶簪人情悄夜
沉沉閉香閨永棄鴛衾想嬌
魂媚魄非遠縱洪都方
士也難尋最苦是好景良天尊
前歌笑空想遺音望

唐金本前作情
人作之

斷處杳杳巫山十二千古暮雲深

透碧霄

柳耆卿

永

日華邊萬年芳樹起祥煙帝居壯麗皇家熙盛寶運
當千端門清晝觚稜照日雙闕中天太平時朝野多
歡徧錦街香陌鈞天歌吹閭苑神仙昔觀光得意
狂遊風景再覩更精妍傍柳陰尋花徑空恁鞦韆垂
鞭樂遊雅戲平康艷質應也依然伏何人多謝嬋娟
道宦名蹤跡歌酒情懷不似當年

查荃

艤蘭舟十分端是載離愁練波送遠屏山遮斷此去

難留相從爭奈心期久要屢變霜秋嘆人生杳似萍
浮又翻成輕別都將深恨付與東流想斜陽影裏
寒烟明處雙槳去悠悠愛渚梅幽香動須採綴倩纖
柔豔歌粲發誰傳餘韻來說仙游念故人留此遐州
但春風老去秋月圓時獨倚江樓

選冠子

一名蘇武慢

張景脩

嫩水接藍遙隄影翠半雨半烟橋畔鳴禽弄舌夢草
縈心偏稱謝家池館紅粉墻頭步搖金縷纖柔舞腰
低軟被和風搭在闌干終日畫簾高捲春易老細
葉舒眉輕花吐絮漸覺綠陰成幔章臺繫馬灞水維

舟誰念鳳城人遠惆悵故國陽關盃酒飄零惹人腸
斷恨青青客舍江頭風笛亂雲空晚

失名

庾嶺烟光江南風景冷落歲寒庭院疏林萬木凍折
孤根獨拒曉霜回暖萼點胭脂粉凝芳葉依稀幾枝
初綻上層樓月夜凭欄風送暗香清遠嗟往昔漢
妃臨驚新妝才飾艷絕人間金鈿東君信息造化工
夫卻笑衆葩開晚若似芳菲訊速終與和羹鳳池仙
館顧樓頭羗管休吹免使為花腸斷

載梅

湖州趙守席上作

侯寘

補鈔評花仙館校本

暗雨收梅晴波搖柳萬項水精宮冷橋森畫棟岸列
紅樓兩岸翠簾交映天上行舟鑑中開戶人在藥珠
仙境况吟烟嘯月彈絲吹竹太平歌詠人盡說銅
虎分賢銀潢儲秀鞏固行都藩屏棠陰散暑鼎篆凝
香永日一庭虛靜紅袖持觴綵牋揮翰適意酒豪詩
俊看飛雲丹詔行沙金勒待公歸覲

馮尊師

飯了從容消閒策杖野望有何憑仗帆歸遠浦鷺立
河洲千樹好花微放芳草池塘錦江樓閣隱隱雲埋
青嶂向東郊極目天涯不見故人惆悵歸去也翠

麓崎嶇林巒掩映消遣晚來情況幽禽巧語弱柳搖
金綠影小橋清響揮掃龍蛇領畧風光陶寫丹青吟
唱這雲山好景物外烟霞幾人能訪

二

返照迴光終焉活計何處可為依託凋零鄭圃竹塢
松溪林下勝游行樂霞友雲朋水色山光幽隱烟蘿
巖壑更堂堂氣概摩天一點浩然寥廓 堪愛處燒
戲花梢苔生石徑風細日高簾幕清虛器量咀嚼乾
坤高邁市朝歡約疎葛寬裁瘦玉橫拖嘯傲東籬吟
酌把真情欲寫奈何塵世故人蕭索

補鈔評花仙館校本

三 歸閑

識破塵寰凡籠跳出飄蕩幸無拘束萍蹤自在雅操
孤高還若野雲麋鹿遇坎乘流混俗和光知止有何
榮辱恣陶陶海上人間不管歲華催促 從此後筆
硯生塵蠅蝸絕念安分翠微雲屋般般放下事事都
休靜對小軒梅竹一味疎慵萬古淳風便是真常清
福任群情晝夜世俗奔波競爭蠻觸

四 得悟

夢斷槐宮倚天長嘯勘破物情今古擔簦映雪射虎
誅龍曾把少年身悞金谷繁華漢苑秦宮空有落花

居金本尺作堪

飛絮嘆浮生終日忙忙誰肯死前回顧 争似我玉
塵清談金徽雅弄高卧洞天門戶逍遙畎畝肆任情
懷閑伴蓼汀鷗鷺收拾生涯紫蠟黃柑江上一簑煙
雨醉歸來依舊蘆花深處月明幽浦

五

堪嘆群情迷津宛轉飄蕩甚時休歇争頭競角抵死
漫生一向戀家貪業利鎖名韁慾浪恩山酒市花衢
顛愛騁儂似蟻循環不念鬢華如雪 誰肯向大
朴林中無為鄉裏閑伴老聃莊列珠亡罔象夢斷華
胥高枕洞天日月三界廓然八表冲虛湛湛靈光通

徹這道遙劫外妙哉真樂世間難說

六

過隙年光如毛塵事暗把物情移換浮生擾擾背覺
隨塵酒色利名縈絆憑君看取歷代英雄楚越周秦
唐漢謬遺留壞塚頽碑千古是非不斷 聞早悟碧
玉壺中白雲堆裏別有翠霞宮殿三天雅會五彩光
攢朝赴紫微瓊宴閨苑瑤池絳闕清都信任逍遙游
翫笑愚頑苦海販骨無休往來流轉

全真馮尊師本燕趙書生游汴遇異人得仙學所
賦歌曲高潔雄暢寂傳者蘇武慢二十篇前十篇
道遺世之樂後十篇論脩仙之事會稽費無隱獨
善歌之聞者有凌雲之思無復流連光景者矣予

山居每登高望遠則與無隱歌而和之無隱謂我
更作十篇居兩年得兩篇後於湖上二夕間
得七篇半每一篇成無隱即歌之馮尊師天夕有
聞能乘風為我一來聽耶道園道人虞集記

虞集

歸去來兮昨非今是惆悵獨悲奚語迷途未遠晨景
熹微乃命僕夫先路風颺舟輕候門童稚此日再瞻
衡宇酒盈尊三徑雖荒松菊宛然如故聊寄傲與
世相遠舊交俱息更復駕言焉取琴書情話尋壑經
丘倦鳥岫雲容與農人告我有事西疇孤擢賦詩春
雨但樂夫天命何疑乘化任渠留去

前人

雲淡風輕傍花隨柳將謂少年行樂高閣林間小車
城裏千古太平西洛瞻彼泱泱言思君子流水儼然
如昨但清遊天際輕陰未便暮愁離索長記得童
冠相隨浴沂歸去吟咏為飛魚躍逝者如斯吾衰甚
矣調理自存斟酌清廟朱絲舊堂金石隱几侶聞更
作農人告我有事西疇窈窕掛書牛角

楊太尉

碧眼連車黃頭間座望斷故人何處當時勝麗舊日
繁華都變虜言胡語萬里脚窵兌年埋恨仔細向誰
分訴對南風凝眸眺神旌觸目淚流如雨今幸會

居全本虜作重
胡作譯腥臚作
么魔

電掃雷驅雲開霧斂一旦青天重覩桃林卧草華嶽
嘶風行迓太平周武洗盡腥膻巷陌從此追歡酒盃
頻舉任笙簫聲裡花朝月夕醉中歌舞

呂聖求 渭老

雨濕花房風斜燕子池閣晝長春晚檀盤戰象寶局
鋪碁籌畫未分還嬾誰念少年齒怯梅酸病踈霞盞
正青錢遮路綠絲明水倦尋歌扇空記得小閣題
名紅箋青製燈火夜深裁剪明眸似水妙語如弦不
覺曉霜鷄喚聞道近來箏譜慵看金鋪長掩瘦一枝
梅影回首江南路遠

惜餘春慢 春情

魯逸仲

弄月餘花團風輕絮露濕池塘春草鶯鶯戀友燕燕
將雛惆悵睡殘清曉還似初相見時携手旗亭酒香
梅小向登臨長是傷春滋味淚彈多少因甚却輕
許風流終非長久又說分飛煩惱羅衣瘦損綉被香
消那更亂紅如掃門外無窮路岐天若有情和天須
老念高唐歸夢淒涼何處水流雲繞

玉山枕

柳耆卿 永

驟雨新霽蕩原野清如洗斷霞散彩殘陽倒影天外
雲峯數朶相倚露莎烟芰滿池塘見次第幾番紅翠

居全本蒸作煮
廢作慶

當是時河朔飛觴避炎蒸想風流堪繼 晚來高樹
清風起動簾幕生秋氣畫樓晝寂蘭堂夜靜舞艷歌
姝漸任羅綺訟閑時泰足風情便爭柰雅懽都廢省
教成幾闋新歌盡新聲好尊前重理

洞庭春色

絳萼欺寒暗傳春信一枝乍芳向籬邊竹外前村雪
裏青梢猶瘦踈影溪傍惹露和煙凝酥艷似瀟灑玉
人初試粧江南路有多情佇立迴盡柔腸 倚樓最
難忘處正皓月千里流光縱廣平心勁難思麗句少
陵詩興猶愛清香休怪東君先留意問他日和羨誰

又強還輕許笑凌空檜影松蔭交相

程正伯 垓

錦字親裁淚巾偷裛細說舊時記笑桃門巷粧窺寶
靨弄花庭榭香濕羅衣幾度相隨游冶去任月細風
尖猶未歸多少事有垂楊眼見紅燭心知 如今事
都過也但瀛得雙鬢成絲歎半粧紅豈相思有分兩
分青鏡重合難期惆悵一春飛絮夢悠揚教人分付
誰銷魂處又梨花雨暗半掩重扉

陸務觀 游

壯歲文章暮年勲業自昔誤人笑英雄成敗軒裳得

居全本瀛作贏
悠字上有悠字

失難如人意空喪天真請看邯鄲當日夢待炊罷黃
梁徐欠伸方知道許多時富貴何處闕身 人間定
無可意怎換得玉繪絲尊且釣竿漁艇筆床茶竈閑
聽荷雨一洗衣塵洛水秦關千古後尚棘暗銅駝空
愴神何須更慕封侯定遠圖像麒麟

丹鳳吟

恨春

周美成

邦彥

迤邐春光無賴翠藻翻池黃蜂游閣朝來風暴飛絮
亂投簾幙生憎暮景倚墻臨岸杏靨天邪榆錢輕薄
晝永思惟傍枕睡起無悞殘照猶在庭角 况是別
離氣味坐來便覺心緒惡痛引澆愁酒柰愁濃如酒

無計銷鑠那堪昏暝軟軟半簷花落弄粉調朱柔素
手問何時重握此時此意長怕人道著

沁園春

山谷

黃庭堅

把我身心為伊煩惱笑天便知恨一回相見百方做
計未能猥倚早覓東西鏡裏拈花水中捉月覩著無
由得近伊添憔悴鎮花銷翠減玉瘦香肌 奴兒又
有行期你去即無妨我共誰向眼前常見心猶未足
怎生禁得真箇分離地角天涯我隨君去掘井為盟
無改移君須是做些兒相度莫待臨時

春情

少游

秦觀

宿靄迷空膩雲籠日晝景漸長正蘭泥膏潤誰家燕
喜蜜脾香少觸處蜂忙盡日無人簾幕挂更風迤遊
絲時過墻微雨後有桃愁杏怨紅淚淋浪風流寸
心易感但依依佇立回盡柔腸念小奩瑤鑑重勻絳
蠟玉籠金斗時慰沉香柳下相將遊冶處便回首青
樓成異鄉相憶事縱蠻戕萬疊難寫微茫

次強雲卿韻

蔣勝欲捷

結筭平生風流債負請一筆勾蓋攻性之兵花園錦
陣毒身之鴆笑齒歌喉豈識吾儒道中樂地絕勝珠
簾十里樓迷因底嘆晴乾不去待雨淋頭休休着

甚來由硬鉄漢從來氣食牛只有千篇好詩好曲都
無半點閑悶閑愁自古嬌波溺人多矣試問還能溺
我否高臺眼看牽絲傀儡誰弄誰收

蘆川張元

歌枕深軒散帙虛堂畏景屢移漸披襟臨水搯床就
月蓮香拂面竹色侵衣壓玉為醪折荷當醜卧看河
潢星四垂人歸去飢蟬自嘯宿鳥相依痴兒莫道
危機悟三十九年都盡非任紆朱拖紫圍金珮玉青
錢沉地白壁如坻富貴浮雲身名零露事事無心歸
便歸秋風動正吳松月冷尊長鱸肥

別恨

陸務觀

游

一別秦樓轉眼新春又近放燈憶盈盈倩笑纖纖柔
 握雪香花語玉暖酥凝念遠愁腸傷春病思自怪平
 生殊未會君知否漸香消蜀錦淚漬吳綾 難求繫
 日長繩况倦客飄零少舊朋但江郊鴈起漁村笛怨
 寒缸委燼孤硯生冰水圍山繞烟昏雲慘縱有高臺
 常怯登消魂處是魚箋不到蘭夢無憑

退閑

辛幼安

葉疾

三選初成鶴怨猿驚稼軒未來甚雲山自許平生意
 氣衣冠人笑抵死塵埃意倦須還身閑要早豈為尊

居全本軒作輕

羨鱸膾哉秋江上看驚弦鴈避駭浪船回 東崗更
 葺茅齋好都把軒窓臨水開要小舟行釣先應種柳
 疎籬護竹莫礙觀梅秋菊堪餐春蘭可佩留待先生
 手自裁沉吟久怕君恩未許此意徘徊

壽淮東帥

洪遵

飲馬咸池揔轡崑崙橫鶩九州慶中興機會天生山
 甫非常事業天授留侯左搏龍蛇右馴虎兕萬里中
 原談笑收功名早便貂蟬獵獵飛去兜牟 新叱無
 限歡謳盡賣劔賣刀歸買牛正麥搖薰吹黃迷斷壠
 秧涵朝雨綠遍平疇眼底太平不圖再見羅拜焚香

青海頭從今去願君王萬歲元帥千秋

自適

嚴少魯

曰歸去來歸去來兮吾將安歸但有東籬菊有西園
桂有南溪月有北山薇蜂則有房魚還有穴蟻有棲
臺獸有衣吾應有雲中舊隱竹裏柴扉 人間征路
熹微看處處丹楓白露晞况寒原衰草牛羊來下淡
煙秋水鱸鰕初肥自笑平生頽然骨相只合持竿坐
釣磯都休也對西風無語落日斜暉

贈孫季蕃

劉潛夫

歲莫天寒一見飄然幅巾布裘儘侵雲鳥道躋攀絕

頂拍天鯨浸笑傲中流疇昔期君紫髯鐵面生子當
如孫仲謀誰知道到中年猶未建節封侯 南來萬
里何求因感慨喬公成遠遊悵名姬駿馬都如昨夢
隻鷄斗酒難到新丘天地無情功名有數千古英雄
只麼休平生客獨羊曇一箇淚洒西州

和劉潛夫送孫花翁韻

劉叔安

誰似花翁長年湖海蹇驢弊裘想紅塵醉帽青樓歌
扇揮金談笑惜玉風流吳下阿蒙江南老賀肯為良
田二頃謀人間世笑到頭一夢螻蟻王侯 悠悠吾
道何求况白首相逢說舊游記踈風淡月寒燈古寺

平章詩境分付糟丘聚散搏沙炎涼轉燭歸去來兮
萬事休無何有問從前那箇騎鶴揚州

和任子嚴避暑

趙介之 師俠

雨接梅霖風祛槐暑麥天已秋正榴燃紅炬枝頭色
艷荷翻綠蓋池面香浮心景俱清身名何有且向忙
中早轉頭塵勞事在朝思夕計細慮深謀 悠悠不
復徵求但安分隨緣休便休縱官居極品徒為美玩
家稱鉅富未免閑愁遇酒開顏逢懽樂意有似木人
騎士牛從他笑看一朝解悟人極遨遊

迎方右史德潤

王實之 邁

首尾四年臺省好官都做一回便前頭更有合當做
底何妨且恁猛省歸來甲第新成開尊行樂脆管繁
絃十二釵回頭笑這狂生無用削盡官階 狂生真
箇狂哉潑性氣年來全未灰有龍鱗鳳翼不能攀附
牛衣漁具早已安排爛煮園蔬熟煨山芋白髮蒼顏
窮秀才官休做莫狂無處着送去瓊崖

西岩三澗

劉圻父

雲壑泉泓小者如盃大者如罌更石筵平瑩寬容數
客淙流回激環遶飛觥三澗交流兩崖懸瀑擣雪飛
霜落翠屏經行處有丹萸碧草古木蒼藤 裴回却

倚山楹笑山水娛人若有情見傍回側轉峯峦疊疊
欲窮還有岩谷層層仰視雲間茅茨雞犬疑有仙家
來避秦青林表望煙霞縹緲隱隱鳶笙

自題方壺

汪莘

春至傷春秋至悲秋誰在華胥嘆謫仙才氣飛揚跋
扈淵明何事慷慨歛歛自我少年如今晚景行半人
間真之餘都休問且一觴一詠吾愛吾廬南阜境
界何如舍明月清風誰與居望蓬山路杳萬株翠檜
方壺門掩四面紅蕖中有佳人綽如姑射一炷清香
滿太虛塵寰外任鳴鑿報客飛鶴傳書

居金本報作投

程端明序曰叔耕蘊霞箋玉滴之奇思出天表蓄而不試憂深思遠未易遽班之賀白也

子規

方岳

儘為春愁儘勸春歸直恁恨深况雨急黃昏寒欺客
路月明夜半人夢家林店舍無烟楚鄉寒食一片花
飛那可禁空凝佇黯紅蕖翠老江樹陰陰汀洲杜
若誰尋想朝鶴怨芳猿夜吟甚連天芳草淒迷離恨
拂簾香絮撩亂深心汝亦知乎吾今倦矣甕有餘春
可共斟歸來也問淵明而後誰是知音

壽宋通判

祝和父

自有東陽錦水城山幾千百年記往時僅說擁麾刻

郡而今創見持橐甘泉地脉方興天荒欲破還為益
梅生鉅賢清和候正風薰日永作地行仙 題輿小
駐樵川常只恐祖生先著鞭笑誰從井落重新疆理
誰從襄峴一洗腥膻幕府歸來未應袖手行有詔書
來九天勲名就使吾鄉夸詫盛事流傳

寄辛稼軒承旨

劉過 吹劍錄

斗酒彘肩風雨渡江豈不快哉被香山居士與林和
靖約東坡老勒駕予回坡謂西湖正如西子淡粧濃
抹臨照臺二公者皆掉頭不顧只恁傳杯 白雲天
竺去來看金壁崔嵬樓觀開况一澗縈迂東西水遠

兩山南北高下雲堆逋曰不然暗香浮動何似孤山
先放梅須晴去訪稼軒未晚且此徘徊

廬陵劉過以詩鳴江西厄于常布放浪吳楚客食
諸侯嘉太間來臨安時辛弃疾帥越遣介招之適
以事不及行作書歸輅者因效辛體作此詞寄之
辛得之大喜其逼真致饒教百千竟邀之去館燕
彌月費贈臺岳珂欣然有得色珂曰詞語固佳恨無
詞語相臺岳珂欣然有得色珂曰詞語固佳恨無
刀圭藥療君白日見鬼
症耳一座為之斬渠

二甲指

輟耕錄

銷薄春冰碾輕寒玉漸長漸鸞見鳳鞵泥汗俚人強
剔龍涎香斷撥火輕翻學撫瑤琴時時欲剪更掬水
魚鱗波底寒纖柔處試摘花香滿鏤棗成斑 時將

粉淚偷彈記綰玉曾教柳傳看笑恩情相著搔便玉
體歸期暗數畫徧闌干每到相思沉吟靜處斜倚朱
唇皓齒間風流甚把仙郎暗指莫放春閑

三
天

洛浦凌波為誰微步輕塵暗生記踏花芳徑亂紅不
損步苔幽砌嫩綠無痕襯玉羅慳銷金樣窄載不起
盈盈一段春嬉游倦笑教人款捻微褪些根 有時
自度歌聲悄不覺微尖點拍頻憶金蓮移換文鴛得
侶繡茵催袞舞鳳輕分懊恨深遮牽情半露出沒風
前煙縷裙知何似似一鈎新月淺碧籠雲

眉

邵亨貞

巧鬪鸞環纖疑無媚明裝未收似江亭曉玩遙山拂
翠宮簾暮捲新月橫鈎掃黛嫌濃塗鉛訝淺能畫張
郎不自由傷春倦為皺多無力翻做嬌羞 填來不
滿橫秋料着得人間多少愁記魚箋緘啓背人偷斂
鴈鈿膠併運指輕揉有喜先占長顰難效柳葉輕黃
金在否雙尖鎖試臨寫一展依舊風流

目

漆點填眶鳳稍侵鬢天然俊生記隔花瞥見踈星炯
烟倚闌凝注止水盈盈端正窺簾青騰並枕睥睨檀

即長是青端相久待嫣然一笑密意將成 困酣曾
被鶯驚強臨鏡按抄猶未醒憶帳中親見似嫌羅密
尊前相顧翻怕燈明醉後看承歌闌闕弄幾度孜孜
頻送情難忘處是絞綃搵透別淚雙零

晁以道侍郎生日

王千秋

豈尅嬌春桐花羞暖物華漸嘉也不須鶯怨挑封絳
萼也不須蜂恨蘭麝金芽料是東君都將和氣分付
清豐詩禮家 克閭慶有青氍事業丹鳳才華 乘
槎早上雲霞侍祠甘泉瞻羽車試笑憑熊軾嘉禾合
穗進司魚鑰函萑駢花蕭冠勲名龔黃模樣入拜行

趨堤上沙今宵裡且舣船滿掉醉帽歌斜

挽徐元杰

國學生

三學上書寃乎天哉哲人已痿自網常一疏為時太
息典刑諸老盡力扶持方哭南床繼傷右揆死到先
生事可哀傷心處笑寒梅冷落血淚淋漓 人心公
論難欺願君父明明悟此機昔九齡疏諫祿山必叛
更生累奏王氏為危變起范陽禍成新室說着當年
人噬臍君知否但皇天祚宋此事無之

王炎午鼎翁

又是年時杏紅欲臉柳綠初芽柰尋春步遠馬嘶湖

曲賣花聲過人唱，牕紗暖日晴烟輕。衣羅扇看遍王孫七寶車，誰知道十年竟夢風雨天涯。休休何必傷嗟，謾贏得青青兩鬢華。且不知門外桃花何代，不知江左燕子誰家。世事無情，天公有意，歲歲東風歲歲花。拚一笑，且醒來盃酒，醉後盃茶。

呂洞賓

火宅牽纏夜去，明來早晚無休柰。今日不知明日事，波波劫劫有甚來由。人世風燈草頭珠，露我見傷心眼淚流不堅久，似石中迸火水上浮漚。休休聞早回頭，把往日風流一筆勾。但簾衣淡飯，隨緣度日，任人笑我。我又何求，限到頭來，不論貧富着甚干忙。日夜憂勸年少，把家緣棄了海上來遊。

劉氏

我生不辰逢此百罹，况乎亂離柰惡因緣。到不夫不主被擒捉去，為妾為妻。父母公姑弟兄姨妹，流落不知東與西。心中事，把家書寫下，分付伊誰。越人北向燕之，回首望鴈峯天。一涯柰翠鬟雲軟笠兒，怎帶柳腰春細。馬性難騎，缺月疎桐，淡煙衰草，對此如何不淚垂。君知否，我生於何處，死亦竟歸。

梅磳詩話云：炎景丁丑歲，有過軍挾一婦人，經從長興和平酒庫前，題此詞云：後書鴈峯劉氏題。

輪臺子

柳耆卿

一枕清宵好夢可惜被鄰鷄喚覺忽忽策馬登途滿
目淡烟衰草前駢風觸鳴珂過霜林漸覺驚栖鳥冒
征塵遠况自古淒涼長安道 行行又歷孤村楚天
闊望中未曉念勞生惜芳年壯歲離多歡少歎斷梗
難停暮雲漸杳但黯黯銷魂寸腸憑誰表恁驅驅何
時是了又爭似却返瑤京重買千金笑

梅花引

劉均國

千里月千山雪梅花正落寒時節一枝昂一枝藏清
香冷艷天賦與孤光孤光似被珠簾隔風度烟遮好

居全本莫作黃
無情字

顏色粉垂垂玉纍纍先春挺秀不管百花知 似霜
結與霜別莫使幽人容易折短牆邊矮窓前橫斜峭
影重疊鬪嬋娟莫昏莫聽樓頭角只恐聽時零亂落
醉來看醒來看縈絆麗人瀟洒倚闌干

述懷

賀方回

鑄

縛虎手懸河口車如鷄棲馬如狗白綸巾撲黃塵不
知我輩可是蓬蒿人衰蘭送客咸陽道天若有情天
亦老作雷顛不用錢誰問旗亭美酒斗十千 酌天
斗更為壽青鬢常青古無有笑嫣然舞翩翩當筵秦
女十五語如絃遺音能記秋風曲事去千年猶恨促

居全本天作大

攬流光繫扶桑爭柰愁來一日却為長

朱雍

梅亭別梅亭別梅亭回首都如雪粉融融月濛濛江
上小車歸去小樓空當時曾傳新粧薄而今一任花
零落朝隨風暮隨風竹外孤根猶與幽徑通 長相
憶無消息庾嶺沉沉雪暗碧玉痕驚對離情無柰水
遙天濶隔瓊城年來素袂香不滅此心無限憑誰說
夜綿綿路漫漫愁聽枕前吹徹笛聲寒

戲代李師周作

向子諲

花如頰眉如葉小時笑弄階前月最盈盈最惺惺閑

愁未識無計說深情十年空省春風面花落花開不
相見要相逢得相逢須信靈犀中自有心通 同杯
勺同斟酌千愁一醉都忘却花陰邊柳陰邊幾回擬
待偷憐不成憐傷春玉瘦慵梳掠拋擲琵琶閑處着
莫猜疑莫嫌遲鴛鴦翡翠終是一雙飛

將進酒

高仲常

城下路淒風露今人犁田昔人墓岸頭沙帶蕪葭漫
漫昔時流水今人家黃埃赤日長安道倦客無漿馬
無草開函閉函閉千古如今不見一人閑 六國
擾三秦掃初謂高山遺四老馳單車致緘書裂荷焚

芟接武曳長裾高陽真得盃中趣身到醉鄉安穩處
生忘形死忘名二豪侍側劉伶初未醒

紫萸香慢

姚雲文

近重陽偏多風雨絕憐此日暄明問秋香濃未待携
客出西城政自羈懷多感怕荒臺高處更不勝情向
樽前又憶漉酒插花人只坐上已無老兵 悽情淺
醉還醒愁不肯與詩平記長楸走馬雕弓揜柳前事
休評紫萸一枝傳賜夢誰到漢家陵儘烏紗便隨風
去要天知道華髮如此星星歌罷涕零

八歸

湖中送
胡德華

姜夔

芳蓮墜粉疎桐吹綠庭院暗雨乍歇無端抱影銷魂
處還見篠牆螢暗薛階蛩切送客重尋西去路問水
面琵琶誰撥最可惜一片江山揔付與啼鴉 長恨
相從未款而今何事又對西風離別渚寒烟淡棹移
人遠縹緲行舟如葉想文君望久倚竹愁生步羅韞
歸來後翠尊雙飲下了珠簾玲瓏閑看月

史達祖

秋江帶雨寒沙縈水人看畫閣愁獨烟簑散響驚詩
思還被亂鷗飛去繡句難續冷眼盡歸圖畫上認隔
岸微茫雲屋想半屬魚市樵村欲暮競燒竹 須信

風流未老憑誰持酒慰此淒涼心目一鞭南陌幾篙
官渡賴有歌眉舒綠只忽忽眺遠早覺閑愁挂喬木
應難禁故人天際望徹淮山相思無鴈足

宣清憶舊

柳耆卿永

殘月朦朧小宴闌珊歸來輕寒凜凜背銀缸孤館乍
眠擁重衾醉魄猶噤永漏頻傳前懽已去離愁一枕
暗尋思舊追遊神京風物如錦念擲果朋儕絕纓
宴會當時曾痛飲命舞燕翩翩歌珠貫串向玳筵前
盡是神仙流品至更闌踈狂轉甚更相將鳳幃鴛寢
玉釵亂橫任散盡高陽這歡娛甚時重恁

賀新郎春情

李玉

篆縷銷金鬲醉沉沉庭陰轉午畫堂人靜芳草玉孫
知何處惟有楊花糝徑漸玉枕騰騰春醒簾外殘紅
春已透鎮無聊殢酒厭厭病雲鬢亂未忺整江南
舊事休重省遍天涯尋消問息斷鴻難倩月滿西樓
憑欄久依舊歸期未定又只恐鉸沉金井嘶騎不來
銀燭暗枉教人立盡梧桐影誰伴我對鸞鏡

子瞻蘇軾

乳燕飛華屋悄無人槐陰轉午晚涼新浴手弄生綃
白團扇扇手一時似玉漸困倚孤眠清熟簾外誰來

居金本傳作侍

居金本詞作團

推綉戶枉教人夢斷瑤臺曲又却是風敲竹 石櫛
半吐紅巾感待浮花浪藥都盡伴君幽獨穠艷一枝
細看取芳心千重似束又恐被秋風驚綠若傳得君
來向此花前對酒不忍觸共粉淚兩軟軟

者舊續聞云陸辰州云此詞後擷用櫛花事晁以
道家有東坡真跡晁云東坡有妾名朝雲櫛花朝
雲死于嶺外惟櫛花獨存觀浮花浪藥都盡伴君
幽獨可見矣近觀顧景蕃續註因悟白開扇瑤臺
曲皆侍妾故事東坡用此乃知辰州得櫛花事於
晁氏為不妄古令詞話以為東坡為杭妓秀蘭
其非猶未及此因載之

夏意

葉夢得

睡起流鶯語掩蒼苔房櫳向曉亂紅無數吹盡殘花

無人問惟有垂楊自舞漸暖霽初回輕暑寶扇重尋
明月影暗塵侵尚有乘鶯女驚舊恨鎮如許 江南
夢斷衡臯渚浪粘天蒲萄漲綠半空煙雨無限樓前
滄波意誰採蘋花寄取但悵望蘭舟容與萬里雲帆
何時到送孤鴻目斷千山阻誰為我唱金縷

送胡澹庵

張仲宗 元幹

夢繞神州路恨西風連營畫角故宮離黍底事崑崙
傾砥柱九地黃滾亂注聚萬落千村狐兔天意從來
高難問况人情易老悲如訴更南浦送君去 涼生
暗柳催殘暑耿斜河疎星澹月淡雲微度萬里江山

居金本地作九
滾作埃

知何處回首對床夜雨
鴈不到書成誰與目盡青天
懷今古肯兒曹恩怨相爾汝
舉太白聽金縷

別弟

辛幼安
葉疾

綠樹聽鶉鳩更那堪鷓鴣聲住
杜鵑聲切啼到春歸
無尋處苦恨芳菲都歇
笑未抵人間離別馬上琵琶
關塞黑更長門翠輦辭金闕
看燕燕送歸妾將軍
百戰身名烈向河梁回頭萬里
故人長絕易水蕭蕭
西風冷滿座衣冠俚雪正壯士
悲歌未徹啼鳥還知
如許恨料不啼清淚長啼血
誰共我醉明月

贈鄉人朱唐卿

劉龍洲
過

多病劉郎瘦最傷
心天寒歲晚客他鄉
久大舸翩翩
何許至元是高陽舊友便
一笑相歡携手與問武昌
城下月又何如揚子江頭柳
追往事兩眉皺
燭花
自剪明如晝
喚青娥小紅樓上殷勤勸
酒昵昵琵琶
恩怨語春筍輕籠翠袖
看舞徹金釵微溜
若見故鄉
吾父老道長安市上強如舊
重會面幾時又

二
贈張
彥功

曉印霜花步夢半醒扶上雕鞍
馬嘶人去嵐濕青絲
雙轡冷緩控野梅江路聽畫角
吹殘更鼓悲壯寒聲
撩客恨甚貂裘重擁愁無數
霜月白照離緒
青樓

回首家何處
早山遙水濶
天低斷腸煙樹
誰念天涯
牢落况輕負
煖煙濃雨
記酒醒香銷
時語客裏歸
羈
須早發
怕天寒風急
相思苦
應為我翠眉聚

三

院宇重重掩
醉沉沉
亭陰轉午
綉簾高捲
金鴨香濃
噴寶篆
驚起雕梁
語燕正架上
酴醾開
偏嫩萼
梢頭
舒素臉
似月娥
初試宮粧
淺風力軟
嫩異香軟
佳人無意
拈針線
逸朱闌
六曲徘徊
為他留戀
試把花
心輕輕
數暗計
歸期近
遠柰數了
依然重怨
把酒問
春春
不管枉教人
只恁空腸
斷腸斷處
怎消遣

四

老去相如倦
向文君說似
而今怎生消遣
衣袂京塵
曾染處
空有香紅尚軟
料比此魂銷
腸斷一枕新涼
眠客舍
聽梧桐
疎雨秋風
顫燈暈
冷記初見
樓低
不放珠簾
捲晚粧
殘翠娥
狼籍淚痕
流臉
人道愁來
須殢酒
無柰愁多
酒淺
但托意
焦琴
紈扇
莫敲琵琶
江山曲
怕荻花
楓葉俱
淒怨
雲萬疊
寸心遠

江西人來云呂為鄧南秀詞非也

宮詞

游子明 次公

暖雲浮晴
簾鎖垂楊
籠池罩閣
萬絲千縷
池上曉光

分宿霧日近群芳易吐尋並蒂闌干凝竚不信釵頭
飛鳳去但寶刀被妾留還住天一笑萬花妬阿嬌
正好金屋貯甚西風易得蕭疎扇鴛塵土一自昭陽
扃玉戶墻角土花無數况多病情傷幽素別殿時聞
簫鼓奏望紅雲冉冉知何處天尺五去無路

清浪軒送春

嚴仁

碧浪搖春渚浸虛簷蒲萄澁漾翠綃掀舞委曲經過
臺下路載取落花東去問花亦漂流良苦花不能言
應有恨恨十分都被春風誤同此恨有飛絮人生
聚散元無據儘凭攔一尊相對蘋洲春莫嫉色冲冲

居全本換作絕

空悵望淚盡世間兒女君不見千金求賦飛燕婕妤
今何在看粘雲江影傷千古流不去斷冤處

感舊

李子永 泳

門掩長安道捲重簾垂楊散暑嫩涼生早午夢驚回
庭陰翠蝶舞鶯吟未了政露冷芙蓉池沼金鴈塵昏
么絃斷理餘音尚想腰肢裊歡漸遠思還繞臨臯
望極滄江渺晚潮平湘烟萬頃斷虹殘照綵舫凌波
分飛後別浦菱花自老問錦重何時重到樓迥層城
看不見對瀟瀟暮雨憐芳草幽恨濶楚天杳

夏

趙文鼎 善紅

畫永重簾卷乍池塘一番過雨菱荷初展竹引新梢
半含粉綠蔭扶疎滿院過花絮蜂稀蝶懶窗戶沉沉
人不到伴清幽時有流鶯轉凝思久意何限 玉釵
墜枕風鬟顫湛虛堂壺冰瑩徹簟波零亂自是仙姿
清無暑月影空垂素扇破午睡香銷餘篆一枕湖山
千里夢正白蘋煙棹歸來晚雲弄碧楚天遠

端午

劉潛夫 克莊

思遠樓前路望平堤十里湖光畫船無數綠蓋盈盈
紅粉面葉底荷花解語鬪巧結同心雙縷尚有經年
離別恨一絲絲總是相思處相見也又重午 清江

舊事傳荆楚嘆人情千載如新尚沉菰黍且盡樽前
今日醉誰肯獨醒吊古泛幾盞菖蒲綠醕兩兩龍舟
爭競渡柁珠簾暮捲西山雨看未足怎歸去

九日

前人

湛湛長空黑更那堪斜風細雨亂山如織老眼平生
空四海賴有高楼百尺看浩蕩千崖秋色白髮書生
神州淚儘淒涼不向牛山滴追往事去無迹 少時
自負凌雲筆到如今春華落盡滿懷蕭瑟常恨世人
新意少愛說南朝狂客把破帽年年帖出若對黃花
孤負酒怕黃花也笑人岑寂鴻北去日西匿

唐金本開作關

七夕

宋謙父 自遊

靈鵲橋初就記迢迢重湖風浪去年時候歲月不留
人易老萬世茫茫宇宙但獨對西風搔首巧拙豈關
今夕事柰癡兒駿女流傳謬添話柄柳州柳道人
識破灰心久只好風涼月佳時踈狂如舊休笑雙星
經歲別人到中年已後雲雨夢可曾常有雪藕調冰
花熏茗正梧桐雨過新涼透且隨分一盃酒

戴式之 復古

蝸角爭多少是英雄割據乾坤到頭休了一片泥塗
荒草地盡是魚龍故道新堤上風濤難保滄海桑田

何時變怕桑田未變人先老休為此生煩惱 訟庭
不許頻頻到這官坊翻來覆去有何分曉無諍人中
為第一長訟元非吉兆但有恨平章不早樽酒喚回
和氣在看從來兄弟依然好把前事付一笑

上趙侍郎生日

李公甫 劉

鶴立通明殿又重逢揜余初度夢庚華且不學花奴
簪紅槿且看秋香宜晚任甲子從新更換天欲東都
脩車馬故降神生甫維周翰歌崧嶽詠江漢 明堂
朝罷夷琛獻引星辰萬人共聽風塵長算清晝山東
諸將捷席捲黃河兩岸問誰在玉皇香案帥保萬民

唐金本生作申
夷作來帥作師

功業別向西京原廟行圭瓚定郊廓卜漣澗

春感

吳毅甫

笑口開能幾把年年芳情冶思總拋閑裏桃杏枝頭
春才半寒食清明又是但歲月颺飛川逝回首秦樓
雙燕語到如今目斷斜陽外將往事試重記香羅
尚有相思淚笑人生新愁易積舊歡難繼水上流紅
無覓處還隔關山萬里但贏得新來憔悴昨夜東風
顛狂後想餘芳盡是飄零底詞寫就倩誰寄

和劉潛夫韻

陳敬叟

曉夢鶯呼起便安排詩家厨傳酒家行李點檢花邊

居金本爽作來

新雨露春在萬家生齒道官似錦溪清駛但使有人
耕綠野正不妨鼓吹頻來此方覓句且夷俟畫橋
西畔多春意記年年曾來幾度落花流水行到水窮
雲起處依約朝川竹里興未屬王孫公子料想明年
端門裏有傳柑宴罷黃封醉肯回首萬杉底

黃叔賜

倦整摩天翼笑歸來點畫亭臺按行泉石落落元龍
湖海氣更着高樓百尺收攬盡水光山色曾駕飈車
蟾宮去幾回批惜月支風軟斯二者慣相識玲瓏
窓戶青紅濕夜深時寒光爽氣洗清肝鬲似此交游

居金本惜作借

真洒落判與升堂入室有萬象來為賓客不用笙歌
輕點澆看仙翁手搦虹霓筆吟思遠兩峯碧

西湖

文及翁

一勺西湖水渡江來百年歌舞百年酣醉回首洛陽
花世界煙渺黍離之地更不復新亭墮淚簇樂紅粧
搖畫舫問中流擊楫誰人是千古恨幾時洗誰余生
自負澄清志更有誰磻溪未遇傅巖未起國事如今
誰仗倚衣帶一江而已便都道江神堪恃借問孤山
林處士但掉頭笑指梅花蓋天下事可知矣

石城吊古

王千秋

吊古城頭去正高秋霜晴木落路通洲渚欲問紫髯
分鼎事只有荒祠烟樹巫覡去久無簫鼓霸業荒涼
遺堞墜但蒼崖日閱征帆度興與廢幾今古 夕陽
細草空凝佇追思當時子敬用心良讀要約劉郎銅
雀醉底事遽爭荆楚遂但見吳蜀烽舉致使五官伸
脚睡喚諸兒畫取長陵土遺此恨欲誰語

感懷

李南金

流落今如許我亦三生杜牧為秋娘着句先自多愁
多感慨更值江南春暮君看取落花飛絮也有吹來
穿繡幌有因風飄墮隨塵土人世事總無據 佳人

命薄君休訴若說與英雄心事一生更苦且盡樽前
今日意休記綠牕眉嫵但春到兒家庭戶幽恨一簾
烟月曉恐明年鴈亦無尋處渾欲倩鶯留住

贈建寧妓唐玉

吳履_{約隱} 紀談

可意人如玉小簾攏輕勻淡竚道家粧束長恨春歸
無尋處全在波明黛綠看冶葉倡條渾俗比似江梅
清有韻更臨風對月斜依竹看不足詠不足 曲屏
半掩春山簇正輕寒夜永花睡半欹殘燭縹緲九霞
光裡夢香在衣裳臙馥又只恐銅壺聲促試問送人
歸去後對一奩花影垂金粟腸易斷情難續

送太守

平江妓_{約隱} 紀談

春色元無主荷東君着意看承等閑分付多少無情
風與浪又那更蝶欺蜂妬美燕雀眼前無數縱使簾
櫳能愛護到如今已是成遲暮芳草碧遮歸路 看
看做到難言處怕仙槎輕轉旌旗易歌襦袴月滿西
樓絃索靜雲蔽崑城閭府便恁地一帆輕舉獨倚闌
干愁拍碎恹玉容淚眼如紅雨去與住兩難訴

乳燕飛_{寄劉} 閨風

汪莘

曉趁西湖約到湖頭烟消日出波生兩脚自挈白魚
携碧酒要與詩人共酌把樓上朱簾搭却坐對荷花



三萬朶念西鄰未嫁肌如削待折與不堪着 別來
又見秋蕭索恨無由將予風月伴君雲鶴想見登山
臨水處醉把茱萸檠礮唱白雪陽春新作憶自東籬
人去後笑人間黃菊空零落嘆作者多命薄

金縷歌

陪履齋先生
滄浪看梅

吳君特

文英

喬木生雲氣訪中興英雄陳迹暗追前事戰艦東風
慳借便夢斷神州故里旋小築吳宮閑地華表月明
歸夜鶴歎當時花竹今如此枝上露濺清淚 遶頭
小簇行春隊步蒼苔尋幽別塢看梅開未重唱梅邊
新度曲催發寒梢凍藥此心與東君同意後不如今

今非昔兩無言相對滄浪水懷此恨寄殘醉

風瀑竹

牟存益
翰

閣住杏花雨便新晴等閑勾引香車成霧壁月光中
簫鳳遠嫋嫋餘音如縷悄一似群仙府天意乍隨人
意好漸星橋度漢珠還浦又何啻列千炬 晚來乍
覺陰盤固笑人間玉瓶瑤瑟錦茵雕俎無限昇平宣
政曲回首中原何處慨鳴鏑已無宮武撲面胡塵渾
未掃強歡謳還肯軒昂否縈舊恨為誰賦

摸魚兒

一名買陂塘

永叔

歐陽脩

卷繡簾梧桐秋院落一霎雨添新綠對小池閑立殘

粧淺向晚水紋如縠凝遠目恨人去寂寂鳳枕孤難
宿倚欄不足看燕拂風簷蜂翻草露兩兩長相逐
雙眉促可惜年華婉婉西風初弄庭菊况伊家年少
多情未已難拘束那堪更趁涼景追尋甚處垂楊曲
佳期過盡但不說歸來多應忘了屏雲去時祝

晁無咎

補定

買陂塘旋栽楊柳依稀淮岸湘浦東臯雨足輕痕漲
沙嘴鷺來鷗聚堪愛處最好是一川夜月光流渚無
人自舞任翠幕張天柔茵藉地酒未盡能去青綾
被休憶金閨故步儒冠曾把身誤弓刀千騎成何事

荒了召平瓜圃君試覩滿青鏡星星鬢影今如許功
名浪語便做得班超封侯萬里歸計恐遲暮

晚春

辛幼安

棄疾

更能消幾番風雨匆匆春又歸去惜春長怕花開早
何況落紅無數春且住見說道天涯芳草迷歸路怨
春不語笑只有殷勤畫簷蛛網盡日惹飛絮長門
事準擬佳期又誤蛾眉曾有人妬千金縱買相如賦
脉脉此情誰訴君若舞君不見玉環飛燕皆塵土閑
愁最苦休去倚危欄斜陽正在烟柳斷腸處

程書舟

孩

居全本記字上
有但字

掩淒涼黃昏庭院角聲何處嗚咽矮窓曲屋風燈冷
還是苦寒時節凝佇切念翠被薰籠夜夜成虛設倚
闌愁絕聽鳳竹聲中屏帷影外簌簌釀寒輕雪傷
心處却憶當年輕別梅花滿院初發吹香弄藥無人
見惟有暮雲千疊情未徹又誰料而今好夢分胡越
不堪重說記得當初重門鎖處猶有夜深月

感歎

劉潛夫 克莊

恠新來倚樓看鏡清狂渾不如舊莫雲千里傷心色
那更亂蟬踈柳凝望久愴故國百年漢闕誰回首功
名大謬歎采藥名山讀書精舍此計何時就 封侯

事久矣輸人妙手扁舟聊作漁叟高冠長劍都閑物
世上切身惟酒千載後君試看拔山扛鼎俱烏有英
雄骨朽問顧曲周郎而今還解來聽小詞否

九日登姑蘇臺

盧申之 祖暉

恠西風曉來歌帽年華還是重九天機袞袞山新瘦
客子情懷誰剖微雨後更鴈帶邊寒裊裊欺羅袖慵
倚倦柳詎不似黃花田田照眼風味儘如舊 登臨
地寂寞崇臺最久闌干幾度搔首翻雲覆雨無窮事
流水斜陽知否吟未就但衰草寒煙商畧愁時候閑
愁浪有總輸與淵明東籬醉舞身世付杯酒

居全本請作情

鴈丘

元遺山好問梅磧詩話

恨人間情是何物直教生死相許天南地北雙飛客
老翅幾回寒暑歡樂趣離別苦就中更有癡兒女君
應有語渺萬里層雲千山暮景隻影為誰去 橫汾
路寂寞當年簫鼓荒煙依舊平楚招魂楚些何嗟及
山鬼自題風雨天也妬未信與鶯兒燕子俱黃土千
秋萬古為留待騷人狂歌痛飲來訪鴈丘處

居全本題作啼

太和五年乙丑歲赴并州道逢捕鴈者云今日
獲一鴈殺之矣其脫網者悲鳴不能去竟自投於
地而死予因買得之葬之汾水之上
累石為識號曰鴈丘併作鴈丘詞

同遺山賦鴈丘

揚正卿翰果

悵年年鴈飛汾水秋風依舊蘭渚網羅驚破雙棲夢
孤影亂翻波素還醉與萸古往今來只有相思苦朝
朝暮暮想塞北風沙江南煙月爭忍自來去 埋恨
處依約并門舊路一丘寂寞寒雨世間多少風流事
天也有心相妬休說與還却怕有情多被無情悞一
盃會舉待細讀悲歌滿傾清淚為爾酌黃土

同賦鴈丘

李仁卿治

鴈雙雙正分汾水回頭生死殊路天長地久相思債
何似眼前俱去摧勁羽倘萬一幽冥却有重逢處詩
翁感遇把江北江南風嘹月唳并付一丘土 仍為

汝小草幽蘭麗句聲聲字字酸楚拍江秋影今何在
宰木欲迷隄樹霜魂苦笑猶勝玉嫵青塚真娘墓無
誰說與對鳥道長空龍艘古渡馬耳淚如雨

雙蓮

大名有男女以私情不遂赴水者后三日二尸相携出水濱是歲陂荷俱並蒂

為多情和天也老不應情遞如許請君試聽雙蓮怨
方見此情真處誰點注香漱灩銀塘對抹胭脂露藕
絲幾縷絆玉骨春心金沙曉露淚漠漠瑞紅吐連
理樹一樣驪山懷古古今朝暮雲雨六郎夫婦三生
夢斷幽恨從前沮須會取共鴛鴦翡翠照影長相聚
風不住悵寂寞芳魂輕煙北渚涼月又南浦前人

居全本無斷字
幽恨下作從來
艱阻

莫崙

聽春教燕顰鶯訴朝朝花困風雨六橋忘却清明後
碧盡柳絲千縷蝶蜂侶正閒覓閒花閒草閒歌舞最
憐西子尚薄薄雲情盈盈波淚點點舊眉嫵 沅紅
記空泛秋宮怨句才色何處嬌妒落紅無限隨風絮
詩恨有誰曾遇堪恨處恨前度花信催花去東君暗
苦更多囑多情多愁杜宇多訴斷腸語

邁陂塘

登鳳
鳳臺

梁隆吉

坡

枕寒流碧縈衣帶高臺平與雲倚燕來鶯去誰為主
磨滅謫仙吟墨愁思裡待說與山靈還又羞拈起簫

居全本墨作句

居全本恨前度
花信一句作恨
二十四番花信

韶已矣甚竹實風摧桐陰雨瘦景物變新麗 江山
在認得劉郎阿寄年來聲譽休廢英雄不博胭脂井
誰念故人衰悴時有幾便鳳去臺空莫厭頻遊此興
亡過耳任北雪迷空東風換綠都付夢和醉

良岳

姚雲文

居金本現作崖

渺人間蓬瀛何許一朝飛入梁苑網川梯洞層瑰出
帶取鬼愁龍怨窮遊宴談笑裏金風吹折桃花扇翠
華天遠悵莎沼粘營錦屏烟合草露泣蒼蘚 東華
夢好在牙樞瑠葦畫圖歷歷曾見落紅萬點孤臣淚
斜日牛羊春晚摩雙眼看塵世鰲宮又報鯨波淺陰

居金本韜作輓
恨作悵

鞞拍斷便乞與媧皇化成精衛填不盡遺恨

常居安

居金本明作湖
這作起

繞蒼城水平波渺雙明遙睇無際就中惟有漁灣好
占得西閔佳致楊柳外羨泛宅浮家當日玄真子溪
山信羨嘆陳迹猶存前賢已往誰會景中意 蕭閑
甚築屋三間近水汀洲香汎蘭芷清風明月知多少
肯滯軟紅塵裏垂釣餌這春水生時賸有桃花鰕煩
襟淨洗待辦取輕蓑來分半席相對弄清泚

瑤臺月

嚴風凜冽萬木凍園林蕭靜如洗寒梅占早爭先暗

居金本蕭作蕭

居金本少一吟
字誤作操

吐香盡逞素容探暖欺寒遍粧點亭臺佳致通一氣
超群卉值臘後雪清麗開筵共賞南枝宴會 好折
贈東君驛使把嶺頭信息遠寄遇詩朋酒侶樽前吟
吟綴且優游對景懽悞更莫厭陶陶沉醉羗管怨瓊
花綴結子用調鼎堪餌將軍止渴思得此味

集賢賓佳

柳耆卿永

小樓深巷狂遊徧羅綺成叢就中堪人屬意最是春
風有畫難描雅態無花可比芳容幾回飲散良宵永
鴛衾暖鳳枕香濃等得人間天上惟有两心同 近
來雲雨忽西東諛惱損情悰縱然偷期暗會長是忽

居金本適作吹
或作如說作節

忽爭似和鳴偕老免教歛翠啼紅眼前時暫疎歡宴
盟言在更莫忡忡待作真箇宅院方信有初終

子夜歌如
如
高

彭元遜

視春衫篋中半在浥浥酒痕花露恨桃李如風過盡
夢裏故人成霧臨穎美人秦川公子脫共何人語對
人家花草池臺回首故園咫尺未成歸去 昨宵聽
危絃急管酒醒不知何處漂泊情多哀遲感易無限
堪憐許似尊前眼底紅顏消幾寒暑年少風流未諳
春事追與東風賦待他年君老巴山共君聽雨

鳳歸雲適

柳耆卿永

花華辭編 卷二

戀帝里金谷園林平康巷陌觸處繁華連日踈狂未
嘗輕負寸心雙眼况佳人盡天外行雲堂上飛燕向
玳筵一一皆妙選長是因酒沉迷被花縈絆更可
惜淑景亭臺暑天枕簟霜月夜涼雪霰朝飛一歲風
光盡堪隨分俊遊清宴笑浮生事瞬息光陰鎔銖名
宦正懽笑試恁暫時分散却是恨雨愁雲地遙天遠

吊嚴陵

李景元甲

蕙蘭香泛孤嶼潮平鷺鷥散雪迤邐點破澄江秋色
暝靄向斂踈雨乍收染出藍峯千尺漁舍孤烟鎖寒
磧畫蠲翠帆旋解輕舫晴霞岸側正念往悲酸懷鄉

慘切何處引羌笛 追惜當時富春佳地嚴光釣趾
空遺迹華星沉後扁舟泛去蕭洒開名圖藉離觴吊
終寓目意 魂消淚滴漸洞天曉回首暮雲千古碧

迷仙引

夢石
曼卿

閑詠
古今話

春陰霽岸柳參差裊金絲細畫閣晝眠鶯喚起煙光
媚燕燕雙高引愁如醉慵緩步眉斂金鋪倚佳景易
失懊惱韶光改花空委忍厭厭地施朱粉臨鸞鏡膩
香銷減摧桃李 獨箇凝睇暮雲暗遙山翠天色無
情四遠低垂淡如水離恨託征鴻寄旋嬌波暗落相
思淚粧如洗向高樓日日春風裡悔憑欄芳草人千

里

金明池

詩餘 秦觀

瓊苑金池青門紫陌似雪楊花滿路雲日淡天低晝
 永過三巵兩巵細雨好花枝半出牆頭似悵望芳草
 王孫何處更水遠人家橋當門巷燕燕鶯鶯飛舞
 怎得東君長為主把綠鬢朱顏一時留住佳人唱金
 衣莫惜才子倒玉山休訴况春來倍覺傷心念故國
 情多新年愁苦縱寶馬嘶風紅塵拂面也則尋苦歸
 去

夏雲峯傷春

僧仲殊揮

唐金本音作音

天濶雲高溪橫水遠晚日寒生輕暈閑塔靜楊花漸
 少朱門掩鶯聲猶嫩悔匆匆過却清明旋占得餘芳
 已成幽恨都幾日陰沈連宵慵困起來韶華都盡
 怨人雙眉閑闌損乍品得情懷看承全近深深態無
 非自許厭厭意終羞人問爭知道夢裡蓬萊待忘了
 餘香時傳音信縱留得鶯花東風不住也則眼前愁
 悶

笛家弄慢

柳耆卿

花發西園草薰南陌韶光明媚乍晴輕暖清明後水
 嬉舟動襖飲筵開銀塘似染金堤如繡是處王孫幾

居金本別久二字在下半闕

多遊妓往往攜纖手遣離人對嘉景觸目盡成感舊
別久 帝城當日蘭堂夜燭百萬呼盧畫閣春風十
千沽酒未省宴處能忘絃管醉裏不尋花柳豈知秦
樓玉簫聲斷前事難重偶空遣恨望仙鄉一餉淚沾
襟袖

朱雍

居金本遠作違
立久二字在下
半闕空作忍

瓌質仙姿縞袂清格天然踈秀靜軒煙鎖黃昏後影
瘦零亂艷冷瓏瑤雪肌瑩暖冰枝縈繡更賦風流幾
番攀贈細撚香盈手與東君叙睽遠脉脉時情有舊
立久 閨苑凝夕瑤窓淡月百琲尊芳醉玉談羣千

鍾酌酒向此是處難忘瘦花送遠何勞隨柳空聽笛
聲悽斷樂事人非偶空餘恨惹幽香不滅尚沾春袖

送征衣

柳耆卿 永

居金本詔作昭
并作作

過韶陽璿樞電繞華渚虹流運應千載會昌聲寰宇
薦殊祥吾皇誕彌月瑤圖續慶玉葉騰芳並景旣三
靈眷佑挺英哲掩前王遇年年嘉節清和頒率土稱
觴 無間要荒華夏盡萬里走梯航彤庭舜張太樂
禹會群芳鶴行趨上國山呼鼉拊遙爇爐香竟就日
瞻雲獻壽指南山等無疆願魏魏寶曆鴻基齊天地
遙長

綠頭鴨錢塘懷古

傅按察輟

靜中看記昔日淮山隱隱宛若虎踞龍盤下襄樊指
揮襄漢鞭雲騎圍繞江干勢不成三時當混一過唐
之數不為難陳橋驛孤兒寡婦久假當還 掛征帆
龍舟催發紫宸初捲朝班禁庭空土花暈碧輦路悄
喝謁聲乾縱餘得西湖風景花柳亦凋殘去國三千
遊仙一夢依然天淡夕陽開昨宵也一輪明月還照
臨安

春雪間早梅

梅將雪共春彩艷灼灼不相因逐吹霏霏能爭密排

枝碎碎巧妬新誰令香來滿坐獨使淨斂無塵芳意
饒呈瑞寒光助照人玲瓏次第開已遍點綴坐來頻
那是俱懷疑似須知造化兩各逼天真熒煌初亂
眼浩蕩逸氣忽迷神未許瓊花並將從玉樹相親先
期迎獻歲更同歌酒占茲辰六華螭蒂相輝映輕盈
敢自矜

翠羽吟

蔣捷

紺露濃映素空樓觀悄玲瓏粉凍霽英光搖蕩古青
松半規黃昏淡月梅氣山影溟濛有麗人步依脩竹
瀟然態若遊龍 綃袂微皺水溶溶仙莖清澀淨洗

居全本有兩剪
字實作雙

斜紅勸我浮香桂酒環珮暗解聲飛芳靄中弄春弱
柳垂絲慢按翠舞嬌童醉不知何處驚剪淒緊霜風
夢醒尋痕訪蹤但留殘星挂彎梅花未老翠羽靈吟
一片曉峯

王君本示予越調小梅花引俾似飛仙步虛之意
為其辭予謂泛泛言仙似乎寡味越調之曲與梅
花宜羅浮梅花真仙事
也演而成章名翠羽吟

春風袅娜

馮偉壽

被梁間雙燕話盡春愁朝粉謝午花柔倚紅闌故與
蝶圍蜂繞柳綿無數飛上搔頭鳳管聲圓蠶房香爇
笑挽羅衫須少留隔院蘭馨趁風遠鄰牆挑影伴烟

收 此子風情未減眉頭眼尾萬千事欲說還休
薔刺牡丹越殷勤記省前度綢繆夢裡飛紅覺來無
覓望中新綠別後空稠相思難偶歎無情明月今年
已見三度如鈎

洞仙歌

柳耆卿

佳景留心慣况少年彼此風情非淺有笙歌巷陌綺
羅庭院傾城巧笑如花面恣雅態明眸回美盼同心
綰萸國艷仙材翻恨相逢晚 繾綣洞房悄悄繡被
重重夜永歡餘共有海約山盟記得翠雲偷剪和鳴
彩鳳于飛燕間柳徑花陰携手便情眷戀向其間密

居全本便作偏

花堂

卷一

下

約輕憐事何限忍聚散况已結深深願願人間天上
暮雲朝雨長相見

白苧

柳耆卿 永

繡簾垂畫堂悄寒風浙瀝遙天萬里黯淡同雲幕幕
漸紛紛六花零亂散空碧姑射宴瑤池把碎玉零珠
拋擲林巒望中高下瓊瑤一色巖子陵釣臺歸路迷
蹤跡 追惜燕然畫角寶籥珊瑚是時丞相虛作銀
城換得當此際偏宜訪袁安宅醺醺醉了任他金釵
舞困玉壺頻側又是東君暗遣花神先報南國昨夜
江梅漏泄春消息

王晦叔願堂集云白苧詞傳者至少其正宮一闋
世以為紫姑神所作也方寫至追昔燕然畫角寶
鑰珊瑚是時丞相虛作銀城換得或問
出何書答曰天上文字汝爭得知

蔣竹山 按

正春晴又春冷雲低欲落瓊苞未剖早是東風作惡
旋安排一雙銀蒜鎮羅幕幽壑水生漪皺嫩綠潛鱗
初躍惜惜門巷桃樹紅絲約畧知甚時霽華烘破青
青萼 憶昨引蝶花邊近來重見身學垂楊瘦削問
小翠眉山為誰攢却斜陽院宇任蛛絲罨徧玉箏絃
索戶外惟聞放剪刀聲深在粧閣料想裁縫白苧春
衫薄

居全本永作水

蘭陵王

柳

周美成

邦彥

柳陰直煙裏絲絲弄碧隋堤上曾見幾番拂水飄綿
送行色登臨望故國誰惜京華倦客長亭路年去歲
來應折柔條過千尺 閑尋舊蹤跡又酒趁哀絃燈
照離席梨花榆火催寒食愁一剪風快半篙波暖回
首迢遞便數驛望人在天北 悽惻恨堆積漸別浦
縈回津堠岑寂斜陽冉冉春無極念月榭携手露橋
吹笛沉思前事似夢裏淚暗滴

春遊

張仲宗

元幹

卷珠箔朝雨輕陰乍閣闌干外煙柳弄晴芳草侵階

映紅藥東風妬花惡吹落梢頭嫩萼屏山掩沈水倦
熏中酒心情怕杯勺 尋思舊京洛正年少踈狂歌
笑迷著障泥油壁催梳掠曾馳道同載上林携手燈
夜初過早共約又爭信漂泊 寂寞念行樂甚粉淡
衣襟音斷絃索瓊枝璧月春如昨悵別後華表那回
雙鶴相思除是向醉裏暫忘却

春思

前人

綺霞散空碧留晴向晚東風裏天氣困人時節秋千
閉深院簾旌翠波颭窻影殘紅一線春光好花臉柳
腰勾引芳菲鬧鶯燕 閑愁費消遣想蛾綠輕顰鵝

鑑新怨單衣欲試寒猶淺羞衾鳳空展塞鴻難托誰
問潛寬舊帶眼念人似天遠迷戀畫堂宴看最樂
王孫濃艷爭勸蘭膏寶篆春宵短擁檀板低唱玉杯
重暖衆中先醉謾倚檻早夢見

十二時

秋夜

柳耆卿

永

晚晴初淡烟籠月風透蟾光如洗覺翠帳涼生秋思
漸入微寒天氣敗葉敲窓西風滿院睡不成還起更
漏咽滴破憂心萬感並生都在離人愁耳天怎知
當時一句做得十分縈繫夜永有時分明枕上覩着
孜孜地燭暗時酒醒元來又是夢裡睡覺來披衣

獨坐萬種無憀情意怎得伊來重諧雲雨再整餘香
被祝告天發願從今永無拋棄

破陣樂

前人

露花倒影煙蕪蘸碧靈沼波暖金柳搖風樹樹戲綵
舫龍舟遙岸千步虹橋參差鴈齒直趨水殿逸金堤
曼衍魚龍戲簇嬌春羅綺喧天絲管霽色榮光望中
似覩蓬萊清淺時見鳳輦宸遊鳶觴袂飲臨翠冰
開鎬宴兩兩輕舸飛畫檝競奪錦標霞爛聲懽娛歌
魚藻徘徊宛轉別有盈盈遊女各委明珠爭收翠羽
相將歸去漸覺雲海沉沉洞天日晚

錢塘

張子野

四堂互映雙門並麗龍閣開府郡美東南第一望故
苑樓臺霏霧垂柳池塘流泉巷陌吳歌處處近黃昏
漸更宜良夜簇繁星燈燭長衢如畫暝色韶光幾簾
粉面飛甍朱戶歡遇鴈齒橋紅裙腰草綠雲際寺
林下路酒熟梨花賓客醉但覺滿山簫鼓盡朋遊因
民樂芳非有主自此歸從泥詔去指沙堤南屏水石
西湖風月好作千騎行春畫圖寫取

浪淘沙慢

周美成

柳

畫陰重霜凋岸草霧隱城堞南陌脂車待發東門帳
飲乍闌正拂面垂楊堪纜結掩紅淚玉手親折念漢
浦離鴻去何許經時信音絕情切望中地遠天濶
向露冷風清無人處耿耿寒漏咽嗟萬事難忘惟是
輕別翠樽未竭憑斷雲留取西樓殘月羅帶光銷紋
衾疊連環解舊香頓歇怨歌永瓊壺敲盡缺恨春去
不與人期弄夜色空餘滿地梨花雪

相思

柳耆卿

永

夢覺透窓風一線寒燈吹息那堪酒醒又聞空堦夜
雨頻滴嗟因循久作天涯客負佳人幾許盟言更忍
把從前懽會陡頓翻成憂戚愁極再三追思洞房

居金本長天作
天長

深處幾度飲散歌闌香暖鴛鴦被豈暫時踈散費伊
心力殫雨尤雲有萬般千種相憐相惜到如今長天
漏永無端自家踈隔知何時却擁秦雲態願低幃昵
枕輕輕細說與江鄉夜夜教寒更思憶

大酺

周美成 邦彥

對宿烟收春禽靜飛雨時鳴高屋墻頭青玉旆洗鉛
霜都盡嫩梢相觸潤逼琴絲寒侵枕障蟲網吹粘簾
竹郵亭無人處聽簷聲不斷困眠初熟柰愁極頓驚
夢輕難記自怜幽獨 行人歸意速最先念流潦妨
車轂怎柰向蘭成憔悴衛玠清羸等閑時易傷心目

未怪平陽客雙淚落笛中哀曲况蕭索青蕪國紅糝
鋪地門外荆挑如菽夜遊共誰秉燭

牡丹

劉後村 克莊

正綠陰濃鶯聲懶庭院寒輕烟薄天然花富貴逞天
紅殷紫疊葩重萼醉艷酣春妍姿浥露翠羽輕明如
削檀心鵝黃嫩似離情愁緒萬絲交錯更銀燭相輝
玉瓶微浸宛然京洛 朝來風雨惡怕傷憊低張青
油幕便好倩佳人插帽貴客傳箋趁良辰賞心行樂
四美難并也須拚醉莫辭杯酌被花惱情無着長笛
何處一笑江頭高閣極目水雲漠漠

瑞龍吟

周美成 邦彥

章臺路還是褪粉梅梢試花桃樹惜惜坊陌人家定
 巢燕子歸來舊處黯黯凝佇因念箇人癡小乍窺門
 戶侵晨淺約宮黃障風映袖盈盈笑語 前度劉郎
 重到訪鄰尋里同時歌舞惟有舊時家秋娘聲價如
 故吟牋賦筆猶記燕臺句知誰伴名園露飲東城閑
 步事與孤鴻去探春盡是傷離緒官柳低金縷歸騎
 晚纖纖池塘飛雨斷腸院落一簾風絮

翁處靜 元龍

清明近還是遞趙東風做成花訊芳時一刻千金半

屋金本上半闕
至花園大隱

晴半雨酌春未準鴈歸盡離字向人欲寫暗雲難認
 西園猛憶逢迎翠紈障面花間笑隱曲徑池蓮平砌
 絳裙曾與濯香湔粉無柰燕幕鶯簾輕負嬌俊 青
 榆巷陌蹋馬紅成寸十年夢鞦韆吊影鞦羅塵褪事
 往憑誰問晝長病酒添新恨烟冷斜陽晚山黛遠曲
 曲闌干凭損柳絲萬尺不如輕緊

玉女搖仙佩

柳永

飛瓊伴侶偶別珠宮未返神仙行綴取次梳粧尋常
 言語有得許多姝麗擬把名花比恐旁人笑我談何
 容易細思芙蓉絕卉惟是深紅淺白而已爭如這

多情占得人間千嬌百媚 須信畫堂綉閣皓月清
風忍把光陰輕棄自古及今佳人才子少得當年雙
美且恁相偎倚未消得憐我多才多藝願你如蘭心
蕙性枕前言下表余深意為盟誓今生斷不辜鴛被

朱雍

灰飛嶰谷珮解江干庾嶺寒輕梅瘦水面吞蟾山光
暗斗物色盈枝依舊凭暖危欄久有清香旖旎却沾
襟袖賦情窺人艷冷更是慙慙忍重回首誰知道春
歸院落繽紛雪飛鴛甃 須謝化機愛惜碎壁鋪酥
肯把蜚英儻憇念念瑤珂乘颺煙浦送別猶携纖手

居全本情字下
有中字亮作管

馥郁盈芳酒臨粧罷一點眉峯傷皺又只但恐收夢
斷莞淒風怨曉催銀漏殘金獸參橫墮月歸時候

多麗

聶冠卿

想人生美景良辰堪惜向其間賞樂心事古來難是
并得况東城鳳臺沁苑泛晴波淺照金碧露洗華桐
煙霏絲柳綠陰搖洩蕩春一色畫堂迥玉簪瓊佩高
會盡詞客清歡久重燃絳蠟別就瑤席 有翩若驚
鴻艸態暮為行雨標格逞朱唇緩歌妖麗似聽流鶯
亂香隔幔舞縈回嬌鬟低髣腰肢纖細困無力忍分
散彩雲歸後何處更尋覓休辭醉明月好花莫謾輕

居全本慢作慢

擲

晁次膺 端禮

唐金本鳥作鳥

晚雲收淡天一片琉璃爛銀盤來從海底皓色千里
澄輝瑩無塵素娥淡佇靜可數丹桂參差玉露初零
金風未凜一年無似此佳時尚坐久疎星時度鳥鵲
正南飛瑤臺冷攔干凭暖欲下遲遲念佳人音塵
隔後對此應解相思最閨情漏聲正永暗斷腸花影
潛移料得來宵清光未減陰晴天氣又爭知共凝戀
如今別後還是隔年期人縱健清樽素月長願相隨

周格非

隴頭泉未到隴下輕分一聲聲淒涼嗚咽豈堪側耳
重聞細思量那時携手畫樓高簾暮黃昏月不長圓
雲多輕散天應偏妬有情入自別後小窓幽院無處
不消魂羅衣上殘粧未減猶帶啼痕自一從瓶沉
簪折杳知欲見無因也渾疑事如春夢又只恐人是
朝雲破鏡分來朱絃斷後不堪獨自對芳尊試與問
多才誰更足配得文君須知道東陽瘦損不為傷春

李子申 諱

好人人去來欲見無因記當時切香倚暖豈期蝶散
鷓分到而今謾勞夢想嘆後會慘啼痕綉閣銀屏知

居金本壺作憶
壁作壁

他何處一重山盡一重雲暮天杳梗蹤萍跡還是寄
孤村寂寥月今宵為誰虛照黃昏 細追思深誠密
愛黯然一餉消魂仗游魚謾傳尺素望塞鴻空噎回
紋帳衾寒香銷塵滿博山沉水更誰熏斷腸也無聊
情味唯是殢芳樽沉吟久移燈向壁掩上重門

記恨

嚴次山

居金本官作官

最無端官樓畫角輕吹一聲來深閨深處把人好夢
驚回許多愁儘教奴受此箇事未必君知淚滴蘭衾
寒生珠幌翠雲撩亂枕頻欹窻兒上幾條殘月斜玉
界羅帷更堪聽霜推敗葉靜扣朱扉 念別離千里

萬里問何日是歸期閑情處魚來鴈往斷腸是免走
烏飛美景良辰賞心樂事風流孤負縷金衣謾贏得
花顏玉骨瘦損為相思歸須早劉郎雙鬢莫遣成絲

李易安

清照

小樓寒夜長簾幕低垂恨蕭蕭無情風雨夜來揉損
瓊肌也不似貴妃醉臉也不似孫壽愁眉韓令偷香
徐娘傅粉莫將比擬未新奇細看取屈平陶令風韻
正相宜微風起清芬醞藉不減酴醾 漸秋闌雪清
玉瘦向人無限依依似愁凝漢臯解佩似淚洒紈扇
題詩明月清風濃烟暗雨天教憔悴度芳姿縱愛惜

不知從此留得幾多時人情好何須更憶澤畔東籬

六醜落

周美成

邦彥

正單衣試酒悵客裏光陰虛擲願春暫留春歸如過
翼一去無跡為問家何在夜來風雨送楚宮傾國釵
鈿墮處遺香澤亂點桃蹊輕翻柳陌多情更誰追惜
但蜂媒蝶使時叩窓榻東園岑寂漸蒙籠暗碧靜
遠珍叢底成歎息長條故惹行客似牽衣待話別情
無極殘英小強簪巾幘終不似一朶釵頭顛裏向人
歌側漂流處莫趁潮汐恐斷鴻尚有相思字何由見
得

輪臺子

恨別

柳耆卿

永

霧歛澄江烟鎖藍光碧彤霞襯遙天掩映斷續半空
殘壁孤村望處人寂寞聞鈞叟甚處一聲羌笛九嶷
山畔繞雨過班竹作血痕添色感行客翻思故鄉恨
因循阻隔路久沉消息正老松枯栢情如織聞野
猿啼愁聽得見釣舟初出芙蓉渡頭鴛鴦灘側千名
利祿終無益念歲歲間阻迢迢紫陌翠娥嬌艷從別
經今花開柳拆傷魂魄利名牽役又爭忍把光景拋
擲

管金本無作字
千作千

六州歌頭

江過烏

李冠

玉林方
劉仲方

秦亡草昧劉項起吞并鞭寰宇驅龍虎掃挽搶斬長
鯨血染中原戰爭眎餘耳皆鷹犬平既亂歸炎漢勢
奔傾兵散月明風急旌旗亂刁斗三更共虞姬相對
泣聽楚歌聲玉帳魂驚泪盈盈念花無主凝愁苦
揮雪刃掩泉扃時不利離不逝困陰陵叱追兵嗚喑
推天地望歸路忍偷生功何處蓋世成間紀見遺靈
江靜水寒烟冷波紋細古木彫零遣行人到此追念
益傷情勝負難憑

張安國 孝祥

長淮望斷閔塞莽然平征塵暗霜風勁悄邊聲黯銷

居全本糧作道

凝追想當年事殆天數非人力洙泗上絃歌地亦羶
腥隔水羶鄉落日牛羊下區脫縱橫看名王宵獵騎
火一川明笳鼓悲鳴遣人驚念腰間箭匣中劍空
埃蠹竟何成時易失心徒壯歲將零渺神京干羽方
懷遠靜烽燧且休兵冠蓋使紛馳驚若為情聞道中
原遺老常南望翠葆霓旌使行人到此忠憤氣填膺
有淚如傾 朝野遺記云安國在建康留守席
上賦此歌闋魏公為罷席而入

韓元吉

東風着意先上小桃枝紅粉膩嬌如醉倚朱扉記年
時隱映新粧面臨水岸春將半雲日暖斜陽轉夾城

西草軟沙平跛馬垂楊渡玉勒爭嘶認娥眉凝笑臉
薄拂胭脂綉戶曾窺恨依依昔携手處香如霧紅
隨步怨春遲消瘦損憑誰問只花知泪空垂舊日堂
前燕和煙雨又隻飛人自老春長好夢佳期前度劉
郎幾許風流地也應悲但茫茫暮靄目斷武陵溪往
事難追

驪山

李世英冠

淒涼綉嶺宮殿倚山阿明皇帝曾游地鎖烟蘿鬱嗟
峨憶昔真妃子艷傾國方姝麗朝復暮嬪嬙妬寵偏
頗三尺玉泉新浴蓮羞吐紅浸秋波聽花奴敲羯鼓

酣奏鳴鼙體不勝羅舞娑娑正霓裳曳驚烽燧千
萬騎擁瑤戈情宛轉魂空亂感雙蛾柰兵何痛惜三
春暮委妖麗馬嵬坡平寇亂回宸輦忍重過香瘞紫
囊猶有鴻都客鈿合應訛使行人到此千古只傷歌
事往愁多

夜半樂恨別

柳耆卿永

凍雲黯淡天氣扁舟一葉乘興離江渚渡萬壑千岩
越溪深處怒濤漸息樵風乍起更聞商旅相呼片帆
高舉泛畫鷁翩翩過南浦望中酒旆閃閃一簇煙村
數行霜樹殘日下漁人鳴榔歸去敗荷零落衰楊

掩映岸邊兩兩三三浣紗遊女避行客含羞相笑語
到此因念綉閣輕拋浪萍難駐嘆後約丁寧竟何據
慘離懷空恨歲晚歸期阻凝淚眼杳杳神京路斷鴻
聲遠長天暮

寶鼎現上

康伯可 興之

夕陽西下暮靄紅溢香風羅綺乘麗景華燈爭放濃
焰燒空連錦砌觀皓月浸嚴城如畫花影寒籠絳蘂
漸掩映芙蓉萬頃迤邐齊開秋水 太守無限行歌
意擁麾幢光動珠翠傾萬井歌臺舞榭瞻望朱輪駢
鼓吹控寶馬耀貔貅千騎銀燭交光數里似亂簇寒

居金本歌作闋

星萬點擁入蓬壺影裡 宴歌多才環艷粉瑤簪珠
履恐看看丹詔催奉宸遊燕侍便趁早占通宵醉緩
引笙歌妓任畫角吹老寒梅月滿西樓十二

中吳紀聞云范周字無外純古之子工於詩詞不
求聞達安貧樂道未嘗屈折於人盛季文作守時
頗媿士嘗於元宵作寶鼎現詞投之極蒙嘉獎因
遺酒五百壺其詞播於天下每遇燈夕諸郡皆歌
此之疑即

梅苑 失名

東君着意化工思被灼灼妖艷裊嫩梢輕落紫風惹
露偏早香英綻似向人故矜誇標致倚闌全如顧盼
尚困怯餘寒柔情弱態天真無限 斷橋壓柳時非

淺先百花風光獨占當送臘初歸迎春欲至芳姿偏
婉嫵料碎剪就繒紈輝麗更把胭脂重染自賦得一
般容冶宛勝神仙粧臉折近小閣幽窓酷愛處令
親几硯儘孜孜觀賞不枉人稱妙選待密密付如膏
雨澤仍粧點任擾擾百卉千花掩跡一時羞見

哨遍

董解元

太皞司春春工着意和氣生暘谷十里芳菲儘東風
絲絲柳搓金縷漸次第桃紅杏淺水綠山青春漲生
煙渚九日光陰能幾早鳴鳩呼嬾乳燕携雛亂紅
滿地任風吹飛絮蒙空有誰主春色三分半入池塘

半隨塵土滿地榆錢笑來難買春光任初夏永薰
風池館有藤床水簟紗幘日轉午脫巾散髮沉李浮
瓜寶扇搖紈素著甚消磨永日有掃愁竹葉侍寢青
奴霎時微雨送新涼些少金風退殘暑韶華早暗中
歸去

三臺

清明應制

万俟雅言

見梨花初帶夜月海棠半含朝雨內苑春不禁過青
門御溝漲潛通南浦東風靜細柳垂金縷望鳳闕非
烟非霧好時代朝野多懽徧九陌太平簫鼓乍鶯兒
百轉斷續燕子飛來飛去近綠水臺榭映鞦韆聞草

聚雙雙遊女 錫香更酒冷踏青路會暗識天桃朱
戶向晚驟寶馬雕鞍醉襟惹亂花飛絮正輕寒輕暖
漏永半陰半晴雲暮禁火天已是試新粧歲華到三
分佳處清明看漢宮傳蠟炬散翠烟飛入槐府斂兵
衛閭闔門開住傳宣又還休務

拋毬樂賞

柳耆卿 永

曉來天氣濃淡微雨輕洒近清明風絮巷陌煙草池
塘盡堪圖畫艷杏暖妝臉勻開弱柳困宮腰低亞是
處麗質盈盈巧笑嬉嬉爭簇秋千架戲綵毬羅綬金
鷄芥羽少年馳騁芳郊綠野占斷五陵遊奏脆管繁

居全本托作泥

絃聲和雅向名園深處爭托畫輪競羈寶馬 取次
羅列杯盤就芳樹綠影紅陰下舞婆娑歌宛轉髣髴
鶯嬌燕姹寸珠片玉爭似穠懽無價任他美酒十千
一斗飲竭仍解金貂貫恣幕天席地淘淘盡醉太平
且樂唐虞景化須信艷陽天看未足已覺鶯花謝對
綠蟻翠蛾怎生輕捨

哨遍

東坡 蘇軾

為米折腰因酒棄家口體交相累歸去來誰不遣君
歸覺從前皆非今是露未晞征夫指子歸路門前笑
語喧童稚嗟舊菊都荒新松暗老吾年今已如此但

居全本予作予

小牕容膝閉紫扉策杖看孤雲暮鴻飛雲出無心鳥
倦知還本非有意 噫歸去來兮我今忘我兼忘世
親戚無浪語琴書中有真味步翠麓崎嶇泛溪窈窕
涓涓暗谷流春水觀草木欣榮幽人自感吾生行且
休矣念寓形宇內復幾時不自覺皇皇欲何之委吾
心去留誰計神仙知在何處富貴非吾願但知臨水
登山嘯詠自引壺觴自醉此生天命更何疑且乘流
遇坎還止

春情

睡起畫堂銀蒜押簾珠幙雲垂地初雨歇洗出碧羅

唐金本暗作暖

天正溶溶養花天氣一霎暗風迴芳草榮光浮動捲
皺銀塘水方杏靨勻酥花鬚吐繡園林翠紅排比見
乳燕梢蝶過繁枝忽一綫爐香游絲畫永人閑獨立
斜陽曉來情味 便乘興携將佳麗深入芳菲裡撥
胡琴語輕橈慢撚揔伶俐看緊約羅裙急趣檀板霓
裳入破驚鴻起顰月臨眉醉霞橫臉歌聲悠揚雲際
任滿頭紅雨落花飛墜漸鴉鵲樓西玉蟾低尚徘徊
未盡歡意君看今古悠悠浮幻人間世這些百歲光
陰幾日三萬六千而已醉鄉路穩不妨行但人生要
適情耳

劉禹錫詩野草芳菲紅
錦地游絲掩亂碧羅天

唐金本天作人

居全本戚氏分
上中下三闋相
應喧喧為上闋
經歲遠延為中
闋抱影無眠為
下闋為作吟度
日如年四字在
思字下

管全本露字上
有明字研作研
本篇分作三闋
無上同

柳耆卿 戚氏

晚秋天一霎微雨灑庭軒
檻菊滿疎井桐零亂惹殘
烟淒然望鄉閨飛雲黯淡
夕陽間當時宋玉悲感向
此臨水與登山遠道迢遞
行人淒楚倦聽隴水潺湲
正蟬鳴敗葉蛩響衰草相
應喧喧孤館度日如年風
露漸變悄悄至更闌長天
靜絳河清淺皓月婵娟思
綿綿 夜永對景那堪屈指
暗想從前未名未祿綺陌
紅樓往往經歲遷延帝里
風光好當年少日暮宴朝
歡况有狂朋恠侶遇當歌
對酒竟留連別來迅景如
梭舊遊似夢煙水程何限
念利名憔悴長縈絆追

往事空慘愁顏漏箭移稍
覺輕寒聽鳴咽畫角數聲
殘對閑牕畔停針向曉抱
影無眠

東坡

玉龜山東皇靈媿統群仙
絳闕岩堯翠房深迥倚霏
烟幽閑志蕭然金城千里
鎖婵娟當時穆滿巡狩翠
華曾到海西邊風露霽鯨
波極目勢浮輿盖方圓正
迢迢麗日玄圃清寂瓊草
芊緜爭解繡勒香鞦鸞輅
駐驛八馬戲芝田瑤池近
畫樓隱隱翠鳥翩翩 肆
華筵間作管鳴絃宛若帝
所鈞天稚頭皓齒綠髮方
瞳圓極恬淡高研盡倒瓊
壺酒獻金昇藥固大椿年

居全本標作紗

縹縹飛瓊妙舞命雙成奏曲醉留連雲璈韻響寫寒
泉浩歌暢飲斜月低河漢漸漸綺霞天際紅深淺動
歸思迴首塵寰爛熳遊玉輦東還杏花風教里響鳴
鞭望長安路依稀柳色翠點春妍

李端叔跋云坡成氏詞叙穆天子西王母事蓋在
山中燕席間有歌此闕者坐客言調美而詞不典
以請于公公方觀山海經即叙其事為題使妓再
歌之隨其聲填寫歌竟篇就線點定五六字而已
親見其事云

勝州令

鄭意娘韓師厚妻

杏花正噴火朦朦微雨曉來初過夢回聽乳鶯調舌
紫燕競穿簾幕垂楊影裏粉墻映出鞦韆索對媚景

贏得雙眉鎖翠鬟信任艸誰更收梳掠 追思向日
共個人同携手畧無暫時拋墮到今似海角天涯無
由見得則个番思往事上心向他誰行訴却會舊歡
淚滴真珠顆意中人未覩覺鳳幃冷落 都是唵啜
錯被他閑言伏語啜做到此近四五千裡為水遠山
遙聞當初曾言盡老更不重婚却甚鎮日共人同歡
樂傅粉在那裏肯念人寂寞 終待把雲牋細寫把
衷腸盡摠說破問伊怎下得憐新弃舊頓乖盟約可
憐命掩黃泉細尋思都為它一个你忒煞虧我

居全本開作廊

鶯啼序長橋

黃在軒

居金本間作間
沉作沆片片歸
帆下空四格情
字下空一格均
未註出取字下
有春字總字下
無把字

銀雲捲晴縹緲卧長龍一帶柳絲蘸幾簇柔煙两市
簾棟如畫芳草岸灣環半玉鱗鱗曲港雙流會看碧
天連水翻成箭樣風快 白露橫江一葦萬頃間靈
槎何在空翠濕衣不勝寒日華金掌沉瀝梵花平綠
紋襯步瓊田湧出神仙界黛眉脩依約霧鬟在秋波
外。閣噓青蜃檐啄彩虹飛蓋蹴鰲背燈火暮相輪倒
景隄睇別浦片片歸帆舞蛟幽壑棲鴉古木有人剪
取江水憶細鱗巨口魚堪膾波涵笠澤時見靜影浮
光霏陰萬貌千態 兼葭深處應有閑鷗寄語休見
猜洗却香紅塵面買箇扁舟身世飄萍名利微芥攔

千拍遍除東曹椽與天隨子是我輩儘曾中著得乾
坤大亭前無限鶻濤總把遙岑月明滿載

壽胡存齋

趙青山文

初荷一番濯雨錦雲紅尚捲隘華屋賦客吟仙候望
南極天遠還報道飄然紫氣山竒水勝都行徧却歸
來領客水晶庭院開宴 窓戶青紅正似京洛按笙
歌一片似別有金屋佳人桃根桃葉清婉倚薰風虬
鬚正綠人似玉手接紈扇美風流只有蓬瀛畫圖曾
見 誰知老子正自蕭然於此興頗淺只擬問金砂
玉藥充髓烏肝偃月爐中七還九轉今來古往悠悠

史傳神仙本是英雄做笑英雄到此多留戀
看破曉耕龍跨海騎鯨千年依舊丹臉
便教乞與萬里封侯柰朔風如箭又何似六山一任種竹栽花棋局
思量墨池揮染天還記得生賢初意乾坤正要人撐
拄便公能安隱天寧肯待看佐漢功成伴赤松遊
時未晚

花草粹編卷之十二終

花草粹編前明陳伯所輯唐宋元人詞也世少傳本長夏做
抄本于王吉甫抄本冬復假瞿穎山妯丈請於閣藏本始見原
刻分卷十二以樂府排選為卷首惟其署姓氏或書名或書字或
見於何書即載書名頗惜其體例未善因編查竅成或署其
無可考及疑信參半者仍依原本書字其見于何書者皆小字
注後而署夫名于前庶幾體例如一云若折十二卷為二十四卷
則從玉君藏本也
咸豐七年太歲在強圉大荒落余月三望錢唐金純武識